

Jātakapāḷi-1 : 1 - 1400

1. Apaṇṇakaṃ (1.0001) ṭhānameke, dutiyaṃ āhu takkikā;
etadaññāya medhāvī, taṃ gaṇhe yadapaṇṇakanti §.

Apaṇṇakajātakaṃ paṭhamaṃ.

2. Vaṇṇupathajātakaṃ

2. Akilāsuno vaṇṇupathe § khaṇantā, udaṅgaṇe tattha papaṃ avindum.
evaṃ munī vīriya § balūpapanno, akilāsu vinde hadayassa santinti.

Vaṇṇupathajātakaṃ dutiyaṃ.

3. Serivavāṇijajātakaṃ

3. Idha (1.0002) ce naṃ § virādhesi, saddhammassa niyāmataṃ §.
ciraṃ tvaṃ anutappesi §, serivāyaṃva vāṇijoti.

Serivavāṇijajātakaṃ tatiyaṃ.

4. Cūḷasetṭhijātakaṃ

4. Appakenapi medhāvī, pābhatena vicakkhaṇo;
samuṭṭhāpeti attānaṃ, aṇuṃ aggaṃva sandhamanti.

Cūḷa § setṭhijātakaṃ catutthaṃ.

5. Taṇḍulanāḷijātakaṃ

5. § Kimagghati taṇḍulanāḷikāya, assāna mūlāya vadehi rāja §.
bārāṇasiṃ santarabāhirato §, ayamagghati taṇḍulanāḷikāti §.

Taṇḍulanāḷijātakaṃ pañcamaṃ.

6. Devadhammajātakaṃ

6. Hiri-ottappasampannā, sukkadhammasamāhitā;
santo sappurisā loke, devadhammāti vuccareti.

Devadhammajātakam chaṭṭham.

7. Kaṭṭhahārijātakam

7. Putto tyāham mahārāja, tvaṃ maṃ posa janādhipa;
aññepi devo poseti, kiñca § devo sakaṃ pajanti.

Kaṭṭhahāri § jātakam sattamaṃ.

8. Gāmaṇijātakam

8. Api (1.0003) ataramānānam, phalāsāva samijjhati;
vipakkabrahmacariyosmi, evaṃ jānāhi gāmaṇīti.

Gāmaṇijātakam aṭṭhamaṃ.

9. Maghadevajātakam

9. Uttamaṅgaruhā mayham, ime jātā vayoharā;
pātubhūtā devadūtā, pabbajjāsamayo mamāti.

Maghadeva § jātakam navamaṃ.

10. Sukhavihārijātakam

10. Yañca aññe na rakkhanti, yo ca aññe na rakkhati;
sa ve rāja sukhaṃ seti, kāmesu anapekkhavāti.

Sukhavihārijātakam dasamaṃ.

Apaṇṇakavaggo paṭhamo.

Tassuddānam-

Varāpaṇṇaka vaṇṇupatha serivaro, suvicakkhaṇa taṇḍulanāḷikassā;
hiri puttavaruttagāmaṇinā, yo ca na rakkhati tena dasāti.

2. Sīlavaggo

11. Lakkhaṇamigajātakaṃ

11. Hoti sīlavataṃ attho, paṭisanthāra Ṣ vuttinaṃ.
lakkhaṇaṃ passa āyantaṃ, ñātisaṅghapurakkhataṃ Ṣ.
atha passasimaṃ kāḷaṃ, suvihīnaṃva ñātibhīti.

Lakkhaṇamigajātakaṃ paṭhamaṃ.

12. Nigrodhamigajātakaṃ

12. Nigrodhameva (1.0004) seveyya, na sākhamupasaṃvase;
nigrodhasmiṃ mataṃ seyyo, yañce sākhasmi Ṣ jīvanti.

Nigrodhamigajātakaṃ dutiyaṃ.

13. Kaṇḍijātakaṃ

13. Dhiratthu kaṇḍinaṃ sallaṃ, purisaṃ gāḷhavedhinaṃ;
dhiratthu taṃ janapadaṃ, yatthitthī pariṇāyikā;
te cāpi dhikkitaṃ Ṣ sattā, ye itthīnaṃ vasamgatāti.

Kaṇḍijātakaṃ tatiyaṃ.

14. Vātamigajātakaṃ

14. Na kiratthi rasehi pāpiyo, āvāsehi va Ṣ santhavehi vā.
vātamigaṃ gahananissitaṃ Ṣ, vasamānesi rasehi sañjayoti.

Vātamigajātakaṃ catutthaṃ.

15. Kharādiyajātakaṃ

15. Aṭṭhakkhuraṃ kharādiye, migam vaṅkātivāṅkinaṃ;
sattahi kālātikkantaṃ Ṣ, na naṃ ovaditussaheti.

Kharādiyajātakaṃ pañcamaṃ.

16. Tipallatthamigajātakaṃ

16. Migam (1.0005) tipallattha § manekamāyaṃ, aṭṭhakkhuraṃ aḍḍharattāpa-pāyimaṃ §.
ekena sotena chamāssasanto, chahi kalāhitibhoti § bhāgineyyoti.

Tipallatthamigajātakaṃ chaṭṭham.

17. Mālutajātakaṃ

17. Kāḷe vā yadi vā juṇhe, yadā vāyati māluto;
vātajāni hi sītāni, ubhotthamaparājītāti.

Mālutajātakaṃ sattamaṃ.

18. Matakabhattajātakaṃ

18. Evaṃ ce sattā jāneyyumaṃ, dukkhāyaṃ jātisambhavo;
na pāṇo pāṇinaṃ haññe, pāṇaghātī hi socatīti.

Matakabhattajātakaṃ aṭṭhamaṃ.

19. Āyācitabhattajātakaṃ

19. Sace mucce § pecca mucce §, muccamāno hi bajjhati.
na hevaṃ dhīrā muccanti, mutti bālassa bandhananti.

Āyācitabhattajātakaṃ navamaṃ.

20. Naḷapānajātakaṃ

20. Disvā padamanuttiṇṇaṃ, disvānotaritaṃ padaṃ;
naḷena vāriṃ pissāma §, neva § maṃ tvaṃ vadhissasīti.

Naḷapānajātakaṃ dasamaṃ.

Sīlavaggo dutiyo.

Tassuddānaṃ-

Atha (1.0006) lakkhaṇa sākha dhiratthu puna, na

kiratthi rasehi kharādiyā;
atibhoti vara § māluta pāṇa, muccena naḷa-avhayanena bhavanti dasāti.

3. Kuruṅgavaggo

21. Kuruṅgamigajātakaṃ

21. Ñātameṭaṃ kuruṅgassa, yaṃ tvaṃ sepaṇṇi siyyasi §.
aññaṃ sepaṇṇi gacchāmi, na me te ruccate phalanti.

Kuruṅgamigajātakaṃ paṭhamaṃ.

22. Kukkurajātakaṃ

22. Ye kukkurā rājakulamhi vaddhā, koleyyakā vaṇṇabalūpapannā;
teme na vajjhā mayamasma vajjhā, nāyaṃ saghaccā dubbalaghātikāyanti.

Kukkurajātakaṃ dutiyaṃ.

23. Gojānīyajātakaṃ

23. Api passena semāno, sallebhi sallalīkato;
seyyova vaḷavā gojo §, yuñja maññeva sārathīti.

Gojānīya § jātakaṃ tatiyaṃ.

24. Ājaññajātakaṃ

24. Yadā yadā yattha yadā, yattha yattha yadā yadā;
ājañño kurute vegamaṃ, hāyanti tattha vāḷavāti.

Ājaññajātakaṃ catutthaṃ.

25. Tittajātakaṃ

25. Aññamaññehi (1.0007) titthehi, assaṃ pāyehi sārathī;
accāsanassa puriso, pāyāsassapi tappatīti.

Titthajātakaṃ pañcamaṃ.

26. Mahiḷāmukhajātakaṃ

26. Purāṇacorāna vaco nisamma, mahiḷāmukho pothayamanvacārī;
susaññatānañhi vaco nisamma, gajuttamo sabbaguṇesu aṭṭhāti.

Mahiḷāmukhajātakaṃ chaṭṭhaṃ.

27. Abhiṇhajātakaṃ

27. Nālaṃ kabaḷaṃ padātave, na ca piṇḍaṃ na kuse na ghaṃsituṃ;
maññāmi abhiṇhadassanā, nāgo snehamakāsi § kukkureti.

Abhiṇhajātakaṃ sattamaṃ.

28. Nandivīsālajātakaṃ

28. Manuññameva bhāseyya, nāmanuññaṃ kudācanaṃ;
manuññaṃ bhāsamānassa, garuṃ bhāraṃ udaddhari;
dhanañca naṃ alābhesi, tena cattamano ahūti.

Nandivīsālajātakaṃ aṭṭhamaṃ.

29. Kaṇhajātakaṃ

29. Yato yato garu dhuraṃ, yato gambhīravattanī;
tadāssu kaṇhaṃ yuñjanti, svāssu taṃ vahate dhuranti.

Kaṇhajātakaṃ navamaṃ.

30. Munikajātakaṃ

30. Mā (1.0008) munikassa pihayi, āturannāni bhuñjati;
apossukko bhusaṃ khāda, etaṃ dīghāyulakkhaṇanti.

Munikajātakaṃ dasamaṃ.

Kuruṅgavaggo tatiyo.

Tassuddānaṃ-

Kuruṅgassa kukkuragojavaro, puna vāḷavassasirivhayano §.
maḥiḷā mukhanā manuñṅavaro, vahate dhura munikena dasāti.

4. Kulāvakaṅgavaggo

31. Kulāvakajātakaṃ

31. Kulāvakā mātali simbalismiṃ, īsāmukhena parivajjayassu;
kāmaṃ cajāma asuresu pāṇaṃ, mā me dijā vikkulavā § ahesunti.

Kulāvakajātakaṃ paṭhamaṃ.

32. Naccajātakaṃ

32. Rudaṃ manuñṅaṃ rucirā ca piṭṭhi, veḷuriyavaṇṇūpanibhā § ca gīvā.
byāmamattāni ca pekhuṇāni, naccena te dhītaraṃ no dadāmi.
Naccajātakaṃ dutiyaṃ.

33. Sammodamānajātakaṃ

33. Sammodamānā (1.0009) gacchanti, jālamādāya pakkhino;
yadā te vivadissanti, tadā ehinti me vasanti.

Sammodamānajātakaṃ tatiyaṃ.

34. Macchajātakaṃ

34. Na maṃ sītaṃ na maṃ uṇhaṃ, na maṃ jālasmi bādhanaṃ;
yañca maṃ mañṅate macchī, añṅaṃ so ratiyā gatoti.
Macchajātakaṃ catutthaṃ.

35. Vaṭṭakajātakaṃ

35. Santi pakkhā apatanā, santi pādā avañcanā;

mātāpitā ca nikkhantā, jātaveda paṭikkamāti.

Vaṭṭakajātakaṃ pañcamaṃ.

36. Sakuṇajātakaṃ

36. Yaṃ nissitā jagatiruhaṃ vihaṅgamā, svāyaṃ aggiṃ pamuñcati;
disā bhajatha vakkaṅgā §, jātaṃ saraṇato bhayanti.

Sakuṇajātakaṃ chaṭṭhaṃ.

37. Tittirajātakaṃ

37. Ye vuḍḍha § mapacāyanti, narā dhammassa kovidā;
diṭṭheva dhamme pāsaṃsā, samparāye ca sugatīti.

Tittirajātakaṃ sattamaṃ.

38. Bakajātakaṃ

38. Nāccantaṃ nikatippañño, nikatyā sukhamedhati;
ārādheti nikatippañño §, bako kakkaṭakāmivāti.

Bakajātakaṃ aṭṭhamaṃ.

39. Nandajātakaṃ

39. Maññe (1.0010) sovaṇṇayo rāsi, soṇṇamālā ca nandako;
yattha dāso āmajāto, ṭhito thullāni § gajjatīti.

Nandajātakaṃ navamaṃ.

40. Khadiraṅgārajātakaṃ

40. Kāmaṃ patāmi nirayaṃ, uddhaṃpādo avaṃsiro;
nānariyaṃ karissāmi, handa piṇḍaṃ paṭiggahāti.

Khadiraṅgārajātakaṃ dasamaṃ.

Kulāvakaṃ catuttho.

Tassuddānaṃ-

Sirimātali dhītara pakkhivaro, ratiyāgato mātāpitā ca puna;
Jagatīruha vuḍḍha sukakkaṭako, tathā nandakapiṇḍavarena dasāti.

5. Atthakā mavaggo

41. Losakajātakam

41. Yo atthakāmassa hitānukampino, ovajjamāno na karoti sāsanaṃ;
ajiyā pādamolamba Ṣ, mittako viya socatīti.

Losakajātakam paṭhamaṃ.

42. Kapotajātakam

42. Yo (1.0011) atthakāmassa hitānukampino, ovajjamāno na karoti sāsanaṃ;
kapotakassa vacanaṃ akatvā, amittahatthathagatova setīti.

Kapotajātakam dutiyaṃ.

43. Veḷukajātakam

43. Yo atthakāmassa hitānukampino, ovajjamāno na karoti sāsanaṃ;
evaṃ so nihato seti, veḷukassa yathā pitāti.

Veḷukajātakam tatiyaṃ.

44. Makasajātakam

44. Seyyo amitto matiyā upeto, na tveva mitto mativippahīno;
makasaṃ vadhissanti hi eḷamūgo, putto pitu abbidā uttamaṅganti.

Makasajātakam catutthaṃ.

45. Rohiṇijātakam

45. Seyyo amitto medhāvī, yañce bālānukampako;
passa rohiṇikaṃ jammaṃ, mātaraṃ hantvāna socatīti.

Rohiṇijātakam pañcamaṃ.

46. Ārāmadūsakajātakam

46. Na ve anattakusalena, atthacariyā sukhāvahā;
hāpeti attham dummedho, kapi ārāmiko yathāti.

Ārāmadūsakajātakam chaṭṭham.

47. Vāruṇidūsakajātakam

47. Na (1.0012) ve anattakusalena, atthacariyā sukhāvahā;
hāpeti attham dummedho, koṇḍañño vāruṇiṃ yathāti.

Vāruṇidūsakajātakam sattamaṃ.

48. Vedabbajātakam

48. Anupāyena yo attham, icchatī so vihaññati;
cetā haniṃsu vedabbaṃ §, sabbe te byasanamajjhagūti.

Vedabba § jātakam aṭṭhamaṃ.

49. Nakkhattajātakam

49. Nakkhattam paṭimānentam, attho bālam upaccagā;
attho atthassa nakkhattam, kiṃ karissanti tārakāti.

Nakkhattajātakam navamaṃ.

50. Dummedhajātakam

50. Dummedhānam sahasena, yañño me upayācīto;
idāni khoḥam yajissāmi, bahu § adhammiko janoti.

Dummedhajātakam dasamaṃ.

Atthakāmvaggo pañcavo.

Tassuddānaṃ-

Atha mittaka mātu kapotavaro, tathā veḷūka eḷamūgo rohiṇī;
kapi vāruṇi cetacarā ca puna, tathā tāraka yaññavarena dasāti.

Paṭhamo paṇṇāsako.

6. Āsīsavaggo

51. Mahāsīlavajātakaṃ

51. Āsīsetheva (1.0013) Ṣ puriso, na nibbindeyya paṇḍito.
passāmi vohaṃ attānaṃ, yathā icchiṃ tathā ahūti.

Mahāsīlavajātakaṃ paṭhamaṃ.

52. Cūḷajanakajātakaṃ

52. Vāyametheva puriso, na nibbindeyya paṇḍito;
passāmi vohaṃ attānaṃ, udakā thalamubbhatanti.

Cūḷajanakajātakaṃ dutiyaṃ.

53. Puṇṇapātijātakaṃ

53. Tatheva puṇṇā pātiyo, aññāyaṃ vattate kathā;
ākāraṇena Ṣ jānāmi, na cāyaṃ bhaddikā surāti.

Puṇṇapātijātakaṃ tatiyaṃ.

54. Kimphalajātakaṃ

54. Nāyaṃ rukkho durāruho, napi gāmato ārakā;
ākāraṇena jānāmi, nāyaṃ sāduphalo dumoti.

Kimphalajātakaṃ catutthaṃ.

55. Pañcāvudhajātakaṃ

55. Yo alīnena cittena, alīnamanaso naro;
bhāveti kusalaṃ dhammaṃ, yogakkhemassa pattiyā;
pāpuṇe anupubbena, sabbasaṃyojanakkhayanti.

Pañcāvudhajātakaṃ pañcamaṃ.

56. Kañcanakkhandhajātakaṃ

56. Yo (1.0014) pahaṭṭhena cittena, pahaṭṭhamaṃ naro;
bhāveti kusalaṃ dhammaṃ, yogakkhemassa pattiyā;
pāpuṇe anupubbena, sabbasaṃyojanakkhayanti.

Kañcanakkhandhajātakaṃ chaṭṭhaṃ.

57. Vānarindajātakaṃ

57. Yassete caturo dhammā, vānarinda yathā tava;
saccaṃ dhammo dhiti § cāgo, diṭṭhaṃ so ativattatīti.

Vānarindajātakaṃ sattamaṃ.

58. Tayodhammajātakaṃ

58. Yassete ca § tayo dhammā, vānarinda yathā tava.
dakkhiyaṃ sūriyaṃ paññā, diṭṭhaṃ so ativattatīti.

Tayodhammajātakaṃ aṭṭhamaṃ.

59. Bherivādakajātakaṃ

59. Dhame dhame nātidhame, atidhantañhi pāpakaṃ;
dhantena hi sataṃ laddhaṃ, atidhantena nāsitanti.

Bherivādakajātakaṃ navamaṃ.

60. Saṅkhadhamajātakaṃ

60. Dhame dhame nātidhame, atidhantañhi pāpakaṃ;
dhantenādhigatā bhogā, te tāto vidhamī dhamanti.

Saṅkhadhamajātakaṃ dasamaṃ.

Āsīsavaggo chaṭṭho.

Tassuddānaṃ-

Yathā (1.0015) icchiṃ tathāhudakā thalā, sura

sāduphalo ca alīnamano;
sampahaṭṭhamano caturo ca tayo, sataladdhaka bhogadhanena dasāti.

7. Itthivaggo

61. Asātamantajātakaṃ

61. Asā lokitthiyo nāma, velā tāsamaṃ na vijjati;
sārattā ca pagabbhā ca, sikhī sabbaghaso yathā;
tā hitvā pabbajissāmi, vivekamanubrūhayanti.

Asātamantajātakaṃ paṭhamaṃ.

62. Aṇḍabhūtajātakaṃ

62. Yaṃ brāhmaṇo avādesi, vīṇaṃ samukhaveṭṭhito;
aṇḍabhūtā bhatā bhariyā, tāsu ko jātu vissaseti.

Aṇḍabhūtajātakaṃ dutiyaṃ.

63. Takkapaṇḍitajātakaṃ

63. Kodhanā akataññū ca, pisuṇā mittabhedikā §.
brahmacariyaṃ cara bhikkhu, so sukhaṃ na vihāhasīti §.

Takkapaṇḍitajātakaṃ § tatiyaṃ.

64. Durājānajātakaṃ

64. Mā su nandi icchatī maṃ, mā su soci na micchatī §.
thīnaṃ bhāvo durājāno, macchassevodake gatanti.

Durājānajātakaṃ catutthaṃ.

65. Anabhiratijātakaṃ

65. Yathā (1.0016) nadī ca pantho ca, pānāgāraṃ sabhā papā;
evaṃ lokitthiyo nāma, nāsaṃ kujjhanti paṇḍitāti.

Anabhiratijātakam pañcamaṃ.

66. Mudulakkhaṇajātakam

66. Ekā icchā pure āsi, aladdhā mudulakkhaṇam;
yato laddhā aḷārakkhī, icchā iccham vijāyathāti.

Mudulakkhaṇajātakam chaṭṭham.

67. Ucchaṅgajātakam

67. Ucchaṅge deva me putto, pathe dhāvantiyā pati;
tañca desam na passāmi, yato sodariyamānayeti §.

Ucchaṅgajātakam sattamaṃ.

68. Sāketajātakam

68. Yasmiṃ mano nivasati, cittañcāpi § pasīdati.
adiṭṭhapubbake pose, kāmam tasmimpi vissaseti.

Sāketajātakam aṭṭhamaṃ.

69. Visavantajātakam

69. Dhiratthu taṃ visam vantaṃ, yamahaṃ jīvitakāraṇā;
vantaṃ paccāvamissāmi §, mataṃ me jīvitā varanti.

Visavantajātakam navamaṃ.

70. Kuddārajātakam

70. Na taṃ jitaṃ sādhu jitaṃ, yaṃ jitaṃ avajīyati;
taṃ kho jitaṃ sādhu jitaṃ, yaṃ jitaṃ nāvajīyatīti.

Kuddārajātakam dasamaṃ.

Itthivaggo sattamo.

Tassuddānaṃ-

Sikhīsabbaghasopi (1.0017) ca viṇavaro, pisuṇā mittabhedikā nandī nadī;
mudulakkhaṇa sodariyā ca mano, visa sādhujitena bhavanti dasāti.

8. Varuṇavaggo

71. Varuṇajātakaṃ

71. Yo pubbe karaṇīyāni, pacchā so kātumicchati;
varuṇakaṭṭha § bhañjova, sa pacchā manutappatīti.

Varuṇajātakaṃ paṭhamaṃ.

72. Sīlavahatthijātakaṃ

72. Akataññussa posassa, niccaṃ vivaradassino;
sabbaṃ ce pathaviṃ § dajjā, neva naṃ abhirādhayeti.

Sīlavahatthijātakaṃ dutiyaṃ.

73. Saccaṃkirajātakaṃ

73. Saccaṃ kirevamāhaṃsu, narā ekacciyā idha;
kaṭṭhaṃ niplavitaṃ § seyyo, na tvevekacciyo naroti.

Saccaṃkirajātakaṃ tatiyaṃ.

74. Rukkhadhammajātakaṃ

74. Sādhū sambahulā ñātī, api rukkhā araññajā;
vāto vahati ekaṭṭhaṃ, brahantampi vanappatinti.

Rukkhadhammajātakaṃ catutthaṃ.

75. Macchajātakaṃ

75. Abhitthanaya (1.0018) pajjunna, nidhiṃ kākassa nāsaya;
kākaṃ sokāya randhehi, mañca sokā pamocayāti.

Macchajātakaṃ pañcamaṃ.

76. Asañkiyajātakaṃ

76. Asañkiyomhi gāmamhi, araññe natthi me bhayaṃ;
ujuṃ maggaṃ samārūḷho, mettāya karuṇāya cāti.

Asañkiyajātakaṃ chaṭṭhaṃ.

77. Mahāsupinajātakaṃ

77. Usabhā rukkhā gāviyo gavā ca, asso kaṃso siṅgālī § ca kumbho.
pokkharañi ca apākacandanam, lābūni sīdanti silā plavanti.
Maṇḍūkiyo kaṇhasappe gilanti, kākaṃ supañṇā parivārayanti;
tasā vakā eḷakānaṃ bhayāhi, vipariyāso § vattati nayidha matthīti.

Mahāsupinajātakaṃ sattamaṃ.

78. Illisajātakaṃ

78. Ubho khañjā ubho kuṇi, ubho visamacakkhukā §.
ubhinnaṃ piḷakā § jātā, nāhaṃ passāmi illisanti.

Illisajātakaṃ aṭṭhamaṃ.

79. Kharassarajātakaṃ

79. Yato (1.0019) viluttā ca hatā ca gāvo, daḍḍhāni gehāni jano ca nīto;
athāgamā puttahatāya putto, kharassaraṃ diṇḍimaṃ § vādayantoti.

Kharassarajātakaṃ navamaṃ.

80. Bhīmasenajātakaṃ

80. Yaṃ te pavikatthitaṃ pure, atha te pūṭisarā sajanti pacchā;
ubhayaṃ na sameti bhīmasena, yuddhakathā ca idaṅca te vihaññanti.

Bhīmasenajātakaṃ dasamaṃ.

Varuṇavaggo § atṭhamo.

Tassuddānaṃ-

Varuṇā akataññūvare tu saccavaraṃ, savanappatinā ca abhitthanaya;
karuṇāya silāplava illisato, puna ñiṇḍimapūtisarena dasāti.

9. Apāyimhavaggo

81. Surāpānajātakaṃ

81. Apāyimha anaccimha, agāyimha rudimha ca;
visaññikaraṇiṃ pitvā §, diṭṭhā nāhumha vānarāti.

Surāpānajātakaṃ paṭhamaṃ.

82. Mittavindakajātakaṃ

82. Atikkamma (1.0020) ramaṇakaṃ, sadāmatṭaṅca dūbhakaṃ;
svāsi pāsāṇamāsīno, yasmā jīvaṃ na mokkhasīti.

Mittavindakajātakaṃ dutiyaṃ.

83. Kālakaṇṇijātakaṃ

83. Mitto have sattapadena hoti, sahāyo pana dvādasakena hoti;
māsaḍḍhamāsenā ca ñāti hoti, tatuttariṃ attasamopi hoti;
sohaṃ kathaṃ attasukhassa hetu, ciraśanthutaṃ § kāḷakaṇṇiṃ jaheyyanti.

Kālakaṇṇijātakaṃ tatiyaṃ.

84. Atthassadvārajātakaṃ

84. Ārogyamicche paramaṅca lābhaṃ, sīlaṅca vuddhānumataṃ sutaṅca;
dhammānūvattī ca alīnatā ca, atthassa dvārā pamukhā chaḷeteti.

Atthassadvārajātakaṃ catutthaṃ.

85. Kiṃpakkajātakaṃ

85. Āyatimaṃ dosaṃ nāññāya, yo kāme paṭisevati;
vipākante hananti naṃ, kiṃpakkamiva bhakkhanti.

Kiṃpakkajātakaṃ pañcamaṃ.

86. Sīlavīmaṃsakajātakaṃ

86. Sīlaṃ kireva kalyāṇaṃ, sīlaṃ loke anuttaraṃ;
passa ghoraviso nāgo, sīlavāti na haññatīti.

Sīlavīmaṃsakajātakaṃ chaṭṭhaṃ.

87. Maṅgalajātakaṃ

87. Yassa (1.0021) maṅgalā samūhatāse Ṣ, uppātā Ṣ supinā ca lakkhaṇā ca.
so Ṣ maṅgaladosavītivatto, yugayogādhigato na jātumetīti.

Maṅgalajātakaṃ sattamaṃ.

88. Sārambhajātakaṃ

88. Kalyāṇimeva muñceyya, na hi muñceyya pāpikaṃ;
mokkho kalyāṇiyā sādhu, mutvā tappati pāpikanti.

Sārambhajātakaṃ aṭṭhamaṃ.

89. Kuhakajātakaṃ

89. Vācāva kira te āsi, saṇhā sakhilabhāṇino;
tiṇamatte asajjittho, no ca nikkhasataṃ haranti.

Kuhakajātakaṃ navamaṃ.

90. Akataññujātakaṃ

90. Yo pubbe katakalyāṇo, katattho nāvabujjhati;
pacchā kicce samuppanne, kattāraṃ nādhigacchatīti.

Akataññujātakaṃ dasamaṃ.

Apāyimhavaggo navamo.

Tassuddānaṃ-

Apāyimha ca dūbhakaṃ sattapadaṃ, chaḷadvara ca āyatinā ca puna;
ahisīlava maṅgali pāpikassā, sataṃnikkha katatthavarena dasāti.

10. Littavaggo

91. Littajātakaṃ

91. Littam (1.0022) paramena tejasā, gilamakkhaṃ puriso na bujjhati;
gila re gila pāpadhuttaka, pacchā te kaṭukaṃ bhavissatīti.

Littajātakaṃ paṭhamaṃ.

92. Mahāsārajātakaṃ

92. Ukkaṭṭhe sūramicchanti, mantīsu akutūhalaṃ;
piyañca annapānamhi, atthe jāte ca paṇḍitanti.

Mahāsārajātakaṃ dutiyaṃ.

93. Visāsabhojanajātakaṃ

93. Na vissase avissatthe, vissatthe pi na vissase;
vissāsā bhayamanveti, sīhaṃva migamātukāti §.

Visāsabhojanajātakaṃ tatiyaṃ.

94. Lomaḥṣajātakaṃ

94. Sotatto sosindo § ceva, eko bhiṃsanake vane.

naggo na caggimāsīno, esanāpasuto muniti.

Lomahaṃsajātakaṃ catutthaṃ.

95. Mahāsudassanajātakaṃ

95. Aniccā vata saṅkhārā, uppādavayadhammino;
uppajjitvā nirujjhanti, tesam vūpasamo sukhoti.

Mahāsudassanajātakaṃ pañcamaṃ.

96. Telapattajātakaṃ

96. Samatittikaṃ anavasekaṃ, telapattaṃ yathā parihareyya;
evaṃ sacittamanurakkhe, patthayāno disaṃ agatapubbanti.

Telapattajātakaṃ chaṭṭhaṃ.

97. Nāmasiddhijātakaṃ

97. Jīvakañca (1.0023) mataṃ disvā, dhanapāliñca duggataṃ;
panthakañca vane mūḷhaṃ, pāpako punarāgatoti.

Nāmasiddhijātakaṃ sattamaṃ.

98. Kūṭavāṇijajātakaṃ

98. Sādhu kho paṇḍito nāma, na tveva atipaṇḍito;
atipaṇḍitena puttena, manamhi upakūḷitoti §.

Kūṭavāṇijajātakaṃ aṭṭhamaṃ.

99. Parosahassajātakaṃ

99. Parosahassampi samāgatānaṃ, kandeyyumaṃ te vassasataṃ apaññā;
ekova seyyo puriso sapañño, yo bhāsitassa vijānāti atthanti.

Parosahassajātakam navamaṃ.

100. Asātarūpajātakam

100. Asātaṃ sātarūpena, piyarūpena appiyaṃ;
dukkhaṃ sukhassa rūpena, pamattamativattatīti.

Asātarūpajātakaṃ dasamaṃ.

Littavaggo dasamo.

Tassuddānaṃ-

Gilamakkhakutūhala mātukassā, muninā ca aniccata pattavaraṃ;
dhanapālivaro atipaṇḍitako, sapaṇḍitako, sapaṇḍitako, sapaṇḍitako, sapaṇḍitako, sapaṇḍitako.

Majjhimo paṇṇāsako.

11. Parosatavaggo

101. Parosatajātakaṃ

101. Parosataṃ (1.0024) cepi samāgatānaṃ, jhāyeyyūṃ te vassasataṃ apaññā.
ekova seyyo puriso sapañño, yo bhāsitassa vijānāti atthanti.

Parosatajātakaṃ paṭhamaṃ.

102. Paṇṇikajātakaṃ

102. Yo dukkhaphuṭṭhāya bhaveyya tāṇaṃ, so me pitā dubbhi Ṣ vane karoti.
sā kassa kandāmi vanassa majjhe, yo tāyitā so sahasaṃ Ṣ karotīti.

Paṇṇikajātakaṃ dutiyaṃ.

103. Verijātakaṃ

103. Yattha verī nivisati Ṣ, na vase tattha paṇḍito;
ekarattaṃ dirattaṃ vā, dukkhaṃ vasati verisūti.

Verijātakaṃ tatiyaṃ.

104. Mittavindakajātakaṃ

104. Catubbhi aṭṭhajjhagamā, aṭṭhāhipi ca soḷasa;
soḷasāhi ca bāttiṃsa §, atricchamaṃ cakkamāsado.
icchāhatassa posassa, cakkamaṃ bhamati matthaketi.

Mittavindakajātakaṃ catutthaṃ.

105. Dubbalakaṭṭhajātakaṃ

105. Bahumpetaṃ (1.0025) vane kaṭṭhaṃ, vāto bhañjati dubbalaṃ;
tassa ce bhāyasī nāga, kiso nūna bhavissasīti.

Dubbalakaṭṭhajātakaṃ pañcamaṃ.

106. Udañcanijātakaṃ

106. Sukhaṃ vata maṃ jīvantaṃ §, pacamānā udañcanī;
corī jāyappavādena, telaṃ loṇaṅca yācatīti.

Udañcanijātakaṃ chaṭṭhaṃ.

107. Sālittakajātakaṃ

107. Sādhu kho sippakaṃ nāma, api yādisa kīdisaṃ;
passa khañjappahārena, laddhā gāmā catuddisīti.

Sālittakajātakaṃ sattamaṃ.

108. Bāhiyajātakaṃ

108. Sikkheyya sikkhitabbāni, santi tacchandino § janā.
bāhiyā hi § suhannena, rājānamabhirādhayīti.

Bāhiyajātakaṃ aṭṭhamaṃ.

109. Kuṇḍapūvajātakaṃ

109. Yathanno puriso hoti, tathannā tassa devatā;

āharetam kuṇḍapūvaṃ §, mā me bhāgaṃ vināsayāti.

Kuṇḍapūvajātakaṃ navamaṃ.

110. Sabbasaṃhārakapañhajātakaṃ

110. Sabbasaṃhārako (1.0026) § natthi, suddhaṃ kaṅgu pavāyati.
alikaṃ bhāyatiyaṃ dhuttī, saccamāha mahallikāti.

Sabbasaṃhārakapañhajātakaṃ dasamaṃ.

Parosatavaggo ekādasamo.

Tassuddānaṃ-

Saparosata tāyita verī puna, bhamacakkatha nāgasirivhayano;
sukhakañca vata sippaka bāhiyā, kuṇḍapūva mahallikakā ca dasāti.

12. Haṃcivaggo

111. Gadrabhapañhajātakaṃ

111. Haṃci § tuvaṃ evamaññasi seyyo, puttena pitāti rājasetṭha;
handassarassa te ayaṃ, assatarassa hi gadrabho pitāti.

Gadrabhapañhajātakaṃ paṭhamaṃ.

112. Amarādevīpañhajātakaṃ

112. Yena sattubilaṅgā ca, diguṇapalāso ca pupphito;
yena dadāmi § tena vadāmi, yena na dadāmi § na tena vadāmi.
esa maggo yavamajjhakassa, etaṃ channapathaṃ vijānāhīti.

Amarādevīpañhajātakaṃ dutiyaṃ.

113. Siṅgārajātakaṃ

113. Saddahāsi (1.0027) siṅgālassa §, surāpītassa brāhmaṇa.

sippikānaṃ satamaṃ natthi, kuto kaṃsasatā duveti.

Siṅgārajātakaṃ tatiyaṃ.

114. Mitacintijātakaṃ

114. Bahucintī appacintī, ubho jāle abajjhare;
mitacintī pamocesī, ubho tattha samāgatāti.

Mitacintijātakaṃ catutthaṃ.

115. Anusāsikajātakaṃ

115. Yāyañña § manusāsati, sayamaṃ loluppacārinī;
sāyamaṃ vipakkhikā seti, hatā cakkena sāsikāti §.

Anusāsikajātakaṃ pañcamaṃ.

116. Dubbacajātakaṃ

116. Atikaramakarācariya, mayhampetaṃ na rucati;
catutthe laṅghayitvāna, pañcamāyasi āvutoti.

Dubbacajātakaṃ chaṭṭhaṃ.

117. Tittirajātakaṃ

117. Accuggatātilapatā §, ativelaṃ pabhāsītā.
vācā hanati dummedhaṃ, tittiraṃvātivassitanti.

Tittirajātakaṃ sattamaṃ.

118. Vaṭṭakajātakaṃ

118. Nācintayanto puriso, visesamadhigacchati;
cintitassa phalaṃ passa, muttosmi vadhabandhanāti.

Vaṭṭakajātakam aṭṭhamam.

119. Akālarāvijātakam

119. Amātāpitarasamvaddho (1.0028) Ṣ, anācerakule vasam.
nāyam kālam akālam vā, abhijānāti kukkuṭoti.

Akālarāvijātakam navamam.

120. Bandhanamokkhajātakam

120. Abaddhā tattha bajjhanti, yattha bālā pabhāsare;
baddhāpi tattha muccanti, yattha dhīrā pabhāsareti.

Bandhanamokkhajātakaṃ dasamaṃ.

Haṃcivaggo § dvādasamo.

Tassuddānaṃ-

Atha gadrabha sattuva kaṃsasataṃ, bahucinti sāsikāyātikara;
ativela visesamanācariyova, dhīrāpabhāsaratena dasāti.

13. Kusanālivaggo

121. Kusanālijātakaṃ

121. Kare sarikkho atha vāpi seṭṭho, nihīnako vāpi kareyya eko;
kareyyumete § byasane uttamattaṃ, yathā ahaṃ kusanāli rucāyanti.

Kusanālijātakaṃ paṭhamaṃ.

122. Dummedhajātakaṃ

122. Yasaṃ (1.0029) laddhāna dummedho, anattaṃ carati attano;
attano ca paresaṅca, hiṃsāya paṭipajjati.

Dummedhajātakaṃ dutiyaṃ.

123. Naṅgalīsajātakaṃ

123. Asabbatthagāmiṃ vācaṃ, bālo sabbattha bhāsati;
nāyaṃ dadhiṃ vedi na § naṅgalīsaṃ, dadhippayamaṃ § maññati naṅgalīsanti.

Naṅgalīsajātakaṃ tatiyaṃ.

124. Ambajātakaṃ

124. Vāyametheva puriso, na nibbindeyya paṇḍito;
vāyāmassa phalaṃ passa, bhuttā ambā anītihanti.

Ambajātakaṃ catutthaṃ.

125. Kaṭāhakajātakaṃ

125. Bahumpi so vikattheyya, aññaṃ janapadaṃ gato;
anvāgantvāna dūseyya, bhuñja bhoge kaṭāhakāti.

Kaṭāhakajātakaṃ pañcamaṃ.

126. Asilakkhaṇajātakaṃ

126. Tadevekassa § kalyāṇaṃ, tadevekassa pāpakaṃ.
tasmā sabbamaṃ na kalyāṇaṃ, sabbamaṃ vāpi na pāpakanti.

Asilakkhaṇajātakaṃ chaṭṭhaṃ.

127. Kalaṇḍukajātakaṃ

127. Te desā tāni vatthūni, ahañca vanagocarō;
anuvicca kho taṃ gaṇheyyuṃ, piva § khīraṃ kalaṇḍukāti.

Kalaṇḍukajātakaṃ sattamaṃ.

128. Biḷāravatajātakaṃ

128. Yo (1.0030) ve dhammaṃ dhajamaṃ § katvā, nigūḷho pāpamācare.
vissāsayitvā bhūtāni, biḷāraṃ nāma taṃ vatanti.

Biḷāravatajātakaṃ aṭṭhamaṃ.

129. Aggikabhāradvājajātakaṃ

129. Nāyamaṃ sikhā puññahetu, ghāsaṃ hetu ayaṃ sikhā;
nāṅguṭṭhagaṇanaṃ yāti, alaṃ te hotu aggikāti.

Aggikabhāradvājajātakaṃ navamaṃ.

130. Kosiyajātakaṃ

130. Yathā vācā ca bhuñjassu, yathā bhuttañca byāhara;
ubhayaṃ te na sameti, vācā bhuttañca kosiyeti.

Kosiyajātakaṃ dasamaṃ.

Kusanāḷivaggo § terasamo.

Tassuddānaṃ-

Kusanāḷisirivhayano ca yasaṃ, dadhi mamba kaṭāhakapañcamako;
atha pāpaka khīra biḷāravataṃ, sikhi kosiyasavhayanena dasāti.

14. Asampadānavaggo

131. Asampadānajātakaṃ

131. Asampadānenitarītarassa, bālassa mittāni kalī bhavanti;
tasmā harāmi bhusaṃ aḍḍhamānaṃ, mā me mitti jīyittha sassatāyanti.

Asampadānajātakaṃ paṭhamaṃ.

132. Bhīrukajātakaṃ

132. Kusalūpadese (1.0031) dhitiyā daḷhāya ca, anivattitattābhayabhīrutāya §
ca.
na rakkhasīnaṃ vasamāgamimhase, sa sothhibhāvo mahatā bhayena meti.

Bhīruka

§ jātakaṃ dutiyaṃ.

133. Ghatāsanajātakaṃ

133. Khemaṃ yahim tattha arī udīrito §, dakassa majjhe jalate ghatāsano.
na ajja vāso mahiyā mahīruhe, disā bhajavho saraṇājja no bhayanti.

Ghatāsanajātakaṃ tatiyaṃ.

134. Jhānasodhanajātakaṃ

134. Ye saññino tepi duggatā, yepi asaññino tepi duggatā;
etaṃ ubhayaṃ vivajjaya, taṃ samāpattisukhaṃ anaṅgaṇanti.

Jhānasodhanajātakaṃ catutthaṃ.

135. Candābhajātakaṃ

135. Candābhaṃ sūriyābhañca, yodha paññāya gādhati.
avitakkena jhānena, hoti ābhassarūpagoti.

Candābhajātakaṃ pañcamaṃ.

136. Suvaṇṇahaṃsajātakaṃ

136. Yaṃ (1.0032) laddhaṃ tena tuṭṭhabbaṃ, atilobho hi pāpako;
haṃsarājaṃ gahetvāna, suvaṇṇā parihāyathāti.

Suvaṇṇahaṃsajātakaṃ chaṭṭhaṃ.

137. Babbujātakaṃ

137. Yattheko labhate babbu, dutiyo tattha jāyati;
tatiyo ca catuttho ca, idaṃ te babbukā bilanti.

Babbujātakaṃ sattamaṃ.

138. Godhajātakaṃ

138. Kiṃ te jaṭāhi dummedha, kiṃ te ajinasāṭiyā;
abbhantaraṃ te gahanaṃ, bāhiraṃ parimajjasīti.

Godhajātakaṃ aṭṭhamaṃ.

139. Ubhatobhaṭṭhajātakam

139. Akkhī bhinnā paṭo naṭṭho, sakhigehe ca bhaṇḍanam;
ubhato paduṭṭhā kammantā Ṣ, udakamhi thalamhi cāti.

Ubhatobhaṭṭhajātakaṃ navamaṃ.

140. Kākajātakaṃ

140. Niccaṃ ubbiggahadayā, sabbalokavihesakā;
tasmā nesaṃ vasā natthi, kākānamhāka § ñātinanti.

Kākajātakaṃ dasamaṃ.

Asampadānavaggo cuddasamo.

Tassuddānaṃ-

Itarītara (1.0033) rakkhasi khemiyo ca, parosatapañhena ābhassaro puna;
atha haṃsavaruttamababbujaṭaṃ, paṭanaṭṭhaka kākavarena dasāti.

15. Kakaṇṭakavaggo

141. Godhajātakaṃ

141. Na pāpajanasamsevī, accantasukhamedhati;
godhākulaṃ § kakaṇṭāva §, kaliṃ pāpeti attananti.

Godhajātakaṃ paṭhamaṃ.

142. Siṅgāljātakaṃ

142. Etañhi te durājānaṃ, yaṃ sesi matasāyikaṃ;
yassa te kaḍḍhamānassa, hatthā daṇḍo na mucatīti.

Siṅgāljātakaṃ dutiyaṃ.

143. Virocajātakaṃ

143. Lasī ca te nipphalitā, matthako ca padālito §.
sabbā te phāsukā bhaggā, ajja kho tvaṃ virocasīti.

Virocajātakaṃ tatiyaṃ.

144. Naṅguṭṭhajātakaṃ

144. Bahumpetaṃ asabbhi § jātaveda, yaṃ taṃ vāladhinābhipūjayāma.
maṃsārahassa natthajja maṃsaṃ, naṅguṭṭhampi bhavaṃ paṭiggahātūti.

Naṅguṭṭhajātakaṃ catutthaṃ.

145. Rādhajātakaṃ

145. Na (1.0034) tvaṃ rādha vijānāsi, aḍḍharatte anāgate;
abyayataṃ § vilapasi, virattā kosiyāyaneti.

Rādhajātakaṃ pañcamaṃ.

146. Samuddakākajātakaṃ

146. Api nu hanukā santā, mukhañca parisussati;
oramāma na pārema, pūrateva mahodadhīti.

Samuddakākajātakaṃ chaṭṭhaṃ.

147. Puppharattajātakaṃ

147. Nayidaṃ dukkhaṃ aduṃ dukkhaṃ, yaṃ maṃ tudati vāyaso;
yaṃ sāmā puppharattena, kattikaṃ nānubhossatīti.

Puppharattajātakaṃ sattamaṃ.

148. Siṅgāljātakaṃ

148. Nāhaṃ punaṃ na ca punaṃ, na cāpi apunappunaṃ;
hatthibondiṃ pavekkhāmi, tathā hi bhayatajjitoti.

Siṅgāljātakaṃ aṭṭhamaṃ.

149. Ekapaṇṇajātakaṃ

149. Ekapaṇṇo ayaṃ rukkho, na bhūmyā caturaṅgulo;
phalena visakappena, mahāyaṃ kiṃ bhavissatīti.

Ekapaṇṇajātakaṃ navamaṃ.

150. Sañjivajātakaṃ

150. Asantaṃ (1.0035) yo paggaṇhāti, asantaṃ cūpasevati;
tameva ghāsaṃ kurute, byaggho sañjivako yathāti.

Sañjivajātakaṃ dasamaṃ.

Kakaṇṭaka § vaggo pannarasamo.

Tassuddānaṃ-

Sukhamedhati daṇḍavaro ca puna, lasi vāladhi pañcamarādhavaro;
samahodadhi kattika bondi puna, caturaṅgulabyagghavarena dasāti.

(uparimo paṇṇāsako.) §

Atha vagguddānaṃ-

Apaṇṇakaṃ silavaggakuruṅga, kulāvakaṃ atthakāmena pañcamaṃ;
āsīso itthivaruṇaṃ apāyi, littavaggena te dasa;
parosataṃ haṃci kusanāḷi §, asampadaṃ kakaṇṭakavaggo.

Ekanipātamhilaṅkatanti.

Ekakanipātaṃ niṭṭhitaṃ.

2. Dukanipāto

1. Daḷhavaggo

151. Rājovādajātakaṃ (2-1-1)

1. Daḷhaṃ (1.0036) daḷhassa khipati, balliko § mudunā muduṃ.

sādhumpi sādhunā jeti, asādhumpi asādhunā;
etādiso ayaṃ rājā, maggā uyyāhi sārathi.

2. Akkodhena jine kodhaṃ, asādhuṃ sādhunā jine;
jine kadariyaṃ dānena, saccenālikavādināṃ;
etādiso ayaṃ rājā, maggā uyyāhi sārathīti.

Rājovādajātakaṃ paṭhamaṃ.

152. Asamekkhitakammantaṃ, turitābhiniṭṭānaṃ;
sāni kammāni tappenti, uṇhaṃvajjhohitaṃ mukhe.

4. Sīho ca sīhanādena, daddaraṃ abhinādayi;
sutvā sīhassa nigghosaṃ, siṅgālo § daddare vasaṃ.
bhīto santāsamāpādi, hadayañcassa apphalīti.

Siṅgārajātakaṃ § dutiyaṃ.

153. Sūkarajātakaṃ (2-1-3)

5. Catuppado ahaṃ samma, tvampi samma catuppado;
ehi samma § nivattassu, kiṃ nu bhīto palāyasi.
6. Asuci pūtilomosi, duggandho vāsi sūkara;
sace yujjhitaṃ kāmōsi, jayaṃ samma dadāmi teti.

Sūkarajātakaṃ tatiyaṃ.

154. Uragajātaka (2-1-4)

7. Idhūragānaṃ (1.0037) pavaro pavitṭho, selassa vaṇṇena pamokkhamicchaṃ.
brahmañca vaṇṇaṃ § apacāyamāno, bubhukkhito no vitarāmi § bhottaṃ.
8. So brahmagutto cirameva jīva, dibyā ca te pātubhavantu bhakkhā;
yo brahmavaṇṇaṃ apacāyamāno, bubhukkhito no vitarāsi § bhottunti.

Uragajātakaṃ catutthaṃ.

155. Bhaggajātakaṃ (2-1-5)

9. Jīva vassasataṃ bhagga §, aparāni ca vīsatiṃ §.
mā maṃ pisācā khādantu, jīva tvaṃ sarado sataṃ.

10. Tvampi vassasataṃ jīva, aparāni ca vīsatiṃ;
visaṃ pisācā khādantu, jīva tvaṃ sarado satanti.

Bhaggajātakaṃ pañcamaṃ.

156. Alīnacittajātakaṃ (2-1-6)

11. Alīnacittaṃ nissāya, pahaṭṭhā mahatī camū;
kosalaṃ senāsantuṭṭhaṃ, jīvaggāhaṃ agāhayi.
12. Evaṃ nissayasampanno, bhikkhu āraddhavīriyo;
bhāvayaṃ kusalaṃ dhammaṃ, yogakkhemassa pattiyā;
pāpuṇe anupubbena, sabbasaṃyojanakkhayanti.

Alīnacittajātakaṃ chaṭṭhaṃ.

157. Guṇajātakaṃ (2-1-7)

13. Yena (1.0038) kāmaṃ paṇāmeti, dhammo balavataṃ migi;
unnadantī vijānāhi, jātaṃ saraṇato bhayaṃ.
14. Api cepi dubbalo mitto, mittadhammesu tiṭṭhati;
so ñātako ca bandhu ca, so mitto so ca me sakhā;
dāṭhini mātimaññittho §, siṅgālo mama pāṇadoti.

Guṇajātakaṃ sattamaṃ.

158. Suhanujātakaṃ (2-1-8)

15. Nayidaṃ visamasīlena, soṇena suhanū saha;
suhanūpi tādisoyeva, yo soṇassa sagocarō.
16. Pakkhandinā pagabbhena, niccaṃ sandānakhādīnā;
sameti pāpaṃ pāpena, sameti asatā asanti.

Suhanujātakaṃ aṭṭhamaṃ.

159. Morajātakaṃ (2-1-9)

17. Udetayaṃ cakkhumā ekarājā, harissavaṇṇo pathavippabhāso §.
taṃ taṃ namassāmi harissavaṇṇaṃ pathavippabhāsaṃ, tayājja guttā viha-
remu divasaṃ.
Ye brāhmaṇā vedagū sabbadhamme, te me namo te ca maṃ pālayantu;
namatthu buddhānaṃ § namatthu bodhiyā, namo vimuttānaṃ § namo vimu-
tṭiyā.

imaṃ so parittaṃ katvā, moro carati esanā.

18. Apetayaṃ (1.0039) cakkhumā ekarājā, harissavaṇṇo pathavippabhāso;
taṃ taṃ nammassāmi harissavaṇṇaṃ pathavippabhāsaṃ, tayājja guttā viha-
remu rattim.

Ye brāhmaṇā vedagū sabbadhamme, te me namo te ca maṃ pālayantu;
namatthu buddhānaṃ namatthu bodhiyā, namo vimuttānaṃ namo vimuttiyā.
imaṃ so parittaṃ katvā, moro vāsamakappayīti.

Morajātakaṃ navamaṃ.

160. Vinīlajātakaṃ (2-1-10)

19. Evameva nūna § rājānaṃ, vedehaṃ mithilaggahaṃ;
assā vahanti ājaññā, yathā haṃsā vinīlakaṃ.

20. Vinīla duggaṃ bhajasi, abhūmiṃ tāta sevasi;
gāmantakāni § sevassu, etaṃ mātālayaṃ tavāti.

Vinīlajātakaṃ dasamaṃ.

Daḷhavaggo paṭhamo.

Tassuddānaṃ-

Varaballika daddara sūkarako, uragūttama pañcamabhaggavaro;
mahaticamu yāva siṅgālavaro, suhanuttama mora vinīlaṃ dasāti.

2. Santhavavaggo

161. Indasamānagottajātakaṃ (2-2-1)

21. Na (1.0040) santhavaṃ § kāpurisena kayirā, ariyo anariyena pajāna-
matthaṃ.

cirānuvutthopi karoti pāpaṃ, gajo yathā indasamānagottaṃ.

22. Yaṃ tveva jaññā sadiso mamanti, sīlena paññāya sutena cāpi;
teneva mettim kayirātha saddhim, sukho have sappurisena saṅgamoti.

Indasamānagottajātakaṃ paṭhamaṃ.

162. Santhavajātakaṃ (2-2-2)

23. Na santhavasmā paramatthi pāpiyo, yo santhavo § kāpurisena hoti.
santappito sappinā pāyasena §, kicchākataṃ paṇṇakuṭim adayhi §.

24. Na santhavasmā paramatthi seyyo, yo santhavo sappurisenā hoti; sihassa byagghassa ca dīpino ca, sāmā mukhaṃ lehati santhavenāti.

Santhavajātakam dutiyam.

163. Susimajātakam (2-2-3)

25. Kāḷā migā setadantā tavīme Ṣ, parosataṃ hemajālābhichannā Ṣ. te te dadāmiti susīma brūsi, anussaram pēttipitāmahānam.
26. Kāḷā (1.0041) migā setadantā mamīme Ṣ, parosataṃ hemajālābhicchannā. te te dadāmiti vadāmi māṇava, anussaram pēttipitāmahānanti.

Susimajātakam tatiyam.

164. Gijjhajātakam (2-2-4)

27. Yam nu gijjho yojanasataṃ, kuṇapāni avekkhati; kasmā jālañca pāsañca, āsajjāpi na bujhasi.
28. Yadā parābhavo hoti, poso jīvitasāṅkhaye; atha jālañca pāsañca, āsajjāpi na bujhatīti.

Gijjhajātakam catuttham.

165. Nakulajātakam (2-2-5)

29. Sandhiṃ katvā amittena, aṇḍajena jalābuja; vivariya dāṭham sesi Ṣ, kuto te bhayamāgataṃ.
30. Saṅketheva Ṣ amittasmiṃ, mittasmimpi na vissase; abhayā bhayamuppannam, api mūlāni kantatīti Ṣ.

Nakulajātakam pañcamaṃ.

166. Upasāḷakajātakam (2-2-6)

31. Upasāḷakanāmāni Ṣ, sahasāni catuddasa. asmim padese daḍḍhāni, natthi loke anāmatam.
32. Yamhi saccañca dhammo ca, ahiṃsā saṃyamo damo; etaṃ ariyā sevanti, etaṃ loke anāmatanti.

Upasāḷakajātakam chaṭṭham.

167. Samiddhijātakam (2-2-7)

- 33.** Abhuvā (1.0042) bhikkhasi bhikkhu, na hi bhuvāna bhikkhasi;
bhuvāna bhikkhu bhikkhassu, mā taṃ kālo upaccagā.
- 34.** Kālaṃ vohaṃ na jānāmi, channo kālo na dissati;

tasmā abhuvā bhikkhāmi, mā maṃ kālo upaccagāti.

Samiddhijātakaṃ sattamaṃ.

168. Sakuṇagghijātakaṃ (2-2-8)

35. Seno balasā patamāno, lāpaṃ gocarāṭhāyinaṃ;
sahasā ajjhappattova, maraṇaṃ tenupāgami.
36. Sohaṃ nayena sampanno, pettike gocare rato;
apetasattu modāmi, sampassaṃ atthamattanoti.

Sakuṇagghijātakaṃ aṭṭhamaṃ.

169. Arakajātakaṃ (2-2-9)

37. Yo ve mettena cittena, sabbalokānukampati;
uddhaṃ adho ca tiriyaṃ, appamāṇena sabbaso.
38. Appamāṇaṃ hitaṃ cittaṃ, paripuṇṇaṃ subhāvitaṃ;
yaṃ pamāṇakataṃ kammaṃ, na taṃ tatrāvasissatīti.

Arakajātakaṃ navamaṃ.

170. Kakaṇṭakajātakaṃ (2-2-10)

39. Nāyaṃ pure uṇṇamati Ṣ, toraṇagge kakaṇṭako;
mahosadha vijānāhi, kena thaddho kakaṇṭako.
40. Aladdhapubbaṃ laddhāna, aḍḍhamāsaṃ kakaṇṭako;
atimaññati rājānaṃ, vedehaṃ mithilaggahanti.

Kakaṇṭakajātakaṃ dasamaṃ.

Santhavavaggo dutiyo.

Tassuddānaṃ-

Atha (1.0043) indasamāna sapaṇṇakuṭi, susimuttama gijjha jalābujako;
upasāḷaka bhikkhu salāpavaro, atha mettavaro dasapuṇṇamatīti.

3. Kalyāṇavaggo

171. Kalyāṇadhammajātakaṃ (2-3-1)

41. Kalyāṇadhammoti yadā janinda, loke samaññaṃ anupāpuṇāti;
tasmā na hiyyetha § naro sapañño, hiriyaṃpi santo dhuramādiyanti.
42. Sāyaṃ samaññaṃ idha majja pattā, kalyāṇadhammoti janinda loke;
tāhaṃ samekkhaṃ idha pabbajissaṃ, na hi matthi chando idha kāmabhogeti.

Kalyāṇadhammajātakaṃ paṭhamaṃ.

172. Daddarajātakaṃ (2-3-2)

43. Ko nu saddena mahatā, abhinādeti daddaraṃ;
taṃ sīhā nappaṭinadanti §, ko nāmeso migādhibhū.
44. Adhamo migajātānaṃ, siṅgālo tāta vassati;
jātimassa jigucchantā, tuṇhī sīhā samacchareti.

Daddarajātakaṃ dutiyaṃ.

173. Makkaṭajātakaṃ (2-3-3)

45. Tāta (1.0044) māṇavako eso, tālamūlaṃ apassito;
agāraṅgānaṃ atthi, handa demassagāraṃ.
46. Mā kho tvaṃ tāta pakkosi, dūseyya no agāraṃ;
netādisaṃ mukhaṃ hoti, brāhmaṇassa susīlinoti.

Makkaṭajātakaṃ tatiyaṃ.

174. Dubbhiyamakkaṭajātakaṃ (2-3-4)

47. Adamha te vāri pahūtarūpaṃ, ghammābhitattassa pipāsitassa;
so dāni pitvāna § kiriṅkarosi §, asaṅgamo pāpajanena seyyo.
48. Ko te suto vā diṭṭho vā, sīlavā nāma makkaṭo;
idāni kho taṃ ohacchaṃ §, esā asmāka dhammatāti.

Dubbhiyamakkaṭajātakaṃ catutthaṃ.

175. Ādiccupaṭṭhānajātakaṃ (2-3-5)

49. Sabbesu kira bhūtesu, santi sīlasamāhitā;
passa sākhāmiṅgaṃ jammaṃ, ādiccamupatiṭṭhati.
50. Nāssa sīlaṃ vijānātha, anaññaṃya pasamaṃsatha;
aggihuttañca uhanṃ §, dve ca bhinnā kamaṇḍalūti.

Ādiccupatṭhānajātakaṃ pañcamaṃ.

176. Kaḷāyamuṭṭhijātakaṃ (2-3-6)

51. Bālo (1.0045) vatāyaṃ dumasākhagocaro, paññā janinda nayimassa vijjati;
kaḷāyamuṭṭhiṃ § avakiriya kevalaṃ, ekaṃ kaḷāyaṃ patitaṃ gavesati.
52. Evameva mayaṃ rāja, ye caññe atilobhino;
appena bahuṃ jiyyāma, kaḷāyeneva vānaroti.

Kaḷāyamuṭṭhijātakaṃ chaṭṭhaṃ.

177. Tindukajātakaṃ (2-3-7)

53. Dhanuhatthakalāpehi, nettiṃ savaradhāribhi;
samantā parikiṇṇama, kathaṃ mokkho bhavissati.
54. Appeva bahukiccānaṃ, attho jāyetha koci naṃ;
atthi rukkhassa acchinnaṃ, khajjathaññeva tindukanti.

Tindukajātakaṃ sattamaṃ.

178. Kacchapajātakaṃ (2-3-8)

55. Janittaṃ me bhavittaṃ me, iti pañke avassayiṃ;
taṃ maṃ pañko ajjhabhavi, yathā dubbalakaṃ tathā;
taṃ taṃ vadāmi bhaggava, suṇohi vacanaṃ mama.
56. Gāme vā yadi vā raññe, sukhaṃ yatrādhigacchati;
taṃ janittaṃ bhavittañca, purisassa pajānato;
yamhi jīve tamhi gacche, na nicketahato siyāti.
- Kacchapajātakaṃ aṭṭhamaṃ.

179. Satadhammajātakaṃ (2-3-9)

57. Tañca appañca ucchiṭṭhaṃ, tañca kicchena no adā;
sohaṃ brāhmaṇajātiko, yaṃ bhuttaṃ tampi uggataṃ.
58. Evaṃ (1.0046) dhammaṃ niraṃkatvā §, yo adhammena jīvati.
satadhammova lābhena, laddhenapi na nandatīti.

Satadhammajātakaṃ navamaṃ.

180. Duddadajātakaṃ (2-3-10)

59. Duddadaṃ dadamānānaṃ, dukkaraṃ kamma kubbatam;
asanto nānukubbanti, sataṃ dhammo durannayo.

60. Tasmā satañca asataṃ, nānā hoti ito gati;
asanto nirayaṃ yanti, santo saggaparāyaṇāti §.

Duddadajātakaṃ dasamaṃ.

Kalyāṇavaggo tatiyo.

Tassuddānaṃ-

Susamaññamigādhībhū māṇavako, vāripahūtarūpādiccupaṭṭhānā;
sakaḷāyasatindukapaṅka puna, satadhamma sududdadakena dasāti.

4. Asadisavaggo

181. Asadisajātakaṃ (2-4-1)

61. Dhanuggaho asadiso, rājaputto mahabbalo;
dūrepātī akkhaṇavedhī, mahākāyappadālano.
62. Sabbāmitte raṇaṃ katvā, na ca kañci viheṭṭhayi;
bhātaraṃ sotthiṃ katvāna, saṃyamaṃ ajjhupāgamīti.

Asadisajātakaṃ paṭhamaṃ.

182. Saṅgāmāvacarajātakaṃ (2-4-2)

63. Saṅgāmāvacaro (1.0047) sūro, balavā iti vissuto;
kiṃ nu toraṇamāsajja, paṭikkamasi kuñjara.
64. Omadda khippaṃ palighaṃ, esikāni ca abbaha Ṭ.
toraṇāni ca madditvā, khippaṃ pavisa kuñjarāti.

Saṅgāmāvacarajātakaṃ dutiyaṃ.

183. Vālodakajātakaṃ (2-4-3)

65. Vālodakaṃ apparasam nihīnaṃ, pitvā Ṭ mado jāyati gadrabhānaṃ.
imañca pitvāna rasaṃ paṇītaṃ, mado na sañjāyati sindhavānaṃ.
66. Appaṃ pivitvāna nihīnajacco, so majjatī tena janinda puṭṭho Ṭ.
dhorayhasīlī ca kulamhi jāto, na majjatī aggarasaṃ pivitvāti.

Vālodakajātakaṃ tatiyaṃ.

184. Giridattajātakaṃ (2-4-4)

67. Dūsito giridattena Ṭ, hayo sāmassa paṇḍavo;
porāṇaṃ pakatiṃ hitvā, tassevānuvidhiyyati Ṭ.
68. Sace ca tanujo poso, sikharākāra Ṭ kappito.
ānane naṃ Ṭ gahetvāna, maṇḍale parivattaye.
khippameva pahantvāna, tassevānuvidhiyyatīti.

Giridattajātakaṃ catutthaṃ.

185. Anabhiratijātakaṃ (2-4-5)

69. Yathodake (1.0048) āvile appasanne, na passati sippikasambukañca; sakkharaṃ vālukaṃ macchagumbaṃ, evaṃ āvilamhi § citte. na passati attadatthaṃ paratthaṃ.
70. Yathodake acche vippasanne, so passati sippikasambukañca; sakkharaṃ vālukaṃ macchagumbaṃ, evaṃ anāvilamhi citte; so passati attadatthaṃ paratthanti.

Anabhiratijātakaṃ pañcamaṃ.

186. Dadhivāhanajātakaṃ (2-4-6)

71. Vaṇṇagandharasūpeto, amboyaṃ ahuvā pure; tameva pūjaṃ labhamāno, kenambo kaṭukapphalo.
72. Pucimandaparivāro, ambo te dadhivāhana; mūlaṃ mūlena saṃsaṭṭhaṃ, sākhā sākhā § nisevare §. asātasannivāsena, tenambo kaṭukapphaloti.

Dadhivāhanajātakaṃ chaṭṭhaṃ.

187. Catumaṭṭhajātakaṃ (2-4-7)

73. Ucce viṭabhimāruyha, mantayavho rahogatā; nīce oruyha mantavho, migarājāpi sossati.
74. Yaṃ suvaṇṇo suvaṇṇena §, devo devena mantaye. kiṃ tettha catumaṭṭhassa, bilaṃ pavisa jambukāti.

Catumaṭṭhajātakaṃ sattamaṃ.

188. Sīhakotthujātakaṃ (2-4-8)

75. Sīhaṅgulī (1.0049) sīhanakho, sīhapādapatiṭṭhito; so sīho sīhasaṅghamhi, eko nadati aññathā.
76. Mā tvaṃ nadi rājaputta, appasaddo vane vasa; sarena kho § taṃ jāneyyumaṃ, na hi te pettiko saroti.

Sīhakotthujātakaṃ aṭṭhamaṃ.

189. Sīhacammajātakaṃ (2-4-9)

77. Netaṃ sīhassa naditaṃ, na byagghassa na § dīpino. pāruto sīhacamma, jammo nadati gadrabho.
78. Cirampi kho taṃ khādeyya, gadrabho haritaṃ yavaṃ;

pāruto sīhacammena, ravamānova dūsayīti.

Sīhacammajātakam navamam.

190. Sīlānisamsajātakam (2-4-10)

79. Passa saddhāya sīlassa, cāgassa ca ayam phalam;
nāgo nāvāya vaṇṇena, saddham vahatupāsakam.
80. Sabbhireva samāsetha, sabbhi kubbetha santhavam;
satañhi sannivāsena, sotthim gacchati nhāpitoti.

Sīlānisamsajātakam dasamam.

Asadisavaggo catuttho.

Tassuddānam-

Dhanuggaha kuñjara apparaso, giridattamanāvilacittavaram;
dadhivāhana jambūka sīhanakho, haritayava nāgavarena dasāti.

5. Ruhakavaggo

191. Ruhakajātakam (2-5-1)

81. Api (1.0050) § ruhaka chinnāpi, jiyā sandhīyate puna.
sandhīyassu purāṇiyā, mā kodhassa vasaṃ gami.
82. Vijjamānesu vākesu §, vijjamānesu kārisu.
aññaṃ jiyam karissāmi, alaṅṅeva purāṇiyāti.

Ruhakajātakam paṭhamam.

192. Sirikāḷakaṇṇijātakam (2-5-2)

83. Itthī siyā rūpavatī, sā ca sīlavatī siyā;
puriso tam na iccheyya, saddahāsi mahosadha.
84. Saddahāmi mahārāja, puriso dubbhago siyā;
sirī ca kāḷakaṇṇī ca, na samenti kudācananti.

Sirikāḷakaṇṇijātakam dutiyam.

193. Cūḷapadumajātakam (2-5-3)

85. Ayameva sā ahamapi § so anañño, ayameva so hatthacchinno anañño.
yamāha “komārapatī maman” ti, vajjhitthiyo natthi itthīsu saccaṃ.
86. Imañca jammaṃ musalena hantvā, luddaṃ chavaṃ paradārūpaseviṃ;
imissā ca naṃ pāpapatibbatāya, jīvantiyā chindatha kaṇṇanāsanti.

Cūḷapadumajātakaṃ tatiyaṃ.

194. Mañicorajātakaṃ (2-5-4)

87. Na (1.0051) santi devā pavasanti nūna, na hi nūna santi idha lokapālā;
sahasā karontānamasaññatānaṃ, na hi nūna santi paṭisedhitāro.
88. Akāle vassati tassa, kāle tassa na vassati;
saggā ca cavati ṭhānā, nanu so tāvatā hatoti.

Mañicorajātakaṃ catutthaṃ.

195. Pabbatūpattharajātakaṃ (2-5-5)

89. Pabbatūpatthare § ramme, jātā pokkharaṇī sivā.
taṃ siṅgālo apāpāyi §, jānaṃ sīhena rakkhitaṃ.
90. Pivanti ce § mahārāja, sāpadāni mahānadiṃ.
na tena anadī hoti, khamassu yadi te piyāti.

Pabbatūpatthara § jātakaṃ pañcamaṃ.

196. Valāhakassajātakaṃ (2-5-6)

91. Ye na kāhanti ovādaṃ, narā buddhena desitaṃ;
byasanaṃ te gamissanti, rakkhasīhiva vāṇijā.
92. Ye ca kāhanti ovādaṃ, narā buddhena desitaṃ;
sothhiṃ pāraṃ gamissanti, valāheneva § vāṇijāti.

Valāhakassa § jātakaṃ chaṭṭhaṃ.

197. Mittāmittajātakaṃ (2-5-7)

93. Na naṃ umhayate disvā, na ca naṃ paṭinandati;
cakkhūni cassa na dadāti, paṭilomañca vattati.
94. Ete (1.0052) bhavanti ākārā, amittasmiṃ patiṭṭhitā;
yehi amittaṃ jāneyya, disvā sutvā ca paṇḍitoti.

Mittāmittajātakaṃ sattamaṃ.

198. Rādhajātakaṃ (2-5-8)

95. Pavāsā āgato tāta, idāni nacirāgato;
kaccinnu tāta te mātā, na aññamupasevati.
96. Na kho panetaṃ subhaṇaṃ, giraṃ saccupasaṃhitāṃ;
sayetha poṭṭhapādova, mummure § upakūthitoti §.

Rādhajātakaṃ aṭṭhamaṃ.

199. Gahapatijātakaṃ (2-5-9)

97. Ubhayaṃ me na khamati, ubhayaṃ me na ruccati;
yācāyaṃ koṭṭhamotiṇṇā, nāddasaṃ iti bhāsati.
98. Taṃ taṃ gāmapati brūmi, kadare appasmi jīvite;
dve māse saṅgamaṃ katvā §, maṃsaṃ jaraggavaṃ kisaṃ.
appattakāle codesi, tampi mayhaṃ na ruccatīti.

Gahapatijātakaṃ navamaṃ.

200. Sādhusīlajātakaṃ (2-5-10)

99. Sarīradabyaṃ vuḍḍhabyaṃ §, sojaccaṃ sādhusīliyaṃ;
brāhmaṇaṃ teva pucchāma, kannu tesāṃ vanimhase §.
100. Attho atthi sarīrasmiṃ, vuḍḍhabyaṃ namo kare;
attho atthi sujātasmīṃ, sīlaṃ asmāka ruccatīti.

Sādhusīlajātakaṃ dasamaṃ.

Ruhakavaggo pañcamaṃ.

Tassuddānaṃ-

Apiruhaka (1.0053) rūpavatī musalo, pavasanti sapañcamapokkharāṇi;
atha muttimavāṇija umhayate, cira-āgata koṭṭha sarīra dasāti.

6. Natamaḍḍhavaggo

201. Bandhanāgārajātakaṃ (2-6-1)

101. Na taṃ daḍḍhaṃ bandhanamāhu dhīrā, yadāyasaṃ dārujapabbajañca §.
sārattarattā maṇikuṇḍalesu, puttesu dāresu ca yā apekkhā.
102. Etaṃ daḍḍhaṃ bandhanamāhu dhīrā, ohāriṇaṃ sithilaṃ duppamuñcaṃ;
etampi chetvāna vajanti dhīrā, anapekkhino kāmasukhaṃ pahāyāti.

Bandhanāgārajātakaṃ paṭhamaṃ.

202. Keḷisīlajātakaṃ (2-6-2)

103. Haṃsā koñcā mayūrā ca, hatthayo § pasadā migā.
sabbe sīhassa bhāyanti, natthi kāyasmi tulyatā.
104. Evameva manussesu, daharo cepi pañṇavā;
so hi tattha mahā hoti, neva bālo sarīravāti.

Keḷisīlajātakaṃ dutiyaṃ.

203. Khaṇḍajātakaṃ (2-6-3)

105. Virūpakkhehi me mettaṃ, mettaṃ erāpathehi me;
chabyāputtehi me mettaṃ, mettaṃ kaṇhāgotamakehi ca.
Apāḍakehi (1.0054) me mettaṃ, mettaṃ dvipāḍakehi me;
catuppadehi me mettaṃ, mettaṃ bahuppadehi me.
Mā maṃ apāḍako hiṃsi, mā maṃ hiṃsi dvipāḍako;
mā maṃ catuppado hiṃsi, mā maṃ hiṃsi bahuppado.
Sabbe sattā sabbe pāṇā, sabbe bhūtā ca kevalā;
sabbe bhadrāni passantu, mā kañci § pāpamāgamā.
106. Appamāṇo buddho, appamāṇo dhammo;
appamāṇo saṅgho, pamāṇavantāni sarīsapāni §.
ahivicchikasatapadī, uṇṇanābhi § sarabūmūsikā.
Katā me rakkhā katā me parittā, paṭikkamantu bhūtāni;
sohaṃ namo bhagavato, namo sattannaṃ sammāsambuddhānanti.

Khaṇḍajātakaṃ tatiyaṃ.

204. Vīrakajātakaṃ (2-6-4)

107. Api vīraka passesi, sakuṇaṃ mañjubhāṇakaṃ;
mayūragīvasaṅkāsaṃ, patiṃ mayhaṃ saviṭṭhakaṃ.
108. Udakathalacarassa pakkhino, niccaṃ āmakamacchabhojino;
tassānukaraṃ saviṭṭhako, sevāle paliguṇṭhito matoti.

Vīrakajātakaṃ catutthaṃ.

205. Gaṅgeyyajātakaṃ (2-6-5)

109. Sobhati maccho gaṅgeyyo, atho sobhati yāmuno §.
catuppadoyaṃ puriso, nigrodhaparimaṇḍalo;
īsakāyata § gīvo ca, sabbeva atirocati.
110. Yaṃ (1.0055) pucchito na taṃ akkhāsi §, aññaṃ akkhāsi § pucchito.
attappasaṃsako poso, nāyaṃ asmāka ruccatīti.

Gaṅgeyyajātakaṃ pañcamaṃ.

206. Kuruṅgamigajātakaṃ (2-6-6)

111. Ingha vaddhamayaṃ § pāsaṃ, chinda dantehi

kacchapa.

ahaṃ tathā karissāmi, yathā nehiti luddako.

112. Kacchapo pāvisī vāriṃ, kuruṅgo pāvisī vanaṃ;
satapatto dumaggamhā, dūre putte apānayīti.

Kuruṅgamigajātakaṃ chaṭṭhaṃ.

207. Assakajātakaṃ (2-6-7)

113. Ayamassakarājena, deso vicarito mayā;
anukāmaya kāmēna Ṣ, piyena patinā saha.

114. Navena sukhadukkhena, porāṇaṃ apidhīyati Ṣ.
tasmā assakaraññāva, kiṭṭo piyataro mamāti.

Assakajātakaṃ sattamaṃ.

208. Susumārajātakaṃ (2-6-8)

115. Alaṃ metehi ambehi, jambūhi panasehi ca;
yāni pāraṃ samuddassa, varaṃ mayhaṃ udumbaro.

116. Mahatī vata te bondi, na ca paññā tadūpikā;
susumāra Ṣ vañcito mesi, gaccha dāni yathāsukhanti.

Susumārajātakaṃ aṭṭhamaṃ.

209. Kukkuṭajātakaṃ (2-6-9)

117. Diṭṭhā (1.0056) mayā vane rukkhā, assakaṇṇā vibhīṭakā Ṣ.
na tāni evaṃ sakkanti, yathā tvaṃ rukkhā sakkasi.

118. Purāṇakukkuṭo Ṣ ayaṃ, bhetvā pañjaramāgato;
kusalo vāḷapāsānaṃ, apakkamati bhāsatīti.

Kukkuṭa Ṣ jātakaṃ navamaṃ.

210. Kandagalakajātakaṃ (2-6-10)

119. Ambho ko nāma yaṃ rukkho, sinnapatto Ṣ sakaṇṭako.
yattha ekappahārena, uttamaṅgaṃ vibhijitaṃ Ṣ.

120. Acāri vatāyaṃ vitudaṃ vanāni, kaṭṭhaṅgarukkhesu asārakesu;
athāsadā khadiraṃ jātasāraṃ Ṣ, yatthabbhidā garuḷo uttamaṅganti.

Kandagalaka Ṣ jātakaṃ dasamaṃ.

Nataṃdaḷhavaggo chaṭṭho.

Tassuddānaṃ-

Daḷhabandhana haṃsavaro ca puna, virūpakkha savitṭhaka macchavaro;
sakuruṅga sa-assaka ambavaro, puna kukkuṭako garuḷena dasāti.

7. Bīraṇathambhavaggo

211. Somadattajātakaṃ (2-7-1)

121. Akāsi yoggam dhuvamappamatto, saṃvaccharam bīraṇathambhakasmim;
byākāsi saññaṃ parisam vigayha, na niyyamo tāyati appapaññaṃ.
122. Dvayaṃ (1.0057) yācanako tāta, somadatta nigacchati;
alābham dhanalābham vā, evaṃ dhammā hi yācanāti.

Somadattajātakaṃ paṭhamam.

212. Ucchiṭṭhabhattajātakaṃ (2-7-2)

123. Añño uparimo vaṇṇo, añño vaṇṇo ca heṭṭhimo;
brāhmaṇi tveva pucchāmi, kiṃ heṭṭhā kiñca uppari.
124. Aham naṭosmi bhaddante, bhikkhakosmi idhāgato;
ayañhi koṭṭhamotiṇṇo, ayam so yaṃ § gavesasīti.

Ucchiṭṭhabhattajātakaṃ dutiyam.

213. Bharujātakaṃ (2-7-3)

125. Isīnamantaram katvā, bharurājāti § me sutam.
ucchinno saha raṭṭhehi §, sarājā vibhavaṅgato.
126. Tasmā hi chandāgamanam, nappasaṃsanti paṇḍitā;
aduṭṭhacitto bhāseyya, giram saccupasaṃhitanti.

Bharujātakaṃ § tatiyam.

214. Puṇṇanadījātakaṃ (2-7-4)

127. Puṇṇam nadiṃ yena ca peyyamāhu, jātam yavam yena ca guyhamāhu;
dūram gataṃ yena ca avhayanti, so tyāgato § handa ca bhuñja brāhmaṇa.
128. Yato maṃ saratī rājā, vāyasampi pahetave;
haṃsā koñcā mayūrā ca §, asatiyeva pāpiyāti.

Puṇṇanadījātakaṃ catuttham.

215. Kacchapajātakaṃ (2-7-5)

129. Avadhī (1.0058) vata attānaṃ, kacchapo byāharaṃ giraṃ §.
suggahītasmiṃ kaṭṭhasmiṃ, vācāya sakiyāvadhi.

130. Etampi disvā naravīriyaseṭṭha, vācaṃ pamuñce kusalaṃ nātiavelaṃ;
passasi bahubhāṇena, kacchapaṃ byasanaṃ gatanti.
Kacchapajātakaṃ pañcamaṃ.

216. Macchajātakaṃ (2-7-6)

131. Na māyamaggi tapati, na sūlo sādhutacchito;
yañca maṃ maññate macchī, aññaṃ so ratiyā gato.

132. So maṃ dahati rāgaggi, cittaṃ cūpatapeti maṃ;
jālino muñcathāyirā maṃ, na kāme haññate kvacīti.
Macchajātakaṃ chaṭṭhaṃ.

217. Seggujātakaṃ (2-7-7)

133. Sabbo loko attamano ahosi, akovidā gāmadhammassa seggu;
komāri ko nāma § tavajja dhammo, yaṃ tvaṃ gahitā pavane parodasi.

134. Yo dukkhaphuṭṭhāya bhaveyya tāṇaṃ, so me pitā dubbhi vane karoti;
sā kassa kandāmi vanassa majjhe, yo tāyitā so sahasaṃ karotīti.

Seggujātakaṃ sattamaṃ.

218. Kūṭavāṇijajātakaṃ (2-7-8)

135. Saṭṭhassa (1.0059) sāṭṭheyyamidaṃ sucintitaṃ, paccoḍḍitaṃ paṭikūṭassa
kūṭaṃ;

phālañce khādeyyuṃ § mūsikā, kasmā kumāraṃ kulalā na § hareyyuṃ.

136. Kūṭassa hi santi § kūṭakūṭā, bhavati § cāpi nikatino nikatya.
dehi puttanaṭṭha phālanāṭṭhassa phālaṃ, mā te puttamahāsi phālanāṭṭhoti.

Kūṭavāṇijajātakaṃ aṭṭhamaṃ.

219. Garahitajātakaṃ (2-7-9)

137. Hiraññaṃ me suvaṇṇaṃ me, esā rattiṃ divā kathā;
dummedhānaṃ manussānaṃ, ariyadhammaṃ apassataṃ.

138. Dve dve gahapatayo gehe, eko tattha amassuko;
lambatthano veṇikato, atho aṅkitakaṇṇako;
kīto dhanena bahunā, so taṃ vitudate jananti.

Garahitajātakaṃ navamaṃ.

220. Dhammadhajājātakaṃ (2-7-10)

139. Sukhaṃ jīvitarūposi, raṭṭhā vivanamāgato;
so ekako rukkhamūle §, kapaṇo viya jhāyasi.
140. Sukhaṃ jīvitarūposmi, raṭṭhā vivanamāgato;
so ekako rukkhamūle, kapaṇo viya jhāyāmi;
sataṃ dhammaṃ anussaraṃti.

Dhammadhajājātakaṃ dasamaṃ.

Bīraṇathambhavaggo sattamo.

Tassuddānaṃ-

Atha (1.0060) bīraṇathambhavarō ca naṭo, bharurājavaruttamapuṇṇanadī;
bahubhāṇi aggipavane mūsikā, sahalambatthano kapaṇena dasāti.

8. Kāsāvavaggo

221. Kāsāvājātakaṃ (2-8-1)

141. Anikkasāvo kāsāvaṃ, yo vatthaṃ paridahissati §.
apeto damasaccena, na so kāsāvamarahati.
142. Yo ca vantakasāvassa, sīlesu susamāhito;
upeto damasaccena, sa ve kāsāvamarahatīti.

Kāsāvājātakaṃ paṭhamaṃ.

222. Cūḷanandiyājātakaṃ (2-8-2)

143. Idaṃ tadācariyavaco, pārāsariyo yadabravi §.
māsu tvaṃ akari § pāpaṃ, yaṃ tvaṃ pacchā kataṃ tape.
144. Yāni karoti puriso, tāni attani passati;
kalyāṇakārī kalyāṇaṃ, pāpakārī ca pāpakaṃ;
yādisaṃ vapate bījaṃ, tādisaṃ harate phalanti.

Cūḷanandiyājātakaṃ dutiyaṃ.

223. Puṭabhattājātakaṃ (2-8-3)

145. Name namantassa bhaje bhajantaṃ, kiccānukubbassa kareyya kiccaṃ;
nānatthakāmassa kareyya atthaṃ, asambhajantampi na sambhajeyya.
146. Caje (1.0061) cajantaṃ vanathaṃ na kayirā, apetacittena na sambhajeyya.
dijo dumaṃ khīṇaphalanti ñatvā, aññaṃ samekkheyya mahā hi lokoti.

Puṭabhattajātakaṃ tatiyaṃ.

224. Kumbhilajātakaṃ (2-8-4)

147. Yassete caturo dhammā, vānarinda yathā tava;
saccaṃ dhammo dhiti cāgo, diṭṭhaṃ so ativattati.
148. Yassa cete na vijjanti, guṇā paramabhaddakā;
saccaṃ dhammo dhiti cāgo, diṭṭhaṃ so nātivattatīti.

Kumbhilajātakaṃ catutthaṃ.

225. Khantivaṇṇajātakaṃ (2-8-5)

149. Atthi me puriso deva, sabbakiccesu byāvaṭo §.
tassa cekoparādhatthi, tattha tvaṃ kinti maññasi.
150. Amhākampatthi puriso, ediso idha vijjati;
dullabho aṅgasampanno, khantirasmāka rucattīti.

Khantivaṇṇajātakaṃ pañcamaṃ.

226. Kosiyajātakaṃ (2-8-6)

151. Kāle nikkhamaṇā sādhu, nākāle sādhu nikkhamo;
akālena hi nikkhamma, ekakampi bahujjano;
na kiñci atthaṃ joteti, dhaṅkaseṇāva kosiyaṃ.
152. Dhīro ca vidhividhānaññū, paresaṃ vivarānugū;
sabbāmitte vasīkatvā, kosiyova sukhī siyātī.

Kosiyajātakaṃ chaṭṭhaṃ.

227. Gūthapāṇajātakaṃ (2-8-7)

153. Sūro (1.0062) sūrena saṅgamma, vikkantena pahārinā;
ehi nāga nivattassu, kiṃ nu bhīto palāyasi;
passantu aṅgamagadhā, mama tuyhañca vikkamaṃ.
154. Na taṃ pādā vadhissāmi, na dantehi na soṇḍiyā;

mīl'hena taṃ vadhissāmi, pūti haññatu pūtināti.

Gūthapāṇajātakaṃ sattamaṃ.

228. Kāmanītajātakaṃ (2-8-8)

155. Tayo giriṃ antaraṃ kāmayāmi, pañcālā kuruyo kekake ca §.
tatuttariṃ § brāhmaṇa kāmayāmi, tikiccha maṃ brāhmaṇa kāmanītaṃ.
156. Kaṇhāhidaṭṭhassa karonti heke, amanussapaviṭṭhassa § karonti paṇḍitā.
na kāmanītassa karoti koci, okkantasukkassa hi kā tikicchāti.

Kāmanītajātakaṃ aṭṭhamaṃ.

229. Palāyitajātakaṃ (2-8-9)

157. Gajaggameghehi hayaggamālibhi, rathūmijātehi sarābhivassebhi §.
tharuggahāvaṭṭa § daḥhappahāribhi, parivāritā takkasilā samantato.
158. § Abhidhāvatha (1.0063) cūpadhāvatha ca §, vividhā vināditā § vada-
ntibhi.
vattatajja tumulo ghoso yathā, vijjulatā jaladharassa gajjatoti §.

Palāyitajātakaṃ navamaṃ.

230. Dutiypalāyitajātakaṃ (2-8-10)

159. Dhajamaparimitaṃ anantapāraṃ, duppasahaṃdhañkehi sāgaraṃva §.
girimiva-anilena duppasayho §, duppasaho ahamajjatādisena.
160. Mā bāliyaṃ vilapi § na hissa tādisaṃ, viḍayhase § na hi labhase nise-
dhakaṃ.
āsajjasi gajamiva ekacāriṇaṃ, yo taṃ padā naḷamiva pothayissatīti.

Dutiypalāyitajātakaṃ dasamaṃ.

Kāsāvavaggo aṭṭhamaṃ.

Tassuddānaṃ-

Varavatthavaco dumakhīṇaphalaṃ, caturodhammavaraṃ purisuttama;
dhañkamagadhā ca tayogirināma, gajaggavaro dhajavarena dasāti.

9. Upāhanavaggo

231. Upāhanajātakaṃ (2-9-1)

161. Yathāpi (1.0064) kītā purisassupāhanā, sukhasa atthāya dukhaṃ udabbahe;

ghammābhitattā thalasā papīlitā, tasseva pāde purisassa khādare.

162. Evameva yo dukkulīno anariyo, tammāka § vijjañca

sutañca ādiya.

tameva so tattha sutena khādati, anariyo vuccati dupāhanūpamoti §.

Upāhanajātakam paṭhamam.

232. Viṇāguṇajātakam (2-9-2)

163. Ekacintito yamattho, bālo apariṇāyako;

na hi khujjena vāmena, bhoti saṅgantumarahasi.

164. Purisūsabham maññamānā, aham khujjamakāmayim;

soyam samkuṭito seti, chinnatanti yathā viṇāti §.

Viṇāguṇajātakam dutiyam.

233. Vikaṇṇajātakam (2-9-3)

165. Kāmam yahim icchasi tena gaccha, viddhosi mammamhi § vikaṇṇakena.
hatosi bhattenā suvāditenā §, lolo ca macche anubandhamāno.

166. Evampi (1.0065) lokāmisam opatanto, vihaññatī cittavasānuvattī;
so haññati ñātisakhāna majjhe, macchānugo soriva suṃsumāroti §.

Vikaṇṇajātakam tatiyam.

234. Asitābhūjātakam (2-9-4)

167. Tvameva dānimakara §, yam kāmo byagamā tayi.
soyam appaṭisandhiko, kharachinnaṃva renukam §.

168. Atriccham § atilobhena, atilobhamadena ca;
evam hāyati atthamhā, ahamva asitābhuyāti.

Asitābhūjātakam catuttham.

235. Vacchanakhajātakam (2-9-5)

169. Sukhā gharā vacchanakha, sahiraññā sabhojanā;
yattha bhutvā pivitvā ca, sayeyyātha anussuko.

170. Gharā nānihamānassa, gharā nābhaṇato musā;
gharā nādinnadaṇḍassa, paresam anikubbato §.

evam chiddam durabhisambhavam §, ko gharam paṭipajjatīti.
Vacchanakhajātakam pañcamam.

236. Bakajātakam (2-9-6)

171. Bhaddako vatayaṃ pakkhī, dijo kumudasannibho;
vūpasantehi pakkhehi, mandamandova jhāyati.
172. Nāssa sīlaṃ vijānātha, anaññāya pasaṃsatha;
amhe dijo na pāleti, tena pakkhī na phandatīti.

Bakajātakam chaṭṭham.

237. Sāketajātakam (2-9-7)

173. Ko (1.0066) nu kho bhagavā hetu, ekacce idha puggale;
atīva hadayaṃ nibbāti, cittañcāpi pasīdati.
174. Pubbeva sannivāsena, paccuppannahitena vā;
evaṃ taṃ jāyate pemaṃ, uppalaṃva yathodaketi.

Sāketajātakam sattamaṃ.

238. Ekapadajātakam (2-9-8)

175. Ingha ekapadaṃ tāta, anekatthapadassitaṃ §.
kiñci saṅgāhikaṃ brūsi, yenatthe sādhayemase.
176. Dakkheyyekapadaṃ tāta, anekatthapadassitaṃ;
tañca sīlena saññuttaṃ, khantiyā upapāditaṃ;
alaṃ mitte sukhāpetuṃ, amittānaṃ dukhāya cāti.

Ekapadajātakam aṭṭhamaṃ.

239. Haritamaṇḍūkajātakam (2-9-9)

177. Āsīvisampi maṃ § santaṃ, pavitṭhaṃ kumināmukhaṃ;
ruccate haritāmātā, yaṃ maṃ khādanti macchakā.
178. Vilumpateva puriso, yāvassa upakappati;
yadā caññe vilumpanti, so vilutto vilumpatīti §.

Haritamaṇḍūkajātakam navamaṃ.

240. Mahāpiṅgalajātakam (2-9-10)

179. Sabbo jano hiṃsito piṅgalena, tasmim̐ mate paccayā § vedayanti.
piyo nu te āsi akaṇhanetto, kasmā nu tvaṃ rodasi dvārapāla.
180. Na (1.0067) me piyo āsi akaṇhanetto, bhāyāmi paccāgamanāya tassa;
ito gato hiṃseyya maccurājaṃ, so hiṃsito āneyya puna idha.
181. Daḍḍho vāhasahashehi, sitto ghaṭasatehi so;

parikkhatā ca sā bhūmi, mā bhāyi nāgamissatīti.

Mahāpiṅgalajātakaṃ dasamaṃ.

Upāhanavaggo navamo.

Tassuddānaṃ-

Varupāhana khujja vikaṇṇakako, asitābhuya pañcamavacchanakho;
dija pemavaruttama-ekapadaṃ, kumināmukha piṅgalakena dasāti.

10. Siṅgālavaggo

241. Sabbadāṭṭhijātakaṃ (2-10-1)

182. Siṅgālo mānathaddho ca, parivārena atthiko;
pāpuṇi mahatiṃ bhūmiṃ, rājāsi sabbadāṭṭhinam.
183. Evameva manussesu, yo hoti parivāravā;
so hi tattha mahā hoti, siṅgālo viya dāṭṭhinanti.

Sabbadāṭṭhijātakaṃ paṭhamaṃ.

242. Sunakhajātakaṃ (2-10-2)

184. Bālo vatāyaṃ sunakho, yo varattaṃ § na khādati.
bandhanā ca pamuñceyya, asito ca gharaṃ vaje.
185. Aṭṭhitaṃ (1.0068) me manasmim me, atho me hadaye kataṃ;
kālañca paṭikañkhāmi, yāva passupatū jano §.

Sunakhajātakaṃ dutiyaṃ.

243. Guttilajātakaṃ (2-10-3)

186. Sattatantiṃ sumadhuraṃ, rāmaṇeyyaṃ avācayim;
so maṃ raṅgamhi avheti, saraṇaṃ me hohi kosiya.
187. Ahaṃ taṃ saraṇaṃ samma §, ahamācariyapūjako.
na taṃ jayissati sisso, sissamācariya jessasīti.

Guttilajātakaṃ tatiyaṃ.

244. Vigaticchajātakaṃ (2-10-4)

188. Yaṃ passati na taṃ icchati, yañca na passati taṃ kiricchati;
maññāmi ciraṃ carissati, na hi taṃ lacchati yaṃ sa icchati.

189. Yaṃ labhati na tena tussati, yañca pattheti laddhaṃ hīleti;
icchā hi anantagocarā, vigaticchāna § namo karomaseti.

Vigaticcha § jātakam catuttham.

245. Mūlapariyāyajātakaṃ (2-10-5)

190. Kālo ghasati bhūtāni, sabbāneva sahattanā;
yo ca kālaghaso bhūto, sa bhūtapacaniṃ paci.
191. Bahūni narasīsāni, lomasāni brahāni ca;
gīvāsu paṭimukkāni, kocidevettha kaṇṇavāti.

Mūlapariyāyajātakaṃ pañcamamaṃ.

246. Bālovādajātakaṃ (2-10-6)

192. Hantvā chetvā § vadhitvā ca, deti dānaṃ asaññato.
edisaṃ bhattaṃ bhuñjamāno, sa pāpamupalimpati §.
193. Puttadārampi (1.0069) ce hantvā, deti dānaṃ asaññato;
bhuñjamānopi sappañño, na pāpamupalimpatīti.

Bālovādajātakaṃ chaṭṭhamaṃ.

247. Pādañjalijātakaṃ (2-10-7)

194. Addhā pādañjalī sabbe, paññāya atirocati;
tathā hi oṭṭhaṃ bhañjati, uttariṃ nūna passati.
195. Nāyaṃ dhammaṃ adhammaṃ vā, atthānatthañca bujjhati;
aññatra oṭṭhanibbhogā, nāyaṃ jānāti kiñcananti.

Pādañjalijātakaṃ sattamaṃ.

248. Kiṃsukopamajātakaṃ (2-10-8)

196. Sabbehi kiṃsuko diṭṭho, kiṃnvettha vicikicchatha;
na hi sabbesu ṭhānesu, sārathī paripucchito.
197. Evaṃ sabbehi ñāṇehi, yesaṃ dhammā ajānitā;
te ve dhammesu kañkhanti, kiṃsukasmiva bhātaroti.

Kiṃsukopamajātakaṃ aṭṭhamaṃ.

249. Sālakajātakaṃ (2-10-9)

198. Ekaputtako bhavissasi, tvañca no hessasi issaro kule;
oroḥa dumasmā sālaka, ehi dāni gharakaṃ vajemase.
199. Nanu maṃ suhadayoti § maññasi, yañca maṃ hanasi veḷuyatṭhiyā.

pakkambavane ramāmase, gaccha tvaṃ gharakaṃ yathāsukhanti.

Sālakajātakaṃ navamaṃ.

250. Kapijātakaṃ (2-10-10)

200. Ayaṃ (1.0070) isī upasamasāmyame rato, sa tiṭṭhati § sisirabhayena aṭṭito.
handā ayaṃ pavisatumaṃ agārakaṃ, vinetu sītaṃ darathañca kevalaṃ.

201. Nāyaṃ isī upasamasāmyame rato, kapī ayaṃ dumavarasākhagocaro;
so dūsako rosako cāpi jammo, sacevajemampi § dūseyyagāranti §.

Kapijātakaṃ dasamaṃ.

Siṅgālavaggo dasamo.

Tassuddānaṃ-

Atha rājā siṅgālavaro sunakho, tathā kosiya icchati kālaghaso;
atha dānavaroṭṭhapi sārathinā, punambavanañca sisirakapi dasāti.

Atha vagguddānaṃ-

Daḷhañca vagmaṃ aparena santhavaṃ, kalyāṇavaggāsadiso ca rūhakaṃ;
nataṃdaḷha bīraṇathambhakaṃ puna, kāsāvupāhana siṅgālakena dasāti.

Dukanipātaṃ niṭṭhitaṃ.

3. Tikanipāto

1. Saṅkappavaggo

251. Saṅkapparāgajātakaṃ (3-1-1)

1. Saṅkapparāgadhotena (1.0071), vitakkanisitena ca;
nālaṅkatena bhadrena §, usukārākatena ca §.

2. Na kaṇṇāyatamuttēna, nāpi morūpasevinā;
tenamhi hadaye viddho, sabbaṅgaparidāhinā.

3. Āvedhañca na passāmi, yato ruhiramassave;
yāva ayoniso cittaṃ, sayamaṃ me dukkhamābhatanti.

Saṅkapparāgajātakaṃ paṭhamaṃ.

252. Tilamuṭṭhijātakaṃ (3-1-2)

4. Ajjāpi me taṃ manasi §, yaṃ maṃ tvaṃ tilamuṭṭhiyā;
bāhāya maṃ gahetvāna, laṭṭhiyā anutālayi.
5. Nanu jīvite na ramasi, yenāsi brāhmaṇāgato;
yaṃ maṃ bāhā gahetvāna, tikkhattuṃ anutālayi.
6. Ariyo anariyaṃ kubbantāṃ §, yo daṇḍena nisedhati.
sāsanaṃ taṃ na taṃ veraṃ, iti naṃ paṇḍitā vidūti.

Tilamuṭṭhijātakaṃ dutiyaṃ.

253. Maṇikaṇṭhajātakaṃ (3-1-3)

7. Mamannapānaṃ vipulaṃ uḷāraṃ, uppajjatīmassa maṇissa hetu;
taṃ te na dassaṃ atiyācakosi, na cāpi te assamamāgamissaṃ.
8. Susū (1.0072) yathā sakkharadhotapāṇī, tāsesi maṃ selaṃ yācamāno;
taṃ te na dassaṃ atiyācakosi, na cāpi te assamamāgamissaṃ.
9. Na taṃ yāce yassa piyaṃ jigīse §, desso hoti atiyācanāya.
nāgo maṇiṃ yācito brāhmaṇena, adassanaṃyeva tadajjhagamāti.

Maṇikaṇṭhajātakaṃ tatiyaṃ.

254. Kuṇḍakakucchisindhavajātakaṃ (3-1-4)

10. Bhutvā tiṇaparighāsaṃ, bhutvā ācāmakuṇḍakaṃ;
etaṃ te bhojanaṃ āsi, kasmā dāni na bhuñjasi.
11. Yattha posaṃ na jānanti, jātiyā vinayena vā;
bahuṃ § tattha mahābrahme, api ācāmakuṇḍakaṃ.
12. Tvañca kho maṃ pajānāsi, yādisāyaṃ hayuttamo;
jānanto jānamāgamma, na te bhakkhāmi kuṇḍakanti.

Kuṇḍakakucchisindhavajātakaṃ catutthaṃ.

255. Sukajātakaṃ (3-1-5)

13. Yāva so mattamaññāsi, bhojanasmiṃ vihaṅgamo;
tāva addhānamāpādi, mātarañca aposayi.
14. Yato ca kho bahutaraṃ, bhojanaṃ ajjhavāhari §.
tato tattheva saṃsīdi, amattaññū hi so ahu.
15. Tasmā mattaññutā sādhu, bhojanasmiṃ agiddhatā §.
amattaññū hi sīdanti, mattaññū ca na sīdareti.

Sukajātakaṃ pañcamaṃ.

256. Jarūdapānajātakaṃ (3-1-6)

16. Jarūdapānaṃ (1.0073) khaṇamānā, vāṇijā udakatthikā;

ajjhagamum ayasam loham §, tipusisañca vāṇijā.
rajatam jātarūpañca, muttā veḷūriyā bahū.

17. Te ca tena asantuṭṭhā, bhiyyo bhiyyo akhāṇisum;
te tatthāsiviso § ghero, tejassī tejasā hani.
18. Tasmā khaṇe nātikhaṇe, atikhātam § hi pāpakam.
khātena ca § dhanam laddham, atikhātena § nāsitanti.

Jarūdapānajātakam chaṭṭham.

257. Gāmaṇicandajātakam (3-1-7)

19. Nāyam gharānam kusalo, lolo ayaṃ valīmukho;
katam katam kho dūseyya, evaṃdhammamidaṃ kulam.
20. Nayidaṃ cittavato lomaṃ, nāyam assāsiko migo;
siṭṭham § me janasandhena, nāyam kiñci vijānati.
21. Na mātaram pitaram vā, bhātaram bhaginim sakam;
bhareyya tādiso poso, siṭṭham dasarathena meti.

Gāmaṇicanda § jātakam sattamaṃ.

258. Mandhātujātakam (3-1-8)

22. Yāvatā candimasūriyā, pariharanti disā bhanti virocanā §.
sabbeva dāsā mandhātu, ye pāṇā pathavissitā §.
23. Na kahāpaṇavassena, titti kāmesu vijjati;
appassādā dukhā kāmā, iti viññāya paṇḍito.
24. Api (1.0074) dibbesu kāmesu, ratim so nādhigacchati;
taṇhakkhayarato hoti, sammāsambuddhasāvakoti.

Mandhātujātakam aṭṭhamaṃ.

259. Tirīṭavacchajātakam (3-1-9)

25. Nayimassa vijjāmayamatthi kiñci, na bandhavo no pana te sahāyo;
atha kena vaṇṇena tirīṭavaccho §, tedaṇḍiko bhuñjati aggapiṇḍam.
26. Āpāsu § me yuddhaparājitassa, ekassa katvā vivanasmi ghore.
pasārayī kicchagatassa pāṇim, tenūdatārim dukhasampareto.
27. Etassa kiccena idhānupatto, vesāyino visayā jīvaloke;
lābhāraho tāta tirīṭavaccho, dethassa bhogaṃ yajathañca § yaññanti.

Tirīṭavacchajātakam navamaṃ.

260. Dūtajātakam (3-1-10)

28. Yassatthā dūramāyanti, amittamapi yācituṃ;
tassūdarassahaṃ dūto, mā me kujjha § rathesabha.
29. Yassa divā ca ratto ca, vasamāyanti māṇavā;
tassūdarassahaṃ dūto, mā me kujjha § rathesabha.
30. Dadāmi (1.0075) te brāhmaṇa rohiṇīnaṃ, gavaṃ sahasaṃ saha puṅga-
vena;
dūto hi dūtassa kathaṃ na dajjaṃ, mayampi tasseva bhavāma dūtāti.

Dūtajātakaṃ dasamaṃ.

Saṅkappavaggo paṭhamo.

Tassuddānaṃ-

Usukāravaro tilamuṭṭhi maṇi, hayarāja vihaṅgama āsiviso;
janasandha kahāpaṇavassa puna, tiriṭaṃ puna dūtavarena dasāti.

2. Padumavaggo

261. Padumajātakaṃ (3-2-1)

31. Yathā kesā ca massū ca, chinnaṃ chinnaṃ virūhati;
evaṃ rūhatu te nāsā, padumaṃ dehi yācito.
32. Yathā sārādikaṃ bijaṃ, khetto vuttaṃ virūhati;
evaṃ rūhatu te nāsā, padumaṃ dehi yācito.
33. Ubhopi palapantete §, api padmāni dassati;
vajjuṃ vā te na vā vajjuṃ, natthi nāsāya rūhanā;
dehi samma padumāni, ahaṃ yācāmi yācitoti.

Padumajātakaṃ paṭhamaṃ.

262. Mudupāṇijātakaṃ (3-2-2)

34. Pāṇi ce muduko cassa, nāgo cassa sukārito;
andhakāro ca vasseyya, atha nūna tadā siyā.
35. Analā (1.0076) mudusambhāsā, duppūrā tā § nadīsamā.
sīdanti naṃ viditvāna, ārakā parivajjaye.
36. Yaṃ etā upasevanti, chandasā vā dhanena vā;
jātavedova saṃ ṭhānaṃ, khippaṃ anudahanti nanti.

Mudupāṇijātakaṃ dutiyaṃ.

263. Cūḷapalobhanajātakaṃ (3-2-3)

37. Abhijjamāne vārismiṃ, sayamaṃ § āgamma iddhiyā;
missībhāvitthiyā gantvā, saṃsīdasi § mahaṇṇave.
38. Āvaṭṭanī mahāmāyā, brahmacariyavikopanā;
sīdanti naṃ viditvāna, ārakā parivajjaye.
39. Yaṃ etā upasevanti, chandasā vā dhanena vā;
jātavedova saṃ ṭhānaṃ, khippamaṃ anudahanti nanti.

Cūḷapalobhana § jātakaṃ tatiyaṃ.

264. Mahāpanādajātakaṃ (3-2-4)

40. Panādo nāma so rājā, yassa yūpo suvaṇṇayo;
tiriyaṃ soḷasubbedho §, uddhamāhu § saḥassadhā.
41. Saḥsakaṇḍo satageṇḍu §, dhajāsu haritāmoyo.
anaccuṃ tattha gandhabbā, cha saḥassāni sattadhā.
42. Evametamaṃ § tadā āsi, yathā bhāsasi bhaddaji;
sakko ahaṃ tadā āsiṃ, veyyāvaccakaro tavāti.

Mahāpanādajātakaṃ catutthaṃ.

265. Khurappajātakaṃ (3-2-5)

43. Disvā (1.0077) khurappe dhanuveganunne, khagge gahīte tikhiṇe teladhote.
tasmīṃ bhayasmīṃ maraṇe viyūḷhe, kasmā nu te nāhu chambhitattaṃ.
44. Disvā khurappe dhanuveganunne, khagge gahīte tikhiṇe teladhote;
tasmīṃ bhayasmīṃ maraṇe viyūḷhe, vedaṃ alatthaṃ vipulaṃ uḷāraṃ.
45. So vedajāto ajjhabhaviṃ amitte, pubbeva me jīvitamāsi cattaṃ;
na hi jīvite ālayamaṃ kubbamāno, sūro kayirā sūrakiccaṃ kadāciti.

Khurappajātakaṃ pañcamaṃ.

266. Vātaggasindhavajātakaṃ (3-2-6)

46. Yenāsi kisiyā paṇḍu, yena bhattaṃ na rucati;

- ayaṃ so āgato bhattā §, kasmā dāni palāyasi.
47. Sace § panādikeneva, santhavo nāma jāyati;
yaso hāyati itthīnaṃ, tasmā tāta palāyahaṃ §.
48. Yassassināṃ kule jātaṃ, āgataṃ yā na icchatī;
socatī cirarattāya, vātaggamiva bhaddalīti §.

Vātaggasindhavajātakāṃ chaṭṭhaṃ.

267. Kakkaṭakajātakāṃ (3-2-7)

49. Siṅgīmigo (1.0078) āyatacakkhunetto, aṭṭhittaco vārisayo alomo;
tenābhibhūto kapaṇaṃ rudāmi, mā heva maṃ pāṇasamaṃ jaheyya §.
50. Ayya na taṃ jahissāmi, kuñjaraṃ saṭṭhihāyanaṃ §.
pathabyā cāturantāya, suppiyo hosi me tuvaṃ.
51. Ye kuḷīrā samuddasmiṃ, gaṅgāya yamunāya § ca.
tesaṃ tvaṃ vārijo seṭṭho, muñca rodantiyā patinti.

Kakkaṭaka § jātakāṃ sattamaṃ.

268. Ārāmadūsakajātakāṃ (3-2-8)

52. Yo ve sabbasametānaṃ, ahuvā seṭṭhasammato;
tassāyaṃ edisī paññā, kimeva itarā pajā.
53. Evameva tuvaṃ brahme, anaññāya vinindasi;
kathaṃ mūlaṃ adisvāna §, rukkhaṃ jaññā patiṭṭhitaṃ.
54. Nāhaṃ tumhe vinindāmi, ye caññe vānarā vane;
vissasenova gārayho, yassathā rukkharopakāti.

Ārāmadūsakajātakāṃ aṭṭhamaṃ.

269. Sujātajātakāṃ (3-2-9)

55. Na hi vaṇṇena sampannā, mañjukā piyadassanā;
kharavācā piyā hoti, asmiṃ loke paramhi ca.
56. Nanu passasimaṃ kāḷiṃ, dubbaṇṇaṃ tilakāhataṃ;
kokilaṃ saṇhavācena, bahūnaṃ pāṇinaṃ piyaṃ.
57. Tasmā (1.0079) sakhilavācassa, mantabhāṇī anuddhato;
atthaṃ dhammañca dīpeti, madhuraṃ tassa bhāsitanti.

Sujātajātakāṃ navamaṃ.

270. Ulūkajātakāṃ (3-2-10)

58. Sabbehi kira ñātīhi, kosiyo issaro kato;
sace ñātīhi anuññāto §, bhaṇeyyāhaṃ ekavācikaṃ.
59. Bhaṇa samma anuññāto, atthaṃ dhammañca kevalaṃ;
santi hi daharā pakkhī, paññavanto jutindharā.
60. Na me ruccati bhaddaṃ vo §, ulūkassābhisecanaṃ;
akkuddhassa mukhaṃ passa, kathaṃ kuddho karissatīti.

Ulūkajātakaṃ dasamaṃ.

Padumavaggo dutiyo.

Tassuddānaṃ-

Padumuttama nāgasirivhayano, sa-mahaṇṇava yūpa khurappavaro;
atha bhaddalī kuñjara rukkhā puna, kharavāca ulūkavarena dasāti.

3. Udapānavaggo

271. Udapānadūsakajātakaṃ (3-3-1)

61. Āraññikassa isino, cirarattaṃ tapassino;
kicchākataṃ udapānaṃ, kathaṃ samma avāhasi §.
62. Esa dhammo siṅgālānaṃ, yaṃ pitvā ohadāmase;
pitupitāmahaṃ dhammo, na taṃ § ujjhātumarahasi.
63. Yesaṃ (1.0080) vo ediso dhammo, adhammo pana kīdiso;
mā vo dhammaṃ adhammaṃ vā, addasāma kudācananti.

Udapānadūsakajātakaṃ paṭhamaṃ.

272. Byagghajātakaṃ (3-3-2)

64. Yena mittena saṃsaggā, yogakkhemo vihiyyati;
pubbevajjhābhavaṃ tassa, rukkhē akkhīva paṇḍito.
65. Yena mittena saṃsaggā, yogakkhemo pavaḍḍhati;
kareyyattasamaṃ vuttiṃ, sabbakiccesu paṇḍito.
66. Etha byagghā nivattavho, paccupetha § mahāvanaṃ.
mā vanaṃ chindi nibyagghaṃ, byagghā māhesu nibbanāti.

Byagghajātakaṃ dutiyaṃ.

273. Kacchapajātakaṃ (3-3-3)

67. Ko nu uddhitabhattova §, pūrahatthova brāhmaṇo.
kahaṃ nu bhikkhaṃ acari, kaṃ saddhaṃ upasaṅkami.
68. Ahaṃ kapismi dummedho, anāmāsāni āmasiṃ;
tvaṃ maṃ mocaya bhaddante, mutto gaccheyya pabbataṃ.
69. Kacchapā kassapā honti, koṇḍaññā honti makkaṭā;
muñca kassapa koṇḍaññaṃ, kataṃ methunakaṃ tayāti.

Kacchapajātakaṃ tatiyaṃ.

274. Lolajātakaṃ (3-3-4)

70. Kāyaṃ balākā sikhinī, corī laṅghipitāmahā;
oraṃ balāke āgaccha, caṇḍo me vāyaso sakhā.
71. Nāhaṃ balākā sikhinī, ahaṃ lolosmi vāyaso;
akatvā vacanaṃ tuyhaṃ, passa lūnosmi āgato.
72. Punapāpajjasī (1.0081) samma, silañhi tava tādisaṃ;
na hi mānusakā bhogā, subhuñjā honti pakkhināti.

Lolajātakaṃ catutthaṃ.

275. Rucirajātakaṃ (3-3-5)

73. Kāyaṃ balākā rucirā, kākanīlasmimacchati;
caṇḍo kāko sakhā mayhaṃ, yassa § cetāṃ kulāvakaṃ.
74. Nanu maṃ samma jānāsi, dija sāmākabhojana;
akatvā vacanaṃ tuyhaṃ, passa lūnosmi āgato.
75. Punapāpajjasī samma, silañhi tava tādisaṃ;
na hi mānusakā bhogā, subhuñjā honti pakkhināti.

Rucirajātakaṃ pañcamaṃ.

276. Kurudhammajātakaṃ (3-3-6)

76. Tava saddhañca silañca, veditvāna janādhipa;
vaṇṇaṃ añjanavaṇṇena, kāliṅgasmim nimimhase §.
77. Annabhaccā cabhaccā ca, yodha uddissa gacchati;
sabbe te appaṭikkhippā, pubbācariyavaco idaṃ.
78. Dadāmi vo brāhmaṇā nāgametaṃ, rājārahaṃ rājabhoggaṃ yasassinaṃ;
alaṅkataṃ hemajālābhichannaṃ, sasārathiṃ gacchatha yena kāmanti.

Kurudhammajātakaṃ § chaṭṭhaṃ.

277. Romakajātakam (3-3-7)

79. Vassāni (1.0082) paññāsa samādhikāni, vasimha selassa guhāya romaka;
asaṅkamānā abhinibbutattā §, hatthatta § māyanti mamaṇḍajā pure.
80. Te dāni vakkaṅga kimatthamussukā, bhajanti aññaṃ girikandaram dijā;
na nūna maññanti mamaṃ yathā pure, cirappavutthā atha vā na te ime.
81. Jānāma taṃ na mayaṃ sampamūḷhā §, soyeva tvaṃ te mayamasma
nāññe.
cittañca te asmiṃ jane paduṭṭhaṃ, ājivikā § tena tamuttasāmāti.

Romakajātakam sattamaṃ.

278. Mahimsarājajātakam (3-3-8)

82. Kimattha § mabhisandhāya, lahucittassa dubbhino §.
sabbakāmadadasseva §, imaṃ dukkhaṃ titikkhasi.
83. Siṅgena nihanāhetam, padasā ca adhiṭṭhaha;
bhiyyo § bālā pakujjheyyuṃ, no cassa paṭisedhako.
84. Mamevāyaṃ maññamāno, aññepevaṃ § karissati.
te naṃ tattha vadhissanti, sā me mutti bhavissatīti.

Mahimsarājajātakam § aṭṭhamaṃ.

279. Satapattajātakam (3-3-9)

85. Yathā (1.0083) māṇavako panthe, siṅgāliṃ vanagocarim;
atthakāmaṃ pavedentiṃ §, anathakāmāti maññati.
anathakāmaṃ satapattaṃ, atthakāmoti maññati.
86. Evameva idhekacco, puggalo hoti tādiso;
hitehi vacanaṃ vutto, paṭigaṇhāti vāmato.
87. Ye ca kho naṃ pasamsanti, bhayā ukkaṃsayanti vā §.
tañhi so maññate mittam, satapattaṃva māṇavoti.

Satapattajātakam navamaṃ.

280. Puṭadūsakajātakam (3-3-10)

88. Addhā hi nūna migarājā, puṭakammaṃ kovidō;
tathā hi puṭam dūseti, aññaṃ nūna karissati.
89. Na me mātā vā pitā vā, puṭakammaṃ kovidō;
kataṃ kataṃ kho dūsema, evaṃ dhammamidaṃ kulaṃ.
90. Yesam vo ediso dhammo, adhammo pana kīdiso;

mā vo dhammaṃ adhammaṃ vā, addasāma kudācananti.

Puṭadūsakajātakam dasamaṃ.

Udapānavaggo § tatiyo.

Tassuddānaṃ-

Udapānavaram vanabyaggha kapi, sikhinī ca balāka ruciravaro;
sujanādhiparomakadūsa puna, satapattavaro puṭakamma dasāti.

4. Abbhantaravaggo

281. Abbhantarajātakam (3-4-1)

91. Abbhantaro (1.0084) nāma dumo, yassa dibyamidaṃ phalaṃ;
bhutvā dohaḷinī nārī, cakkavattiṃ vijāyati.
92. Tvampi § bhadde mahesīsī, sā cāpi § patino piyā.
āharissati te rājā, idaṃ abbhantaram phalaṃ.
93. Bhatturatthe parakkanto, yaṃ ṭhānamadhigacchati;
sūro attapariccāgī, labhamāno bhavāmahanti.

Abbhantarajātakam paṭhamaṃ.

282. Seyyajātakam (3-4-2)

94. Seyyaṃso seyyaso hoti, yo seyyamupasevati;
ekena sandhiṃ katvāna, sataṃ vajjhe § amocayiṃ.
95. § Tasmā sabbena lokena, sandhiṃ katvāna ekato §.
pecca saggam nigaccheyya §, idaṃ suṇātha kāsiyā §.
96. Idaṃ vatvā mahārājā, kaṃso bārāṇasiggaho;
dhanuṃ kaṇḍaṅca § nikkhippa, saṃyamam ajjhupāgamīti.

Seyyajātakam dutiyam.

283. Vaḍḍhakīsūkarajātakam (3-4-3)

97. Varam varam tvam nihanam pure cari, asmiṃ padese abhibhuyya sūkare;
so dāni eko byapagamma jhāyasi, balaṃ nu te byaggha na cajja vijjati.
98. Ime (1.0085) sudam § yanti disodisam pure, bhayaṭṭitā leṇagavesino puthu.
te dāni saṅgamma vasanti ekato, yatthaṭṭhitā duppasahajjame § mayā.
99. Namatthu saṅghāna samāgatānaṃ, disvā sayam sakhya vadāmi abbhutam.
byaggham migā yattha jiniṃsu dāṭhino, sāmaggīyā dāṭhabalesu muccareti.

Vaḍḍhakīsūkarajātakaṃ tatiyaṃ.

284. Sirijātakaṃ (3-4-4)

100. Yaṃ ussukā saṅgharanti, alakkhikā bahuṃ dhanam;
sippavanto asippā ca, lakkhivā tāni bhuñjati.
101. Sabbattha katapuññassa, aticcaññeva pāṇino;
uppajjanti bahū bhogā, appanāyatanesupī.
102. Kukkuṭo § maṇayo daṇḍo, thiyo ca puññalakkhaṇā.
uppajjanti apāpassa, katapuññassa jantunoti.

Sirijātakaṃ catutthaṃ.

285. Maṇisūkarajātakaṃ (3-4-5)

103. Dariyā satta vassāni, tiṃsamattā vasāmase;
haññāma § maṇino ābhaṃ, iti no mantanaṃ ahu.
104. Yāvatā maṇiṃ ghaṃsāma §, bhiyyo vodāyate maṇi.
idañca dāni pucchāma, kiṃ kiccaṃ idha maññasi.
105. Ayaṃ maṇi veḷūriyo, akāco vimalo § subho.
nāssa sakkā siriṃ hantuṃ, apakkamatha sūkarāti.

Maṇisūkara § jātakaṃ pañcamaṃ.

286. Sālūkajātakaṃ (3-4-6)

106. Mā (1.0086) sālūkassa pihayi, āturannāni bhuñjati;
appossukko bhusaṃ khāda, etaṃ dīghāyulakkhaṇaṃ.
107. Idāni so idhāgantvā, atithī yuttasevako;
atha dakkhasi sālūkaṃ, sayantaṃ musaluttaraṃ.
108. Vikantaṃ § sūkaraṃ disvā, sayantaṃ musaluttaraṃ.

jaraggavā vicintesuṃ, varamhākaṃ bhusānivāti.

Sālūkajātakaṃ chaṭṭhaṃ.

287. Lābhagarahajātakaṃ (3-4-7)

109. Nānummatto nāpisuṇo, nānaṭo nākutūhalo;
mūlhesu labhate lābhaṃ, esā te anusāsani.
110. Dhiratthu taṃ yasalābhaṃ, dhanalābhañca brāhmaṇa;
yā vutti vinipātena, adhammacaraṇena § vā.
111. Api ce pattamādāya, anagāro paribbaje;
esāva jīvikā seyvo §, yā cādhammena esanāti.

Lābhagarahajātakaṃ sattamaṃ.

288. Macchuddānajātakaṃ (3-4-8)

112. Agghanti macchā adhikaṃ sahasaṃ, na so atthi yo imaṃ saddaheyya;
mayhañca assu idha satta māsā, ahampi taṃ macchuddānaṃ kiṇeyyaṃ.
113. Macchānaṃ bhojanaṃ datvā, mama dakkhiṇamādisi;
taṃ dakkhiṇaṃ sarantiyā, kataṃ apacitiṃ tayā.
114. Paduṭṭhacittassa (1.0087) na phāti hoti, na cāpi taṃ § devatā pūjayanti.
yo bhātaraṃ pettikaṃ sāpateyyaṃ, avañcayī dukkaṭakammakāriti.

Macchuddānajātakaṃ aṭṭhamaṃ.

289. Nānāchandajātakaṃ (3-4-9)

115. Nānāchandā mahārāja, ekāgāre vasāmase;
ahaṃ gāmavaraṃ icche, brāhmaṇi ca gavaṃ sataṃ.
116. Putto ca ājaññarathaṃ, kaññā ca maṇikuṇḍalaṃ;
yā cesā puṇṇikā jammī, udukkhalaṃbhikaṅkhati.
117. Brāhmaṇassa gāmavaraṃ, brāhmaṇiyā gavaṃ sataṃ;
puttassa ājaññarathaṃ, kaññāya maṇikuṇḍalaṃ;
yañcetaṃ puṇṇikaṃ jammim, paṭipādedhuddukkhalanti.

Nānāchandajātakaṃ navamaṃ.

290. Silavīmaṃsakajātakaṃ (3-4-10)

118. Silaṃ kireva kalyāṇaṃ, silaṃ loke anuttaraṃ;
passa ghoraviso nāgo, silavāti na haññati.

119. Sohaṃ sīlaṃ samādissaṃ, loke anumataṃ sivaṃ;
ariyavuttisamācāro, yena vuccati sīlavā.

120. Ñātinañca piyo hoti, mittesu ca virocati;
kāyassa bhedaṃ sugatiṃ, upapajjati sīlavāti.

Sīlavīmaṃsakajātakaṃ dasamaṃ.

Abbhantaravaggo catuttho.

Tassuddānaṃ-

Duma (1.0088) kaṃsavaruttamabyagghamigā, maṇayo maṇi sālukamavha-
yano;

anusāsaniyopi ca macchavaro, maṇikuṇḍalakena kirena dasāti.

5. Kumbhavaggo

291. Surāghaṭajātakaṃ (2-5-1)

121. Sabbakāmadadaṃ kumbhaṃ, kuṭaṃ laddhāna dhuttako;
yāva naṃ anupāleti, tāva so sukhamedhati.

122. Yadā matto ca ditto ca, pamādā kumbhamabbhidā;
tadā naggo ca pottho ca, pacchā bālo vihaññati.

123. Evameva yo dhanaṃ laddhā, pamatto § paribhuñjati.
pacchā tappati dummedho, kuṭaṃ bhitvāva § dhuttakoti.

Surāghaṭa § jātakaṃ paṭhamaṃ.

292. Supattajātakaṃ (3-5-2)

124. Bārāṇasyaṃ § mahārāja, kākarājā nivāsako §.
asītiyā sahassehi, supatto parivārito.

125. Tassa dohaḷiṇi bhariyā, suphassā bhakkhitumicchati §.
rañño mahānase pakkaṃ, paccagghaṃ rājabhojanaṃ.

126. Tesāhaṃ pahito dūto, rañño camhi idhāgato;
bhattu apacitiṃ kummi, nāsāyamakaraṃ § vaṇanti.

Supattajātakaṃ dutiyaṃ.

293. Kāyanibbindajātakaṃ (3-5-3)

127. Phuṭṭhassa (1.0089) me aññatarena byādhinā, rogena bāḷhaṃ dukhitassa
ruppato;

- parisussati khippamidam kaḷevaram, puppham yathā paṃsuni ātape kataṃ.
128. Ajaññaṃ jaññasāṅkhātaṃ, asuciṃ sucisammataṃ;
nānākuṇapaparipūraṃ, jaññarūpaṃ apassato.
129. Dhiratthumaṃ āturaṃ pūtikāyaṃ, jegucchiyaṃ assuciṃ byādhidhammaṃ;
yatthappamattā adhimucchitā pajā, hāpenti maggaṃ sugatūpapattiyāti.

Kāyanibbinda § jātakaṃ tatiyaṃ.

294. Jambukhādakajātakaṃ (3-5-4)

130. Koyaṃ bindussaro vaggu, saravantāna § muttamo.
accuto jambusākhāya, moracchāpova kūjati.
131. Kulaputtova jānāti §, kulaputtaṃ § pasamsituṃ.
byagghacchāpasarivaṇṇa, bhuñja samma dadāmi te.
132. Cirassaṃ vata passāmi, musāvādī samāgate;
vantādaṃ kuṇapādañca, aññaṃaññaṃ pasamsaketi.

Jambukhādakajātakaṃ catutthaṃ.

295. Antajātakaṃ (3-5-5)

133. Usabhasseva te khandho, sīhasseva vijambhitaṃ;
migarāja namo tyatthu, api kiñci labhāmase.
134. Kulaputtova jānāti, kulaputtaṃ pasamsituṃ;
mayūragīvasaṅkāsa, ito pariyāhi vāyasa.
135. Migānaṃ (1.0090) siṅgālo § anto, pakkhīnaṃ pana vāyaso.
eraṇḍo anto rukkhānaṃ, tayo antā samāgatāti.

Antajātakaṃ pañcamaṃ.

296. Samuddajātakaṃ (3-5-6)

136. Ko nāyaṃ § loṇatoyasmiṃ, samantā paridhāvati;
macche makare ca vāreti, ūmīsu ca vihaññati.
137. Anantapāyī sakuṇo, atittoti disāsuto;
samuddaṃ pātumicchāmi, sāgaraṃ saritaṃ patiṃ.
138. So ayaṃ hāyati ceva, pūrate ca mahodadhi;
nāssa nāyati pītanto, apeyyo kira sāgaroti.

Samuddajātakaṃ chaṭṭhaṃ.

297. Kāmavilāpajātakaṃ (3-5-7)

139. Ucce sakuṇa ḍemāna, pattayāna vihaṅgama;
vajjāsi kho tvaṃ vāmūruṃ, ciraṃ kho sā karissati §.

140. Idamaṃ kho sā na jānāti, asimaṃ sattiñca oḍḍitaṃ;
sā caṇḍī kāhati kodhaṃ, taṃ me tapati no idamaṃ §.

141. Esa uppalasannāho, nikkhañcussīsakohitaṃ §.
kāsiḱañca mudumaṃ vatthaṃ, tappetu dhanikā piyāti §.

Kāmaṃvilāpajātakaṃ sattamaṃ.

298. Udumbaraṃjātakaṃ (3-5-8)

142. Udumbarā cime pakkā, nigrodhā ca kapitthanā;
ehi nikkhama bhunḱjassu, kiṃ jighacchāya miyyasi.

143. Evaṃ (1.0091) so suhito hoti, yo vuḍḍhamapacāyati;
yathāhamajja suhito, dumapakkāni māsiṭo.

144. Yaṃ vanejo vanejassa, vañceyya kapino kapi;
daharo kapi § saddheyya, na hi jiṇṇo jarākapīti.

Udumbaraṃjātakaṃ aṭṭhamaṃ.

299. Komāraputtajātakaṃ (3-5-9)

145. Pure tuvaṃ siṃlavataṃ sakāse, okkantiḱaṃ § kiḱasi assamaṃhi.
karohare § makkaṭiyāni makkaṭa, na taṃ mayaṃ siṃlavataṃ ramāma.

146. Sutā hi mayhaṃ paramā visuddhi, komāraputtassa bahussutassa;
mā dāni maṃ mañṇi tuvaṃ yathā pure, jhānānuyutto viharāmi § āvuso.

147. Sacepi selasmi vapeyya biḱaṃ, devo ca vasse na hi taṃ virūḱhe §.
sutā hi te sā paramā visuddhi, ārā tuvaṃ makkaṭa jhānabhūmiyāti.

Komāraputtajātakaṃ navamaṃ.

300. Vakajātakaṃ (3-5-10)

148. Parapāṇarodhā § jīvanto, maṃsalohitabhojano.
vako vataṃ samādāya, upapajji uposathaṃ.

149. Tassa sakko vataññāya, ajarūpenupāgami;
vītatapo ajjhappatto, bhañḱi lohitapo tapaṃ.

150. Evameva (1.0092) idhekacce, samādānamhi dubbalā;
lahumaṃ karonti attānaṃ, vakova ajakāraṇāti.

Vakajātakaṃ dasamaṃ.

Kumbhavaggo pañcamaṃ.

Tassuddānaṃ-

Varakumbha supattasirivhayano, sucisammata bindusaro cusabho;
saritaṃpati caṇḍi jarākapinā, atha makkaṭṭiyā vakakena dasāti.

Atha vagguddānaṃ-

Saṅkappo padumo ceva, udapānena tatiyaṃ;
abbhantaraṃ ghaṭabhedam, tikanipātamhilaṅkatanti.

Tikanipātaṃ niṭṭhitaṃ.

4. Catukkanipāto

1. Kāliṅgavaggo

301. Cūlakāliṅgajātakaṃ (4-1-1)

1. Vivarathimāsaṃ (1.0093) § dvāraṃ, nagaraṃ pavisantu § aruṇarājassa.
sīhena susiṭṭhena, surakkhitaṃ § nandisenena.
2. Jayo kaliṅgānamasayhasāhinaṃ, parājayo anayo § assakānaṃ.
icceva te bhāsitaṃ brahmacāri, na ujjubhūtā vitathaṃ bhaṇanti.
3. Devā musāvādamupātivattā, saccaṃ dhanam paramam tesu § sakka.
taṃ te musā bhāsitaṃ devarāja, kiṃ vā paṭicca maghavā mahinda.
4. Nanu te sutam brāhmaṇa bhaññamāne, devā na issanti purisaparakkamassa;
damo samādhi manaso abhejjo §, abyaggaṭā nikkamanañca § kāle.
daḥhañca viriyaṃ purisaparakkamo ca, teneva āsi vijayo assakānanti.

Cūlakāliṅgajātakaṃ paṭhamaṃ.

302. Mahā-assārohajātakaṃ (4-1-2)

5. Adeyyesu dadaṃ dānaṃ, deyyesu nappavecchati;
āpāsu byasanaṃ patto, sahāyaṃ nādhigacchati.
6. Nādeyyesu (1.0094) dadaṃ dānaṃ, deyyesu yo pavecchati;
āpāsu byasanaṃ patto, sahāyamadhigacchati.
7. Saññogasambhogavisesadassanaṃ, anariyadhammesu saṭhesu nassati;
katañca ariyesu ca ajjavesu, mahapphalaṃ hoti aṇumpi tādisu.
8. Yo pubbe katakalyāṇo, akā loke sudukkaraṃ;
pacchā kayirā na vā kayirā, accantaṃ pūjanārahoti.

Mahā-assārohajātakaṃ dutiyaṃ.

303. Ekarājajātakaṃ (4-1-3)

9. Anuttare kāmaguṇe samiddhe, bhutvāna pubbe vasī ekarāja;
so dāni dugge narakamhi khitto, nappajjahe vaṇṇabalaṃ purāṇaṃ.
10. Pubbeva khantī ca tapo ca mayhaṃ, sampatthitā dubbhisena § ahosi.
taṃ dāni laddhāna kathaṃ nu rāja, jahe ahaṃ vaṇṇabalaṃ purāṇaṃ.
11. Sabbā kirevaṃ pariniṭṭhitāni, yasassināṃ paññavantaṃ visayha;
yaso ca laddhā purimaṃ uḷāraṃ, nappajjahe vaṇṇabalaṃ purāṇaṃ.
12. Panujja dukkhena sukhaṃ janinda, sukkena vā dukkhamasayhasāhi;
ubhayattha santo abhinibbutattā, sukhe ca dukkhe ca bhavanti tulyāti.

Ekarājajātakaṃ tatiyaṃ.

304. Daddarājajātakaṃ (4-1-4)

13. Imāni (1.0095) maṃ daddara tāpayanti, vācāduruttāni manussaloke;
maṇḍūkabhakkhā udakantasevī, āsīvisaṃ maṃ avisā sapanti.
14. Sakā raṭṭhā pabbājito, aññaṃ janapadaṃ gato;
mahantaṃ koṭṭhaṃ kayirātha, duruttānaṃ § nidhetave.
15. Yattha posaṃ na jānanti, jātiyā vinayena vā;
na tattha mānaṃ kayirātha, vasamaññātake jane.
16. Videsavāsaṃ vasato, jātavedasamenapi §.
khamitabbaṃ sapaññaena, api dāsassa tajjiganti.

Daddarājajātakaṃ catutthaṃ.

305. Sīlavīmaṃsanajātakaṃ (4-1-5)

17. Natthi loke raho nāma, pāpakammaṃ pakubbato;
passanti vanabhūtāni, taṃ bālo maññatī raho.
18. Ahaṃ raho na passāmi, suññaṃ vāpi na vijjati;
yattha aññaṃ § na passāmi, asuññaṃ hoti taṃ mayā.
19. Dujjacco ca sujacco § ca, nando ca sukhaveḍḍhito §.
vejjo ca addhuvasīlo § ca, te dhammaṃ jahu matthikā.
20. Brāhmaṇo ca kathaṃ jahe, sabbadhammāna pāragū;
yo dhammamanupāleti, dhitimā saccanikkamoti.

Sīlavīmaṃsanajātakaṃ pañcamaṃ.

306. Sujātajātakaṃ (4-1-6)

21. Kimaṇḍakā (1.0096) ime deva, nikkhattā kaṃsamallake;
upalohitakā vaggū, taṃ § me akkhāhi pucchito.
22. Yāni pure tuvaṃ devi, bhaṇḍu nantakavāsini;
ucchaṅgahatthā pacināsi, tassā te koliyaṃ phalaṃ.
23. Uḍḍayhate na ramati, bhogā vippajahanti taṃ §.
tatthevimaṃ paṭinetha, yattha kolaṃ pacissati.
24. Honti hete mahārāja, iddhippattāya § nāriyā.
khama deva sujātāya, mässā § kujjha rathesabhāti.

Sujātajātakaṃ chaṭṭhaṃ.

307. Palāsajātakaṃ (4-1-7)

25. Acetanaṃ brāhmaṇa assuṇantaṃ, jāno ajānantamimaṃ palāsaṃ;
āraddhaviriyo dhuvaṃ appamatto, sukhasēyyaṃ pucchasi kissa hetu.
26. Dūre suto ceva brahā ca rukkho, dese ṭhito bhūtanivāsarūpo;
tasmā namassāmi imaṃ palāsaṃ, ye cettha bhūtā te § dhanassa hetu.
27. So te karissāmi yathānubhāvaṃ, kataññutaṃ brāhmaṇa pekkhamāno;
kathañhi āgamma sataṃ sakāse, moghāni te assu pariphanditāni.
28. Yo (1.0097) tindukarukkhasa paro § pilakkho §, parivārito pubbayañño
uḷāro.
tassesa mūlasmimṃ nidhi nikhāto, adāyādo gaccha taṃ uddharāhīti.

Palāsajātakaṃ sattamaṃ.

308. Sakuṇajātakaṃ (4-1-8)

29. Akaramhasa te kiccaṃ, yaṃ balaṃ ahuvamhase;
migarāja namo tyatthu, api kiñci labhāmase.

30. Mama lohitabhakkhassa, niccaṃ luddāni kubbato;
dantantaragato santo, taṃ bahuṃ yampi jīvasi.
31. Akataññumakattāraṃ, katassa appaṭikāraṃ;
yasmim̐ kataññutā natthi, niratthā tassa sevanā.
32. Yassa sammukhaciṇṇena, mittadhammo na labbhati;
anusūya § manakkosaṃ, saṅikaṃ tamhā apakkameti.

Sakuṇajātakaṃ aṭṭhamaṃ.

309. Chavakajātakaṃ (4-1-9)

33. Sabbamidaṃ carimaṃ kataṃ §, ubho dhammaṃ na passare;
ubho pakatiyā cutā, yo cāyaṃ mantejjhāpeti §.
yo ca mantaṃ adhīyati.
34. Sālīnaṃ odanaṃ bhuñje, suciṃ maṃsūpasecanaṃ;
tasmā etaṃ na sevāmi, dhammaṃ isihi sevitāṃ.
35. Paribbaja mahā loko §, pacantaññepi pāṇino;
mā taṃ adhammo ācarito, asmā kumbhamivābhidā.
36. Dhiratthu (1.0098) taṃ yasalābhaṃ, dhanalābhañca brāhmaṇa;
yā vutti vinipātena, adhammacaraṇena vāti.

Chavakajātakaṃ navamaṃ.

310. Seyyajātakaṃ (4-1-10)

37. Sasamuddapariyāyaṃ, mahim̐ sāgarakuṇḍalaṃ;
na icche saha nindāya, evaṃ seyya § vijānahi.
38. Dhiratthu taṃ yasalābhaṃ, dhanalābhañca brāhmaṇa;
yā vutti vinipātena, adhammacaraṇena vā.
39. Api ce pattamādāya, anagāro paribbaje;
sāyeva jīvikā seyyo, yā cādhammena esanā.
40. Api ce pattamādāya, anagāro paribbaje;
aññaṃ ahiṃsayāṃ loke, api rajjena taṃ varanti.

Seyyajātakaṃ § dasamaṃ.

Kāliṅgavaggo § paṭhamaṃ.

Tassuddānaṃ-

Vivarañca adeyya samiddhavaraṃ, atha daddara pāpamahātiraho;
atha koli palāsavarañca kara, carimaṃ sasamuddavarena dasāti.

2. Pucimandavaggo

311. Pucimandajātakaṃ (4-2-1)

41. Uṭṭhehi cora kiṃ sesi, ko attho supanena § te.
mā taṃ gahesuṃ § rājāno, gāme kibbisakāraṃ.
42. Yaṃ (1.0099) nu § coraṃ gahessanti, gāme kibbisakāraṃ.
kiṃ tattha pucimandassa, vane jātassa tiṭṭhato.
43. Na tvaṃ assattha jānāsi, mama corassa cantaraṃ;
coraṃ gahetvā rājāno, gāme kibbisakāraṃ;
appenti § nimbasūlasmiṃ, tasmīṃ me saṅkate mano.
44. Saṅkeyya saṅkitabbāni, rakkheyyānāgataṃ bhayaṃ;
anāgatabhayaṃ dhīro, ubho loke avekkhatīti.

Pucimandajātakaṃ paṭhamaṃ.

312. Kassapamandiyajātakaṃ (4-2-2)

45. Api kassapa mandiyā, yuvā sapati hanti § vā.
sabbaṃ taṃ khamate dhīro, paṇḍito taṃ titikkhati.
46. Sacepi santo vivadanti, khippaṃ sandhīyare puna;
bālā pattāva bhijjanti, na te samathamajjhagū.
47. Ete bhiyyo samāyanti, sandhi tesaṃ na jīrati;
yo cādhipannaṃ jānāti, yo ca jānāti desanaṃ.
48. Eso hi uttaritaro, bhāravaho dhuraddharo;
yo paresādhipannānaṃ, sayamaṃ sandhātumarahatīti.

Kassapamandiyajātakaṃ dutiyaṃ.

313. Khantivādijātakaṃ (4-2-3)

49. Yo te hatthe ca pāde ca, kaṇṇanāsañca chedayi;
tassa kujjha mahāvīra, mā raṭṭhaṃ vinasā § idaṃ.
50. Yo me hatthe ca pāde ca, kaṇṇanāsañca chedayi;

ciraṃ jīvatu so rājā, na hi kujjhanti mādisā.

51. Ahū atītamaddhānaṃ §, samaṇo khantidīpano.
taṃ khantiyāyeva ʘhitam, kāsirājā achedayi.
52. Tassa (1.0100) kamma § pharusassa, vipāko kaṭuko ahu.
yaṃ kāsirājā vedesi, nirayamhi samappitoti.

Khantivādijātakaṃ tatiyaṃ.

314. Lohakumbhijātakaṃ (4-2-4)

53. Dujjīvitamajīvimha, ye sante § na dadamhase;
vijjamānesu bhogesu, dīpaṃ nākamha attano.
54. Saṭṭhi § vassasahassāni, paripuṇṇāni sabbaso;
niraye paccamānānaṃ, kadā anto bhavissati.
55. Natthi anto kuto anto, na anto paṭidissati;
tadā hi pakataṃ pāpaṃ, mama tuyhañca mārisā §.
56. Sohaṃ nūna ito gantvā, yoniṃ laddhāna mānusiṃ;
vadaññū silasampanno, kāhāmi kusalaṃ bahunti.

Lohakumbhijātakaṃ catutthaṃ.

315. Sabbamaṃsalābhajātakaṃ (4-2-5)

57. Pharusā vata te vācā, maṃsaṃ § yācanako asi §.
kilomasadisī § vācā, kilomam samma dammi te.
58. Aṅgamaṃ manussānaṃ, bhātā loke pavuccati;
aṅgassa sadisī vācā §, aṅgaṃ samma dadāmi te.
59. Tātāti putto vadamāno, kampeti § hadayaṃ pitu;
hadayassa sadisī § vācā, hadayaṃ samma dammi te.
60. Yassa gāme sakhā natthi, yathāraññaṃ tatheva taṃ;
sabbassa sadisī vācā, sabbaṃ samma dadāmi teti.

Sabbamaṃsalābhajātakaṃ § pañcamaṃ.

316. Sasapaṇḍitajātakaṃ (4-2-6)

61. Satta (1.0101) me rohitā macchā, udakā thalamubbhatā;
idaṃ brāhmaṇa me atthi, etaṃ bhutvā vane vasa.
62. Dussa me khettapālassa, rattibhattaṃ apābhattaṃ;
maṃsasulā ca dve godhā, ekañca dadhivārakaṃ;
idaṃ brāhmaṇa me atthi, etaṃ bhutvā vane vasa.
63. Ambapakkaṃ dakaṃ § sītaṃ, sītacchāyā manoramā §.
idaṃ brāhmaṇa me atthi, etaṃ bhutvā vane vasa.

64. Na sasassa tilā atthi, na muggā napi taṇḍulā;
iminā agginā pakkam, mamaṃ § bhutvā vane vasāti.

Sasapaṇḍitajātakaṃ chaṭṭhaṃ.

317. Matarodanajātakaṃ (4-2-7)

65. Mataṃ mataṃ eva § rodatha, na hi taṃ rodatha yo marissati.
sabbepi § sarīradhārino, anupubbena jahanti jīvitam.
66. Devamanussā catuppadā, pakkhigaṇā uragā ca bhogino;
samhi § sarīre anissarā, ramamānāva jahanti jīvitam.
67. Evaṃ calitaṃ asaṇṭhitaṃ, sukhadukkham manujesvapekkhiya;
kanditaruditaṃ niratthakaṃ, kiṃ vo sokagaṇābhikīrare.
68. Dhuttā ca soṇḍā § akatā, bālā sūrā ayogino §.
dhīram maññanti bāloti, ye dhammassa akovidāti.

Matarodanajātakaṃ sattamaṃ.

318. Kaṇaverajātakaṃ (4-2-8)

69. Yaṃ (1.0102) taṃ vasantasamaye, kaṇaveresu bhāṇusu;
sāmaṃ bāhāya pīḷesi, sā taṃ ārogyamabravi.
70. Ambho na kira saddheyyam, yaṃ vāto pabbataṃ vahe;
pabbatañce vahe vāto, sabbampi pathaviṃ vahe;
yattha sāmā kālakatā §, sā maṃ ārogyamabravi.
71. Na ceva sā kālakatā, na ca sā aññamicchati;
ekabhattikinī § sāmā, tameva abhikaṅkhati.
72. Asanthutaṃ maṃ cirasanthutena §, nimīni sāmā adhuvaṃ dhuvena.
mayāpi sāmā nimineyya aññaṃ, ito ahaṃ dūrataram gamissanti.

Kaṇaverajātakaṃ aṭṭhamaṃ.

319. Tittirajātakaṃ (4-2-9)

73. Susukham vata jīvāmi, labhāmi ceva bhuñjituṃ;
paripantheva tiṭṭhāmi, kā nu bhante gatī mama.
74. Mano ce te nappaṇamati, pakkhi pāpassa kammuno;
abyāvaṭassa bhadrassa, na pāpamupalimpati.
75. Ñātako no nisinnoti, bahu āgacchate jano;
paṭicca kammaṃ phusati, tasmim me saṅkate mano.
76. Na paṭicca kammaṃ phusati, mano ce nappadussati;
apossukkassa bhadrassa, na pāpamupalimpatīti.

Tittirajātakam navamam.

320. Succajajātakam (4-2-10)

77. Succajam (1.0103) vata naccaji, vācāya adadam girim;
kiṃ hitassa cajantassa, vācāya adada pabbatam.
78. Yañhi kayirā tañhi vade, yaṃ na kayirā na taṃ vade;
akarontam bhāsamānam, pariṇanti paṇḍitā.
79. Rājaputta namo tyatthu, sacce dhamme ṭhito casi;
yassa te byasanam patto, saccasmim ramate mano.
80. Yā daliddī daliddassa, aḍḍhā aḍḍhassa kittima §.
sā hissa paramā bhariyā, sahiraññassa itthiyoti.

Succajajātakam dasamam.

Pucimandavaggo dutiyo.

Tassuddānam-

Atha cora sakassapa khantivaro, dujjīvitatā ca varā pharusā;
atha sasa matañca vasanta sukham, succajamvatanaccajinā ca dasāti.

3. Kuṭidūsakavaggo

321. Kuṭidūsakajātakam (4-3-1)

81. Manussasseva te sīsam, hatthapādā ca vānara;
atha kena nu vaṇṇena, agāram te na vijjati.
82. Manussasseva me sīsam, hatthapādā ca siṅgila §.
yāhu seṭṭhā manussesu, sā me paññā na vijjati.
83. Anavaṭṭhitacittassa (1.0104), lahucittassa dubbhino §.
niccam addhuvasīlassa, sukhabhāvo § na vijjati.

84. So karassu ānubhāvaṃ, vītivattassu sīliyaṃ;
sitavātaparittāṇaṃ, karassu kuṭavaṃ § kapīti.

Kuṭidūsaka § jātakaṃ paṭhamaṃ.

322. Duddubhajātakaṃ (4-3-2)

85. Duddubhāyati § bhaddante, yasmiṃ dese vasāmahaṃ;
ahampetaṃ na jānāmi, kimetaṃ duddubhāyati.
86. Beluvaṃ patitaṃ sutvā, duddubhanti § saso javi;
sasassa vacanaṃ sutvā, santattā migavāhinī.
87. Appatvā padaviññāṇaṃ, paraghosānusārino;
panādaparamā bālā, te honti parapattiyā.
88. Ye ca sīlena sampannā, paññāyūpasame ratā;
ārakā viratā dhīrā, na honti parapattiyāti.

Duddubhajātakaṃ § dutiyaṃ.

323. Brahmadatajātakaṃ (4-3-3)

89. Dvayaṃ yācanako rāja, brahmadatta nigacchati;
alābhaṃ dhanalābhaṃ vā, evaṃ dhammā hi yācanā.
90. Yācanaṃ rodanaṃ āhu, pañcālānaṃ rathesabha;
yo yācanaṃ paccakkhāti, tamāhu paṭirodanaṃ.
91. Mā maddasaṃsu rodantaṃ, pañcālā susamāgatā;
tuvaṃ vā paṭirodantaṃ, tasmā icchāmahaṃ raho.
92. Dadāmi (1.0105) te brāhmaṇa rohiṇīnaṃ, gavaṃ sahassaṃ saha puṅga-
vena;
ariyo hi ariyassa kathaṃ na dajjā §, sutvāna gāthā tava dhammayuttāti.

Brahmadattajātakaṃ tatiyaṃ.

324. Cammasāṭakajātakaṃ (4-3-4)

93. Kalyāṇarūpo vatayaṃ catuppado, subhaddako ceva supesalo ca;
yo brāhmaṇaṃ jātīmāntūpapannaṃ, apacāyati meṇḍavaro yasassī.
94. Mā brāhmaṇa ittaradassanena, vissāsamāpajji catuppadassa;
daḷhappahāraṃ abhikaṅkhamāno §, avasakkatī dassati suppahāraṃ.
95. Ūruṭṭhi § bhaggaṃ pavatṭito § khāribhāro, sabbañca bhaṇḍaṃ brāhma-
ṇassa § bhinnaṃ.
ubhopi bāhā paggayha § kandati §, abhidhāvatha haññate brahmacārī.
96. Evaṃ so nihato seti, yo apūjaṃ pasaṃsati §;
yathāhamajja pahato, hato meṇḍena dummatīti.

Cammasāṭakajātakaṃ catutthaṃ.

325. Godharājajātakaṃ (4-3-5)

97. Samaṇaṃ taṃ maññaṃ māno, upagacchimasaññaṃ taṃ;
so maṃ daṇḍena pāhāsi, yathā assamaṇo tathā.
98. Kiṃ (1.0106) te jaṭāhi dummedha, kiṃ te ajinasāṭiyā;
abbhantaraṃ te gahanaṃ, bāhiraṃ parimajjasi.
99. Ehi godha nivattassu, bhuñja sālīnamodanaṃ;
telaṃ loṇaṅca me atthi, pahūtaṃ mayha pippali.
100. Esa bhiyyo pavekkhāmi, vammikaṃ sataporisaṃ;
telaṃ loṇaṅca kittesi Ṣ, ahitaṃ mayha pippalīti.

Godharājajātakaṃ pañcamaṃ.

326. Kakkārujātakaṃ (4-3-6)

101. Kāyena yo nāvahare, vācāya na musā bhaṇe;
yaso laddhā na majjeyya, sa ve kakkārumarahati.
102. Dhammena vittameseyya, na nikatyā dhanaṃ hare;
bhoge laddhā na majjeyya, sa ve kakkārumarahati.
103. Yassa cittaṃ ahāliddaṃ, saddhā ca avirāginī;
eko sādum na bhuñjeyya, sa ve kakkārumarahati.
104. Sammukhā vā tirokkhā vā Ṣ, yo sante na paribhāsati;
yathāvādī tathākārī, sa ve kakkārumarahatīti.

Kakkārujātakaṃ chaṭṭhaṃ.

327. Kākavatijātakaṃ (4-3-7)

105. Vāti cāyaṃ Ṣ tato gandho, yattha me vasatī piyā.
dūre ito hi kākavatī Ṣ, yattha me nirato mano.
106. Kathaṃ samuddamatarī, kathaṃ atari kepukaṃ Ṣ;
kathaṃ satta samuddāni, kathaṃ simbalimāruhi.
107. Tayā samuddamatarim, tayā atari kepukaṃ Ṣ;
tayā satta samuddāni, tayā simbalimāruhim.
108. Dhiratthumaṃ (1.0107) mahākāyaṃ, dhiratthumaṃ acetanaṃ;
yattha jāyāyahaṃ jāraṃ, āvahāmi vahāmi cāti.

Kākavatijātakaṃ sattamaṃ.

328. Ananusociyajātakaṃ (4-3-8)

109. Bahūnaṃ vijjatī bhotī, tehi me kiṃ bhavissati;
tasmā etaṃ na socāmi, piyaṃ sammillahāsiniṃ.
110. Taṃ taṃ ce anusoceyya, yaṃ yaṃ tassa na vijjati;
attānamanusoceyya, sadā maccuvasaṃ pataṃ.
111. Na heva ṭhitaṃ nāsīnaṃ, na sayānaṃ na paddhagum §;
yāva byāti nimisati, tatrāpi rasatī § vayo.
112. Tatthattani vatappaddhe §, vinābhāve asaṃsaye.
bhūtaṃ sesaṃ dayitabbaṃ, vītaṃ ananusociyanti §.

Ananusociyajātakaṃ aṭṭhamaṃ.

329. Kāḷabāhujātakaṃ (4-3-9)

113. Yaṃ annapānassa pure labhāma, taṃ dāni sākhamigameva gacchati;
gacchāma dāni vanameva rādha, asakkatā casma dhanañjayāya §.
114. Lābho alābho yaso ayaso ca, nindā pasasā ca sukhañca dukkhaṃ;
ete aniccā manujesu dhammā, mā soci kiṃ socasi poṭṭhapāda.
115. Addhā (1.0108) tuvaṃ paṇḍitakosi rādha, jānāsi atthāni anāgatāni;
kathaṃ nu sākhamigaṃ dakkhisāma §, niddhāvitaṃ § rājakulatova jammaṃ.
116. Cāleti kaṇṇaṃ bhakuṭiṃ karoti, muhuṃ muhuṃ bhāyayate § kumāre.
sayameva taṃ kāhati kāḷabāhu, yenārakā ṭhassati annapānāti.

Kāḷabāhujātakaṃ navamaṃ.

330. Sīlavīmaṃsajātakaṃ (4-3-10)

117. Sīlaṃ kireva kalyāṇaṃ, sīlaṃ loke anuttaraṃ;
passa ghoraviso nāgo, sīlavāti na haññati.
118. Yāvadevassahū kiñci, tāvadeva akhādisuṃ;
saṅgamma kulalā loke, na hiṃsanti akiñcanaṃ.
119. Sukhaṃ nirāsā supati, āsā phalavatī sukhā;
āsaṃ nirāsaṃ katvāna, sukhaṃ supati piṅgalā.

120. Na samādhiparo atthi, asmiṃ loke paramhi ca;
na paraṃ nāpi attānaṃ, vihiṃsati samāhitoti.

Sīlavīmaṃsajātakaṃ dasamaṃ.

Kuṭidūsakavaggo tatiyo.

Tassuddānaṃ-

Samanussa -saduddubha-yācanaḥ, atha meṇḍavaruttama-godhavarō;
atha kāyasakepuka bhotivarō, atha rādhasusīlavarena dasāti.

4. Kokilavaggo

331. Kokilajātakaṃ (4-4-1)

121. Yo (1.0109) ve kāle asampatte, ativelaṃ pabhāsati;
evaṃ so nihato seti, kokilāyiva atrajo.
122. Na hi satthaṃ sunisitaṃ, visaṃ halāhalāmiva §;
evaṃ nikaṭṭhe § pāteti, vācā dubbhāsītā yathā.
123. Tasmā kāle akāle vā §, vācaṃ rakkheyya paṇḍito;
nātivelaṃ pabhāseyya, api attasamamhi vā.
124. Yo ca kāle mitaṃ bhāse, matipubbo vicakkhaṇo;
sabbe amitte ādeti, supaṇṇo uragāmivāti.

Kokilajātakaṃ § paṭhamaṃ.

332. Rathalaṭṭhijātakaṃ (4-4-2)

125. Api hantvā hato brūti, jetvā jitoti bhāsati;
pubbavakkhāyino § rāja, aññadatthu § na saddahe.
126. Tasmā paṇḍitajātiyo, suṇeyya itarassapi;
ubhinnaṃ vacanaṃ sutvā, yathā dhammo tathā kare.
127. Alaso gihī kāmabhogī na sādhu, asaññato pabbajito na sādhu;
rājā na sādhu anisammakārī, yo paṇḍito kodhano taṃ na sādhu.
128. Nisamma khattiyo kayirā, nānisamma disampati;
nisammakārino rāja §, yaso kitti ca vaḍḍhatīti.

Rathalaṭṭhijātakaṃ dutiyaṃ.

333. Pakkagodhajātakaṃ (4-4-3)

129. Tadeva (1.0110) me tvaṃ vidito, vanamajjhe rathesabha;

yassa te khaggabaddhassa, sannaddhassa tirīṭino;
assatthadumasākhāya, pakkā godhā palāyatha.

130. Name namantassa bhaje bhajantaṃ, kiccānukubbassa kareyya kiccaṃ;
nānatthakāmassa kareyya atthaṃ, asambhajantampi na sambhajeyya.
131. Caje cajantaṃ vanathaṃ na kayirā, apetacittena na sambhajeyya;
dijo dumaṃ khīṇaphalanti § ṇatvā, aññaṃ samekkheyya mahā hi loko.
132. So te karissāmi yathānubhāvaṃ, kataññutaṃ khattiye § pekkhamāno.
sabbañca te issariyaṃ dadāmi, yassicchasi tassa tuvaṃ dadāmiti.

Pakkagodhajātakaṃ § tatiyaṃ.

334. Rājovādajātakaṃ (4-4-4)

133. Gavaṃ ce taramānānaṃ, jimhaṃ gacchati puṅgavo;
sabbā tā jimhaṃ gacchanti §, nette jimhaṃ gate sati.
134. Evameva manussesu, yo hoti seṭṭhasammato;
so ce adhammaṃ carati, pageva itarā pajā;
sabbaṃ raṭṭhaṃ dukhaṃ seti, rājā ce hoti adhammiko.
135. Gavaṃ ce taramānānaṃ, ujum gacchati puṅgavo;
sabbā gāvī ujum yanti §, nette ujum gate sati.
136. Evameva (1.0111) manussesu, yo hoti seṭṭhasammato;
so sace dhammaṃ carati, pageva itarā pajā;
sabbaṃ raṭṭhaṃ sukhaṃ seti, rājā ce hoti dhammikoti.

Rājovādajātakaṃ catutthaṃ.

335. Jambukajātakaṃ (4-4-5)

137. Brahā pavaḍḍhakāyo so, dīghadāṭho ca jambuka;
na tvaṃ tattha kule jāto, yattha gaṇhanti kuñjaraṃ.
138. Asīho sīhamānena, yo attānaṃ vikubbati;
kotthūva § gajamāsajja, seti bhūmyā anutthunaṃ.
139. Yasassino uttamapuggalassa, sañjātakhandhassa mahabbalassa;
asamekkhiya thāmabalūpapattiṃ, sa seti nāgena hatoyaṃ jambuko.
140. Yo cīdha kammaṃ kurute pamāya, thāmabbalaṃ attani saṃviditvā;
jappena mantena subhāsitena, parikkhavā so vipulaṃ jinātīti.

Jambukajātakaṃ pañcamaṃ.

336. Brahāchattajātakaṃ (4-4-6)

141. Tiṇaṃ tiṇanti lapasi, ko nu te tiṇamāhari;
kiṃ nu te tiṇakiccatti, tiṇameva pabhāsasi.

142. Idhāgamā brahmacārī, brahā chatto bahussuto;
so me § sabbaṃ samādāya, tiṇaṃ nikkhippa gacchati.
143. Evetaṃ hoti kattabbaṃ, appena bahumicchata;
sabbaṃ sakassa ādānaṃ, anādānaṃ tiṇassa ca. () §
144. Sīlavanto (1.0112) na kubbanti, bālo sīlāni kubbati;
aniccasīlaṃ dussīlyaṃ §, kiṃ paṇḍiccaṃ karissatīti.

Brahāchattajātakaṃ chaṭṭhaṃ.

337. Pīṭhajātakaṃ (4-4-7)

145. Na te piṭhamadāyimhā §, na pānaṃ napi bhojanaṃ;
brahmacārī khamassu me, etaṃ passāmi accayaṃ.
146. Nevābhisajjāmi na cāpi kuppe, na cāpi me appiyamāsi kiñci;
athopi me āsi manovitakko, etādiso nūna kulassa dhammo.
147. Esasmākaṃ kule dhammo, pitupitāmaho sadā;
āsanaṃ udakaṃ pajjaṃ, sabbetaṃ nipadāmase.
148. Esasmākaṃ kule dhammo, pitupitāmaho sadā;
sakkaccaṃ upatiṭṭhāma, uttamaṃ viya ñātakanti.

Pīṭhajātakaṃ sattamaṃ.

338. Thusajātakaṃ (4-4-8)

149. Viditaṃ thusaṃ undurānaṃ §, viditaṃ pana taṇḍulaṃ;
thusaṃ thusaṃ § vivajjetvā, taṇḍulaṃ pana khādare.
150. Yā mantanā araṇṇasmiṃ, yā ca gāme nikaṇṇikā;
yañcetaṃ iti citi ca, etampi viditaṃ mayā.
151. Dhammena kira jātassa, pitā puttassa makkaṭo;
daharasseva santassa, dantehi phalamacchidā.

152. Yametaṃ parisappasi §, ajakāṇova sāsape;
yopāyaṃ heṭṭhato seti §, etampi viditaṃ mayāti.

Thusajātakaṃ aṭṭhamaṃ.

339. Bāverujātakaṃ (4-4-9)

153. Adassanena (1.0113) morassa, sikhino mañjubhāṇino;
kākaṃ tattha apūjesuṃ, maṃsena ca phalena ca.

154. Yadā ca sarasampanno, moro bāverumāgamā;
atha lābho ca sakkāro, vāyasassa ahāyatha.

155. Yāva nuppajjatī buddho, dhammarājā pabhaṅkaro;
tāva aññe apūjesuṃ, puthū samaṇabrāhmaṇe.

156. Yadā ca sarasampanno, buddho dhammaṃ adesayi;
atha lābho ca sakkāro, titthiyānaṃ ahāyathāti.

Bāverujātakaṃ navamaṃ.

340. Visayhajātakaṃ (4-4-10)

157. Adāsi dānāni pure visayha, dadato ca te khayadhammo ahosi;
ito paraṃ ce na dadeyya dānaṃ, tiṭṭheyyuṃ te saṃyamantassa bhogā.

158. Anariyamariyena sahasanetta, suduggatenāpi akiccamāhu;
mā vo dhanaṃ taṃ ahu devarāja §, yaṃ bhogahetu vijahemu saddhaṃ.

159. Yena eko ratho yāti, yāti tenāparo ratho;
porāṇaṃ nihitaṃ vattaṃ, vattataññeva § vāsava.

160. Yadi hessati dassāma, asante kiṃ dadāmase;
evaṃbhūtāpi dassāma, mā dānaṃ pamadamhaseti.

Visayhajātakaṃ dasamaṃ.

Kokilavaggo § catuttho.

Tassuddānaṃ-

Ativelapabhāsati (1.0114) jītavaro, vanamajjha rathesabha jimhagamo;
atha jambu tiṇāsanapīṭhavaraṃ, atha taṇḍula mora visayha dasāti.

5. Cūḷakuṇālavaggo

341. Kaṇḍarījātakaṃ (4-5-1)

161. Narānamārāmakarāsu nārisu, anekacittāsu aniggahāsu ca;

- sabbattha nāpītikarāpi § ce siyā §, na vissase titthasamā hi nāriyo.
162. Yaṃ ve § disvā kaṇḍarīkinnarānaṃ §, sabbitthiyo na ramanti agāre.
taṃ tādisaṃ maccaṃ cajitvā bhariyā, aññaṃ disvā purisaṃ piṭhasappaṃ.
163. Bakassa ca bāvarikassa § rañño, accantakāmānugatassa bhariyā.
avācarī § paṭṭhavasānugassa §, kaṃ vāpi itthī nāticare tadaññaṃ.
164. Piṅgiyānī sabbalokissarassa, rañño piyā brahmadattassa bhariyā;
avācarī paṭṭhavasānugassa, taṃ vāpi sā nājjhagā kāmakāminīti.

Kaṇḍarijātakam § paṭhamam.

342. Vānarajātakam (4-5-2)

165. Asakkhiṃ (1.0115) vata attānaṃ, uddhātuṃ udakā thalam;
na dānāhaṃ puna tuyhaṃ, vasaṃ gacchāmi vārija.
166. Alametehi ambehi, jambūhi panasehi ca;
yāni pāraṃ samuddassa, varaṃ mayhaṃ udumbaro.
167. Yo ca uppatitaṃ atthaṃ, na khippamanubujjhati;
amittavasamanveti, pacchā ca anutappati.
168. Yo ca uppatitaṃ atthaṃ, khippameva nibodhati;
muccate sattusambādha, na ca pacchānutappatīti.

Vānarajātakam dutiyam.

343. Kuntinijātakam (4-5-3)

169. Avasimha tavāgāre, niccaṃ sakkatapūjitā;
tvameva dānimakari, handa rāja vajāmahaṃ.
170. Yo ve kate paṭikate, kibbise paṭikibbise;
evaṃ taṃ sammatī veraṃ, vasa kuntini māgamā.
171. Na katassa ca kattā ca, metti § sandhīyate puna;
hadayaṃ nānujānāti, gacchaññaeva rathesabha.
172. Katassa ceva kattā ca, metti sandhīyate puna;
dhīrānaṃ no ca bālānaṃ, vasa kuntini māgamāti.

Kuntinijātakam tatiyam.

344. Ambajātakam (4-5-4)

173. Yo nīliyaṃ maṇḍayati, saṇḍāsena vihaññati;
tassa sā vasamanvetu, yā te ambe avāhari.
174. Vīsaṃ vā pañcavīsaṃ § vā, ūnatiṃsaṃ va jātiyā;
tādīsā pati mā laddhā §, yā te ambe avāhari.
175. Dīghaṃ (1.0116) gacchatu addhānaṃ, ekikā abhisārikā;

- saṅkete pati mā adda Ṣ, yā te ambe avāhari.
176. Alaṅkatā suvasanā, mālinī candanussadā;
ekikā sayane setu, yā te ambe avāharīti.

Ambajātakaṃ Ṣ catutthaṃ.

345. Gajakumbhajātakaṃ (4-5-5)

177. Vanaṃ yadaggi dahati, pāvako kaṇhavattani;
kathaṃ karosi pacalaka, evaṃ dandhaparakkamo.
178. Bahūni rukkhachiddāni, pathabyā vivarāni ca;
tāni ce nābhisambhoma, hoti no kālāpariyāyo.
179. Yo dandhakāle tarati, taraṇīye ca dandhati;
sukkhapaṇṇaṃva akkamma, atthaṃ bhañjati attano.
180. Yo dandhakāle dandheti, taraṇīye ca tārayi;
sasīva rattiṃ vibhajaṃ, tassattho paripūratīti.

Gajakumbhajātakaṃ pañcamaṃ.

346. Kesavajātakaṃ (4-5-6)

181. Manussindaṃ jahitvāna, sabbakāmasamiddhinaṃ;
kathaṃ nu bhagavā kesī, kappassa ramati assame Ṣ.
182. Sādūni Ṣ ramaṇīyāni, santi vakkhā manoramā;
subhāsītāni kappassa, nārada ramayanti maṃ.
183. Sālīnaṃ odanaṃ bhuñje, suciṃ maṃsūpasecanaṃ;
kathaṃ sāmākanivāraṃ, aloṇaṃ chādayanti taṃ.
184. Sādumaṃ vā Ṣ yadi vāsādumaṃ, appaṃ vā yadi vā bahumaṃ.
vissattho yattha bhuñjeyya, vissāsaparamā rasāti.

Kesavajātakaṃ Ṣ chaṭṭhaṃ.

347. Ayakūṭajātakaṃ (4-5-7)

185. Sabbāyasaṃ (1.0117) kūṭamatippamāṇaṃ, paggayha

yo § tiṭṭhasi antalikkhe.

rakkhāya me § tvaṃ vihito nusajja, udāhu me cetayase § vadhāya.

186. Dūto ahaṃ rājidha rakkhasānaṃ, vadhāya tuyhaṃ pahitohamasmi;
indo ca taṃ rakkhati devarājā, tenuttamaṅgaṃ na te § phālayāmi.

187. Sace ca maṃ rakkhati devarājā, devānamindo maghavā sujampati;
kāmaṃ pisācā vinadantu sabbe, na santase rakkhasiyā pajāya.

188. Kāmaṃ kandantu § kumbhaṇḍā, sabbe paṃsupisācakā.
nālaṃ pisācā yuddhāya, mahatī sā vibhiṃsikāti §.

Ayakūṭajātakaṃ sattamaṃ.

348. Araññajātakaṃ (4-5-8)

189. Araññā gāmamāgamma, kiṃsīlaṃ kiṃvataṃ ahaṃ;
purisaṃ tāta seveyyaṃ, taṃ me akkhāhi pucchito.

190. Yo taṃ vissāsaya tāta, vissāsañca khameyya te;
sussūsī ca titikkhī ca, taṃ bhajehi ito § gato.

191. Yassa kāyena vācāya, manasā natthi dukkaṭaṃ;
urasīva patiṭṭhāya, taṃ bhajehi ito gato.

192. Haliddirāgaṃ (1.0118) kopicittaṃ, purisaṃ rāgavirāginaṃ;
tādisaṃ tāta mā sevi, nimmanussampi ce siyāti.

Araññajātakaṃ aṭṭhamaṃ.

349. Sandhibhedajātakaṃ (4-5-9)

193. Neva itthīsu sāmāññaṃ, nāpi bhakkhesu sārathi;
athassa sandhibhedassa, passa yāva sucintitaṃ.

194. Asi tikkhova maṃsamhi, pesuññaṃ parivattati;
yatthūsabhañca sīhañca, bhakkhayanti migādhamā.

195. Imaṃ so sayanaṃ seti, yamimaṃ § passasi sārathi;
yo vācaṃ sandhibhedassa, pisuṇassa nibodhati.

196. Te janā sukhamedhanti, narā saggagatāriva;
ye vācaṃ sandhibhedassa, nāvabodhanti sārathīti.

Sandhibhedajātakaṃ navamaṃ.

350. Devatāpañhajātakaṃ (4-5-10)

197. Hanti hatthehi pādehi, mukhañca parisumbhati;
sa ve rāja piyo hoti, kaṃ tena tvābhipassasi §.

198. Akkosati yathākāmaṃ, āgamañcassa icchati;

- sa ve rāja piyo hoti, kaṃ tena tvābhipassasi.
199. Abbhakkhāti abhūtena, alikenābhisāraye;
sa ve rāja piyo hoti, kaṃ tena tvābhipassasi.
200. Haramṃ annañca pānañca, vatthasenāsanāni ca;
aññadatthuharā santā, te ve rāja piyā honti;
kaṃ tena tvābhipassasīti.

Devatāpañhajātakaṃ dasamaṃ.

Cūḷakuṇḍalavaggo pañcamaṃ.

Tassuddānaṃ-

Narānaṃ (1.0119) asakkhivasimhavarō, nīliyamaggivarañca puna;
puna rasāyasakūṭavarō, tathārañña sārathi hanti dasāti.

Atha vagguddānaṃ-

Kāliṅgaṃ § pucimandañca, kuṭidūsaka kokilā §;
cūḷakuṇḍalavaggo so, pañcamaṃ suppakāsītōti.

Catukkanipātaṃ niṭṭhitaṃ.

5. Pañcakanipāto

1. Maṇikuṇḍalavaggo

351. Maṇikuṇḍalajātakaṃ (5-1-1)

1. Jīno (1.0120) rathassaṃ maṇikuṇḍale ca, putte ca dāre ca tatheva jīno;
sabbesu bhogesu asesakesu §, kasmā na santappasi sokakāle.
2. Pubbeva maccaṃ vijahanti bhogā, macco vā te § pubbataraṃ jahāti.
asassatā bhogino kāmakāmi, tasmā na socāmahaṃ sokakāle.
3. Udeti āpūrati veti § cando, atthaṃ tapetvāna § paleti sūriyo.
viditā § mayā sattuka lokadhammā, tasmā na socāmahaṃ sokakāle.
4. Alaso gihī kāmabhogī na sādhu, asaññato pabbajito na sādhu;
rājā na sādhu anisammakārī, yo paṇḍito kodhano taṃ na sādhu.
5. Nisamma khattiyō kayirā, nānisamma disampati;
nisammakārino rāja §, yaso kitti ca vaḍḍhatīti.

Maṇikuṇḍalajātakaṃ paṭhamaṃ.

352. Sujātajātakam (5-1-2)

6. Kiṃ (1.0121) nu santaramānova, lāyitvā haritaṃ tiṇaṃ;
khāda khādāti lapasi, gatasattaṃ jaraggavaṃ.
7. Na hi annena pānena, mato goṇo samuṭṭhahe;
tvañca tucchaṃ vilapasi, yathā taṃ dummatī tathā.
8. Tatheva tiṭṭhati sīsaṃ, hatthapādā ca vāladhi;
sotā tatheva tiṭṭhanti §, maññe goṇo samuṭṭhahe.
9. Nevayyakassa sīsañca §, hatthapādā ca dissare;
rudam mattikathūpasmim, nanu tvaññeva dummati.
10. Ādittaṃ vata maṃ santaṃ, ghasattaṃva pāvakaṃ;
vārinā viya osiñcaṃ §, sabbaṃ nibbāpaye daraṃ.
11. Abbaḥi § vata me sallam, yamāsi hadayassitam §.
yo me sokaparetassa, pitu sokaṃ apānudi.
12. Sohaṃ abbūḥhasallosmi, vītasoko anāvilo;
na socāmi na rodāmi, tava sutvāna māṇava.
13. Evaṃ karonti sappaññā, ye honti anukampakā;
vinivattenti sokamhā, sujāto pitaraṃ yathāti.

Sujātajātakam dutiyaṃ.

353. Venasākhajātakam (5-1-3)

14. Nayidaṃ niccaṃ bhavitabbaṃ brahmadatta, khemaṃ subhikkhaṃ sukhatā
ca kāye;
atthaccaye mā ahu sampamūḥho, bhinnaplavo sāgarasseva majjhe.
15. Yāni (1.0122) karoti puriso, tāni attani passati;
kalyāṇakārī kalyāṇaṃ, pāpakārī ca pāpakaṃ;
yādisaṃ vapate bijaṃ, tādisaṃ harate phalaṃ.
16. Idaṃ tadācariyavaco, pārāsariyo yadabravi;
mā su § tvaṃ akari pāpaṃ, yaṃ tvaṃ pacchā kataṃ tape.

17. Ayameva so piṅgiya § venasākho, § yamhi ghātayiṃ khattiyānaṃ sahaṣsaṃ.

alaṅkate candanasārānulle, tameva dukkhaṃ paccāgataṃ mamaṃ.

18. Sāmā ca § kho candanalittagattā §, laṅghīva sobhañjanakassa uggatā.
adisvā § kālaṃ karissāmi ubbariṃ, taṃ me ito dukkhataraṃ bhavissatīti.

Venasākhajātakaṃ § tatiyaṃ.

354. Uragajātakaṃ (5-1-4)

19. Uragova tacaṃ jiṇṇaṃ, hitvā gacchati saṃ tanuṃ;
evaṃ sarīre nibbhoge, pete kālaṅkate sati.

20. Ḍayhamāno na jānāti, ñātīnaṃ paridevitaṃ;
tasmā etaṃ na socāmi, gato so tassa yā gati.

21. Anavhito tato āgā, ananuññāto § ito gato.
yathāgato tathā gato, tattha kā paridevanā.

22. Ḍayhamāno na jānāti, ñātīnaṃ paridevitaṃ;
tasmā etaṃ na socāmi, gato so tassa yā gati.

23. Sace rode kisā § assaṃ, tassā me kiṃ phalaṃ siyā;
ñātimittasuhajjānaṃ, bhiyyo no aratī siyā.

24. Ḍayhamāno (1.0123) na jānāti, ñātīnaṃ paridevitaṃ;
tasmā etaṃ na socāmi, gato so tassa yā gati.

25. Yathāpi dārako candaṃ, gacchantamanurodati;
evaṃ sampadamevetam, yo petamanusocati.

26. Ḍayhamāno na jānāti, ñātīnaṃ paridevitaṃ;
tasmā etaṃ na socāmi, gato so tassa yā gati.

27. Yathāpi udakakumbho, bhinno appaṭisandhiyo;
evaṃ sampadamevetam, yo petamanusocati.

28. Ḍayhamāno na jānāti, ñātīnaṃ paridevitaṃ;
tasmā etaṃ na socāmi, gato so tassa yā gatīti.

Uragajātakaṃ catutthaṃ.

355. Ghaṭajātakaṃ (5-1-5)

29. Aññe socanti rodanti, aññe assumukhā janā;
pasannamukhavaṇṇosi, kasmā ghaṭa § na socasi.

30. Nābbhatītaḥaro soko, nānāgatasukhāvaho;
tasmā dhaṅka § na socāmi, natthi soke dutiyatā §.

31. Socam paṇḍu kiso hoti, bhattañcassa na rucati;
amittā sumanā honti, sallaviddhassa ruppato.

32. Gāme vā yadi vāraññe, ninne vā yadi vā thale;
ṭhitaṃ maṃ nāgamissati, evaṃ diṭṭhapado ahaṃ.

33. Yassattā nālamekova, sabbakāmarasāharo;
sabbāpi pathavī tassa, na sukhaṃ āvahissatīti.

Ghaṭajātakaṃ pañcamaṃ.

356. Koraṇḍiyajātakaṃ (5-1-6)

34. Eko (1.0124) araññe girikandarāyaṃ, paggayha paggayha silaṃ pave-
cchasi §.
punappunaṃ santaramānarūpo, koraṇḍiya § ko nu tava yidhattho.
35. Ahañhimaṃ sāgara sevitantaṃ, samaṃ karissāmi yathāpi pāṇi;
vikiriya sānūni ca pabbatāni ca, tasmā silaṃ dariyā pakkhipāmi.
36. Nayimaṃ mahiṃ arahati pāṇikappaṃ, samaṃ manusso karaṇāya meko;
maññāmimaññeva dariṃ jigīsaṃ §, koraṇḍiya hāhasi § jīvalokaṃ.
37. Sace ahaṃ § bhūtadharaṃ na sakkā §, samaṃ manusso karaṇāya meko.
evameva tvaṃ brahme ime manusse, nānādiṭṭhike nānayissasi te §.
38. Saṅkhittarūpena bhavaṃ mamatthaṃ, akkhāsi koraṇḍiya evametaṃ;
yathā na sakkā pathavī samāyaṃ, kattuṃ manussena tathā manussāti.

Koraṇḍiyajātakaṃ chaṭṭhaṃ.

357. Laṭukikajātakaṃ (5-1-7)

39. Vandāmi taṃ kuñjara saṭṭhihāyanaṃ, āraññakaṃ yūthapatiṃ yasassiṃ;
pakkhehi taṃ pañjalikaṃ karomi, mā me vadhī puttake dubbalāya.
40. Vandāmi (1.0125) taṃ kuñjara ekacāriṃ, āraññakaṃ pabbatasānugocaraṃ.
pakkhehi taṃ pañjalikaṃ karomi, mā me vadhī puttake dubbalāya;
41. Vamissāmi te laṭukike puttakāni, kiṃ me tuvaṃ kāhasi dubbalāsi;
sataṃ sahasānīpi tādisīnaṃ, vāmena pādena papothayeyyaṃ.
42. Na heva sabbattha balena kiccaṃ, balañhi bālassa vadhāya hoti;
karissāmi te nāgarājā anattaṃ, yo me vadhī puttake dubbalāya.
43. Kākañca passa laṭukikaṃ, maṇḍūkaṃ nīlamakkhikaṃ;
ete nāgaṃ aghātesuṃ, passa verassa verinaṃ;
tasmā hi veraṃ na kayirātha, appiyenapi kenacīti.

Laṭukikajātakaṃ sattamaṃ.

358. Cūḷadhammapālajātakaṃ (5-1-8)

44. Ahameva dūsiyā bhūnahatā, rañño mahāpatāpassa;
etaṃ muñcatu dhammapālaṃ, hatthe me deva chedehi.
45. Ahameva dūsiyā bhūnahatā, rañño mahāpatāpassa;

- etaṃ muñcatu dhammapālaṃ, pāde me deva chedehi.
46. Ahameva dūsiyā bhūnahatā, rañño mahāpatāpassa;
etaṃ muñcatu dhammapālaṃ, sīsaṃ me deva chedehi.
47. Na hi § nūnimassa rañño, mittāmaccā ca vijjare suhadā.
ye na vadanti rājānaṃ, mā ghātayi orasaṃ puttaṃ.
48. Na hi § nūnimassa rañño, ñātī mittā ca vijjare suhadā.
ye na vadanti rājānaṃ, mā ghātayi atrajaṃ puttaṃ.
49. Candanasārānulittā (1.0126), bāhā chijjanti dhammapālassa;
dāyādassa pathabyā, pāṇā me deva rujjhantīti.

Cūḷadhammapālajātakaṃ aṭṭhamaṃ.

359. Suvaṇṇamigajātakaṃ (5-1-9)

50. Vikkama re haripāda §, vikkama re mahāmiga §.
chinda vārattikaṃ pāsaṃ, nāhaṃ ekā vane rame.
51. Vikkamāmi na pāremi, bhūmiṃ sumbhāmi vegasā;
daḷho vārattiko pāso, pādaṃ me parikantati.
52. Attharassu palāsāni, asiṃ nibbāha luddaka;
paṭhamaṃ maṃ vadhitvāna, hana pacchā mahāmigaṃ.
53. Na me suttaṃ vā diṭṭhaṃ vā, bhāsantiṃ mānusiṃ migaṃ

§.

tvañca bhadde sukhī hohi, eso cāpi mahāmigo.

54. Evaṃ luddaka nandassu, saha sabbehi ñātibhi;
yathāhamajja nandāmi, muttaṃ disvā mahāmiganti.

Suvaṇṇamigajātakam navamam.

360. Suyonandijātakam (5-1-10)

55. Vāti gandho timirānam, kusamuddo ca § ghosavā.
dūre ito suyonandī §, tambakāmā tudanti maṃ.
56. Kathaṃ samuddamatari, kathaṃ addakkhi sedumaṃ §;
kathaṃ tassā ca tuyhañca, ahū sagga § samāgamo.
57. Kurukacchā § payātānam, vāṇijānam dhanesinaṃ;
makarehi abhidā § nāvā, phalakenāhamaplaviṃ.
58. Sā (1.0127) maṃ saṅghena mudunā, niccaṃ candanagandhinī;
aṅgena § uddharī bhaddā, mātā puttaṃva orasaṃ.
59. Sā maṃ annena pānena, vatthena sayanena ca;
attanāpi ca mandakkhī, evaṃ tamba vijānāhīti.

Suyonandijātakam dasamam.

Maṇikuṇḍalavaggo paṭhamo.

Tassuddānam-

Atha jinavaro haritaṃ tiṇako, atha bhinnaplavo uragova ghaṭo;
dariyā puna kuñjara bhūnahatā, migamuttamasaggavarena dasāti.

2. Vaṇṇārohavaggo

361. Vaṇṇārohajātakam (5-2-1)

60. Vaṇṇārohena jātiyā, balanikkamanena ca;
subāhu na mayā seyyo, sudāṭha iti bhāsasi.
61. Vaṇṇārohena jātiyā, balanikkamanena ca;
sudāṭho na mayā seyyo, subāhu iti bhāsasi.
62. Evaṃ ce maṃ viharantaṃ, subāhu samma dubbhasi;
na dānāham tayā saddhiṃ, saṃvāsamabhirocaye.
63. Yo paresaṃ vacanāni, saddaheyya § yathātathaṃ;
khippaṃ bhijjetha mittasmiṃ, verañca pasave bahuṃ.
64. Na (1.0128) so mitto yo sadā appamatto, bhedāsaṅkī randhamevānupassī;

yasmiñca seti urasiva putto, sa ve mitto yo abhejjo parehiti.

Vaññārohajātakaṃ paṭhamam.

362. Sīlavīmaṃsajātakaṃ (5-2-2)

65. Sīlaṃ seyyo sutamaṃ seyyo, iti me saṃsayo ahu;
sīlameva sutā seyyo, iti me natthi saṃsayo.
66. Moghā jāti ca vañño ca, sīlameva kiruttamaṃ;
sīlena anupetassa, sutenattho na vijjati.
67. Khattiyo ca adhammaṭṭho, vesso cādhammanissito;
te pariccajjubho loke, upapajjanti duggatiṃ.
68. Khattiyā brāhmaṇā vessā, suddā caṇḍālapukkusā;
idha dhammaṃ caritvāna, bhavanti tidive samā.
69. Na vedā samparāyāya, na jāti nāpi § bandhavā;
sakañca sīlaṃ saṃsuddhaṃ, samparāyāya sukhāya cāti §.

Sīlavīmaṃsajātakaṃ dutiyam.

363. Hirijātakaṃ (5-2-3)

70. Hirimaṃ tarantaṃ vijigucchamaṇaṃ, tavāhamasmī iti bhāsamaṇaṃ;
seyyāni kammāni anādiyantaṃ, neso mamanti iti naṃ vijaññā.
71. Yañhi kayirā tañhi vade, yaṃ na kayirā na taṃ vade;
akarantaṃ bhāsamaṇaṃ, parijānanti paṇḍitā.
72. Na (1.0129) so mitto yo sadā appamatto, bhedāsaṅkī randhamevānupassī;
yasmiñca seti urasiva putto, sa ve mitto yo abhejjo parehi.
73. Pāmojjakaraṇaṃ ṭhānaṃ, pasamaṃsāvahanaṃ sukhaṃ;
phalānisamaṃso bhāveti, vahanto porisaṃ dhuraṃ.
74. Pavivekaraṇaṃ pitvā, rasaṃ upasamassa ca;
niddaro hoti nippāpo, dhammappīrasaṃ pivanti.

Hirijātakaṃ tatiyam.

364. Khajjopanakajātakaṃ (5-2-4)

75. Ko nu santamhi pajjote, aggipariyesanaṃ caraṃ;
addakkhi ratti § khajjotaṃ, jātavedaṃ amaññatha.
76. Svassa gomayacuññāni, abhimatthaṃ tiṇāni ca;
viparītāya saññāya, nāsakkhi pajjaletave.
77. Evampi anupāyena, atthaṃ na labhate migo §;
visāṇato gavaṃ dohaṃ, yattha khīraṃ na vindati.

78. Vividhehi upāyehi, atthaṃ papponti māṇavā;
niggahena amittānaṃ, mittānaṃ paggahena ca.
79. Senāmokkhapalābhena §, vallabhānaṃ nayena ca;
jagatiṃ jagatipālā, āvasanti vasundharanti.

Khajjopanakajātakaṃ catutthaṃ.

365. Ahituṇḍikajātakaṃ (5-2-5)

80. Dhuttomhi samma sumukha, jūte akkharājito;
harehi § ambapakkāni, vīriyaṃ te bhakkhayāmase.
81. Alikāṃ vata maṃ samma, abhūtena pasamsasi;
ko te suto vā diṭṭho vā, sumukho nāma makkaṭo.
82. Ajjāpi (1.0130) me taṃ manasi §, yaṃ maṃ tvaṃ ahituṇḍika.
dhaññāpaṇaṃ pavisitvā, matto § chātaṃ hanāsi maṃ.
83. Tāhaṃ saraṃ dukkhaseyyaṃ, api rajjampi kāraye;
nevāhaṃ yācito dajjaṃ, tathā hi bhayatajjito.
84. Yañca jaññā kule jātaṃ, gabbhe tittaṃ amacchariṃ;
tena sakhiñca mittañca, dhīro sandhātumarahatīti.

Ahituṇḍikajātakaṃ pañcamaṃ.

366. Gumbiyajātakaṃ (5-2-6)

85. Madhuvaṇṇaṃ madhurasāṃ, madhugandhaṃ visaṃ ahu;
gumbiyo ghāsamesāno, araññe odahī visaṃ.
86. Madhu iti maññamānā §, ye taṃ visamakhādisuṃ §.
tesaṃ taṃ kaṭukaṃ āsi, maraṇaṃ tenupāgamuṃ.
87. Ye ca kho paṭisañkhāya, visaṃ taṃ parivajjayuṃ;
te āturesu sukhitā, ḍayhamānesu nibbutā.
88. Evameva manussesu, visaṃ kāmā samohitā;
āmisāṃ bandhanañcetaṃ, maccuveso § guhāsayo.
89. Evameva ime kāme, āturā paricārike §;
ye sadā parivajjenti, saṅgaṃ loke upaccagunti.

Gumbiyajātakaṃ chaṭṭhaṃ.

367. Sāḷiyajātakaṃ (5-2-7)

90. Yvāyaṃ sāḷiya § chāpoti, kaṇhasappaṃ agāhayi;
tena sappenayaṃ daṭṭho, hato pāpānusāsako.
91. Ahantāra § mahantāraṃ, yo naro hantumicchati;
evaṃ so nihato seti, yathāyaṃ puriso hato.
92. Ahantāra (1.0131) § maghātentaṃ, yo naro hantumicchati.
evaṃ so nihato seti, yathāyaṃ puriso hato.
93. Yathā paṃsumuṭṭhiṃ puriso, paṭivātaṃ paṭikkhipe;
tameva so rajo hanti, tathāyaṃ puriso hato.
94. Yo appaduṭṭhassa narassa dussati, suddhassa posassa anaṅgaṇassa;
tameva bālaṃ pacceṭi pāpaṃ, sukhumo rajo paṭivātaṃva khittoti.

Sāḷiyajātakaṃ sattamaṃ.

368. Tacasārajātakaṃ (5-2-8)

95. Amittahatthagatā §, tacasārasamappitā;
pasannamukhavaṇṇāṭṭha, kasmā tumhe na socatha.
96. Na socanāya paridevanāya, atthova labbho § api appakopi.
socantameṇaṃ dukhitaṃ veditvā, paccatthikā attamanā bhavanti.
97. Yato ca kho paṇḍito āpadāsu, na vedhatī atthavinicchayaññū;
paccatthikāssa § dukhitā bhavanti, disvā mukhaṃ avikāraṃ purāṇaṃ.
98. Jappena mantena subhāsitena, anuppadānena paveṇiyā vā;
yathā yathā yattha labhetha atthaṃ, tathā tathā tattha parakkameyya.
99. Yato (1.0132) ca jāneyya alabbhaneyyo, mayā va § aññaena vā esa attho.
asocamāno adhivāsayaeyya, kammaṃ daḷhaṃ kinti karomi dānīti.

Tacasārajātakaṃ aṭṭhamaṃ.

369. Mittavindakajātakaṃ (5-2-9)

100. Kyāhaṃ devānamakaraṃ, kiṃ pāpaṃ pakataṃ mayā;
yaṃ me sirasmīṃ ohacca §, cakkaṃ bhamati matthake.
101. Atikkamma ramaṇakaṃ, sadāmattañca dūbhakaṃ;
brahmattarañca pāsādaṃ, kenatthena idhāgato.
102. Ito bahutarā bhogā, atra mañña bhavissare;
iti etāya saññaṃ, passa maṃ byasanaṃ gataṃ.
103. Catubbhi aṭṭhajjhagamā, aṭṭhāhipi ca § soḷasa.
soḷasāhi ca bāṭṭiṃsa, atricchaṃ cakkamāsado;
icchāhatassa posassa, cakkaṃ bhamati matthake.

104. Uparivisālā duppūrā, icchā visaṭṭagāminī §.
ye ca taṃ anugijjhanti, te honti cakkadhārinoti.

Mittavindakajātakaṃ navamaṃ.

370. Palāsajātakaṃ (5-2-10)

105. Haṃso palāsamavaca, nigrodho samma jāyati;
aṅkasmim § te nisinnova, so te mammāni checchati §.
106. Vaḍḍhatāmeva § nigrodho, patiṭṭhassa bhavāmahaṃ;
yathā pitā ca mātā ca §, evaṃ me so bhavissati.
107. Yaṃ tvaṃ aṅkasmim vaḍḍhesi, khīrarukkhaṃ bhayānakaṃ;
āmanta kho taṃ gacchāma, vuḍḍhi massa na ruccati.
108. Idāni (1.0133) kho maṃ bhāyeti, mahānerunidassanaṃ;
haṃsassa anabhiññāya, mahā me bhayamāgataṃ.
109. Na tassa vuḍḍhi kusalappasatthā, yo vaḍḍhamāno ghasate patiṭṭhaṃ;
tassūparodhaṃ parisāṅkamāno, patārayī mūlavadhāya dhīroti.

Palāsajātakaṃ dasamaṃ.

Vaṇṇārohavaggo dutiyo §.

3. Aḍḍhavaggo

371. Dīghītikosalajātakaṃ (5-3-1)

110. Evaṃbhūtassa te rāja, āgatassa vase § mama;
atthi nu koci pariyāyo, yo taṃ dukkhā pamocaye.
111. Evaṃbhūtassa me tāta, āgatassa vase tava;
natthi no koci pariyāyo, yo maṃ dukkhā pamocaye.
112. Nāññaṃ sucaritaṃ rāja, nāññaṃ rāja subhāsitaṃ;
tāyate maraṇakāle, evamevitaraṃ dhanaṃ.
113. Akkocchi maṃ avadhi maṃ, ajini maṃ ahāsi me;
ye ca taṃ upanayhanti, veraṃ tesam na sammati.
114. Akkocchi maṃ avadhi maṃ, ajini maṃ ahāsi me;
ye ca taṃ nupanayhanti, veraṃ tesūpasammati.
115. Na hi verena verāni, sammantīdha kudācanaṃ;
averena ca sammanti, esa dhammo sanantanoti.

Dīghītikosalajātakaṃ paṭhamaṃ.

372. Migapotakajātakaṃ (5-3-2)

116. Agārā paccupetassa, anagārassa te sato;
samaṇassa na taṃ sādhu, yaṃ petamanusocasi.
117. Saṃvāsena (1.0134) have sakka, manussassa migassa vā;
hadaye jāyate pemaṃ, na taṃ sakkā asocituṃ.
118. Mataṃ marissaṃ rodanti, ye rudanti lapanti ca;
tasmā tvaṃ isi mā rodi, roditaṃ moghamāhu santo.
119. Roditena have brahme, mato peto samuṭṭhahe;
sabbe saṅgamma rodāma, aññamaññassa ñātake.
120. Ādittaṃ vata maṃ santaṃ, ghatasittaṃva pāvakaṃ;
vārinā viya osiñcaṃ, sabbaṃ nibbāpaye daraṃ.
121. Abbahi vata me sallaṃ, yamāsi hadayassitaṃ;
yo me sokaparetassa, puttasoṃkaṃ apānudi.
122. Sohaṃ abbūḷhasallosmi, vītasoko anāvilo;
na socāmi na rodāmi, tava sutvāna vāsavāti.

Migapotakajātakaṃ dutiyaṃ.

373. Mūsikajātakaṃ (5-3-3)

123. Kuhiṃ gatā kattha gatā, iti lālappatī jano;
ahameveko jānāmi, udapāne mūsikā hatā.
124. Yañcetaṃ § iti cīti ca, gadrabhova nivattasi.
udapāne mūsikaṃ hantvā, yavaṃ bhakkhetumicchasi.
125. Daharo cāsi dummedha, paṭhamuppattiko § susu;
dīghañcetaṃ § samāsajja §, na te dassāmi jīvitaṃ.
126. Nāntalikkhabhavanena, nāṅgaputtapinena § vā;
puttena hi patthayito, silokehi pamocito.

127. Sabbam sutamadhīyetha, hīnamukkaṭṭhamajjhimam;
sabbassa attham jāneyya, na ca sabbam payojaye;
hoti tādisako kālo, yattha atthāvaham sutanti.

Mūsikajātakam tatiyam.

374. Cūladhanuggahajātakam (5-3-4)

128. Sabbam (1.0135) bhaṇḍam samādāya, pāram tiṇṇosi brāhmaṇa;
Paccāgaccha lahum khippam, mampi tārehi dānito §.
129. Asanthutam mam cirasanthutena, nimīni bhoti addhavam dhuvena;
mayāpi bhoti nimineyya aññaṃ, ito aham dūrataram gamissam.
130. Kāyam eḷagalāgumbe §, karoti ahuhāsiyam;
nayīdha naccagītam vā §, tālam vā susamāhitam.
anamhikāle § susoṇi §, kiṃ nu jagghasi sobhane §.
131. Siṅgāla bāla dummedha, appapaññosi jambuka;
jīno macchañca pesiñca, kapaṇo viya jhāyasi.
132. Sudassam vajjamaññesam, attano pana duddasam;
jīnā patiñca jārañca, maññe tvaññeva § jhāyasi.
133. Evametaṃ migarāja, yathā bhāsasi jambuka;
sā nūnāham ito gantvā, bhattu hessam vasānugā.
134. Yo hare mattikam thālam, kaṃsathālampi so hare;
katañceva § tayā pāpam, punapevam karissasīti.

Cūladhanuggahajātakam catuttham.

375. Kapotajātakam (5-3-5)

135. Idāni khomhi sukhito arogo, nikkaṇṭako nippatito kapoto;
kāhāmi dāni hadayassa tuṭṭhiṃ, tathāhimam maṃsasākam baleti.
136. Kāyam (1.0136) balākā sikhino, corī laṅghipitāmahā;
oram balāke āgaccha, caṇḍo me vāyaso sakhā.
137. Alañhi te jagghitāye, mamaṃ disvāna edisam;
vilūnam sūdaputtena, piṭṭhamaṇḍena § makkhitam.
138. Sunhāto suvilittosi, annapānena tappito;
kaṇṭhe ca te veḷuriyo, agamā nu kajaṅgalam.
139. Mā te mitto amitto vā, agamāsi kajaṅgalam;
piñchāni tattha lāyitvā, kaṇṭhe bandhanti vaṭṭanam.
140. Punapāpajjasī samma, silañhi tava tādisam;
na hi mānusakā bhogā, subhuñjā honti pakkhināti.

Kapotajātakam pañcamaṃ.

Aḍḍhavaggo tatiyo.

Tassuddānaṃ-

Atha vaṇṇa sasīla hiri labhate, sumukhā visa sālīyamittavaro;
atha cakka palāsa sarāja sato, yava bāla kapotaka pannarasāti.

Atha vagguddānaṃ-

Jīnañca vaṇṇaṃ asamaṃvaguppari, sudesitā jātakanti santi vīsati §.
mahesino brahmacarittamutta-mavoca gāthā atthavatī subyañjanāti.

Pañcakanipātaṃ niṭṭhitaṃ.

6. Chakkanipāto

1. Avāriyavaggo

376. Avāriyajātakaṃ (6-1-1)

1. Māsu (1.0137) kujjha bhūmipati, māsu kujjha rathesabha;
kuddhaṃ appaṭikujjhanto, rājā raṭṭhassa pūjito.
2. Gāme vā yadi vāraññe, ninne vā yadi vā thale;
sabbattha anusāsāmi, māsu kujjha § rathesabha.
3. Avāriyapitā nāma, ahu gaṅgāya nāviko;
pubbe janaṃ tāretvāna, pacchā yācati vetanaṃ;
tenassa bhaṇḍanaṃ hoti, na ca bhogehi vaḍḍhati.
4. Atiṇṇaṃyeva yācassu, apāraṃ tāta nāvika;
añño hi tiṇṇassa mano, añño hoti pāresino §.
5. Gāme vā yadi vāraññe, ninne vā yadi vā thale;
sabbattha anusāsāmi, māsu kujjhittha nāvika.
6. Yāyevānusāsaniyā, rājā gāmavaraṃ adā;
tāyevānusāsaniyā, nāviko paharī mukhaṃ.
7. Bhattaṃ bhinnaṃ hatā bhariyā, gabbho ca patito chamā;
migova jātarūpena, na tenatthaṃ abandhi sūti §.

Avāriyajātakaṃ paṭhamaṃ.

377. Setaketujātakaṃ (6-1-2)

8. Mā tāta kujjhi na hi sādhu kodho, bahumpi te adiṭṭhamassutañca;

- mātā pitā disatā § setaketu, ācariyamāhu disataṃ pasatthā.
9. Agārino (1.0138) annadapānavatthadā §, avhāyikā tampi disaṃ vadanti. esā disā paramā setaketu, yaṃ patvā dukkhī sukhino bhavanti.
 10. Kharājinā jaṭilā paṅkadantā, dummakkharūpā § yeme jappanti mante. kacci nu te mānusake payoge, idaṃ vidū parimuttā apāyā.
 11. Pāpāni kammāni katvāna rāja, bahussuto ce na § careyya dhammaṃ. saḥassavedopi na taṃ paṭicca, dukkhā pamañce caraṇaṃ apatvā.
 12. Saḥassavedopi na taṃ paṭicca, dukkhā pamañce caraṇaṃ apatvā; maññāmi vedā aphalā bhavanti, sasamyaṃ caraṇameva § saccaṃ.
 13. Na heva vedā aphalā bhavanti, sasamyaṃ caraṇameva saccaṃ; kittiñhi pappoti adhicca vede, santiṃ puṇeti § caraṇena dantoti.

Setaketujātakam dutiyam.

378. Darīmukhajātakam (6-1-3)

14. Paṅko ca kāmā palipo ca kāmā, bhayañca metaṃ timūlaṃ pavuttaṃ; rajo ca dhūmo ca mayā pakāsītā, hitvā tuvaṃ pabbaja brahmadatta.
15. Gadhito (1.0139) § ca ratto ca adhimucchito ca, kāmesvahaṃ brāhmaṇa bhimsarūpaṃ.
taṃ nussahe jīvikattho pahātuṃ, kāhāmi puññāni anappakāni.
16. Yo atthakāmassa hitānukampino, ovajjamāno na karoti sāsanaṃ; idameva seyyo iti maññamāno, punappunaṃ gabbhamupeti mando.
17. So ghorarūpaṃ nirayaṃ upeti, subhāsubhaṃ muttakarīsapūraṃ; sattā sakāye na jahanti giddhā, ye honti kāmesu

avītarāgā.

18. Miḷhena littā ruhirena makkhitā, semhena littā upanikkhamanti;
yaṃ yañhi kāyena phusanti tāvade, sabbaṃ asātaṃ dukhameva kevalaṃ.
19. Disvā vadāmi na hi aññato savaṃ, pubbenivāsaṃ bahukaṃ sarāmi;
citrāhi gāthāhi subhāsītāhi, darīmukho nijjhāpayi sumedhanti.

Darīmukhajātakaṃ tatiyaṃ.

379. Nerujātakaṃ (6-1-4)

20. Kākolā kākasaṅghā ca, mayañca patataṃ varā §.
sabbeva sadisā homa, imaṃ āgamma pabbataṃ.
21. Idha sīhā ca byagghā ca, siṅgālā ca migādhamā;
sabbeva sadisā honti, ayaṃ ko nāma pabbato.
22. Imaṃ (1.0140) nerūti § jānanti, manussā pabbatuttamaṃ.
idha vaṇṇena sampannā, vasanti sabbapāṇino.
23. Amānanā yattha siyā, santānaṃ vā vimānanā;
hīnasammānanā vāpi, na tattha vasatiṃ vase §.
24. Yatthālaso ca dakkho ca, sūro bhīru ca pūjijjā;
na tattha santo vasanti, avisesakare nare §.
25. Nāyaṃ neru vibhajati, hīna-ukkaṭṭhamajjhime;
avisesakaro neru, handa neruṃ jahāmaseti.

Nerujātakaṃ catutthaṃ.

380. Āsaṅkajātakaṃ (6-1-5)

26. Āsāvati nāma latā, jātā cittalatāvane;
tassā vassasahassena, ekaṃ nibbattate phalaṃ.
27. Taṃ devā payirupāsanti, tāva dūrapphalaṃ satim;
āsīseva § tuvaṃ rāja, āsā phalavati sukhā.
28. Āsīsateva § so pakkhī, āsīsateva § so dijo.
tassa cāsā § samijjhati, tāva dūragatā satī.
āsīseva tuvaṃ rāja, āsā phalavati sukhā.
29. Sampesi kho maṃ vācāya, na ca sampesi § kammunā;
mālā sereyyakasseva, vaṇṇavantā agandhikā.
30. Aphalaṃ madhuraṃ vācaṃ, yo mittesu pakubbati;
adadaṃ avissajaṃ bhogaṃ, sandhi tenassa jīrati.
31. Yañhi kayirā tañhi vade, yaṃ na kayirā na taṃ vade;
akarontaṃ bhāsamānaṃ, pari jānanti paṇḍitā.
32. Balañca vata me khīṇaṃ, pātheyyañca na vijjati;
sañke pāṇūparodhāya, handa dāni vajāmahaṃ.

33. Etadeva (1.0141) hi me nāmaṃ, yaṃ nāmasmi rathesabha;
āgamehi mahārāja, pitaraṃ āmantayāmahanti.

Āsaṅkajātakaṃ pañcamaṃ.

381. Migālopajātakaṃ (6-1-6)

34. Na me rucci migālopa, yassa te tādīsī gati;
atuccaṃ tāta patasi, abhūmiṃ tāta sevasi.
35. Catukkaṇṇaṃva kedāraṃ, yadā te pathavī siyā;
tato tāta nivattassu, māssu etto paraṃ gami.
36. Santi aññepi sakuṇā, pattayānā vihaṅgamā;
akkhittā vātavegena, naṭṭhā te sassatīsamā.
37. Akatvā apanandassa Ṣ, pitu vuddhassa sāsanaṃ;
kālavāte atikkamma, verambhānaṃ vasaṃ agā Ṣ.
38. Tassa puttā ca dārā ca, ye caññe anujīvino;
sabbe byasanaṃpādumaṃ, anovādakare dije.
39. Evampi idha vuddhānaṃ, yo vākyamaṃ nāvabujjhati;
atisīmacaro Ṣ ditto, gijjhovātītasāsano.
sabbe byasanaṃ papponti, akatvā buddhasāsanaṃti.

Migālopajātakaṃ chaṭṭhaṃ.

382. Sirikāḷakaṇṇijātakaṃ (6-1-7)

40. Kā nu kāḷena vaṇṇena, na cāpi Ṣ piyadassanā;
kā vā tvaṃ kassa vā dhītā, kathaṃ jānema taṃ mayamaṃ.
41. Mahārājassahaṃ dhītā, virūpakkhassa caṇḍiyā;
ahaṃ kāḷi alakkhikā, kāḷakaṇṇīti maṃ vidū;
okāsaṃ yācito dehi, vasema tava santike.
42. Kiṃsīle (1.0142) kiṃsamācāre, purise nivisase tvaṃ;
puṭṭhā me kāḷi akkhāhi, kathaṃ Ṣ jānema taṃ mayamaṃ.
43. Makkhī paḷāsī sārambhī, issukī maccharī saṭṭho;
so mayamaṃ puriso kanto, laddhamaṃ yassa vinassati.
44. Kodhano upanāhī ca, pisuṇo ca vibhedako;
kaṇḍakavāco Ṣ pharuso, so me kantataro tato.
45. Ajja suveti puriso, sadatthamaṃ nāvabujjhati;
ovajjamāno kuppanti, seyyamaṃ so atimaññati.
46. Davappaluddho Ṣ puriso, sabbamittehi dhaṃsati;
so mayamaṃ puriso kanto, tasmaṃ homi anāmayā.
47. Apehi etto tvaṃ kāḷi, netamaṃ amhesu vijjati;
aññaṃ janapadaṃ gaccha, nigame rājadhāniyo.

48. Ahampi kho taṃ § jānāmi, netaṃ tumhesu vijjati;
santi loke alakkhikā, saṅgharanti bahuṃ dhanam;
ahaṃ devo ca me bhātā, ubho naṃ vidhamāse.
49. Kā nu dibbena vaṇṇena, pathabyā supatiṭṭhitā;
kā vā tvaṃ kassa vā dhītā, kathaṃ jānemu taṃ mayaṃ.
50. Mahārājassahaṃ dhītā, dhataratṭhassa sirīmato §;
ahaṃ sirī ca lakkhī ca, bhūripaññāti maṃ vidū;
okāsaṃ yācito dehi, vasemu tava santike.
51. Kiṃsīle kiṃsamācāre, purise nivisase tvaṃ;
puṭṭhā me lakkhi akkhāhi, kathaṃ § jānemu taṃ mayaṃ.
52. Yo (1.0143) cāpi sīte athavāpi uṇhe, vātātape ḍaṃsasarīsape ca;
khudhaṃ § pipāsaṃ abhibhuyya sabbaṃ, rattintivaṃ yo satataṃ niyutto.
kālāgatañca na hāpeti atthaṃ, so me manāpo nivise ca tamhi.
53. Akkodhano mittavā cāgavā ca, sīlūpapanno asaṭhojubhūto §.
saṅgāhako sakhilo saṅhavāco, mahattapattopi nivātavutti;
tasmimhaṃ § pose vipulā bhavāmi, ūmi samuddassa yathāpi vaṇṇam.
54. Yo cāpi mitte athavā amitte, seṭṭhe sarikkhe atha vāpi hīne;
atthaṃ carantaṃ athavā anattaṃ, āvī raho saṅgahameva vatte §.
vācaṃ na vajjā pharusam kadāci, matassa jīvassa ca tassa homi.

55. Etesaṃ yo aññataraṃ labhitvā, kantā sirī § majjati appapañño.
taṃ dittarūpaṃ visamaṃ carantaṃ, karisaṭhānaṃva § vivajjayāmi.
56. Attanā kurute lakkhiṃ, alakkhiṃ kurutattanā;
na hi lakkhiṃ alakkhiṃ vā, añño aññassa kārakoti.

Sirikāḷakaṇṇijātakaṃ sattamaṃ.

383. Kukkuṭajātakaṃ (6-1-8)

57. Sucittapattachadana (1.0144), tambacūḷa vihaṅgama;
oroḥa dumasākhāya, mudhā bhariyā bhavāmi te.
58. Catuppadī tvaṃ kalyāṇi, dvipadāhaṃ manorame;
migī pakkhī asaññuttā, aññaṃ pariyesa sāmikaṃ.
59. Komārikā te hessāmi, mañjukā piyabhāṇinī;
vinda maṃ ariyena vedena, sāvaya maṃ yadicchasi.
60. Kuṇapādini lohitape, cori kukkuṭapothini;
na tvaṃ ariyena vedena, mamaṃ bhattāramicchasi.
61. Evampi caturā § nārī, disvāna sadhanaṃ § naraṃ.
nenti saṅhāhi vācāhi, biḷārī viya kukkuṭaṃ.
62. Yo ca uppatitaṃ atthaṃ, na khippamanubujjhati;
amittavasamanveti, pacchā ca anutappati.
63. Yo ca uppatitaṃ atthaṃ, khippameva nibodhati;
muccate sattusambādhā, kukkuṭova biḷāriyāti.

Kukkuṭajātakaṃ aṭṭhamaṃ.

384. Dhammadhajajātakaṃ (6-1-9)

64. Dhammaṃ caratha ñātayo, dhammaṃ caratha bhaddaṃ vo §;
dhammacārī sukhaṃ seti, asmiṃ loke paramhi ca.
65. Bhaddako vatayaṃ pakkhī, dijo paramadhammiko;
ekapādena tiṭṭhanto, dhammamevānusāsati.
66. Nāssa sīlaṃ vijānātha, anaññāya pasamsatha;
bhutvā aṇḍañca potañca §, dhammo dhammoti bhāsati.
67. Aññaṃ bhaṇati vācāya, aññaṃ kāyena kubbatī;
vācāya no ca kāyena, na taṃ dhammaṃ adhiṭṭhito.
68. Vācāya (1.0145) sakhilo manoviduggo, channo kūpasayova kaṇhasappo;
dhammadhajo gāmanigamāsusādhu §, dujjāno purisena bālisena.
69. Imaṃ tuṇḍehi pakkhehi, pādā cimaṃ viheṭṭhatha §;
chavañhimaṃ vināsetha, nāyaṃ saṃvāsanārahoti.

Dhammadhajajātakaṃ navamaṃ.

385. Nandiyamigarājajātakaṃ (6-1-10)

70. Sace brāhmaṇa gacchesi, sākete § ajjunaṃ § vanaṃ.
vajjāsī nandiyamaṃ nāma, puttaṃ asmākamorasamaṃ;
mātā pitā ca te vuddhā, te taṃ icchanti passitumaṃ.
71. Bhuttā mayā nivāpāni, rājino pānabhojanaṃ;
taṃ rājapiṇḍamaṃ avabhottumaṃ §, nāhamaṃ brāhmaṇa mussahe.
72. Odahissāmahaṃ passaṃ, khurappānissa § rājino.
tadāhamaṃ sukhito mutto, api passeyya mātaramaṃ.
73. Migarājā pure āsiṃ, kosalassa nicketane §;
nandiyo nāma nāmena, abhirūpo catuppado.
74. Taṃ maṃ vadhitumāgacchi, dāyasmimaṃ ajjune vane;
dhanumaṃ ārajjamaṃ § katvāna, usumaṃ sannayha § kosalo.
75. Tassāhamaṃ (1.0146) odahimaṃ passaṃ, khurappānissa rājino;
tadāhamaṃ sukhito mutto, mātaramaṃ daṭṭhumāgatoti.

Nandiyamigarājajātakaṃ dasamaṃ.

Avāriyavaggo paṭhamaṃ.

Tassuddānaṃ-

Atha kujjharathesabha ketuvaro, sadarimukha neru latā ca puna;
apananda sirī ca sucittavaro, atha dhammika nandimigena dasāti.

2. Kharaputtavaggo

386. Kharaputtajātakaṃ (6-2-1)

76. Saccaṃ kirevamāhaṃsu, vastaṃ § bālota paṇḍitā.
passa bālo rahokammaṃ, āvikubbaṃ na bujjhati.
77. Tvaṃ khopi § samma bālosi, kharaputta vijānahi.
rajjuyā hi § parikkhitto, vaṅkoṭṭho ohitomukho.
78. Aparampi samma te bālyamaṃ §, yo mutto na palāyasi.
so ca bālataro samma, yaṃ tvaṃ vahasi senakamaṃ.
79. Yaṃ nu samma ahaṃ bālo, ajarāja vijānahi;
atha kena senako bālo, taṃ me akkhāhi pucchito.
80. Uttamatthaṃ labhitvāna, bhariyāya yo padassati §.
tena jahissatattānaṃ, sā cevassa na hessati.
81. Na (1.0147) ve piyammeti § janinda tādiso, attamaṃ niraṃkatvā piyāni sevati
§.

attāva seyyo paramā ca seyyo, labbhā piyā ocitatthena pacchāti.

Kharaputtajātakaṃ paṭhamamaṃ.

387. Sūcijātakaṃ (6-2-2)

82. Akakkasaṃ aphaṛusaṃ, kharadhotamaṃ supāsiyamaṃ;
sukhumaṃ tikhiṇaggañca, ko sūciṃ ketumicchati.
83. Sumajjañca supāsañca, anupubbaṃ § suvaṭṭitaṃ;
ghanaghātimaṃ paṭithaddhaṃ, ko sūciṃ ketumicchati.
84. Ito dāni patāyanti, sūciyo baḷisāni ca;
koyamaṃ kammāragāmasmiṃ, sūciṃ vikketumicchati.
85. Ito satthāni gacchanti, kammantā vividhā puthū;
koyamaṃ kammāragāmasmiṃ, sūciṃ vikketumicchati §.
86. Sūciṃ kammāragāmasmiṃ, vikketabbā pajānatā;
ācariyāva jānanti §, kammaṃ sukatadukkaṭamaṃ §.
87. Imaṃ ce § te pitā bhadde, sūciṃ jaññā mayā kataṃ.
tayā ca maṃ nimanteyya, yañcatthaññaṃ ghare dhananti.

Sūcijātakaṃ dutiyamaṃ.

388. Tuṇḍilajātakaṃ (6-2-3)

88. Navachannake § dāni § diyyati, puṇṇāyamaṃ doṇi suvāminī ṭhitā.
bahuke jane pāsapāṇike, no ca kho me paṭibhāti bhuñjitumaṃ.
89. Tasasi (1.0148) bhamasi leṇamicchasi, attāṇosi kuhiṃ gamissasi;
apossukko bhuñja tuṇḍila, maṃsatthāya hi positāmhase §.

90. Ogaha rahadaṃ akaddamaṃ, sabbaṃ sedamalaṃ pavāhaya;
gaṇhāhi navaṃ vilepanaṃ, yassa gandho na kadāci chijjati.
91. Katamo rahado akaddamo, kiṃsu sedamalanti vuccati;
katamañca navaṃ vilepanaṃ, yassa gandho na kadāci chijjati.
92. Dhammo rahado akaddamo, pāpaṃ sedamalanti vuccati;
sīlañca navaṃ vilepanaṃ, tassa gandho na kadāci chijjati.
93. Nandanti sarīraghātino, na ca nandanti sarīradhārino;
puṇṇāya ca puṇṇamāsiyā, ramamānāva jahanti jīvitanti.

Tuṇḍilajātakaṃ tatiyaṃ.

389. Suvaṇṇakakkaṭajātakaṃ (6-2-4)

94. Siṅgimigo āyatacakkhunetto, aṭṭhittaco vārisayo alomo;
tenābhībhūto kapaṇaṃ rudāmi, hare sakhā kissa nu maṃ jahāsi.
95. So (1.0149) passasanto mahatā phaṇena, bhujāṅgamo kakkaṭamajjhapatto.
sakhā sakhāraṃ paritāyamāno, bhujāṅgamaṃ kakkaṭako gahesi.
96. Na vāyasaṃ no pana kaṇhasappaṃ, ghāsatthiko kakkaṭako adeyya;
pucchāmi taṃ āyatacakkhunetta, atha kissa hetumha ubho gahitā.
97. Ayaṃ puriso mama atthakāmo, yo maṃ gahetvāna dakāya neti;
tasmīṃ mate dukkhamanappakaṃ me, ahañca eso ca ubho na homa.
98. Mamañca disvāna pavaddhakāyaṃ, sabbo jano hiṃsitumeva micche;
sāduñca thūlañca muduñca maṃsaṃ, kākāpi maṃ disvāna § viheṭha-
yeyyuṃ.
99. Sacetassa hetumha ubho gahitā, uṭṭhātu poso visamāvamāmi §.
mamañca kākañca pamuñca khippaṃ, pure visaṃ gāḷhamupeti maccaṃ.
100. Sappaṃ pamokkhāmi na tāva kākaṃ, paṭibandhako § hohiti § tāva kāko.
purisañca disvāna sukhiṃ arogaṃ, kākaṃ pamokkhāmi yatheva sappaṃ.
101. Kāko (1.0150) tadā devadatto ahosi, māro pana kaṇhasappo ahosi;
ānandabhaddo kakkaṭako ahosi, ahaṃ tadā brāhmaṇo homi satthāti §.

Suvaṇṇakakkaṭajātakaṃ catutthaṃ.

390. Mayhakajātakaṃ (6-2-5)

102. Sakuṇo mayhako nāma, girisānudarīcaro;
pakkaṃ pipphalimāruyha, mayhaṃ mayhanti kandati.
103. Tassevaṃ vilapantassa, dijasaṅghā samāgatā;
bhutvāna pipphaliṃ yanti, vilapatveva so dijo.
104. Evameva idhekacco, saṅgharivā bahuṃ dhanam;
nevattano na ñātīnaṃ, yathodhiṃ paṭipajjati.
105. Na so acchādanaṃ bhattaṃ, na mālaṃ na vilepanaṃ;

- anubhoti § sakiṃ kiñci, na saṅgaṇhāti ñātaka.
- 106.** Tassevaṃ vilapantassa, mayhaṃ mayhanti rakkhato;
rājāno atha vā corā, dāyadā ye va § appiyā.
dhanamādāya gacchanti, vilapatveva so naro.
- 107.** Dhīro § bhoge adhigamma, saṅgaṇhāti ca ñātaka;
tena so kittiṃ pappoti, pecca sagge pamodatīti §.

Mayhakajātakaṃ pañcamaṃ.

391. Vijjādhara-jātakaṃ (6-2-6)

- 108.** Dubbaṇṇarūpaṃ tuvamariyavaṇṇī, purakkhatvā § pañjaliko namassasi.
seyyo nu te so udavā § sarikkho, nāmaṃ parassattano cāpi brūhi.
- 109.** Na (1.0151) nāmagottaṃ gaṇhanti rāja, sammaggatānujjugatāna § devā.
ahañca te nāmadheyyaṃ vadāmi, sakkohamasmī tidasānamindo.
- 110.** Yo disvā bhikkhuṃ caraṇūpapannaṃ, purakkhatvā pañjaliko namassati;
pucchāmi taṃ devarājetamatthaṃ, ito cuto kiṃ labhate sukhaṃ so.
- 111.** Yo disvā bhikkhuṃ caraṇūpapannaṃ, purakkhatvā pañjaliko namassati;
diṭṭheva dhamme labhate paṣaṃsaṃ, saggañca so yāti sarīrabhedā.
- 112.** Lakkhī vata me udapādi ajja, yaṃ vāsavaṃ bhūtapatiddasāma;
bhikkhuñca disvāna tuvañca sakka, kāhāmi puñṇāni anappakāni.
- 113.** Addhā have sevitabbā sapaññā, bahussutā ye bahuṭhānacintino;
bhikkhuñca disvāna mamañca rāja, karohi puñṇāni anappakāni.
- 114.** Akkodhano niccapasannacitto, sabbātithiyācayogo bhavitvā;
nihacca mānaṃ abhivādayissaṃ, sutvāna devinda subhāsītānīti.

Vijjādhara § jātakaṃ chaṭṭhaṃ.

392. Siṅhapupphajātakaṃ (6-2-7)

- 115.** Yametaṃ (1.0152) § vārijaṃ pupphaṃ, adinnaṃ upasiṅghasi.
ekaṅgametaṃ theyyānaṃ, gandhathenosi mārisa.
- 116.** Na harāmi na bhañjāmi, ārā siṅghāmi vārijaṃ;
atha kena nu vaṇṇena, gandhathenoti vuccati.
- 117.** Yoyaṃ bhisāni khaṇati, puṇḍarīkāni bhañjati;
evaṃ ākiṇṇakammanto, kasmā eso na vuccati.
- 118.** Ākiṇṇaluddo puriso, dhāticelaṃva makkhito;
tasmīṃ me vacanaṃ natthi, tañcārahāmi vattave.
- 119.** Anaṅgaṇassa posassa, niccaṃ sucigavesino;
vālaggamattaṃ pāpassa, abbhāmatthaṃva khāyati.
- 120.** Addhā maṃ yakkha jānāsi, atho maṃ anukampasi;
punapi yakkha vajjāsi, yadā passasi edisaṃ.
- 121.** Neva taṃ upajīvāmi, napi te bhatakāmhase §.

tvameva bhikkhu jāneyya, yena gaccheyya suggatinti.

Siṅhapuppha § jātakaṃ sattamaṃ.

393. Vighāsādajātakaṃ (6-2-8)

- 122.** Susukhaṃ vata jīvanti, ye janā vighāsādino;
diṭṭheva dhamme pāsaṃsā, samparāye ca suggatī.
- 123.** Sukassa § bhāsamānassa, na nisāmetha paṇḍitā;
idaṃ suṇātha sodariyā, amhevāyaṃ pasaṃsati.
- 124.** Nāhaṃ tumhe pasaṃsāmi, kuṇapādā suṇātha me;
ucchiṭṭhabhojino § tumhe, na tumhe vighāsādino.
- 125.** Sattavassā (1.0153) pabbajitā, mejjhāraññe

§ sikhaṇḍino.

vighāseneva yāpentā, mayam ce bhoto gārayhā;
ke nu bhoto pasaṃsiyā.

126. Tumhe sīhānaṃ byagghānaṃ, vāḷānañcāvasiṭṭhakaṃ;
ucchiṭṭheneva yāpentā, maññivho vighāsādino.

127. Ye brāhmaṇassa samaṇassa, aññassa vā § vanibbino §.
datvāva § sesaṃ bhuñjanti, te janā vighāsādinoti.

Vighāsādajātakaṃ aṭṭhamaṃ.

394. Vaṭṭakajātakaṃ (6-2-9)

128. Paṇītaṃ bhuñjase bhattaṃ, sappitelañca mātula;
atha kena nu vaṇṇena, kiso tvamasi vāyasa.

129. Amittamajjhe vasato, tesu āmisamesato;
niccaṃ ubbiggahadayassa, kuto kākassa daḷhiyaṃ.

130. Niccaṃ ubbegino § kākā, dhañkā pāpena kammunā.
laddho piṇḍo na piṇeti, kiso tenasmi vaṭṭaka.

131. Lūkhāni tiṇabījāni, appasnehāni bhuñjasi;
atha kena nu vaṇṇena, thūlo tvamasi vaṭṭaka.

132. Appicchā appacintāya, adūragamanena ca;
laddhāladdhena yāpento, thūlo tenasmi vāyasa.

133. Appicchassa hi posassa, appacintasukhassa § ca.
susaṅgahitamānassa §, vuttī susamudānayāti.

Vaṭṭakajātakaṃ navamaṃ.

395. Pārāvatajātakaṃ (6-2-10)

134. Cirassaṃ vata passāmi, sahāyaṃ maṇidhārinaṃ;
sukatā § massukuttiyā, sobhate vata me sakhā.

135. Parūḷhakacchanakhalomo (1.0154), ahaṃ kammesu byāvaṭo;
cirassaṃ nhāpitaṃ laddhā, lomaṃ taṃ ajjaṃ hārayiṃ §.

136. Yaṃ nu lomaṃ ahāresi, dullabhaṃ laddha kappakaṃ;
atha kiñcarahi te samma, kaṇṭhe kiṇikiṇāyati §.

137. Manussasukhumālānaṃ, maṇi kaṇṭhesu lambati;
tesāhaṃ anusikkhāmi, mā tvaṃ maññi davā kataṃ.

138. Sacepimaṃ pihayasi, massukuttiṃ sukāritaṃ;
kārayissāmi te samma, maṇiñcāpi dadāmi te.

139. Tvaññeva maṇinā channo, sukatāya ca massuyā;
āmanta kho taṃ gacchāmi, piyaṃ me tava dassananti.

Pārāvatajātakaṃ § dasamaṃ.

Kharaputtavaggo § dutiyo.

Tassuddānaṃ-

Atha passa sasūci ca tuṇḍilako, miga mayhakapañcamapakkhivaro;
atha pañjali vārija mejjha puna, atha vaṭṭa kapotavarena dasāti.

Atha vagguddānaṃ-

Atha vagmaṃ pakittissaṃ, chanipātaṃ varuttame;
avāriyā ca kharo ca §, dve ca vuttā subyañjanāti.

Chakkanipātaṃ niṭṭhitaṃ.

7. Sattakanipāto

1. Kukkuvaggo

396. Kukkujātakaṃ (7-1-1)

1. Diyaḍḍhakukkū (1.0155) udayena kaṇṇikā, vidatthiyo aṭṭha parikkhipanti
naṃ;
sā siṃsapā § sāramayā apheggukā, kuhiṃ ṭhitā upparito § na dhaṃsati.
2. Yā tiṃsati sāramayā anujjukā, parikiriya § gopāṇasiyo samaṃ ṭhitā §.
tāhi susaṅgahitā balasā pīḷitā §, samaṃ ṭhitā upparito na dhaṃsati.
3. Evampi mittehi daḷhehi paṇḍito, abhejjarūpehi sucīhi mantibhi;
susaṅgahīto siriyā na dhaṃsati, gopāṇasī bhāravahāva kaṇṇikā.
4. Kharattacaṃ bellaṃ yathāpi satthavā, anāmasantopi karoti tittakaṃ;
samāharaṃ sādumaṃ karoti patthiva, asādumaṃ kayirā tanubandhamuddharaṃ §.
5. Evampi gāmanigamesu paṇḍito, asāhasaṃ rājadhanāni saṅgharaṃ;
dhammānuvattī paṭipajjamāno, sa phāti kayirā aviheṭṭhayaṃ paraṃ.
6. Odātamūlaṃ (1.0156) sucivārisambhavaṃ, jātaṃ yathā pokkharaṇīsu
ambujaṃ;
padumaṃ yathā agginikāsiphālīmaṃ, na kaddamo na rajo na vāri limpati.
7. Evampi vohārasuciṃ asāhasaṃ, visuddhakammantamapetaṃ pāpakaṃ;
na limpati kammakilesa tādiso, jātaṃ yathā pokkharaṇīsu ambujanti.

Kukkujātakaṃ paṭhamaṃ.

397. Manojātakaṃ (7-1-2)

8. Yathā cāpo ninnamati, jiyā cāpi nikūjati;

haññate nūna manojo, migarājā sakhā mama.

9. Handa dāni vanantāni, pakkamāmi yathāsukhaṃ;
netādisā sakhā honti, labbhā me jīvato sakhā.

10. Na pāpajanasamsevī, accantaṃ sukhamedhati;
manojaṃ passa semānaṃ, giriyassānusāsani §.

11. Na pāpasampavañkena, mātā puttena nandati;
manojaṃ passa semānaṃ, acchannaṃ § samhi lohite.

12. Evamāpajjate poso, pāpiyo ca nigacchati;
yo ve hitānaṃ vacanaṃ, na karoti atthadassinaṃ.

13. Evañca so hoti tato ca pāpiyo, yo uttamo adhamajanūpasevī;
passuttamaṃ adhamajanūpasevitaṃ §, migādhipaṃ saravaravegani-
ddhutaṃ.

14. Nihīyati (1.0157) puriso nihīnasevī, na ca hāyetha kadāci tulyasevī;
seṭṭhamupagamaṃ § udeti khippaṃ, tasmāttanā uttaritaraṃ § bhajethāti.

Manojajātakaṃ dutiyaṃ.

398. Sutanujātakaṃ (7-1-3)

15. Rājā te bhattaṃ pāhesi, suciṃ maṃsūpasecanaṃ;
maghadevasmiṃ § adhivatthe, ehi nikkhamma bhuñjassu.

16. Ehi māṇava orena, bhikkhamādāya sūpitaṃ;
tvañca māṇava bhikkhā ca §, ubho bhakkhā bhavissatha.

17. Appakena tuvaṃ yakkha, thullamatthaṃ jahissasi;
bhikkhaṃ te nāharissanti, janā maraṇasaññino.

18. Laddhāya yakkhā § tava niccabhikkhaṃ, suciṃ paṇitaṃ rasasā upetaṃ.
bhikkhañca te āhariyo naro idha, sudullabho hehiti bhakkhite § mayi.

19. Mameva § sutano attho, yathā bhāsasi māṇava;
mayā tvaṃ samanūññāto, sotthiṃ passāhi mātaraṃ.
20. Khaggaṃ chattañca pātiñca, gacchamādāya § māṇava;
sotthiṃ passatu te mātā, tvañca passāhi mātaraṃ.
21. Evaṃ yakkha sukhī hohi, saha sabbehi ñātibhi;
dhanañca me adhigataṃ, rañño ca vacanaṃ katanti.

Sutanujātakaṃ tatiyaṃ.

399. Mātuposakagijjhajātakaṃ (7-1-4)

22. Te (1.0158) kathaṃ nu karissanti, vuddhā giridarīsaya;
ahaṃ baddhosmi pāsena, niliyassa vasaṃ gato.
23. Kiṃ gijjha paridevasi, kā nu te paridevanā;
na me suto vā diṭṭho vā, bhāsanto mānusiṃ dijo.
24. Bharāmi mātāpitaro, vuddhe giridarīsaye;
te kathaṃ nu karissanti, ahaṃ vasaṃ gato tava.
25. Yaṃ nu gijjho yojanasataṃ, kuṇapāni avekkhati;
kasmā jālañca pāsañca, āsajjāpi na bujjhasi.
26. Yadā parābhavo hoti, poso jīvitasāṅkhaye;
atha jālañca pāsañca, āsajjāpi na bujjhati.
27. Bharassu mātāpitaro, vuddhe giridarīsaye;
mayā tvaṃ samanūññāto, sotthiṃ passāhi ñātike.
28. Evaṃ luddaka nandassu, saha sabbehi ñātibhi;
bharissaṃ mātāpitaro, vuddhe giridarīsayeti.

Mātuposakagijjhajātakaṃ catutthaṃ.

400. Dabbhapupphajātakaṃ (7-1-5)

29. Anutīracārī bhaddante, sahāyamanudhāva maṃ;
mahā me gahito § maccho, so maṃ harati vegasā.
30. Gambhīracārī bhaddante, daḷhaṃ gaṇhāhi thāmasā;
ahaṃ taṃ uddharissāmi, supaṇṇo uragāmiva §.
31. Vivādo no samuppanno, dabbhapuppha suṇohi me;
samehi medhagaṃ § samma, vivādo vūpasammataṃ.
32. Dhammaṭṭhohaṃ pure āsiṃ, bahū aḍḍā me tīritā §.
samemi medhagaṃ samma, vivādo vūpasammataṃ.
33. Anutīracārī (1.0159) naṅguṭṭhaṃ, sīsaṃ gambhīracārino;
accāyaṃ § majjhimo khaṇḍo, dhammaṭṭhassa bhavissati.
34. Cirampi bhakkho abhavissa, sace na vivademase;
asīsakaṃ anaṅguṭṭhaṃ, siṅgālo harati rohitaṃ.

35. Yathāpi rājā nandeyya, rajjaṃ laddhāna khattiyo;
evāhamajja nandāmi, disvā puṇṇamukhaṃ patiṃ.
36. Kathaṃ nu thalajo santo, udake macchaṃ parāmasi;
puṭṭho me samma akkhāhi, kathaṃ adhigataṃ tayā.
37. Vivādena kisā honti, vivādena dhanakkhayā;
jīnā uddā vivādena, bhuñja māyāvi rohitaṃ.
38. Evameva manussesu, vivādo yattha jāyati;
dhammaṭṭhaṃ paṭidhāvanti, so hi nesaṃ vināyako;
dhanāpi tattha jīyanti, rājakoso pavaḍḍhatīti §.

Dabbhapupphajātakaṃ pañcamam.

401. Paṇṇakajātakaṃ (7-1-6)

39. Paṇṇakaṃ § tikhiṇadhāraṃ, asiṃ sampannapāyinaṃ;
parisāyaṃ puriso gilati, kiṃ dukkarataraṃ tato;
yadaññaṃ dukkaraṃ ṭhānaṃ, taṃ me akkhāhi pucchito.
40. Gileyya puriso lobhā, asiṃ sampannapāyinaṃ;
yo ca vajjā dadāmiti, taṃ dukkarataraṃ tato;
sabbaññaṃ sukaraṃ ṭhānaṃ, evaṃ jānāhi maddava §.
41. Byākāsi āyuro pañhaṃ, atthaṃ § dhammassa kovido;
pukkusaṃ dāni pucchāmi, kiṃ dukkarataraṃ tato;
yadaññaṃ dukkaraṃ ṭhānaṃ, taṃ me akkhāhi pucchito.
42. Na (1.0160) vācamupajīvanti, aphalaṃ giramudīritaṃ;
yo ca datvā avākayirā, taṃ dukkarataraṃ tato;
sabbaññaṃ sukaraṃ ṭhānaṃ, evaṃ jānāhi maddava.
43. Byākāsi pukkuso pañhaṃ, atthaṃ dhammassa kovido;
senakaṃ dāni pucchāmi, kiṃ dukkarataraṃ tato;
yadaññaṃ dukkaraṃ ṭhānaṃ, taṃ me akkhāhi pucchito.
44. Dadeyya puriso dānaṃ, appaṃ vā yadi vā bahuṃ;
yo ca datvā nānutappe §, taṃ dukkarataraṃ tato.
sabbaññaṃ sukaraṃ ṭhānaṃ, evaṃ jānāhi maddava.
45. Byākāsi āyuro pañhaṃ, atho pukkusaporiso;
sabbe pañhe atibhoti, yathā bhāsati senakoti.

Paṇṇaka § jātakaṃ chaṭṭhaṃ.

402. Sattubhastajātakaṃ (7-1-7)

46. Vibbhantacitto kupitindriyosi, nettehi te vāriganā savanti;
kiṃ te naṭṭhaṃ kiṃ pana patthayāno, idhāgamā brahme tadiṅgha § brūhi.
47. Miyyetha bhariyā vajato mamajja, agacchato maraṇamāha yakkho;
etena dukkhena pavedhitosmi, akkhāhi me senaka etamatthaṃ.

48. Bahūni ṭhānāni vicintayitvā, yamettha vakkhāmi tadeva saccaṃ;
maññāmi te brāhmaṇa sattubhastam, ajānato kaṇhasappo pavitṭho.

49. Ādāya (1.0161) daṇḍam parisumbha bhastam, passeḷamūgam uragam
dujivham §.

chindajja kaṅkham vicikicchitāni, bhujāṅgamaṃ passa pamañca bhastam.

50. Saṃviggārūpo parisāya majjhe, so brāhmaṇo sattubhastam pamañci;
atha nikkhami urago uggatejo, āsiviso sappo phaṇam karitvā.

51. Suladdhalābhā janakassa rañño, yo passatī senakam sādhipaṇṇam;
vivaṭṭachaddo § nusi sabbadassī, ñāṇam nu te brāhmaṇa bhiṃsarūpaṃ.

52. Imāni me sattasatāni atthi, gaṇhāhi sabbāni dadāmi tuyham;
tayā hi me jīvitamajja laddham, athopi bhariyāya makāsi sotthim.

53. Na paṇḍitā vetanamādiyanti, citrāhi gāthāhi subhāsītāhi;
itopi te brahme dadantu vittaṃ, ādāya tvaṃ gaccha sakam niketanti.

Sattubhastajātakaṃ § sattamaṃ.

403. Aṭṭhisenakajātakaṃ (7-1-8)

54. Yeme aham na jānāmi, aṭṭhisena vanibbake;
te maṃ saṅgama yācanti, kasmā maṃ tvaṃ na yācasi.

55. Yācako appiyo hoti, yācaṃ adadamappiyo;
tasmāhaṃ taṃ na yācāmi, mā me videssanā § ahu.
56. Yo (1.0162) ve yācanajīvāno, kāle yācaṃ na yācati;
parañca puññā § dhaṃseti, attanāpi na jīvati.
57. Yo ca § yācanajīvāno, kāle yācañhi yācati §.
parañca puññaṃ labbheti, attanāpi ca jīvati.
58. Na ve dessanti § sappaññā, disvā yācakamāgate.
brahmacāri piyo mesī, vada tvaṃ § bhaññamicchasi §.
59. Na ve yācanti sappaññā, dhīro ca veditumarahati;
uddissa ariyā tiṭṭhanti, esā ariyāna yācanā.
60. Dadāmi te brāhmaṇa rohiṇīnaṃ, gavaṃ sahaṃ saha puṅgavena;
ariyo hi ariyassa kathaṃ na dajjā, sutvāna gāthā tava dhammayuttāti.

Aṭṭhisenakajātakaṃ aṭṭhamaṃ.

404. Kapijātakaṃ (7-1-9)

61. Yattha verī nivasati, na vase tattha paṇḍito;
ekarattaṃ dirattaṃ vā, dukkhaṃ vasati verisu.
62. Diso ve lahucittassa, posassānuvidhīyato;
ekassa kapino hetu, yūthassa anayo kato.
63. Bālova § paṇḍitamānī, yūthassa parihārako;
sacittassa vasaṃ gantvā, sayethāyaṃ § yathā kapi.
64. Na sādhu balavā bālo, yūthassa parihārako;
ahito bhavati ñātīnaṃ, sakuṇānaṃva cetako §.
65. Dhīrova (1.0163) balavā sādhu, yūthassa parihārako;
hito bhavati ñātīnaṃ, tidasānaṃva vāsavo.
66. Yo ca sīlañca paññañca, sutañcattani passati;
ubhinnaṃmatthaṃ carati, attano ca parassa ca.
67. Tasmā tuleyya mattānaṃ, sīlapaññāsutāmiva §.
gaṇaṃ vā parihare dhīro, eko vāpi paribbajeti.

Kapijātakaṃ navamaṃ.

405. Bakajātakaṃ (7-1-10)

68. Dvāsattati gotama § puññakammā, vasavattino jātijaraṃ atītā.
ayamantimā vedagū brahmapatti §, asmābhijappanti janā § anekā.
69. Appañhi etaṃ § na hi dīghamāyu, yaṃ tvaṃ baka maññasi dīghamāyumaṃ.
sataṃ sahaṃsāni § nirabbudānaṃ, āyumaṃ pajānāmi tavāha brahme.
70. Anantadassī bhagavāhamasmi, jātijaraṃ sokamupātivatto;
kiṃ me purāṇaṃ vatasīlavattaṃ §, ācikkha me taṃ yamaṃ vijaññaṃ.

71. Yaṃ tvaṃ apāyesi bahū manusse, pipāsite ghammani samparete;
taṃ te purāṇaṃ vatasīlavattaṃ, suttaṃ buddhova anussarāmi.
72. Yaṃ (1.0164) eṇikūlasmi janaṃ gahitaṃ, amocayī gayhaka niyyamānaṃ;
taṃ te purāṇaṃ vatasīlavattaṃ, suttaṃ buddhova anussarāmi.
73. Gaṅgāya sotasmiṃ gahitanāvaṃ, luddena nāgena manussakappā;
amocayi tvaṃ balasā pasayha, taṃ te purāṇaṃ vatasīlavattaṃ;
suttaṃ buddhova anussarāmi.
74. Kappo ca te baddhacaro § ahosi, sambuddhimantaṃ § vatinaṃ §
amaññaṃ.
taṃ te purāṇaṃ vatasīlavattaṃ, suttaṃ buddhova anussarāmi.
75. Addhā pajānāsi mametamāyūṃ, aññaṃ pi jānāsi tathā hi buddho;
tathā hi tāyaṃ § jalitānubhāvo, obhāsayaṃ tiṭṭhati brahmalokanti.

Bakajātakam dasamaṃ.

Kukkuvaggo paṭhamo.

Tassuddānaṃ-

Varakaṇṇika cāpavaro sutano, atha gijjha sarohitamacchavaro;
puna paṇṇaka § senaka yācanako, atha veri sabrahmabakena dasāti.

2. Gandhāravaggo

406. Gandhārajātakam (7-2-1)

76. Hitvā (1.0165) gāmasahassāni, paripuṇṇāni soḷasa;
koṭṭhāgārāni phitāni, sannidhiṃ dāni kubbasī.
77. Hitvā gandhāravisaṃyaṃ, pahūtaḍḍhanadhāriyaṃ §.
pasāsanato § nikkhanto, idha dāni pasāsasi.
78. Dhammaṃ bhaṇāmi vedeha, adhammo me na ruccati;
dhammaṃ me bhaṇamānassa, na pāpamupalimpati.
79. Yena kenaci vaṇṇena, paro labhati ruppanaṃ;
mahatthiyampi ce vācaṃ, na taṃ bhāseyya paṇḍito.
80. Kāmaṃ ruppatu vā mā vā, bhusaṃva vikiriyatu;
dhammaṃ me bhaṇamānassa, na pāpamupalimpati.
81. No ce assa sakā buddhi, vinayo vā susikkhito;
vane andhamahiṃsova § careyya bahuko jano.
82. Yasmā ca panidhekacce, āceramhi § susikkhitā;
tasmā vinītavīnaya, caranti susamāhitāti.

Gandhārajātakam paṭhamam.

407. Mahākapijātakaṃ (7-2-2)

83. Attānaṃ saṅkamaṃ katvā, yo sotthiṃ samatārayi;
kiṃ tvaṃ tesāṃ kime § tuyhaṃ, honti ete § mahākapi.
84. Rājāhaṃ issaro tesāṃ, yūthassa parihārako;
tesāṃ sokaparetānaṃ, bhītānaṃ te arindama.
85. Ullaṅghayitvā § attānaṃ, vissaṭṭhadhanuno sataṃ.
tato aparapādesu, daḷhaṃ bandhaṃ latāguṇaṃ.
86. Chinnabbhamiva (1.0166) vātena, nuṇṇo § rukkhaṃ upāgamiṃ.
sohaṃ appabhavaṃ tattha, sākhaṃ hatthehi aggahiṃ.
87. Taṃ maṃ viyāyataṃ santaṃ, sākhāya ca latāya ca;
samanukkamantā pādehi, sotthiṃ sākhamigā gatā.
88. Taṃ maṃ na tapate bandho, mato § me na tapessati;
sukhamāharitaṃ tesāṃ, yesāṃ rajjamakārayiṃ.
89. Esā te upamā rāja, taṃ suṇohi arindama §;
raññā raṭṭhassa yoggassa, balassa nigamassa ca;
sabbesaṃ sukhamettaḥhabbaṃ, khattiyena pajānatāti.

Mahākapijātakaṃ dutiyaṃ.

408. Kumbhakārajātakaṃ (7-2-3)

90. Ambāhamaddaṃ vanamantarasmim, nīlobhāsaṃ phalitaṃ § saṃvirūḷhaṃ.
tamaddasaṃ phalahetu vibhaggaṃ, taṃ disvā bhikkhācariyaṃ carāmi.
91. Selaṃ sumaṭṭhaṃ naravīraniṭṭhitaṃ §, nārī yugaṃ dhārayi appasaddaṃ.
dutiyañca āgamma ahosi saddo, taṃ disvā bhikkhācariyaṃ carāmi.
92. Dijā dijaṃ kuṇapamāharantaṃ, ekaṃ samānaṃ bahukā samecca;
āhārahetū paripātayimṣu, taṃ disvā bhikkhācariyaṃ carāmi.
93. Usabhāhamaddaṃ yūthassa majjhe, calakkakuṃ vaṇṇabalūpapannaṃ;
tamaddasaṃ kāmahetu vitunnaṃ, taṃ disvā bhikkhācariyaṃ carāmi.
94. Karaṇḍako (1.0167) § kaliṅgānaṃ, gandhārānañca naggajī.
nimirājā videhānaṃ, pañcālānañca dummukho;
ete raṭṭhāni hitvāna, pabbajimṣu akiñcana.
95. Sabbepime devasamā samāgatā, aggī yathā pajjalito tathevime;
ahampi eko carissāmi bhaggavi, hitvāna kāmāni yathodhikāni.
96. Ayameva kālo na hi añño atthi, anusāsītā me na bhavēyya pacchā;
ahampi ekā carissāmi bhaggava, sakuṇīva muttā purisassa hatthā.
97. Āmaṃ pakkañca jānanti, atho loṇaṃ aloṇakaṃ;
tamahaṃ disvāna pabbajim, careva tvaṃ carāmahanti.

Kumbhakārajātakaṃ tatiyaṃ.

409. Daḷhadhammajātakaṃ (7-2-4)

98. Ahaṃ ce daḷhadhammassa §, vahanti nābhirādhayim;
dharanti urasi sallaṃ, yuddhe vikkantacārinī.
99. Nūna rājā na jānāti §, mama vikkamaporisaṃ.
saṅgāme sukantāni, dūtavippahitāni ca.
100. Sā nūnāhaṃ marissāmi, abandhu aparāyini §.
tadā hi § kumbhakārassa, dinnā chakaṇahārikā.
101. Yāvatāsīsatiṃ poso, tāvadeva pavīṇati;
atthāpāye jahanti naṃ, oṭṭhibyādhiṃva khattiyo.
102. Yo pubbe katakalyāṇo, katattho nāvabujjhati;
atthā tassa palujjanti, ye honti abhipatthitā.
103. Yo (1.0168) pubbe katakalyāṇo, katattho manubujjhati;
atthā tassa pavaḍḍhanti, ye honti abhipatthitā.
104. Taṃ vo vadāmi bhaddante §, yāvantettha samāgatā;
sabbe katañño hotha, ciraṃ saggamhi ṭhassathāti.

Daḷhadhammajātakam catuttham.

410. Somadattajātakam (7-2-5)

105. Yo maṃ pure paccuḍḍeti §, araññe dūramāyato;
so na dissati mātaṅgo, somadatto kuhiṃ gato.
106. Ayaṃ vā so mato seti, allasiṅgaṃva vacchito §.
bhumyā nipatito seti, amarā vata kuñjaro.
107. Anagāriyupetassa, vipparamuttassa te sato;
samaṇassa na taṃ sādhu, yaṃ petamanusocasi.
108. Saṃvāsena have sakka, manussassa migassa vā;
hadaye jāyate pemaṃ, taṃ na sakkā asocituṃ.
109. Mataṃ marissaṃ rodanti, ye rudanti lapanti ca;
tasmā tvaṃ isi mā rodi, roditaṃ moghamāhu santo.
110. Kanditena have brahme, mato peto samuṭṭhahe;
sabbe saṅgamma rodāma, aññamaññassa ñātake.
111. Ādittaṃ vata maṃ santaṃ, ghatasittaṃva pāvakaṃ;
vārinā viya osiñcaṃ, sabbaṃ nibbāpaye daraṃ.
112. Abbahī vata me sallaṃ, yamāsi hadayassitaṃ;
yo me sokaparetassa, puttasokaṃ apānudi.
113. Sohaṃ abbūḷhasallosmi, vītasoko anāvilo;
na socāmi na rodāmi, tava sutvāna vāsavāti.

Somadattajātakam pañcamaṃ.

411. Susīmajātakam (7-2-6)

114. Kāḷāni (1.0169) kesāni pure ahesuṃ, jātāni sīsamhi yathāpadese;
tānāja setāni susīma § disvā, dhammaṃ cara brahmacariyassa kālo.
115. Mameva deva palitaṃ na tuyhaṃ, mameva sīsaṃ mama uttamaṅgaṃ;
“atthaṃ karissan”ti musā abhāṇiṃ §, ekāparādhaṃ khama rājasetṭha.
116. Daharo tuvaṃ dassaniyosi rāja, paṭhamuggato hosi § yathā kaḷīro.
rajañca kārehi mamañca passa, mā kālikaṃ anudhāvī janinda.
117. Passāmi vohaṃ dahariṃ kumāriṃ, sāmaṭṭhapassaṃ sutanuṃ sumajjhaṃ;
kāḷappavāḷāva pavellamānā, palobhayantīva § naresu gacchati.
118. Tamena passāmiparena nāriṃ, āsītikaṃ nāvutikaṃ va jaccā;
daṇḍaṃ gahetvāna pavedhamānaṃ, gopānasībhoggasamaṃ carantiṃ.
119. Sohaṃ tamevānuvicintayanto, eko sayāmi § sayanassa majjhe.
“ahampi evaṃ” iti pekkhamāno, na gahe rame § brahmacariyassa kālo.
120. Rajjuvālambanī (1.0170) cesā, yā gehe vasato rati;
evampi chetvāna vajanti dhīrā, anapekkhino kāmasukhaṃ pahāyāti.

Susīmajātakaṃ chaṭṭhaṃ.

412. Koṭasimbaliḷātakaṃ (7-2-7)

121. Ahaṃ dasasataṃbyāmaṃ, uragamādāya āgato;
tañca mañca mahākāyaṃ, dhārayaṃ nappavedhasi §.
122. Athimaṃ khuddakaṃ pakkhiṃ, appamaṃsataraṃ mayā;
dhārayaṃ byathasi § bhītā §, kamatthaṃ koṭasimbali §.
123. Maṃsabhakkho tuvaṃ rāja, phalabhakkho ayaṃ dijo;
ayaṃ nigrodhabījāni, pilakkhudumbarāni ca;
assatthāni ca bhakkhitvā, khandhe me ohadissati.
124. Te rukkhā saṃvirūhanti, mama passe nivātajā;
te maṃ pariyanandhissanti, arukkhaṃ maṃ karissare.
125. Santi aññepi rukkhā se, mūlino khandhino dumā;
iminā sakuṇajātena, bījamāharitā hatā.
126. Ajjhārūhābhivaḍḍhanti §, brahantampi vanappatiṃ;
tasmā rāja pavedhāmi, sampassaṃnāgataṃ bhayaṃ.
127. Saṅkeyya saṅkitabbāni, rakkheyyānāgataṃ bhayaṃ;

anāgatabhayā dhīro, ubho loke avekkhatīti.

Koṭasimbaliḷātakamaṃ sattamaṃ.

413. Dhūmakārijātakamaṃ (7-2-8)

128. Rājā apucchi vidhuraṃ, dhammakāmo yudhiṭṭhilo;
api brāhmaṇa jānāsi, ko eko bahu socati.
129. Brāhmaṇo (1.0171) ajayūthena, pahūtedho § vane vasaṃ.
dhūmaṃ akāsi vāseṭṭho, rattindivamatandito.
130. Tassa taṃ dhūmagandhena, sarabhā makasaḍḍitā §.
vassāvāsaṃ upāgacchuṃ, dhūmakārissa santike.
131. Sarabhesu manaṃ katvā, ajā so nāvabujjhatha;
āgacchantī vajantī vā §, tassa tā vinasuṃ § ajā.
132. Sarabhā sarade kāle, pahīnamakase vane;
pāvisuṃ giriduggāni, nadīnaṃ pabhavāni ca.
133. Sarabhe ca gate disvā, ajā ca vibhavaṃ gatā §;
kiso ca vivaṇṇo cāsi, paṇḍurogī ca brāhmaṇo.
134. Evaṃ yo saṃ niraṃkatvā, āgantumaṃ kurute piyaṃ;
so eko bahu socati, dhūmakārīva brāhmaṇoti.

Dhūmakārijātakamaṃ aṭṭhamaṃ.

414. Jāgarajātakamaṃ (7-2-9)

135. Kodha jāgarataṃ sutto, kodha suttesu jāgaro;
ko mametaṃ vijānāti, ko taṃ paṭibhaṇāti me.
136. Ahaṃ jāgarataṃ sutto, ahaṃ suttesu jāgaro;
ahametaṃ vijānāmi, ahaṃ paṭibhaṇāmi te.
137. Kathaṃ jāgarataṃ sutto, kathaṃ suttesu jāgaro;
kathaṃ etaṃ vijānāsi, kathaṃ paṭibhaṇāsi me.
138. Ye dhammaṃ nappajānanti, saṃyamoti damoti ca;
tesu suppamānesu, ahaṃ jaggāmi devate.
139. Yesaṃ rāgo ca doso ca, avijjā ca virājitā;
tesu jāgaramānesu, ahaṃ suttosmi devate.
140. Evaṃ (1.0172) jāgarataṃ sutto, evaṃ suttesu jāgaro;
evametaṃ vijānāmi, evaṃ paṭibhaṇāmi te.
141. Sādhu jāgarataṃ sutto, sādhu suttesu jāgaro;
sādhumetaṃ vijānāsi, sādhu paṭibhaṇāsi meti.

Jāgarajātakamaṃ navamaṃ.

415. Kummāsapiṇḍijātakaṃ (7-2-10)

142. Na kiratthi anomadassisu, pāricariyā buddhesu appikā §.
sukkhāya aloṇikāya ca, passaphalaṃ kummāsapiṇḍiyā.
143. Hatthigavassā cime bahū §, dhanadhaññaṃ pathavī ca kevalā.
nāriyo cimā accharūpamā, passaphalaṃ kummāsapiṇḍiyā.
144. Abhikkhaṇaṃ rājakuñjara, gāthā bhāsasi kosalādhipa;
pucchāmi taṃ raṭṭhavaḍḍhana, bālhaṃ pītimano pabhāsasi.
145. Imasmiññeva nagare, kule aññatare ahuṃ;
parakammakaro āsiṃ, bhatako silasaṃvuto.
146. Kammāya nikkhamantohaṃ, caturo samaṇeddasam;
ācārasīlasampanne, sītibhūte anāsave.
147. Tesu cittaṃ pasādetvā, nisīdetvā § paṇṇasanthate;
adaṃ buddhāna kummāsam, pasanno sehi pāṇibhi.
148. Tassa (1.0173) kammassa kusalassa, idaṃ me edisaṃ phalaṃ;
anubhomi idaṃ rajjaṃ, phitaṃ dharaṇimuttamaṃ.
149. Dadaṃ bhuñja mā ca pamādo §, cakkam vattaya kosalādhipa;
mā rāja adhammiko ahu, dhammaṃ pālaya kosalādhipa.
150. Sohaṃ tadeva punappunaṃ, vaṭumaṃ ācarissāmi sobhane;
ariyācaritaṃ sukosale, arahanto me manāpāva passituṃ.
151. Devī viya accharūpamā, majjhe nāriḡaṇassa sobhasi;
kiṃ kammamakāsi bhaddakaṃ, kenāsi vaṇṇavatī sukosale.
152. Ambaṭṭhakulassa khattiya, dāsyāhaṃ parapesiyā ahuṃ;
saññatā ca § dhammajīvinī, silavatī ca apāpadassanā.
153. Uddhaṭabhattaṃ ahaṃ tadā, caramānassa adāsi bhikkhuno;
vittā sumanā sayam ahaṃ, tassa kammassa phalaṃ mamedisanti.

Kummāsapiṇḍijātakaṃ dasamaṃ.

416. Parantapajātakaṃ (7-2-11)

154. Āgamissati me pāpaṃ, āgamissati me bhayaṃ;
tadā hi calitā sākhā, manussena migena vā.
155. Bhīruyā nūna me kāmo, avidūre vasantiyā;
karissati kisaṃ paṇḍuṃ, sāva sākhā parantapaṃ.
156. Socayissati (1.0174) maṃ kantā, gāme vasamaninditā;
karissati kisaṃ paṇḍuṃ, sāva sākhā parantapaṃ.
157. Tayā maṃ asitāpaṅgi §, sitāni § bhaṇitāni ca.
kisaṃ paṇḍuṃ karissanti, sāva sākhā parantapaṃ.
158. Agamā nūna so saddo, asaṃsi nūna so tava;
akkhātaṃ nūna taṃ tena, yo taṃ sākhamakampayi.

159. Idaṃ kho taṃ samāgama, mama bālassa cintitaṃ;
tadā hi calitā sākhā, manussena migena vā.

160. Tatheva tvaṃ avedesī, avañci § pitaraṃ mama;
hantvā sākhāhi chādentō, āgamissati me § bhayanti.

Parantapajātakaṃ ekādasamaṃ.

Gandhāravaggo dutiyo.

Tassuddānaṃ-

Varagāma mahākapi bhaggava ca, daḷhadhamma sakuñjara kesavaro;
urago vidhuro puna jāgarataṃ, atha kosalādhipa parantapa cāti.

Atha vagguddānaṃ-

Atha sattanipātamhi, vagmaṃ me bhaṇato suṇa;
kukku ca puna gandhāro, dveva guttā mahesināti.

Sattakanipātaṃ niṭṭhitaṃ.

8. Aṭṭhakanipāto

417. Kaccānijātakaṃ (1)

1. Odātavatthā (1.0175) suci allakesā, kaccāni kiṃ kumbhimadhissayitvā §.
piṭṭhā tilā dhovasi taṇḍulāni, tilodano hehiti kissa hetu.
2. Na kho ayaṃ brāhmaṇa bhojanatthā §, tilodano hehiti sādhipakko.
dhammo mato tassa pahuttamaṃ §, ahaṃ karissāmi

susānamajjhe.

3. Anuvicca kaccāni karohi kiccaṃ, dhammo mato ko nu taveva § saṃsi. saḥassanetto atulānubhāvo, na miyyatī dhammavaro kadāci.
4. Daḥhappamāṇaṃ mama ettha brahme, dhammo mato natthi mamettha kaṅkhā;
ye yeva dāni pāpā bhavanti, te teva dāni sukhitā bhavanti.
5. Suṇisā hi mayhaṃ vañjhā ahosi, sā maṃ vadhitvāna vijāyi puttaṃ;
sā dāni sabbassa kulassa issarā, ahaṃ panamhi § apaviddhā ekikā.
6. Jīvāmi (1.0176) vohaṃ na matohamasmi §, taveva atthāya idhāgatosmi.
yā taṃ vadhitvāna vijāyi puttaṃ, sahāva puttena karomi bhasmaṃ.
7. Evañca § te ruccati devarāja, mameva atthāya idhāgatosi;
ahañca putto suṇisā ca nattā, sammodayānā gharamāvasema.
8. Evañca te ruccati kātiyāni, hatāpi santā na jahāsi dhammaṃ;
tuvañca § putto suṇisā ca nattā, sammodayānā gharamāvasetha.
9. Sā kātiyānī suṇisāya saddhiṃ, sammodayānā gharamāvasittha;
putto ca nattā ca upaṭṭhahiṃsu, devānamindena adhiggaḥitāti.

Kaccānijātakaṃ paṭhamaṃ.

418. Aṭṭhasaddajātakaṃ (2)

10. Idaṃ pure ninnamāhu, bahumacchaṃ mahodakaṃ;
āvāso bakarājassa, pettikaṃ bhavanaṃ mama;
tyajja bhekena § yāpema, okaṃ na vajahāmase §.
11. Ko dutiyaṃ asīlissa, bandharassakkhi bhecchati §.
ko me putte kulāvakaṃ, mañca sotthiṃ karissati.
12. Sabbā parikkhayā pheggu, yāva tassā gatī ahu;
khīṇabhakkho mahārāja, sāre na ramatī ghuṇo.
13. Sā (1.0177) nūnāhaṃ ito gantvā, rañño muttā nivesanā;
attānaṃ ramayissāmi, dumasākhaniketinī.
14. So nūnāhaṃ ito gantvā, rañño mutto nivesanā;
aggodakāni pissāmi, yūthassa purato vajaṃ.
15. Taṃ maṃ kāmehi sammattaṃ, rattaṃ kāmesu mucchitaṃ;
ānayī bharato § luddo, bāhiko bhaddamatthu te.
16. Andhakāratimisāyaṃ, tuṅge uparipabbate;
sā maṃ saṇhena mudunā, mā pādaṃ khali § yasmani.
17. Asaṃsayāṃ jātikhayantadassī, na gabbhaseyyaṃ punarāvajissaṃ;
ayamantimā pacchimā gabbhaseyyā §, khīṇo me saṃsāro punabbhavāyāti.

Aṭṭhasaddajātakaṃ dutiyaṃ.

419. Sulasājātakaṃ (3)

18. Idam suvaṇṇakāyūram, muttā veḷuriyā bahū;
sabbam harassu bhaddante, mañca dāsīti sāvaya.
19. Oropayassu kalyāṇi, mā bālham § paridevasi;
na cāham abhijānāmi, ahantvā dhanamābhataṃ.
20. Yato sarāmi attānaṃ, yato pattāsmi viññutaṃ;
na cāham abhijānāmi, aññaṃ piyataraṃ tayā.
21. Ehi taṃ upagūhissam §, karissañca padakkhiṇaṃ;
na hi dāni puna atthi, mama tuyhañca saṅgamo.
22. Na hi sabbesu ṭhānesu, puriso hoti paṇḍito;
itthīpi paṇḍitā hoti, tattha tattha vicakkhaṇā.
23. Na (1.0178) hi sabbesu ṭhānesu, puriso hoti paṇḍito;
itthīpi paṇḍitā hoti, lahuṃ atthaṃ vicintikā §.
24. Lahuñca vata khippañca, nikaṭṭhe samacetayi;
migam puṇṇāyateneva §, sulasā sattukaṃ vadhi.
25. Yodha uppatitaṃ atthaṃ, na khippamanubujjhati;
so haññati mandamati, corova girigabbhare.
26. Yo ca uppatitaṃ atthaṃ, khippameva nibodhati;
muccate sattusambādhā, sulasā sattukāmivāti.

Sulasājātakam tatiyaṃ.

420. Sumaṅgalajātakaṃ (4)

27. Bhusamhi § kuddhoti avekkhiyāna, na tāva daṇḍam paṇayeyya issaro.
aṭṭhānaso appatirūpamattano, parassa dukkhāni bhusam udīraye.
28. Yato ca jāneyya pasādamattano, atthaṃ niyuñjeyya parassa dukkaṭaṃ;
tadāyamattoti sayam avekkhiya, athassa daṇḍam sadisaṃ nivesaye.
29. Na cāpi jhāpeti paraṃ na attanaṃ, amucchito yo nayate nayānayaṃ;
yo daṇḍadhāro bhavatiḍha issaro, sa vaṇṇagutto siriya na dhamṣati.
30. Ye khattiyā se anisammakārino, paṇenti daṇḍam sahasā pamucchitā;
avaṇṇasaṃyutā § jahanti jīvitam, ito vimuttāpi ca yanti duggatiṃ.
31. Dhamme (1.0179) ca ye ariyappavedite ratā, anuttarā te vacasā manasā
kammunā ca;
te santisoraccasamādhisaṇṭhitā, vajanti lokaṃ dubhayaṃ tathāvidhā.
32. Rājāhamasmi narapamadānamissaro, sacepi kujjhāmi ṭhapemi attanaṃ;
nisedhayanto janataṃ tathāvidham, paṇemi daṇḍam anukampa yoniso.
33. Sirī ca lakkhī ca taveva khattiya, janādhipa mā vijahi kudācanaṃ;
akkodhano niccapasannacitto, anīgho tuvaṃ vassasatāni pālaya.
34. Guṇehi etehi upeta khattiya, ṭhitamariyavattī § suvaco akodhano.
sukhī anuppīla pasāsamediniṃ §, ito vimuttopi ca yāhi suggatiṃ.
35. Evaṃ sunītena § subhāsītena, dhammena ñāyena upāyaso nayaṃ.

nibbāpaye saṅkhubhitaṃ mahājanaṃ, mahāva megho salilena medininti §.

Sumaṅgalajātakaṃ catutthaṃ.

421. Gaṅgamālajātakaṃ (5)

36. Aṅgārajātā pathavī, kukkuḷānugatā mahī;
atha gāyasi vattāni §, na taṃ tapati ātapo.
37. Uddhaṃ tapati ādicco, adho tapati vālukā;
atha gāyasi vattāni §, na taṃ tapati ātapo.
38. Na (1.0180) maṃ tapati ātapo, ātapā § tapayanti maṃ.

atthā hi vividhā rāja, te tapanti na ātapo.

39. Addasaṃ kāma te mūlaṃ, saṅkappā kāma jāyasi;
na taṃ saṅkappayissāmi, evaṃ kāma na hehisi.
40. Appāpi kāmā na alaṃ, bahūhipi na tappati;
ahahā bālalapanā, parivajjetha § jaggato.
41. Appassa kammassa phalaṃ mamedamaṃ, udayo ajjhāgamā mahattapattaṃ;
suladdhalābho vata māṇavassa, yo pabbajī kāmarāgaṃ pahāya.
42. Tapasā pajahanti pāpakammaṃ, tapasā nhāpitakumbhakārabhāvaṃ;
tapasā abhibhuyya gaṅgamāla, nāmenālapasajja brahmadattaṃ.
43. Sandiṭṭhikameva “amma” passatha, khantisoraccassa ayaṃ § vipāko.
yo § sabbajanassa vanditohu, taṃ vandāma sarājikā samaccā.
44. Mā kiñci avacuttha gaṅgamālaṃ, muninaṃ monapathesu sikkhamānaṃ;
eso hi atari aṇṇavaṃ, yaṃ taritvā caranti vītasokāti.

Gaṅgamālajātakaṃ pañcamaṃ.

422. Cetiya-jātakaṃ (6)

45. Dhammo have hatō hanti, nāhato hanti kiñcanaṃ §;
tasmā hi dhammaṃ na hane, mā tvaṃ § dhammo hatō hani.
46. Alikāṃ (1.0181) bhāsamānassa, apakkamanti devatā;
pūtikañca mukhaṃ vāti, sakaṭṭhānā ca dhaṃsati;
yo jānaṃ pucchito pañhaṃ, aññathā naṃ viyākare.
47. Sace hi saccaṃ bhaṇasi, hohi rāja yathā pure;
musā ce bhāsase rāja, bhūmiyaṃ tiṭṭha cetiya.
48. Akāle vassatī tassa, kāle tassa na vassati;
yo jānaṃ pucchito pañhaṃ, aññathā naṃ viyākare.
49. Sace hi saccaṃ bhaṇasi, hohi rāja yathā pure;
musā ce bhāsase rāja, bhūmiṃ pavisa cetiya.
50. Jivhā tassa dvidhā hoti, uragasseva disampati;
yo jānaṃ pucchito pañhaṃ, aññathā naṃ viyākare.
51. Sace hi saccaṃ bhaṇasi, hohi rāja yathā pure;
musā ce bhāsase rāja, bhiyyo pavisa cetiya.
52. Jivhā tassa na bhavati, macchasseva disampati;
yo jānaṃ pucchito pañhaṃ, aññathā naṃ viyākare.
53. Sace hi saccaṃ bhaṇasi, hohi rāja yathā pure;
musā ce bhāsase rāja, bhiyyo pavisa cetiya.
54. Thiyova tassa jāyanti §, na pumā jāyare kule;
yo jānaṃ pucchito pañhaṃ, aññathā naṃ viyākare.
55. Sace hi saccaṃ bhaṇasi, hohi rāja yathā pure;
musā ce bhāsase rāja, bhiyyo pavisa cetiya.
56. Puttā tassa na bhavanti, pakkamanti disodisaṃ;

- yo jānaṃ pucchito pañhaṃ, aññathā naṃ viyākare.
57. Sace hi saccamaṃ bhaṇasi, hohi rāja yathā pure;
 musā ce bhāsase rāja, bhiyyo pavisa cetiya.
58. Sa (1.0182) rājā isinā satto, antalikkhacaro pure;
 pāvekkhi pathaviṃ cecco, hīnatto patva pariyāyaṃ §.
59. Tasmā hi chandāgamaṃ, nappasaṃsanti paṇḍitā;
 aduṭṭhacitto bhāseyya, giramaṃ saccūpasamhitanti.

Cetiyajātakaṃ chaṭṭhaṃ.

423. Indriyajātakaṃ (7)

- 60.** Yo indriyānaṃ kāmena, vasaṃ nārada gacchati;
 so pariccajjubho loke, jīvantova visussati §.
61. Sukhassānantaraṃ dukkhaṃ, dukkhasānantaraṃ sukhaṃ;
 sosi § patto sukhā § dukkhaṃ, pāṭikañkha vamaṃ sukhaṃ.
62. Kicchakāle kicchasaḥo, yo kicchaṃ nātivattati;
 sa kicchantaṃ sukhaṃ dhīro, yogaṃ samadhigacchati.
63. Na heva kāmāna kāmā, nānatthā nātthakāraṇā;
 na katañca nirañkatvā, dhammā cavitumarasi.
64. Dakkhaṃ gahapatī § sādhu, saṃvibhajjañca bhojanaṃ.
 ahāso atthalābhesu, atthabyāpatti abyatho.
65. Ettāvatetaṃ paṇḍiccaṃ, api so § davilo § bravi.
 na yito kiñci pāpiyo, yo indriyānaṃ vasaṃ vaje.
66. Amittānaṃva hatthattaṃ, sivi pappoti māmiva;
 kammaṃ vijjañca dakkheyyaṃ, vivāhaṃ silamaddavaṃ;
 ete ca yase hāpetvā, nibbatto sehi kammehi.
67. Sohaṃ sahasajīnova abandhu aparāyaṇo;
 ariyadhammā apakkanto, yathā peto tathevahaṃ.
68. Sukhakāme (1.0183) dukkhāpetvā, āpannosmi padaṃ imaṃ;
 so sukhaṃ nādhigacchāmi, ṭhito § bhāṇumatāmivāti.

Indriyajātakaṃ sattamaṃ.

424. Ādittajātakaṃ (8)

- 69.** Ādittasmiṃ agārasmiṃ, yaṃ nīharati bhājanaṃ;
 taṃ tassa hoti atthāya, no ca yaṃ tattha ḍayhati.
70. Evāmādīpito loko, jarāya maraṇena ca;
 nīharetheva dānena, dinnaṃ hoti sunīhataṃ §.
71. Yo dhammaladdhassa dadāti dānaṃ, uṭṭhānavīriyādhigatassa jantu;
 atikkamma so vetaraṇiṃ § yamassa, dibbāni ṭhānāni upeti macco.

72. Dānañca yuddhañca samānamāhu, appāpi santā bahuke jinanti;
appampi ce saddahāno dadāti, teneva so hoti sukhī parattha.

73. Viceyya dānaṃ sugatappasatthaṃ, ye dakkhiṇeyyā idha jīvaloke;
etesu dinnāni mahapphalāni, bījāni vuttāni yathā sukhette.

74. Yo pāṇabhūtāni aheṭhayaṃ caraṃ, parūpavādā na karoti pāpaṃ;
bhīruṃ pasaṃsanti na tattha sūraṃ, bhayā hi santo na karonti pāpaṃ.

75. Hīnena brahmacariyena, khattiye upapajjati;
majjhimena ca devattaṃ, uttamena visujjhati.

76. Addhā (1.0184) hi dānaṃ bahudhā pasatthaṃ, dānā ca kho dhammapa-
daṃva seyyo;

pubbeva hi pubbatareva santo Ṣ, nibbānamevajjhagamuṃ sapaññāti.

Ādittajātakaṃ aṭṭhamaṃ.

425. Aṭṭhānajātakaṃ (9)

77. Gaṅgā kumudinī santā, saṅkhavaṇṇā ca kokilā;
jambu tālaphalaṃ dajjā, atha nūna tadā siyā.
78. Yadā kacchapalomānaṃ, pāvāro tividho siyā;
hemantikāṃ pāvuraṇaṃ §, atha nūna tadā siyā.
79. Yadā makasapādānaṃ §, aṭṭālo sukato siyā;
daḷho ca avikampī ca §, atha nūna tadā siyā.
80. Yadā sasavisāṇānaṃ, nisseṇī sukata siyā;
saggassārohaṇatthāya, atha nūna tadā siyā.
81. Yadā nisseṇimāruiya, candaṃ khādeyyu mūsikā;
rāhuñca paripāteyyuṃ §, atha nūna tadā siyā.
82. Yadā surāghaṭaṃ pitvā, makkhikā gaṇacāriṇī;
aṅgāre vāsaṃ kappeyyuṃ, atha nūna tadā siyā.
83. Yadā bimboṭṭhasampanno, gadrabho sumukho siyā;
kusalo naccagītassa, atha nūna tadā siyā.
84. Yadā kākā ulūkā ca, mantayeyyuṃ rahogatā;
aññaññaṃ pihayeyyuṃ, atha nūna tadā siyā.
85. Yadā muḷāla § pattānaṃ, chattaṃ thirataṃ siyā.
vassassa paṭighātāya, atha nūna tadā siyā.
86. Yadā (1.0185) kulako § sakuṇo, pabbataṃ gandhamādanaṃ.
tuṇḍenādāya gaccheyya, atha nūna tadā siyā.
87. Yadā sāmuddikaṃ nāvaṃ, sa-yantaṃ sa-vaṭākaraṃ §.
ceṭo ādāya gaccheyya, atha nūna tadā siyāti.

Aṭṭhānajātakaṃ navamaṃ.

426. Dīpijātakaṃ (10)

88. Khamanīyaṃ yāpanīyaṃ, kacci mātula te sukhaṃ;
sukhaṃ te ammā avaca, sukhakāmāva § te mayaṃ.
89. Naṅguṭṭhaṃ me avakkamma §, heṭṭhayitvāna § eḷike §.
sājja mātulavādena, muñcitabbā nu maññasi.
90. Puratthāmukho nisinnosi, ahaṃ te mukhamāgatā;
pacchato tuyhaṃ naṅguṭṭhaṃ, kathaṃ khvāhaṃ avakkamiṃ §.
91. Yāvatā caturō dīpā, sasamuddā sapabbatā;
tāvatā mayhaṃ naṅguṭṭhaṃ, kathaṃ kho tvaṃ vivajjayi.
92. Pubbeva metamakkhiṃsu §, mātā pitā ca bhātaro;
dīghaṃ duṭṭhassa naṅguṭṭhaṃ, sāmhi vehāyasāgatā.
93. Tañca disvāna āyantim, antalikkhasmi eḷike;
migasaṅgho palāyittha, bhakkho me nāsito tayā.
94. Iccevaṃ vilapantiyā, eḷakiyā ruhagghaso;
galakaṃ anvāvamaddi, natthi duṭṭhe subhāsitaṃ.
95. Neva (1.0186) duṭṭhe nayo atthi, na dhammo na subhāsitaṃ;

nikkamaṃ duṭṭhe yuñjetha, so ca sabbhiṃ na rañjatīti.

Dīpijātakam dasamaṃ.

Aṭṭhakanipātam niṭṭhitaṃ.

Tassuddānaṃ-

Parisuddhā manāvilā vatthadharā, bakarājassa kāyuraṃ daṇḍavaro;
atha aṅgāra cetiya devilinā, atha āditta gaṅgā daseḷakināti.

9. Navakanipāto

427. Gijjhajātakam (1)

1. Parisaṅkupatho (1.0187) nāma, gijjhapantho sanantano;
tatrāsi mātāpitaro, gijjho posesi jiṅṅake;
tesaṃ ajagaramedaṃ, accahāsi bahuttaso §.
2. Pitā ca puttaṃ avaca, jānaṃ uccaṃ papātinam;
supattaṃ thāmasampannaṃ §, tejassiṃ dūragāminam.
3. Pariplavantaṃ pathaviṃ, yadā tāta vijānahi;
sāgarena parikkhittaṃ, cakkamaṃva parimaṇḍalam;
tato tāta nivattassu, māssu etto paraṃ gami.
4. Udapattosi § vegena, balī pakkhī dijuttamo;
olokayanto vakkaṅgo, pabbatāni vanāni ca.
5. Addassa pathaviṃ gijjho, yathāsāsi § pitussutaṃ;
sāgarena parikkhittaṃ, cakkamaṃva parimaṇḍalam.
6. Tañca so samatikkamma, paramevaccavattatha §;
tañca vātasikhā tikkhā, accahāsi baliṃ dijaṃ.
7. Nāsakkhātigato poso, punadeva nivattituṃ;
dijo byasanamāpādi, verambhānaṃ § vasaṃ gato.
8. Tassa puttā ca dārā ca, ye caññe anujivino;
sabbe byasanamāpādum, anovādakare dije.
9. Evampi idha vuḍḍhānaṃ, yo vākyaṃ nāvabujjhati;
atisīmacaro ditto, gijjhovātītasāsano;
sa ve byasanaṃ pappoti, akatvā vuḍḍhasāsananti.

Gijjhajātakam paṭhamaṃ.

428. Kosambiyajātakam (2)

10. Puthusaddo (1.0188) samajano, na bālo koci maññatha;

- saṅghasmim̐ bhijjamānasmim̐, nāññaṃ bhiyyo amaññaṃ.
11. Parimuṭṭhā paṇḍitābhāsā, vācāgocarabhāṇino;
yāvicchanti mukhāyāmaṃ, yena nītā na taṃ vidū.
 12. Akkocchi maṃ avadhi maṃ, ajini maṃ ahāsi me;
ye ca taṃ upanayhanti, veraṃ tesaṃ na sammati.
 13. Akkocchi maṃ avadhi maṃ, ajini maṃ ahāsi me;
ye ca taṃ nupanayhanti, veraṃ tesūpasammati.
 14. Na hi verena verāni, sammantīdha kudācanaṃ;
averena ca sammanti, esa dhammo sanantano.
 15. Pare ca na vijānanti, mayamettha yamāmase;
ye ca tattha vijānanti, tato sammanti medhagā.
 16. Aṭṭhicchinnā pāṇaharā, gavassa § dhanahārino;
raṭṭhaṃ vilumpamānānaṃ, tesampi hoti saṅgati;
kasmā tumhāka no siyā.
 17. Sace labhetha nipakaṃ sahāyaṃ, saddhiṃcamaṃ sādhuvihāridhīraṃ;
abhibhuyya sabbāni parissayāni, careyya tenattamano satīmā.
 18. No ce labhetha nipakaṃ sahāyaṃ, saddhiṃcamaṃ sādhuvihāridhīraṃ;
rājāva raṭṭhaṃ vijitaṃ pahāya, eko care mātaṅgaraññaeva nāgo.
 19. Ekassa (1.0189) caritaṃ seyyo, natthi bāle sahāyatā;
eko care na pāpāni kayirā, apposukko mātaṅgaraññaeva nāgoti.

Kosambiyajātakaṃ dutiyaṃ.

429. Mahāsuvajātakaṃ (3)

20. Dumo yadā hoti phalūpapanno, bhuñjanti naṃ vihaṅgamā § sampatantā. khīṇanti ñatvāna dumaṃ phalaccaye §, disodisaṃ yanti tato vihaṅgamā.
21. Cara cārikaṃ lohitaṇḍa mānari, kiṃ tvaṃ suva sukkhadumamhi jhāyasi; tadiṅgha maṃ brūhi vasantasannibha, kasmā suva sukkhadumaṃ na riñcasi.
22. Ye ve sakhīnaṃ sakhāro bhavanti, pāṇaccaye § dukkhasukhesu haṃsa. khīṇaṃ akhīṇanti na taṃ jahanti, santo sataṃ dhammamanussarantā.
23. Sohaṃ sataṃ aññatarosmi haṃsa, ñātī ca me hoti sakhā ca rukkho; taṃ nussahe jīvikattho pahātuṃ, khīṇanti ñatvāna na hesa dhammo §.
24. Sādhu sakkhi kataṃ hoti, metti saṃsati santhavo §. sacetaṃ dhammaṃ rocesi, pāsaṃsosi vijānataṃ.
25. So te suva varaṃ dammi, pattayāna vihaṅgama; varaṃ varassu vakkaṅga, yaṃ kiñci manasicchasi.
26. Varañca (1.0190) me haṃsa bhavaṃ dadeyya, ayañca rukkho punarāyumaṃ labhetha; so sākhavā phalimā saṃvirūḷho, madhutthiko tiṭṭhatu sobhamāno.
27. Taṃ passa samma phalimaṃ uḷāraṃ, sahāva te hotu udumbarena; so sākhavā phalimā saṃvirūḷho, madhutthiko tiṭṭhatu sobhamāno.
28. Evaṃ sakka sukhī hohi, saha sabbehi ñātibhi; yathāhamajja sukhito, disvāna saphalaṃ dumaṃ.
29. Suvassa ca varaṃ datvā, katvāna saphalaṃ dumaṃ; pakkāmi saha bhariyāya, devānaṃ nandanaṃ vananti.

Mahāsuvaṃjātakam tatiyaṃ.

430. Cūḷasuvajātakam (4)

30. Santi rukkḥā haripattā §, dumā nekaphalā bahū; kasmā nu sukkhe § koḷāpe, suvassa nirato mano.
31. Phalassa upabhuñjimhā, nekavassagaṇe bahū; aphalampi veditvāna, sāva metti yathā pure.
32. Sukhañca rukkhaṃ koḷāpaṃ, opattamaphalaṃ dumaṃ; ohāya sakuṇā yanti, kiṃ dosaṃ passase dija.
33. Ye phalathā sambhajanti, aphaloti jahanti naṃ; attatthapaññā dummedhā, te honti pakkhapātino.
34. Sādhu sakkhi kataṃ hoti, metti saṃsati santhavo; sacetaṃ dhammaṃ rocesi, pāsaṃsosi vijānataṃ.
35. So te suva varaṃ dammi, pattayāna vihaṅgama; varaṃ varassu vakkaṅga, yaṃ kiñci manasicchasi.
36. Api (1.0191) nāma naṃ passeyyaṃ §, sapattaṃ saphalaṃ dumaṃ. daliddova nidhi laddhā, nandeyyāhaṃ punappunaṃ.
37. Tato amatamādāya, abhisiñci mahīruhaṃ;

- tassa sākḥā virūhiṃsu §, sītacchāyā manoramā.
38. Evaṃ sakka sukhī hohi, saha sabbehi ñātibhi;
yathāhamajja sukhito, disvāna saphalaṃ dumaṃ.
39. Suvassa ca varaṃ datvā, katvāna saphalaṃ dumaṃ;
pakkāmi saha bhariyāya, devānaṃ nandanaṃ vananti.

Cūḷasuvajātakaṃ catutthaṃ.

431. Haritacajātakaṃ (5)

40. Sutaṃ metaṃ mahābrahme, kāme bhuñjati hārito;
Kaccetaṃ vacanaṃ tucchaṃ, kacci suddho iriyyasi.
41. Evametaṃ mahārāja, yathā te vacanaṃ sutaṃ;
kummaggaṃ paṭipannosmi, mohaneyyesu mucchito.
42. Adu § paññā kimatthiyā, nipuṇā sādhu cintinī §.
yāya uppatitaṃ rāgaṃ, kiṃ mano na vinodaye.
43. Cattārome mahārāja, loke atibalā bhusā;
rāgo doso mado moho, yattha paññā na gādhati.
44. Arahā sīlasampanno, suddho carati hārito;
medhāvī paṇḍito ceva, iti no sammato bhavaṃ.
45. Medhāvīnampi hiṃsanti, isiṃ dhammaguṇe rataṃ;
vitakkā pāpakā rāja, subhā rāgūpasamhitā.
46. Uppannāyaṃ (1.0192) sarīrajo, rāgo vaṇṇavidūsono tava;
taṃ pajaha bhaddamatthu te, bahunnāsi medhāvisammato.
47. Te andhakārake § kāme, bahudukkhe mahāvise;
tesaṃ mūlaṃ gavesissaṃ, checchaṃ rāgaṃ sabandhanaṃ.
48. Idaṃ vatvāna hārito, isi saccaparakkamo;
kāmarāgaṃ virājetvā, brahmalokūpago ahūti.

Haritacajātakaṃ § pañcamaṃ.

432. Padakusalamaṇavajātakaṃ (6)

49. Bahussutaṃ cittakathiṃ §, gaṅgā vahati pāḷaliṃ §.
vuyhamānaka bhaddante, ekaṃ me dehi gāthakaṃ §.
50. Yena siñcanti dukkhitaṃ, yena siñcanti āturaṃ;
tassa majjhe marissāmi, jātaṃ saraṇato bhayaṃ.
51. Yattha bījāni rūhanti, sattā yattha patiṭṭhitā;
sā me sīsaṃ nipīleti, jātaṃ saraṇato bhayaṃ.
52. Yena bhattāni paccanti, sītaṃ yena vihaññati;
so maṃ ḍahati § gattāni, jātaṃ saraṇato bhayaṃ.
53. Yena bhuttena § yāpenti, puthū brāhmaṇakhattiyā;
so maṃ bhutto byāpādeti, jātaṃ saraṇato bhayaṃ.

54. Gimhānaṃ pacchime māse, vātamicchanti paṇḍitā;
so maṃ § bhañjati gattāni, jātaṃ saraṇato bhayaṃ.
55. Yaṃ nissitā jagatiruhaṃ, svāyaṃ aggim pamuñcati;
disā bhajatha vakkaṅgā, jātaṃ saraṇato bhayaṃ.
56. Yamānayaṃ (1.0193) somanassaṃ, māliniṃ candanussadaṃ;
sā maṃ gharā nicchubhati §, jātaṃ saraṇato bhayaṃ.
57. Yena jātena nandissaṃ, yassa ca bhavamicchisaṃ;
so maṃ gharā nicchubhati §, jātaṃ saraṇato bhayaṃ.
58. Suṇantu me jānapadā, negamā ca samāgatā;
yatodakaṃ tadādittaṃ, yato khemaṃ tato bhayaṃ.
59. Rājā vilumpate raṭṭhaṃ, brāhmaṇo ca purohito;
attaguttā viharatha, jātaṃ saraṇato bhayanti.

Padakusalamāṇavajātakaṃ chaṭṭhaṃ.

433. Lomasakassapajātakaṃ (7)

60. Assa indasamo rāja, accantaṃ ajarāmaro;
sace tvaṃ yaññaṃ yājeyya, isiṃ lomasakassapaṃ.

61. Sasamuddapariyāyaṃ, mahiṃ sāgarakuṇḍalaṃ;
na icche saha nindāya, evaṃ seyya § vijānahi.
62. Dhiratthu taṃ yasalābhaṃ, dhanalābhañca brāhmaṇa;
yā vutti vinipātena, adhammacaraṇena vā.
63. Api ce pattamādāya, anagāro paribbaje;
sāyeva jīvikā seyyo, yā cādhammena esanā.
64. Api ce pattamādāya, anagāro paribbaje;
aññaṃ ahiṃsayam loke, api rajjena taṃ varaṃ.
65. Balaṃ cando balaṃ suriyo, balaṃ samaṇabrāhmaṇā;
balaṃ velā samuddassa, balātibalamitthiyo.
66. Yathā uggatapaṃ santaṃ, isiṃ lomasakassapaṃ;
pitu atthā candavatī, vājapeyyaṃ § ayājayi.
67. Taṃ lobhapakataṃ kammaṃ, kaṭukaṃ kāmahetukaṃ;
tassa mūlaṃ gavesissaṃ, checchaṃ rāgaṃ sabandhanaṃ.
68. Dhiratthu (1.0194) kāme subahūpi loke, tapova seyyo kāmaguṇehi rāja;
tapo karissāmi pahāya kāme, taveva raṭṭhaṃ candavatī ca hotūti.

Lomasakassapajātakaṃ sattamaṃ.

434. Cakkavākajātakaṃ (8)

69. Kāsāyavatthe sakuṇe vadāmi, duve duve nandamane § carante;
kaṃ aṇḍajaṃ aṇḍajā mānusesu, jātiṃ pasaṃsanti tadiṅgha brūtha.
70. Amhe manussesu manussahiṃsa, anubbate § cakkavāke vadanti;
kalyāṇabhāvamhe § dijesu sammatā, abhirūpā § vicarāma aṇṇave. () §
71. Kiṃ aṇṇave kāni phalāni bhuñje, maṃsaṃ kuto khādatha cakkavākā;
kiṃ bhojanaṃ bhuñjatha vo aṇomā §, balañca vaṇṇo ca anapparūpā §.
72. Na aṇṇave santi phalāni dhaṅka, maṃsaṃ kuto khādituṃ cakkavāke;
sevālabhakkhamha § apāṇabhojanā §, na ghāsahetūpi karoma pāpaṃ.
73. Na me idaṃ ruccati cakkavāka, asmiṃ bhava bhojanasannikāso;
ahosi pubbe tato me aññathā, icceva me vimati ettha jātā.
74. Ahampi (1.0195) maṃsāni phalāni bhuñje, annāni ca loṇiyateliyāni;
rasaṃ manussesu labhāmi bhottuṃ, sūrova saṅgāmamukhaṃ vijetvā;
na ca me tādiso vaṇṇo, cakkavāka yathā tava.
75. Asuddhabhakkhosi khaṇānupātī, kicchena te labbhati annapānaṃ;
na tussasī rukkhaphalehi dhaṅka, maṃsāni vā yāni susānamajjhe.
76. Yo sāhasena adhigamma bhoge, paribhuñjati dhaṅka khaṇānupātī;
tato upakkosati naṃ sabhāvo, upakkuṭṭho vaṇṇabalaṃ jahāti.
77. Appampi ce nibbutiṃ bhuñjatī yadi, asāhasena aparūpaghātī §.
balañca vaṇṇo ca tadassa hoti, na hi sabbo āhāramayena vaṇṇoti.

Cakkavākajātakaṃ aṭṭhamaṃ.

435. Haliddirāgajātakaṃ (9)

78. Sutitikkhaṃ araññamhi, pantamhi sayanāsane;
ye ca gāme titikkhanti, te uḷāratarā tayā.
79. Araññā gāmamāgama, kiṃsīlaṃ kiṃvataṃ ahaṃ;
purisaṃ tāta seveyyaṃ, taṃ me akkhāhi pucchito.
80. Yo te § vissāsaye tāta, vissāsañca khameyya te;
sussūsi ca titikkhī ca, taṃ bhajehi ito gato.
81. Yassa (1.0196) kāyena vācāya, manasā natthi dukkaṭaṃ;
urasīva patitṭhāya, taṃ bhajehi ito gato.
82. Yo ca dhammena carati, carantopi na maññati;
visuddhakāriṃ sappaññaṃ, taṃ bhajehi ito gato.
83. Haliddirāgaṃ kapiccitaṃ, purisaṃ rāgavirāgīnaṃ;
tādisaṃ tāta mā sevi, nimmanussampi ce siyā.
84. Āsīvisamaṃva kupitaṃ, mīḷhalittaṃ mahāpathaṃ;
āraḱā parivajjehi, yānīva visamaṃ pathaṃ.
85. Anattā tāta vaḍḍhanti, bālaṃ accupasevato;
māssu bālena saṃgacchi, amitteneva sabbadā.
86. Taṃ tāhaṃ tāta yācāmi, karassu vacanaṃ mama;
māssu bālena saṃgacchi §, dukkho bālehi saṅgamoti.

Haliddirāgajātakaṃ navamaṃ.

436. Samuggajātakaṃ (10)

87. Kuto nu āgacchatha bho tayo janā, svāgatā etha § nisīdathāsane.
kaccittha bhonto kusalaṃ anāmayaṃ, cirassamabbhāgamaṃ hi vo idha.
88. Ahameva eko idha majja patto, na cāpi me dutiyo koci vijjati;
kimeva sandhāya te bhāsitaṃ ise, “kuto nu āgacchatha bho tayo janā”.
89. Tuvañca eko bhariyā ca te piyā, samuggapakkhittanikiṇṇamantare;
sā rakkhitā kucchigatāva § te sadā, vāyussa § puttena sahā tahiṃ ratā.
90. Saṃviggārūpo (1.0197) isinā viyākato §, so dānavo tattha samuggamu-
ggili.
addakkhi bhariyaṃ suci māladhāriṇiṃ, vāyussa puttena sahā tahiṃ rataṃ.
91. Sudiṭṭharūpamuggatapānuvattinā §, hīnā narā ye pamadāvasaṃ gatā.
yathā have pāṇarivettha rakkhitā, duṭṭhā mayī aññaṃ abhippamodayi.
92. Divā ca ratto ca mayā upaṭṭhitā, tapassinā jotirivā vane vasaṃ;
sā dhammamukkamma adhammamacari, akiriyarūpo pamadāhi santhavo.
93. Sarīramajjhamhi ṭhitātimaññaṃ, mayhaṃ ayanti asatiṃ asaññataṃ;
sā dhammamukkamma adhammamacari, akiriyarūpo pamadāhi santhavo.
94. Surakkhitaṃ meti kathaṃ nu vissase, anekacittāsu na hatthi § rakkhaṇā.

etā hi pātālapapātasannibhā, etthappamatto byasanaṃ nigacchati.
95. Tasmā hi te sukhino vītasokā, ye mātugāmehi caranti nissaṭṭhā;
etaṃ sivaṃ uttamamābhipatthayaṃ, na mātugāmehi kareyya santhavanti.

Samuggajātakaṃ dasamaṃ.

437. Pūtimaṃsajātakaṃ (11)

96. Na (1.0198) kho me rucati āḷi, pūtimaṃsassa pekkhanā;

- etādisā sakhārasmā, ārakā parivajjaye.
97. Ummattikā ayam venī, vaṇṇeti patino sakhim;
pajjhāyi § paṭigacchantim, āgataṃ meṇḍa § mātaraṃ.
98. Tvaṃ khosi samma ummatto, dummedho avicakkhaṇo;
yo tvaṃ § matālayaṃ katvā, akālena vipekkhasi.
99. Na akāle vipekkheyya, kāle pekkheyya paṇḍito;
pūtimaṃsova pajjhāyi §, yo akāle vipekkhati.
100. Piyam kho āḷi me hotu, puṇṇapattaṃ dadāhi me;
pati sañjivito mayhaṃ, eyyāsi piyapucchikā §.
101. Piyam kho āḷi te hotu, puṇṇapattaṃ dadāmi te;
mahatā parivārena §, essaṃ § kayirāhi § bhojanaṃ.
102. Kīdiso tuyhaṃ parivāro, yesaṃ kāhāmi bhojanaṃ;
kiṃnāmakā ca te sabbe, taṃ § me akkhāhi pucchitā.
103. Māliyo caturakkho ca, piṅgiyo atha jambuko;
edisō mayhaṃ parivāro, tesaṃ kayirāhi § bhojanaṃ.
104. Nikkhantāya agārasmā, bhaṇḍakampi vinassati;
ārogyaṃ āḷino vajjaṃ §, idheva vasa māgamāti.

Pūtimaṃsajātakaṃ ekādasamaṃ.

438. Daddarajātakaṃ (12)

105. Yo te puttake akhādi, dinnabhatto adūsake;
tasmim dāṭhaṃ nipātehi, mā te muccittha jīvato.
106. Ākiṇṇaluddo (1.0199) puriso, dhāticelaṃva makkhito;
padesaṃ taṃ na passāmi, yattha dāṭhaṃ nipātaye.
107. Akataññussa posassa, niccaṃ vivaradassino;
sabbam ce pathaviṃ dajjā, neva naṃ abhirādhaye.
108. Kinnu subāhu taramānarūpo, paccāgatosi saha māṇavena;
kiṃ kiccamatthaṃ idhamatthi tuyhaṃ, akkhāhi me pucchito etamatthaṃ.
109. Yo te sakhā daddaro sādhurūpo, tassa vadhaṃ parisāṅkāmi ajja;
purisassa kammāyatanāni sutvā, nāhaṃ sukhiṃ daddaraṃ ajja maññe.
110. Kānissa kammāyatanāni assu, purisassa vuttisamodhānatāya;
kaṃ vā paṭiññaṃ purisassa sutvā, parisāṅkasi daddaraṃ māṇavena.
111. Ciṇṇā kaliṅgā caritā vaṇijjā, vettācaro saṅkupathopi ciṇṇo;
naṭehi ciṇṇaṃ saha vākurehi §, daṇḍena yuddhampi samajjamajjhe.
112. Baddhā kulikā § mitamāḷhakena, akkhā jitā § saṃyamo abbhatīto.
abbāhitaṃ § pubbakaṃ § aḍḍharattaṃ, hatthā daḍḍhā piṇḍapaṭiggahena.
113. Tānissa (1.0200) kammāyatanāni assu, purisassa vuttisamodhānatāya;
yathā ayam dissati lomapiṇḍo, gāvo hatā kiṃ pana daddarassāti.

Daddarajātakaṃ dvādasamaṃ.

Navakanipātaṃ niṭṭhitam.

Tassuddānaṃ-

Varagijjha samajjana haṃsavaro, nidhisavhaya hārita pāṭaliko;
ajarāmara dhaṅka titikkha kuto, atha dvādasa pekkhana daddaribhīti.

10. Dasakanipāto

439. Catudvārajātakaṃ (1)

1. Catudvāramidaṃ (1.0201) nagaraṃ, āyasaṃ daḷhapākāraṃ;
oruddhapaṭiruddhosmi, kiṃ pāpaṃ pakataṃ mayā.
2. Sabbe apihitā dvārā, oruddhosmi yathā dijo;
kimādhikaraṇaṃ yakkha, cakkābhinihato ahaṃ.
3. Laddhā satahassāni, atirekāni vīsati;
anukampakānaṃ ñātinaṃ, vacanaṃ samma nākari.
4. Laṅghiṃ samuddaṃ pakkhandi, sāgaraṃ appasiddhikaṃ;
catubbi aṭṭhājḥagama, aṭṭhāhipi ca soḷasa.
5. Soḷasāhi ca bāttiṃsa, atricchaṃ cakkamāsado;
icchāhatassa posassa, cakkaṃ bhamati matthake.
6. Uparivīsālā duppūrā, icchā visaṭṭagāminī §;
ye ca taṃ anugijjhanti, te honti cakkadhārino.
7. Bahubhaṇḍaṃ § avahāya, maggaṃ appaṭivekkhiya;
yesañcetaṃ asaṅkhātaṃ, te honti cakkadhārino.
8. Kammaṃ samekkhe vipulañca bhogaṃ, icchaṃ na seveyya anathasaṃ-
hitam;
kareyya vākyaṃ anukampakānaṃ, taṃ tādisaṃ nātivatteyya cakkaṃ.
9. Kīvaciraṃ nu me yakkha, cakkaṃ sirasi ṭhassati;
kati vassasahassāni, taṃ me akkhāhi pucchito.
10. Atisaro paccasaro §, mittavinda suṇohi me;
cakkaṃ te sirasi § māviddhaṃ, na taṃ jīvaṃ pamokkhasīti.

Catudvārajātakaṃ paṭhamaṃ.

440. Kaṇhajātakaṃ (2)

11. Kaṇho (1.0202) vatāyaṃ puriso, kaṇhaṃ bhuñjati bhojanaṃ;
kaṇhe bhūmipadesasmiṃ, na mayhaṃ manaso piyo.
12. Na kaṇho tacasā hoti, antosāro hi brāhmaṇo;
yasmiṃ pāpāni kammāni, sa ve kaṇho sujampati.

13. Etasmim̐ te sulapite, patirūpe subhāsīte;
varaṃ brāhmaṇa te dammi, yaṃ kiñci manasicchasi.
14. Varañce me ado sakka, sabbabhūtānamissara;
sunikkodhaṃ suniddosaṃ, nillobhaṃ vuttimattano;
nisnehamabhikañkhāmi, ete me caturo vare.
15. Kiṃ nu kodhe vā § dose vā, lobhe snehe ca brāhmaṇa;
ādīnavaṃ tvaṃ passasi §, taṃ me akkhāhi pucchito.
16. Appo hutvā bahu hoti, vaḍḍhate so akhantijo;
āsaṅgī bahupāyāso, tasmā kodhaṃ na rocaḃe.
17. Duṭṭhassa pharusā § vācā, parāmāso anantarā;
tato pāṇi tato daṇḍo, satthassa paramā gati §.
doso kodhasamuṭṭhāno, tasmā dosaṃ na rocaḃe.
18. Ālopasāhasākārā §, nikatī vañcanāni ca;
dissanti lobhadhammesu, tasmā lobhaṃ na rocaḃe.
19. Snehasaṅgathitā § ganthā, senti manomayā puthū.
te bhusaṃ upatāpentī, tasmā snehaṃ na rocaḃe.
20. Etasmim̐ te sulapite, patirūpe subhāsīte;
varaṃ brāhmaṇa te dammi, yaṃ kiñci manasicchasi.

21. Varañce me ado sakka, sabbabhūtānamissara;
araññe me viharato, niccaṃ ekavihārino;
ābādhā mā § uppajjeyyūṃ, antarāyakarā bhusā.
22. Etasmiṃ (1.0203) te sulapite, patirūpe subhāsīte;
varaṃ brāhmaṇa te dammi, yaṃ kiñci manasicchasi.
23. Varañce me ado sakka, sabbabhūtānamissara;
na mano vā sarīraṃ vā, maṃ-kate sakka kassaci;
kadāci upahaññetha, etaṃ sakka varaṃ vareti.

Kaṇhajātakaṃ dutiyaṃ.

441. Catuposathiyajātakaṃ (3)

24. Yo kopaneyye na karoti kopam, na kujjhati sappuriso kadāci;
kuddhopi so nāvīkaroti kopam, taṃ ve naram samaṇamāhu § loke.
25. Ūnūdarō yo sahate jighacchaṃ, danto tapassī mitapānabhojano;
āhārahetu na karoti pāpaṃ, taṃ ve naram samaṇamāhu loke.
26. Khīḍḍaṃ ratiṃ vippajahitvāna sabbam, na cālikaṃ bhāsasi kiñci loke;
vibhūsaṭṭhānā virato methunasmā, taṃ ve naram samaṇamāhu loke.
27. Pariggahaṃ lobhadhammañca sabbam, yo ve pariññāya pariccajēti;
dantaṃ ṭhitattaṃ amamaṃ nirāsam, taṃ ve naram samaṇamāhu loke.
28. Pucchāma kattāramanomaṇṇaṃ §, kathāsu no viggaho atthi jāto.
chindajja kaṅkhaṃ vicikicchitāni, tadajja § kaṅkhaṃ vitaremu sabbe.
29. Ye (1.0204) paṇḍitā atthadasā bhavanti, bhāsanti te yoniso tattha kāle;
kathaṃ nu kathānaṃ abhāsītānaṃ, atthaṃ nayeyyūṃ kusalā janindā.
30. Kathaṃ have bhāsati nāgarājā, garuḷo pana venateyyo kimāha;
gandhabbarājā pana kiṃ vadesi, kathaṃ pana kurūnaṃ rājaseṭṭho.
31. Khantiṃ have bhāsati nāgarājā, appāhāraṃ garuḷo venateyyo;
gandhabbarājā rativippahānaṃ, akiñcanaṃ kurūnaṃ rājaseṭṭho.
32. Sabbāni etāni subhāsītāni, na hettha dubbhāsītamatthi kiñci;
yasmiñca etāni patiṭṭhitāni, arāva nābhyā susamohitāni;
catubbhi dhammehi samaṅgibhūtaṃ, taṃ ve naram samaṇamāhu loke.
33. Tuvañhi § seṭṭho tvamanuttarosi, tvaṃ dhammagū dhammavidū sumedho.
paññāya pañhaṃ samadhiggahetvā, acchecchi dhīro vicikicchitāni;
acchecchi kaṅkhaṃ vicikicchitāni, cundo yathā nāgadantaṃ kharena.
34. Nīluppalābhaṃ vimalaṃ anagghaṃ, vatthaṃ idaṃ dhūmasamānavaṇṇaṃ;
pañhassa veyyākaraṇena tuṭṭho, dadāmi te dhammapūjāya dhīra.
35. Suvaṇṇamālaṃ (1.0205) satapattaphullitaṃ, sakesaraṃ ratnasahassama-
ṇḍitaṃ;
pañhassa veyyākaraṇena tuṭṭho, dadāmi te dhammapūjāya dhīra.
36. Maṇiṃ anagghaṃ ruciraṃ pabhassaraṃ, kaṇṭhāvasattaṃ § maṇibhūsitam
me.

- pañhassa veyyākaraṇena tuṭṭho, dadāmi te dhammapūjāya dhīra.
37. Gavaṃ sahaṣsaṃ usabhañca nāgaṃ, ājaññayutte ca rathe dasa ime;
pañhassa veyyākaraṇena tuṭṭho, dadāmi te gāmaṅgaṇi soḷasa.
38. Sāriputto tadā nāgo, supaṇṇo pana kolito;
gandhabbarājā anuruddho, rājā ānanda paṇḍito;
vidhuro bodhisatto ca, evaṃ dhāretha jātakanti.

Catuposathiyajātakam tatiyam.

442. Saṅkhajātakaṃ (4)

39. Bahussuto sutadhammosi saṅkha, diṭṭhā tayā samaṇabrāhmaṇā ca;
athakkaṇe dassayase vilāpaṃ, añño nu ko te paṭimantako mayā.
40. Subbhū § subhā suppaṭimukkakambu, paggayha sovaṇṇamayāya pātiyā.
“bhuñjassu bhattaṃ” iti maṃ vadeti, saddhāvittā §, tamahaṃ noti brūmi.
41. Etādisaṃ (1.0206) brāhmaṇa disvāna § yakkhaṃ, puccheyya poso sukha-
māsisāno §.
uṭṭhehi naṃ pañjalikābhipuccha, devī nusi tvaṃ uda mānusi nu.
42. Yaṃ tvaṃ sukhenābhisamekkhase maṃ, bhuñjassu bhattaṃ iti maṃ
vadesi;
pucchāmi taṃ nāri mahānubhāve, devī nusi tvaṃ uda mānusi nu.
43. Devī ahaṃ saṅkha mahānubhāvā, idhāgatā sāgaravārimajjhe;
anukampikā no ca paduṭṭhacittā, taveva atthāya idhāgatāsmi.
44. Idhannapānaṃ sayanāsanañca, yānāni nānāvividhāni saṅkha;
sabbassa tyāhaṃ paṭipādayāmi, yaṃ kiñci tuyhaṃ manasābhipatthitaṃ.
45. Yaṃ kiñci yiṭṭhañca hutañca § mayhaṃ, sabbassa no issarā tvaṃ sugatte.
susoṇi subbhamu § suvilaggamajjhe §, kissa me kammaṣa ayaṃ vipāko.
46. Ghamme pathe brāhmaṇa ekabhikkhuṃ, ugghaṭṭapādaṃ tasitaṃ kilantaṃ;
paṭipādayī saṅkha upāhanāni §, sā dakkhiṇā kāmāduhā tavajja.
47. Sā (1.0207) hotu nāvā phalakūpapannā, anavassutā erakavātayuttā;
aññassa yānassa na hettha § bhūmi, ajjeva maṃ moḷiniṃ pāpayassu.
48. Sā tattha vittā sumanā patītā, nāvaṃ sucittaṃ abhinimminivā;
ādāya saṅkhaṃ purisena saddhiṃ, upānayī nagaraṃ sādhurammanti.

Saṅkhajātakaṃ catutthaṃ.

443. Cūlabodhijātakaṃ (5)

49. Yo te imaṃ visālakkhiṃ, piyaṃ samhitabhāsiniṃ §.
ādāya balā gaccheyya, kiṃ nu kayirāsi brāhmaṇa.
50. Uppajje § me na mucceyya, na me mucceyya jīvato;
rajaṃva vipulā vuṭṭhi, khippameva nivāraye §.

51. Yaṃ nu pubbe vikatthittho §, balamhiva apassito;
svajja tuṇhikato § dāni, saṅghāṭiṃ sabbamacchasi.
52. Uppajji me na muccittha, na me muccittha jīvato;
rajaṃva vipulā vuṭṭhi, khippameva nivārayiṃ.
53. Kiṃ te uppajji no mucci, kiṃ te na mucci jīvato;

- rajaṃva vipulā vuṭṭhi, katamaṃ tvaṃ nivārayi.
54. Yamhi jāte na passati, ajāte sādhu passati;
so me uppajji no mucci, kodho dummedhagocarō.
55. Yena jātena nandanti, amittā dukkhamesino;
so me uppajji no mucci, kodho dummedhagocarō.
56. Yasmiñca (1.0208) jāyamānamhi, sadatthaṃ nāvabujjhati;
so me uppajji no mucci, kodho dummedhagocarō.
57. Yenābhibhūto kusalaṃ jahāti, parakkare vipulañcāpi atthaṃ;
sa bhīmaseno balavā pamaddī, kodho mahārāja na me amuccatha.
58. Kaṭṭhasmiṃ matthamānasmīṃ §, pāvako nāma jāyati.
tameva kaṭṭhaṃ ḍahati, yasmā so jāyate gini.
59. Evaṃ mandassa posassa, bālassa avijānato;
sārambhā § jāyate kodho, sopi teneva ḍayhati.
60. Aggīva tiṇakaṭṭhasmiṃ, kodho yassa pavaḍḍhati;
nihiyati tassa yaso, kāḷapakkeva candimā.
61. Anedho § dhūmaketūva, kodho yassūpasammati.
āpūراتi tassa yaso, sukkapakkeva candimāti.

Cūḷabodhijātakaṃ pañcamaṃ.

444. Kaṇhadīpāyanajātakaṃ (6)

62. Sattāhamevāhaṃ pasannacitto, puññatthiko ācariṃ § brahmacariyaṃ.
athāparaṃ yaṃ caritaṃ mamedamaṃ §, vassāni paññāsa samādhikāni.
akāmako vāpi § ahaṃ carāmi, etena saccena suvatthi hotu.
hataṃ visaṃ jīvatu yaññadatto.
63. Yasmā (1.0209) dānaṃ nābhinandiṃ kadāci, disvānahaṃ atithiṃ vāsakāle.
na cāpi me appiyataṃ veduṃ, bahussutā samaṇabrāhmaṇā ca.
Akāmako vāpi ahaṃ dadāmi, etena saccena suvatthi hotu;
hataṃ visaṃ jīvatu yaññadatto.
64. Āsīviso tāta pahūtatejo, yo taṃ adamsī § sacarā § udicca.
tasmiñca me appiyatāya ajja, pitari ca te natthi koci viseso;
etena saccena suvatthi hotu, hataṃ visaṃ jīvatu yaññadatto.
65. Santā dantāyeva § paribbajanti, aññatra kaṇhā natthākāmarūpā §.
dīpāyana kissa jigucchamāno, akāmako carasi brahmacariyaṃ.
66. Saddhāya nikkhamma punaṃ nivatto, so eḷamūgova bālo § vatāyaṃ.
etassa vādassa jigucchamāno, akāmako carāmi brahmacariyaṃ;
viññuppasatthañca satañca ṭhānaṃ §, evampahaṃ puññakaro bhavāmi.
67. Samaṇe (1.0210) tuvaṃ brāhmaṇe addhike ca, santappayāsi annapānena
bhikkhaṃ;
opānabhūtaṃva gharaṃ tava yidaṃ, annena pānena upetarūpaṃ;
atha kissa vādassa jigucchamāno, akāmako dānamimaṃ dadāsi.

68. Pitaro ca me āsum pitāmahā ca, saddhā ahuṃ dānapatī vadaññū;
taṃ kullavattaṃ anuvattamāno, māhaṃ kule antimagandhano § ahuṃ.
etassa vādassa jigucchamāno, akāmako dānamimaṃ dadāmi.

69. Dahariṃ kumāriṃ asamatthapaññaṃ, yaṃ tānayaṃ ñātikulā sugatte;
na cāpi me appiyataṃ avedi, aññatra kāmā paricārayantā §.
atha kena vaṇṇena mayā te bhoti, saṃvāsadhammo ahu evarūpo.

70. Ārā dūre nayidha kadāci atthi, paramparā nāma kule imasmiṃ;
taṃ kullavattaṃ anuvattamānā, māhaṃ kule antimagandhinī ahuṃ;
etassa vādassa jigucchamānā, akāmikā paddhacarāmi § tuyhaṃ.

71. Maṇḍabya (1.0211) bhāsiṃ yamabhāsaneyyaṃ §, taṃ khamyataṃ puttaka-
hetu majja.

puttapemā na idha paratthi kiñci, so no ayaṃ jīvati yaññadattoti.

Kaṇhadīpāyanajātakaṃ § chaṭṭhaṃ.

445. Nigrodhajātakaṃ (7)

72. Na vāhametaṃ § jānāmi, ko vāyaṃ kassa vāti vā §.
yathā sākho cari § evaṃ, nigrodha kinti maññasi.

73. Tato galavinītena, purisā nīhariṃsu maṃ;
datvā mukhapahārāni, sākhasa vacanaṃkarā.

74. Etādisaṃ dummatinā, akataññuna dubbhinā;
kataṃ anariyaṃ sākkena, sakhinā te janādhipa.

75. Na vāhametaṃ jānāmi, napi me koci saṃsati;
yaṃ me tvaṃ samma akkhāsi, sākkena kāraṇaṃ § kataṃ.

76. Sakhīnaṃ sājivakaro, mama sākhasa cūbhayaṃ;
tvaṃ nosissariyaṃ dātā, manussesu mahantataṃ;
tayāmā labbhitā iddhī, ettha me natthi saṃsayo.

77. Yathāpi bijamaggimhi, ḍayhati na virūhati;
evaṃ kataṃ asappurise, nassati na virūhati.

78. Kataññumhi ca posamhi, silavante ariyavuttine;
sukhette viya bījāni, kataṃ tamhi na nassati.

79. Imaṃ jammaṃ nekatikaṃ, asappurisacintakaṃ;
hanantu sākhaṃ sattīhi, nāssa icchāmi jīvitaṃ.

80. Khamatassa (1.0212) mahārāja, pāṇā na paṭi-ānayā §.
khama deva asappurisassa, nāssa icchāmahaṃ vadhaṃ.

81. Nigrodhameva seveyya, na sākhamupasaṃvase;
nigrodhasmiṃ mataṃ seyyo, yañce sākhasmi jīvitanti.

Nigrodhajātakaṃ sattamaṃ.

446. Takkalajātakaṃ (8)

82. Na takkalā santi na āluvāni §, na biḷāliyo na kaḷambāni tāta.
eko araññamhi susānamajjhe, kimatthiko tāta khaṇāsi kāsum.
83. Pitāmaho tāta sudubbalo te, anekabyādhīhi dukhena phuṭṭho;
tamajjaham nikhaṇissāmi sobbhe, na hissa tam jīvitaṃ rocayāmi.
84. Saṅkappametaṃ paṭiladdha pāpakaṃ, accāhitaṃ kamma karosi luddaṃ;

- mayāpi tāta paṭilacchase tuvaṃ, etādisaṃ kamma jarūpanīto;
taṃ kullavattaṃ anuvattamāno, ahampi taṃ nikhaṇissāmi sobbhe.
85. Pharusāhi vācāhi pakubbamāno, āsajja maṃ tvaṃ vadase kumāra;
putto mamaṃ orasako samāno, ahitānukampī mama tvaṃsi putta.
86. Na (1.0213) tāhaṃ § tāta ahitānukampī, hitānukampī te ahampi § tāta.
pāpañca taṃ kamma pakubbamānaṃ, arahāmi no vārayituṃ tato.
87. Yo mātaraṃ vā pitaraṃ saviṭṭha §, adūsake hiṃsati pāpadhammo.
kāyassa bheda abhisamparāyaṃ, asaṃsayaṃ so nirayaṃ upeti §.
88. Yo mātaraṃ vā pitaraṃ saviṭṭha, annena pānena upaṭṭhahāti;
kāyassa bheda abhisamparāyaṃ, asaṃsayaṃ so sugatiṃ upeti.
89. Na me tvaṃ putta ahitānukampī, hitānukampī me § tvaṃsi putta.
ahañca taṃ mātaraṃ vuccamāno, etādisaṃ kamma karomi luddaṃ.
90. Yā te sā bhariyā anariyarūpā, mātā mamesā sakiyā janetti;
niddhāpaye § tañca sakā agārā, aññampi te sā dukhamāvaheyya.
91. Yā te sā bhariyā anariyarūpā, mātā mamesā sakiyā janetti;
dantā kareṇūva vasūpanitā, sā pāpadhammā punarāvajātūti.

Takkalajātakaṃ aṭṭhamaṃ.

447. Mahādhammapālajātakaṃ (9)

92. Kiṃ (1.0214) te vataṃ kiṃ pana brahmacariyaṃ, kissa suciṇṇassa ayaṃ
vipāko;
akkhāhi me brāhmaṇa etamatthaṃ, kasmā nu tumhaṃ daharā na miyyare §.
93. Dhammaṃ carāma na musā bhaṇāma, pāpāni kammāni parivajjayāma §.
anariyaṃ parivajjemu sabbaṃ, tasmā hi amhaṃ daharā na miyyare.
94. Suṇoma dhammaṃ asataṃ satañca, na cāpi dhammaṃ asataṃ rocayāma.
hitvā asante na jahāma sante, tasmā hi amhaṃ daharā na miyyare.
95. Pubbeva dānā sumanā bhavāma, dadampi ve attamanā bhavāma;
datvāpi ve nānutappāma pacchā, tasmā hi amhaṃ daharā na miyyare.
96. Samaṇe mayaṃ brāhmaṇe addhike ca, vanibbake yācanake dalidde;
annena pānena abhitappayāma, tasmā hi amhaṃ daharā na miyyare.
97. Mayañca bhariyaṃ nātikkamāma, amhe ca bhariyā nātikkamanti;
aññatra tāhi brahmacariyaṃ carāma, tasmā hi amhaṃ daharā na miyyare.
98. Pāṇātipātā (1.0215) viramāma sabbe, loke adinnaṃ parivajjayāma;
amajjapā nopi musā bhaṇāma, tasmā hi amhaṃ daharā na miyyare.
99. Etāsu ve jāyare suttamāsu, medhāvino honti pahūtapaññā;
bahussutā vedaguno § ca honti, tasmā hi amhaṃ daharā na miyyare.
100. Mātā pitā ca § bhaginī bhātaro ca, puttā ca dārā ca mayañca sabbe.
dhammaṃ carāma paralokahetu, tasmā hi amhaṃ daharā na miyyare.
101. Dāsā ca dāsyo § anujjivino ca, paricārakā kammakarā ca sabbe.
dhammaṃ caranti paralokahetu, tasmā hi amhaṃ daharā na miyyare.

102. Dhammo have rakkhati dhammacāriṃ, dhammo suciṇṇo sukhamāvahāti;
esānisaṃso dhamme suciṇṇe, na duggatiṃ gacchati dhammacārī.
103. Dhammo have rakkhati dhammacāriṃ, chattaṃ mahantaṃ viya vassakāle.
dhammena gutto mama dhammapālo, aññassa aṭṭhīni sukhī kumāroti.

Mahādhammapālajātakaṃ navamaṃ.

448. Kukkuṭajātakaṃ (10)

104. Nāsmase (1.0216) katapāpamhi, nāsmase alikavādine;
nāsmase attatthapaññamhi, atisantepi nāsmase.
105. Bhavanti heke purisā, gopipāsikajātikā §.
ghasanti maññe mittāni, vācāya na ca kammunā.
106. Sukkhañjalipaggahitā, vācāya paliguṇṭhitā;
manussapheggū nāsīde, yasmim natthi kataññutā.
107. Na hi aññaññacittānaṃ, itthīnaṃ purisāna vā;
nānāvikatvā § saṃsaggaṃ, tādīsampi ca nāsmase §.
108. Anariyakammamokkantaṃ, athetaṃ § sabbaghātināṃ;
nisitaṃva paṭicchannaṃ, tādīsampi ca nāsmase.
109. Mittarūpenidhekacce, sākhalyena acetasā;
vividhehi upāyanti, tādīsampi ca nāsmase.
110. Āmisaṃ vā dhanaṃ vāpi, yattha passati tādiso;
dubbiṃ karoti dummedho, tañca hantvāna § gacchati.
111. Mittarūpena bahavo, channā sevanti sattavo;
jahe kāpurise hete, kukkuṭo viya senakaṃ.
112. Yo ca § uppatitaṃ atthaṃ, na khippamanubujjhati;
amittavasamanveti, pacchā ca anutappati.
113. Yo ca uppatitaṃ atthaṃ, khippameva nibodhati;
muccate sattusambādā, kukkuṭo viya senakā;
114. Taṃ tādīsaṃ kūṭamivoḍḍitaṃ vane, adhammikaṃ niccavidhaṃsakārinaṃ;
ārā vivajjeyya naro vicakkhaṇo, senaṃ yathā kukkuṭo vaṃsakānaneti.

Kukkuṭajātakaṃ dasamaṃ.

449. Maṭṭhakuṇḍalijātakaṃ (11)

115. Alaṅkato (1.0217) maṭṭhakuṇḍalī §, māladhārī § haricandanussado.
bāhā paggayha kandasi, vanamajjhe kiṃ dukkhito tuvaṃ.
116. Sovaṇṇamayo pabhassaro, uppanno rathapañjaro mama;
tassa cakkayugaṃ na vindāmi, tena dukkhena jahāmi jīvitaṃ.
117. Sovaṇṇamayamaṃ maṇimayaṃ, lohamayaṃ atha rūpiyāmayamaṃ;
§ Pāvada rathaṃ karissāmi § te §, cakkayugaṃ paṭipādayāmi taṃ.

118. So § māṇavo tassa pāvadi, candimasūriyā § ubhayettha bhātaro §.
sovaṇṇamayo ratho mama, tena cakkayugena sobhati.

119. Bālo kho tvaṃsi māṇava, yo tvaṃ patthayase apatthiyaṃ;
maññāmi tuvaṃ marissasi, na hi tvaṃ lacchasi candasūriye.
120. Gamanāgamanampi dissati, vaṇṇadhātu ubhayettha vīthiyo;
peto pana neva dissati, ko nu kho § kandataṃ bālyataro.
121. Saccaṃ (1.0218) kho vadesi māṇava, ahameva kandataṃ bālyataro;
candaṃ viya dārako rudam, petaṃ kālakatābhipatthaye.
122. Ādittaṃ vata maṃ santaṃ, ghata-sittaṃva pāvakaṃ;
vārinā viya osiñcaṃ, sabbaṃ nibbāpaye daram.
123. Abbaḥi § vata me sallaṃ, yamāsi hadayassitaṃ §.
yo me sokaparetassa, puttasoḥkaṃ apānudi.
124. Soham abbūḥhasallosmi, vītasoko anāvilo;
na socāmi na rodāmi, tava sutvāna māṇavāti.

Maṭṭhakuṇḍalijātakaṃ ekādasamaṃ.

450. Bilārakosiyajātakaṃ (12)

125. Apacantāpi dicchanti, santo laddhāna bhojanaṃ;
kimeva tvaṃ pacamāno, yaṃ na dajjā na taṃ samaṃ.
126. Maccherā ca pamādā ca, evaṃ dānaṃ na diyyati;
puññaṃ ākaṅkhamānena, deyyaṃ hoti vijānatā.
127. Yasseva bhīto na dadāti maccharī, tadevādadato bhayaṃ;
jighacchā ca pipāsā ca, yassa bhāyati maccharī;
tameva bālaṃ phusati, asmim loke paramhi ca.
128. Tasmā vineyya maccheraṃ, dajjā dānaṃ malābhibhū;
puññāni paralokasmim, patiṭṭhā honti pāṇinaṃ.
129. Duddadaṃ dadamānānaṃ, dukkaraṃ kamma kubbataṃ;
asanto nānukubbanti, sataṃ dhammo durannayo.
130. Tasmā satañca asataṃ §, nānā hoti ito gati;
asanto nirayaṃ yanti, santo saggaparāyanā.
131. Appasmeke (1.0219) § paveccanti, bahuneke na dicchare.
appasmā dakkhiṇā dinnā, sahasena samaṃ mitā.
132. Dhammaṃ care yopi samuñchakaṃ care, dārañca posam dadamappa-
kasmim §.
sataṃ sahasānaṃ sahasayāginaṃ, kalampi nāgghanti tathāvidhassa te.
133. Kenesa yañño vipulo mahagghato §, samena dinnassa na agghameti.
kathaṃ sataṃ sahasānaṃ § sahasayāginaṃ, kalampi nāgghanti tathāvi-
dhassa te.
134. Dadanti heke visame nivitṭhā, chetvā § vadhitvā atha socayitvā.
sā dakkhiṇā assumukhā sadaṇḍā, samena dinnassa na agghameti;
evaṃ sataṃ sahasānaṃ § sahasayāginaṃ, kalampi nāgghanti tathāvi-
dhassa teti.

Bilārakosiyajātakaṃ dvādasamaṃ.

451. Cakkavākajātakaṃ (13)

135. Vaṇṇavā abhirūposi, ghano sañjātarohito;
cakkavāka surūposi, vippasannamukhindriyo.
136. Pāṭhīnaṃ pāvusaṃ macchaṃ, balajaṃ § muñjarohitaṃ.
gaṅgāya tīre nisinno §, evaṃ bhuñjasi bhojanaṃ.
137. Na vāhametaṃ § bhuñjāmi, jaṅgalānodakāni vā;
aññatra sevālapaṇakā, etaṃ § me samma bhojanaṃ.
138. Na (1.0220) vāhametaṃ saddahāmi, cakkavākassa bhojanaṃ;
ahampi samma bhuñjāmi, gāme loṇiyateliyaṃ.
139. Manussesu kataṃ bhattaṃ, suciṃ maṃsūpasecanaṃ;
na ca me tādiso vaṇṇo, cakkavāka yathā tuvaṃ.
140. Sampassaṃ attani veraṃ, hiṃsayamaṃ § mānusiṃ pajamaṃ;
utrasto ghasasī bhīto, tena vaṇṇo tavediso.
141. Sabbalokaviruddhosi, dhaṅka pāpena kammunā;
laddho piṇḍo na pīṇeti, tena vaṇṇo tavediso.
142. Ahampi § samma bhuñjāmi, ahiṃsaṃ sabbapāṇīnaṃ;
apposukko nirāsaṅkī, asoko akutobhaya.
143. So karassu ānubhāvaṃ, vītivattassu sīliyaṃ;
ahiṃsāya cara loke, piyo hohisi maṃmiva.
144. Yo na hanti na ghāteti, na jināti na jāpaye;
mettaṃso sabbabhūtesu, veraṃ tassa na kenacīti.

Cakkavākajātakaṃ terasamaṃ.

452. Bhūripaññajātakaṃ (14)

145. Saccaṃ kira tvaṃ api § bhūripañña, yā tādisī sīri dhitī matī ca.
na tāyatebhāvavasūpanitaṃ, yo yavakaṃ bhuñjasi appasūpaṃ.
146. Sukhaṃ dukkhena paripācayanto, kālā kālaṃ vicinaṃ chandachanno;
atthassa dvārāni avāpuranto, tenāhaṃ tussāmi yavodanena.
147. Kālañca (1.0221) ñatvā abhijīhanāya, mantehi atthaṃ paripācayitvā;
vijambhissaṃ sīhavijambhitāni, tāyiddhiyā dakkhasi maṃ punāpi.
148. Sukhīpi heke § na karonti pāpaṃ, avaṇṇasaṃsaggabhayā puneke.
pahū samāno vipulathacintī, kiṃkāraṇā me na karosi dukkhaṃ.
149. Na paṇḍitā attasukhassa hetu, pāpāni kammāni samācaranti;
dukkhena phuṭṭhā khalitāpi santā, chandā ca dosā na jahanti dhammaṃ.
150. Yena kenaci vaṇṇena, mudunā dāruṇena vā;
uddhare dīnamattānaṃ, pacchā dhammaṃ samācare.

151. Yassa rukkhassa chāyāya, nisīdeyya sayeyya vā;
na tassa sākhaṃ bhañjeyya, mittadubbho hi pāpako.
152. Yassāpi § dhammaṃ puriso § vijaññā, ye cassa kaṅkhaṃ vinayanti santo.
taṃ hissa dīpañca parāyanañca, na tena mettiṃ jarayetha pañño.
153. Alaso gihī kāmabhogī na sādhu, asaññato pabbajito na sādhu;
rājā na sādhu anisammakārī, yo paṇḍito kodhano taṃ na sādhu.
154. Nisamma khattiyo kayirā, nānisamma disampati;
nisammakārino rāja, yaso kitti ca vaḍḍhatīti.

Bhūripaññajātakaṃ cuddasamaṃ.

453. Mahāmaṅgalajātakaṃ (15)

155. Kiṃsu (1.0222) naro jappamadhiccakāle, kaṃ vā vijjaṃ katamaṃ vā
sutānaṃ;
so macco asmiñca § paramhi loke, kathaṃ karo sotthānena gutto.
156. Yassa devā pitaro ca sabbe, sarīsapā § sabbabhūtāni cāpi.

- mettāya niccaṃ apacitāni honti, bhūtesu ve sothhānaṃ tadāhu.
- 157.** Yo sabbalokassa nivātavutti, itthīpumānaṃ sahadārakānaṃ;
khantā duruttānamappaṭikūlavādī, adhivāsanaṃ sothhānaṃ tadāhu.
- 158.** Yo nāvajānāti sahāyāmitte §, sippena kulyāhi dhanena jaccā.
rucipaṅṅo atthakāle matīmā §, sahāyesu ve sothhānaṃ tadāhu.
- 159.** Mittāni ve yassa bhavanti santo, saṃvissatthā avisaṃvādakassa;
na mittadubbhī saṃvibhāgī dhanena, mittesu ve sothhānaṃ tadāhu.
- 160.** Yassa bhariyā tulyavayā samaggā, anubbatā dhammakāmā pajātā §.
koliniyā sīlavatī patibbatā, dāresu ve sothhānaṃ tadāhu.
- 161.** Yassa (1.0223) rājā bhūtapati § yasassī, jānāti soceyyaṃ parakkamaṅca.
advejjhatā suhadayaṃ mamanti, rājūsu ve sothhānaṃ tadāhu.
- 162.** Annaṅca pānaṅca dadāti saddho, mālaṅca gandhaṅca vilepanaṅca;
pasannacitto anumodamāno, saggesu ve sothhānaṃ tadāhu.
- 163.** Yamariyadhammena punanti vuddhā, ārādhitā samacariyāya santo;
bahussutā isayo sīlavanto, arahantamajjhe sothhānaṃ tadāhu.
- 164.** Etāni kho sothhānāni loke, viṅṅuppasatthāni sukhudrayāni §.
tānīdha sevetha naro sapaṅṅo, na hi maṅgale kiṅcanamatthi saccanti.

Mahāmaṅgalajātakaṃ pannarasamaṃ.

454. Ghaṭapaṇḍitajātakaṃ (16)

- 165.** Uṭṭhehi kaṅha kiṃ sesi, ko attho supanena te;
yopi tuyhaṃ § sako bhātā, hadayaṃ cakkhu ca § dakkhiṇaṃ.
tassa vātā baliyanti, ghaṭo jappati § kesava.
- 166.** Tassa taṃ vacanaṃ sutvā, rohiṇeyyassa kesavo;
taramānarūpo vuṭṭhāsi, bhātusokena aṭṭito.
- 167.** Kiṃ nu ummattarūpova, kevalaṃ dvārakaṃ imaṃ;
saso sasoti lapasi, ko nu te sasamāhari.
- 168.** Sovaṇṇamayaṃ (1.0224) maṇimayaṃ, lohamayaṃ atha rūpiyāmayam;
saṅkhasilāpavāḷamayaṃ, kārayissāmi te sasaṃ.
- 169.** Santi aṅṅepi sasakā, araṅṅe vanagocarā;
tepi te ānayissāmi, kīdisaṃ sasamicchasi.
- 170.** Na cāhamete § icchāmi, ye sasā pathavissitā §.
candato sasamicchāmi, taṃ me ohara kesava.
- 171.** So nūna madhuraṃ ṅāti, jīvitaṃ vijahissasi;
apatthiyaṃ yo patthayasi, candato sasamicchasi.
- 172.** Evaṃ ce kaṅha jānāsi, yadaṅṅamanusāsasi;
kasmā pure mataṃ puttaṃ, ajjāpi manusocasi.
- 173.** Yaṃ na labbhā manussena, amanussena vā puna §.
jāto me mā marī putto, kuto labbhā alabbhiyaṃ.
- 174.** Na mantā mūlabhesajjā, osadhehi dhanena vā;

- sakkā ānayatumaṃ kaṇha, yaṃ petamanusocasi.
175. Yassa etādisā assu, amaccā purisapaṇḍitā;
yathā nijjhāpaye ajja, ghaṭo purisapaṇḍito.
176. Ādittamaṃ vata maṃ santamaṃ, ghatasittamaṃva pāvakaṃ;
vārinā viya osiñcaṃ, sabbaṃ nibbāpaye daraṃ.
177. Abbahī vata me sallamaṃ, yamāsi hadayassitaṃ;
yo me sokaparetassa, puttasokaṃ apānudi.
178. Sohaṃ abbūḷhasallosmi, vītasoko anāvilo;
na socāmi na rodāmi, tava sutvāna māṇava §.
179. Evaṃ karonti sappaññā, ye honti anukampakā;
nivattayanti sokamhā, ghaṭo jeṭṭhamaṃva bhātaranti.

Ghaṭapaṇḍitajātakaṃ soḷasamaṃ.

Dasakanipātaṃ niṭṭhitaṃ.

Tassuddānaṃ-

Daḷha (1.0225) kaṇha dhanañjaya saṅkhavaro, raja sattaha kassa ca §
takkalinā.

dhammaṃ kukkuṭa kuṇḍali bhojanadā, cakkavāka subhūrisa sotthi ghaṭoti.

11. Ekādasakanipāto

455. Mātuposakajātakaṃ (1)

1. Tassa (1.0226) nāgassa vippavāsena, virūḷhā sallakī ca kuṭajā ca;
kuruvindakaravīrā § tisasāmā ca, nivāte pupphitā ca kaṇikārā.
2. Kocideva suvaṇṇakāyurā, nāgarājaṃ bharanti piṇḍena;
yattha rājā rājakumāro vā, kavacamabhihessati achambhito §.
3. Gaṇhāhi nāga kabaḷamaṃ, mā nāga kisako bhava;
bahūni rājakiccāni, tāni § nāga karissasi.
4. Sā nūnasā kapaṇikā, andhā apariṇāyikā;
khāṇumaṃ pādena ghaṭṭeti, giriṃ caṇḍoraṇamaṃ pati.
5. Kā nu te sā mahānāga, andhā apariṇāyikā;
khāṇumaṃ pādena ghaṭṭeti, giriṃ caṇḍoraṇamaṃ pati.
6. Mātā me sā mahārāja, andhā apariṇāyikā;
khāṇumaṃ pādena ghaṭṭeti, giriṃ caṇḍoraṇamaṃ pati.
7. Muñcathetaṃ mahānāgaṃ, yoyaṃ bharati mātaraṃ;
sametu mātaraṃ nāgo, saha sabbehi ñātibhi.
8. Mutto ca bandhanā nāgo, muttamādāya kuñjaro §.
muhuttaṃ assāsayitvā §, agamā yena pabbato.

9. Tato so naḷiniṃ § gantvā, sītaṃ kuñjarasevitaṃ;
soṇḍāyūdakamāhatvā §, mātaraṃ abhisiñcatha.
10. Koya (1.0227) anariyo devo, akālenapi vassati §.
gato me atrajo putto, yo mayhaṃ paricāraḷo.
11. Uṭṭhehi amma kiṃ sesi, āgato tyāhamatrajo;
muttomhi kāsirājena, vedehena yasassinā.
12. Ciraṃ jīvatu so rājā, kāsīnaṃ raṭṭhavaḍḍhano;
yo me puttaṃ pamocesi, sadā vuddhāpacāyikanti.

Mātuposakajātakaṃ paṭhamaṃ.

456. Juṇhajātakaṃ (2)

13. Suṇohi mayhaṃ vacanaṃ janinda, atthena juṇhamhi idhānupatto;
na brāhmaṇe addhike tiṭṭhamāne, gantabba § māhu dvipadinda § seṭṭha.
14. Suṇomi tiṭṭhāmi vadehi brahme, yenāsi § atthena

idhānupatto.

kaṃ vā tvamatthaṃ mayi patthayāno, idhāgamā brahme tadin̄gha brūhi.

15. Dadāhi me gāmarāni pañca, dāsīsatam satta gavaṃsatāni;
parosahassañca suvaṇṇanikkhe, bhariyā ca me sādīsī dve dadāhi.
16. Tapo nu te brāhmaṇa bhiṃsarūpo, mantā nu te brāhmaṇa cittarūpā;
yakkhā nu § te assavā santi keci, atthaṃ vā me abhijānāsi kattaṃ.
17. Na (1.0228) me tapo atthi na cāpi mantā, yakkhāpi me assavā natthi keci;
atthampi te nābhijānāmi kattaṃ, pubbe ca kho § saṅgattimattamāsi.
18. Paṭhamam idaṃ dassanam jānato me, na tābhijānāmi ito puratthā;
akkhāhi me pucchito etamatthaṃ, kadā kuhiṃ vā ahu saṅgamo no.
19. Gandhārarājassa puramhi ramme, avasimhase takkasīlāyam deva;
tatthandhakāramhi timīsikāyam §, aṃsena aṃsam samaghaṭṭayimha.
20. Te tattha ṭhatvāna ubho janinda, sārāṇiyam § vītisārayimha § tattha.
sāyeva no saṅgattimattamāsi, tato na pacchā na pure ahoṣi.
21. Yadā kadāci manujesu brahme, samāgamo sappurisena hoti;
na paṇḍitā saṅgatisanthavāni, pubbe kataṃ vāpi vināsayanti.
22. Bālāva § kho saṅgatisanthavāni, pubbe kataṃ vāpi vināsayanti.
bahumpi bālesu kataṃ vinassati, tathā hi bālā akataññurūpā.
23. Dhīrā ca kho saṅgatisanthavāni, pubbe kataṃ vāpi na nāsayanti;
appampi dhīresu kataṃ na nassati, tathā hi dhīrā sukataññurūpā.
24. Dadāmi (1.0229) te gāmarāni pañca, dāsīsatam satta gavaṃsatāni;
parosahassañca suvaṇṇanikkhe, bhariyā ca te sādīsī dve dadāmi.
25. Evaṃ satam hoti samecca rāja, nakkhattarājāriva tārakānam;
āpūratī kāsīpatī tathāham, tayāpi me saṅgamo ajja laddhoti.

Juṇhajātakaṃ dutiyam.

457. Dhammadevaputtajātakaṃ (3)

26. Yasokaro puññakarohamasmi, sadāthuto samaṇabrāhmaṇānam;
maggāraho devamanussapūjito, dhammo aham dehi adhamma maggaṃ.
27. Adhammayānam daḷhamāruhītvā, asantasanto balavāhamasmi;
sa kissa hetumhi tavajja dajjam, maggaṃ aham dhamma adinnapubbaṃ.
28. Dhammo have pāturahosi pubbe, pacchā adhammo udapādi loke;
jeṭṭho ca seṭṭho ca sanantano ca, uyyāhi jeṭṭhassa kaniṭṭha maggā.
29. Na yācanāya napi pātirūpā, na arahatā § teham dadeyyam maggaṃ.
yuddhañca no hotu ubhinnamajja, yuddhamhi yo jessati tassa maggo.
30. Sabbā (1.0230) disā anuvisaṭohamasmi, mahabbalo amitayaso atulyo;
guṇehi sabbehi upetarūpo, dhammo adhamma tvam katham vijessasi.
31. Lohena ve haññati jātārūpaṃ, na jātārūpena hananti loham;
sace adhammo haññati § dhammamajja, ayo suvaṇṇam viya dassaneyyam.
32. Sace tuvam yuddhabalo adhamma §, na tuyha vuḍḍhā § ca garū ca atthi.

- maggañca te dammi piyāppiyena, vācāduruttānipi te khamāmi.
33. Idañca sutvā vacanaṃ adhammo, avaṃsiro patito uddhapādo;
“yuddhatthiko ce na labhāmi yuddhaṃ”, ettāvataṃ hoti hato adhammo.
34. Khantibalo yuddhabalaṃ vijetvā, hantvā adhammaṃ nihanitva § bhūmyā.
pāyāsi vitto § abhiruyha sandanaṃ, maggeneva atibalo saccanikkamo.
35. Mātā pitā samaṇabrāhmaṇā ca, asammānitā yassa sake agāre;
idheva nikkhippa sarīradehaṃ, kāyassa bhedaṃ nirayaṃ vajanti te §.
yathā adhammo patito avaṃsiro.
36. Mātā (1.0231) pitā samaṇabrāhmaṇā ca, susammānitā yassa sake agāre;
idheva nikkhippa sarīradehaṃ, kāyassa bhedaṃ sugatiṃ vajanti te;
yathāpi dhammo abhiruyha sandananti.

Dhammadevaputtajātakam § tatiyaṃ.

458. Udayajātakam (4)

37. Ekā nisinnā suci saññatūrū, pāsādamāruyha aninditaṅgī;
yācāmi taṃ kinnaranettacakkhu, imekarattiṃ ubhayo vasema.
38. Okiṇṇantaraparikhaṃ, daḷhamatṭālakoṭṭhakaṃ;
rakkhitaṃ khaggahatthehi, duppavesamidaṃ puraṃ.
39. Daharassa yuvino cāpi, āgamo ca na vijjati;
atha kena nu vaṇṇena, saṅgamaṃ icchase mayā.
40. Yakkhohamasmi kalyāṇi, āgatosmi tavantike §;
tvaṃ maṃ nandaya § bhaddante, puṇṇakaṃsaṃ dadāmi te.
41. Devaṃ va yakkhaṃ atha vā manussaṃ, na patthaye udayamaticca aññaṃ.
gaccheva tvaṃ yakkha mahānubhāva, mā cassu gantvā punarāvajittha.
42. Yā sā rati uttamā kāmabhoginaṃ, yaṃ hetu sattā visamaṃ caranti;
mā taṃ ratiṃ jīyi tvaṃ sucimhi te, dadāmi te rūpiyaṃ kaṃsapūraṃ.
43. Nāriṃ (1.0232) naro nijhapayaṃ dhanena, ukkaṃsatī yattha karoti
chandaṃ;
vipaccanīko tava devadhammo, paccakkhato thokatarena esi.
44. Āyu ca vaṇṇo ca § manussaloke, nihīyati manujānaṃ suggatte.
teneva vaṇṇena dhanampi tuyhaṃ, nihīyati jiṇṇatarāsi ajja.
45. Evaṃ me pekkhamānassa, rājaputti yasassini;
hāyateva tava § vaṇṇo, ahorattānamaccaye.
46. Imināva tvaṃ vayasā, rājaputti sumedhase;
brahmacariyaṃ careyyāsi, bhiyyo vaṇṇavati siyā.
47. Devā na jīranti yathā manussā, gattesu tesam valiyo na honti;
pucchāmi taṃ yakkha mahānubhāva, kathaṃ nu devāna § sarīradeho.

48. Devā na jīranti yathā manussā, gattesu tesam valiyo na honti;
suve suve bhiyyatarova § tesam, dibbo ca vaṇṇo vipulā ca bhogā.
49. Kiṃsūdha bhītā janatā anekā, maggo ca nekāyatanaṃ pavutto;
pucchāmi taṃ yakkha mahānubhāva, katthaṭṭhito paralokaṃ na bhāye.
50. Vācaṃ (1.0233) manañca paṇidhāya sammā, kāyena pāpāni akubbamāno.
bahunnapānaṃ gharamāvasanto, saddho mudū saṃvibhāgī vadaññū;
saṅgāhako sakhilo saṅhavāco, etthaṭṭhito paralokaṃ na bhāye.
51. Anusāsasi maṃ yakkha, yathā mātā yathā pitā;
uḷāravaṇṇaṃ pucchāmi, ko nu tvamasi subrahā.
52. Udayohamasmi kalyāṇi, saṅkarattā idhāgato §.
āmanta kho taṃ gacchāmi, muttosmi tava saṅkarā §.
53. Sace kho tvam udayosi, saṅkarattā idhāgato;
anusāsa maṃ rājaputta, yathāssa puna saṅgamo.
54. Atipatati § vayo khaṇo tatheva, ṭhānaṃ natthi dhuvaṃ cavanti sattā.
parijiyati addhuvam sarīraṃ, udaye mā pamāda § carassu dhammaṃ.
55. Kasiṇā pathavī dhanassa pūrā, ekasseva siyā anaññadheyyā;
tañcāpi jahati § avītarāgo, udaye mā pamāda carassu dhammaṃ.
56. Mātā ca pitā ca bhātaro ca, bhariyā yāpi dhanena hoti kitā §.
te cāpi jahanti aññamaññaṃ, udaye mā pamāda carassu dhammaṃ.
57. Kāyo (1.0234) parabhojananti ṅatvā §, saṃsāre sugatiñca duggatiñca §.
ittaravāsoti jāniyāna, udaye mā pamāda carassu dhammaṃ.
58. Sādhu bhāsatiyaṃ § yakkho, appaṃ maccāna jīvitaṃ;
kasirañca parittañca, tañca dukkhena saṃyutaṃ;
sāhaṃ ekā pabbajissāmi, hitvā kāsimaṃ surundhananti.

Udayajātakaṃ catutthaṃ.

459. Pāṇiyajātakaṃ (5)

59. Mitto mittassa pāṇiyaṃ, adinnaṃ paribhuñjisaṃ;
tena pacchā vijigucchiṃ, taṃ pāpaṃ pakataṃ mayā;
mā puna akaraṃ pāpaṃ, tasmā pabbajito ahaṃ.
60. Paradārañca disvāna, chando me udapajjatha §;
tena pacchā vijigucchiṃ, taṃ pāpaṃ pakataṃ mayā;
mā puna akaraṃ pāpaṃ, tasmā pabbajito ahaṃ.
61. Pitaraṃ me mahārāja, corā agaṇhu § kānane.
tesāhaṃ pucchito jānaṃ, aññathā naṃ viyākarimaṃ.
62. Tena pacchā vijigucchiṃ, taṃ pāpaṃ pakataṃ mayā;
mā puna akaraṃ pāpaṃ, tasmā pabbajito ahaṃ.
63. Pāṇātipātamakaraṃ, somayāge upaṭṭhite;
tesāhaṃ samanuññāsimaṃ, tena pacchā vijigucchiṃ.
64. Taṃ pāpaṃ pakataṃ mayā, mā puna akaraṃ pāpaṃ;

- tasmā pabbajito ahaṃ.
65. Surāmerayamādhukā §, ye janā paṭhamāsu no;
bahūnaṃ te anattāya, majjapānamakappayūṃ.
66. Tesāhaṃ (1.0235) samanūññasiṃ, tena pacchā vijigucchiṃ;
taṃ pāpaṃ pakataṃ mayā, mā puna akaraṃ pāpaṃ;
tasmā pabbajito ahaṃ.
67. Dhiratthu subahū kāme, duggandhe bahukaṇṭake;
ye ahaṃ paṭisevanto, nālabhiṃ tādisaṃ sukhaṃ.
68. Mahassādā sukhā kāmā, natthi kāmā paraṃ § sukhaṃ;
ye kāme paṭisevanti, saggāṃ te upapajjare.
69. Appassādā dukhā kāmā, natthi kāmā paraṃ dukhaṃ;
ye kāme paṭisevanti, nirayaṃ te upapajjare.
70. Asī yathā sunisito, nettiṃsova supāyiko §.
sattiva urasi khittā, kāmā dukkhatarā tato.
71. Aṅgārānaṃva jalitaṃ, kāsuṃ sādhipaporisaṃ;
phālaṃva divasaṃtattaṃ, kāmā dukkhatarā tato.
72. Visāṃ yathā halāhalaṃ, telaṃ pakkuthitaṃ § yathā.
tambaloha § vilīnaṃva, kāmā dukkhatarā tatoti.

Pānīyajātakaṃ pañcamaṃ.

460. Yudhañcayajātakaṃ (6)

73. Mittāmaccaparibyūḷhaṃ §, ahaṃ vande rathesabhaṃ;
pabbajissāmahaṃ rāja §, taṃ devo anumaññatu.
74. Sace te ūnaṃ kāmehi, ahaṃ paripūrayāmi § te.
yo taṃ hiṃsati vāremi, mā pabbaja § yudhañcaya §.
75. Na matthi ūnaṃ kāmehi, hiṃsitā me na vijjati;
dīpañca kātumicchāmi, yaṃ jarā nābhikīrati.
76. Putto (1.0236) vā pitaraṃ yāce, pitā vā puttamorasāṃ;
negamo taṃ yāce § tāta, mā pabbaja yudhañcaya.
77. Mā maṃ deva nivārehi, pabbajantaṃ rathesabha;
māhaṃ kāmehi sammatto, jarāya vasamanvagū.
78. Ahaṃ taṃ tāta yācāmi, ahaṃ putta nivāraye;
ciraṃ taṃ daṭṭhumicchāmi, mā pabbaja yudhañcaya.
79. Ussāvova tiṇaggamhi, sūriyuggamaṃ pati;
evamāyu manussānaṃ, mā maṃ amma nivāraya.
80. Taramāno imaṃ yānaṃ, āropetu § rathesabha.
mā me mātā tarantassa, antarāyakarā ahu.
81. Abhidhāvatha bhaddante, suññaṃ hessati rammakaṃ;
yudhañcayo anuññāto, sabbadattena rājinā.
82. Yohu seṭṭho sahasassa §, yuvā kañcanasannibho;

soyaṃ kumāro pabbajito, kāsāyavasano balī.

83. Ubho kumārā pabbajitā, yudhañcayo yudhiṭṭhilo;
pahāya mātāpitaro, saṅgaṃ chetvāna maccunoti.

Yudhañcayajātakam chaṭṭham.

461. Dasarathajātakam (7)

84. Etha lakkhaṇa sītā ca, ubho otarathodakam;
evāyaṃ bharato āha, “rājā dasaratho mato”.
85. Kena rāmappabhāvena, socitabbam na socasi;
pitaram kālakatam § sutvā, na tam pasahate dukham.
86. Yam na sakkā nipāletum, posena lapatam bahum;

- sa kissa viññū medhāvī, attānamupatāpaye.
87. Daharā (1.0237) ca hi vuddhā ca §, ye bālā ye ca paṇḍitā.
aḍḍhā ceva daliddā ca, sabbe maccuparāyaṇā.
88. Phalānamiva pakkānaṃ, niccaṃ patanato bhayaṃ;
evaṃ jātāna maccānaṃ, nicca maraṇato bhayaṃ.
89. Sāyameke na dissanti, pāto diṭṭhā bahujjanā;
pāto eke na dissanti, sāyaṃ diṭṭhā bahujjanā.
90. Paridevayamāno ce, kiñcidatthaṃ udabbahe;
sammūḷho hiṃsamattānaṃ, kayirā taṃ vicakkhaṇo.
91. Kiso vivaṇṇo bhavati, hiṃsamattānamattano §.
na tena petā pārenti, niratthā paridevanā.
92. Yathā saraṇamādittaṃ, vārinā parinibbaye §;
evampi dhīro sutavā, medhāvī paṇḍito naro;
khippamuppatitaṃ sokaṃ, vāto tūlaṃva dhaṃsaye.
93. Macco ekova § acceti, ekova jāyate kule;
saṃyogaparamātveva, sambhogā sabbapāṇinaṃ.
94. Tasmā hi dhīrassa bahussutassa, sampassato lokamimaṃ parañca;
aññāya dhammaṃ hadayaṃ manañca, sokā mahantāpi na tāpayanti.
95. Sohaṃ dassañca bhokkhañca, bharissāmi ca § ñātake.
sesañca pālayissāmi, kiccametam § vijānato.
96. Dasa vassasahassāni, satṭhi vassasatāni ca;
kambugīvo mahābāhu, rāmo rajjamakārayīti.

Dasarathajātakaṃ sattamaṃ.

462. Saṃvarajātakaṃ (8)

97. Jānanto (1.0238) no mahārāja, tava sīlaṃ janādhipo;
ime kumāre pūjento, na taṃ kenaci maññatha.
98. Tiṭṭhante no mahārāje, adu § deve divaṅgate;
ñātī taṃ samanuññiṃsu, sampassaṃ atthamattano.
99. Kena saṃvaravattena, sañjāte abhitiṭṭhasi;
kena taṃ nātivattanti, ñātisaṅghā samāgatā.
100. Na rājaputta usūyāmi §, samaṇānaṃ mahesinaṃ;
sakkaccaṃ te namassāmi, pāde vandāmi tādinaṃ.
101. Te maṃ dhammaguṇe yuttaṃ, sussūsamanusūyakaṃ;
samaṇā manusāsanti §, isi dhammaguṇe ratā.
102. Tesāhaṃ vacanaṃ sutvā, samaṇānaṃ mahesinaṃ;
na kiñci atimaññāmi, dhamme me nirato mano.
103. Hatthārohā anīkaṭṭhā, rathikā pattikārakā;
tesaṃ § nappaṭibandhāmi, nivīṭṭhaṃ § bhattavetaṇaṃ.
104. Mahāmattā ca me atthi, mantino paricārakā;

- bārāṇasiṃ voharanti, bahumaṃsasurodakaṃ.
105. Athopi vāṇijā phitā, nānāraṭṭhehi āgatā;
tesu me vihitā rakkhā, evaṃ jānāhuposatha.
106. Dhammena kira ñātināṃ, rajjaṃ kārehi saṃvara;
medhāvī paṇḍito cāsi §, athopi ñātināṃ hito.
107. Taṃ taṃ ñātiparibyūḷhaṃ, nānāratanamocitaṃ;
amittā nappasahanti, indaṃva asurādhipoti.

Samvarajātakaṃ aṭṭhamaṃ.

463. Suppārakajātakaṃ (9)

108. Ummujjanti (1.0239) nimujjanti, manussā khuranāsikā;
suppāraṃ taṃ pucchāma, samuddo katamo ayaṃ.
109. Kurukacchā § payātānaṃ, vāṇijānaṃ dhanesinaṃ;
nāvāya vippanaṭṭhāya, khuramālīti vuccati.
110. Yathā aggīva suriyova §, samuddo paṭidissati.
suppāraṃ taṃ pucchāma, samuddo katamo ayaṃ.
111. Kurukacchā payātānaṃ, vāṇijānaṃ dhanesinaṃ;
nāvāya vippanaṭṭhāya, aggimālīti vuccati.
112. Yathā dadhīva khīraṃva §, samuddo paṭidissati;
suppāraṃ taṃ pucchāma, samuddo katamo ayaṃ.
113. Kurukacchā payātānaṃ, vāṇijānaṃ dhanesinaṃ;
nāvāya vippanaṭṭhāya, dadhimālīti § vuccati.
114. Yathā kusova sassova, samuddo paṭidissati;
suppāraṃ taṃ pucchāma, samuddo katamo ayaṃ.
115. Kurukacchā payātānaṃ, vāṇijānaṃ dhanesinaṃ;
nāvāya vippanaṭṭhāya, kusamālīti vuccati.
116. Yathā naḷova veḷūva, samuddo paṭidissati;
suppāraṃ taṃ pucchāma, samuddo katamo ayaṃ.
117. Kurukacchā payātānaṃ, vāṇijānaṃ dhanesinaṃ;
nāvāya vippanaṭṭhāya, naḷamālīti vuccati.
118. Mahabbhaya bhimsanako, saddo suyvatimānuso §.
yathā sobbho papātova, samuddo paṭidissati;
suppāraṃ taṃ pucchāma, samuddo katamo ayaṃ.
119. Kurukacchā (1.0240) payātānaṃ, vāṇijānaṃ dhanesinaṃ;
nāvāya vippanaṭṭhāya, baḷavāmukhīti § vuccati.
120. Yato sarāmi attānaṃ, yato pattosmi viññutaṃ;
nābhijānāmi sañcicca, ekapāṇampi hiṃsitaṃ;
etena saccavajjena, sotthiṃ nāvā nivattatūti.

Suppārakajātakaṃ navamaṃ.

Ekādasakanipātaṃ niṭṭhitaṃ.

Tassuddānaṃ-

Sirimātusuposakanāgavaro, puna juṅhaka dhammamudayavaro;
atha pāṇi yudhañcayako ca, dasaratha saṃvara pāragatena navāti.

12. Dvādasakanipāto

464. Cūḷakuṇālajātakaṃ (1)

1. Luddhānaṃ (1.0241) § lahucittānaṃ, akataññūna dubbhinaṃ.
nādevasatto puriso, thīnaṃ saddhātumarahati.
2. Na tā pajānanti kataṃ na kiccaṃ, na mātaraṃ pitaraṃ bhātaraṃ vā;
anariyā samatikkantadhammā, sasseva cittassa vasaṃ vajanti.
3. Cirānuvuṭṭhampi § piyaṃ manāpaṃ, anukampakaṃ pāṇasamampi bhattuṃ
§.
āvāsu kicesu ca naṃ jahanti, tasmāhamitthīnaṃ na vissasāmi.
4. Thīnañhi cittaṃ yathā vānarassa, kannappakannaṃ yathā rukkhachāyā;
calācalaṃ hadayamitthiyānaṃ, cakkassa nemi viya

parivattati.

5. Yadā tā passanti samekkhamānā, ādeyyarūpaṃ purisassa vittaṃ;
saṅhāhi vācāhi nayanti menaṃ, kambojakā jalajeneva assaṃ.
6. Yadā na passanti samekkhamānā, ādeyyarūpaṃ purisassa vittaṃ;
samantato naṃ parivajjayanti, tiṇṇo nadīpāragatova kullaṃ.
7. Silesūpamā (1.0242) sikhiriva sabbabhakkhā, tikkhamāyā nadīriva sīgha-
sotā;
sevanti hetā piyamappiyañca, nāvā yathā orakūlaṃ parañca.
8. Na tā ekassa na dvinnaṃ, āpaṇova pasārito;
yo tā mayhanti maññeyya, vātaṃ jālena bādhave §.
9. Yathā nadī ca pantho ca, pānāgāraṃ sabhā papā;
evaṃ lokitthiyo nāma, velā tāsamaṃ na vijjati §.
10. Ghatāsanasaṃ etā, kaṇhasappasirūpamā;
gāvo bahitiṇasseva, omasanti varaṃ varaṃ.
11. Ghatāsaṃ kuñjaraṃ kaṇhasappaṃ, muddhābhisittaṃ pamadā ca sabbā.
ete naro niccayato § bhajetha, tesamaṃ have dubbidu sabbabhāvo §.
12. Naccantavaṇṇā na bahūnaṃ kantā, na dakkhiṇā pamadā sevitabbā;
na parassa bhariyā na dhanassa hetu, etitthiyo pañca na sevitabbāti.

Cūḷakuṇāḷajātakaṃ paṭhamaṃ.

465. Bhaddasālajātakaṃ (2)

13. Kā tvaṃ suddhehi vatthehi, aghe vehāyasaṃ § ṭhitā;
kena tyāssūni vattanti, kuto taṃ bhayamāgataṃ.
14. Taveva deva vijite, bhaddasāloti maṃ vidū;
saṭṭhi § vassasahassāni, tiṭṭhato pūjitassa me.
15. Kārayantā (1.0243) nagarāni, agāre ca disampati;
vividhe cāpi pāsāde, na maṃ te accamaññisumaṃ;
yatheva maṃ te pūjesumaṃ, tatheva tvampi pūjaya.
16. Taṃ ivāhaṃ § na passāmi, thūlaṃ kāyena te dumaṃ;
ārohapariṇāhena, abhirūposi jātiyā.
17. Pāsādaṃ kārayissāmi, ekatthambhaṃ manoramaṃ;
tattha taṃ upanessāmi, ciraṃ te yakkha jīvitaṃ.
18. Evaṃ cittaṃ udapādi, sarīrena vinābhāvo;
puthuso maṃ vikantivā, khaṇḍaso avakantatha.
19. Agge ca chetvā majjhe ca, pacchā mūlamhi chindatha §.
evaṃ me chijjamānassa, na dukkhaṃ maraṇaṃ siyā.
20. Hatthapādaṃ § yathā chinde §, kaṇṇanāsañca jīvato;
tato pacchā siro chinde, taṃ dukkhaṃ maraṇaṃ siyā.
21. Sukhaṃ nu khaṇḍaso chinnaṃ, bhaddasālavanappati;
kiṃ hetu kiṃ upādāya, khaṇḍaso chinmicchasi.

22. Yañca hetumupādāya, hetuṃ dhammūpasamḥitaṃ;
khaṇḍaso chinamicchāmi, mahārāja suṇohi me.
23. Ñāti me sukhasamvaddhā, mama passe nivātajā;
tepihaṃ upahiṃseyyaṃ, paresaṃ asukhocitaṃ.
24. Ceteyyarūpaṃ § cetesi, bhaddasālavanappati;
hitakāmosi ñātinaṃ, abhayaṃ samma dammi teti.

Bhaddasālajātakaṃ dutiyaṃ.

466. Samuddavāṇijajātakaṃ (3)

25. Kasanti (1.0244) vapanti te janā, manujā kammaphalūpajivino;
nayimassa dīpakassa bhāgino, jambudīpā idameva no varam.
26. Tipañcarattūpagatamhi cande, vego mahā hehiti sāgarassa;
uplavissaṃ dīpamimaṃ uḷāraṃ, mā vo vadhī gacchatha leṇamaññaṃ.
27. Na jātuyaṃ sāgaravārivego, uplavissaṃ dīpamimaṃ uḷāraṃ;
taṃ me nimittehi bahūhi diṭṭhaṃ, mā bhetha kiṃ socatha modathavho §.
28. Pahūtabhakkhaṃ bahu-annapānaṃ, pattattha āvāsamimaṃ uḷāraṃ;
na vo bhayaṃ paṭipassāmi kiñci, āputtaputtehi pamodathavho.
29. Yo devoyaṃ dakkhiṇāyaṃ § disāyaṃ, khemanti pakkosati tassa saccaṃ.
na uttaro vedi bhayābhayassa, mā bhetha kiṃ socatha modathavho.
30. Yathā ime vippavadanti yakkhā, eko bhayaṃ saṃsati khemameko;
tadiṅgha mayhaṃ vacanaṃ suṇātha, khippaṃ lahuṃ mā vinassimha sabbe.
31. Sabbe (1.0245) samāgama karoma nāvaṃ, doṇiṃ daḷhaṃ sabbayantūpa-
pannaṃ;
sace ayaṃ dakkhiṇo saccamāha, moghaṃ paṭikkosati uttaroyaṃ;
sā ceva no hehiti āpadatthā, imañca dīpaṃ na pariccajema.
32. Sace ca kho uttaro saccamāha, moghaṃ paṭikkosati dakkhiṇoyaṃ;
tameva nāvaṃ abhiruyha sabbe, evaṃ mayaṃ sotthi taremu pāraṃ.
33. Na ve sugaṇhaṃ paṭhamena seṭṭhaṃ, kaniṭṭhamāpāthagataṃ gahetvā;
yo cīdha tacchaṃ § paviceyya gaṇhati §, sa ve naro seṭṭhamupeti ṭhānaṃ.
34. Yathāpi te sāgaravārimajjhe, sakammunā sotthi vahiṃsu vāṇijā;
anāgatatthaṃ paṭivijhiyāna, appampi nācceti sa bhūripaṇṇo.
35. Bālā ca mohena rasānugiddhā, anāgataṃ appaṭivijhiyatthaṃ;
Paccuppanne sīdanti atthajāte, samuddamajjhe yathā te manussā.
36. Anāgataṃ paṭikayirātha kiccaṃ, “mā maṃ kiccaṃ kiccakāle byadhesi”;
taṃ tādisaṃ paṭikata § kiccakāriṃ, na taṃ kiccaṃ kiccakāle byadhetīti.

Samuddavāṇijajātakaṃ tatiyaṃ.

467. Kāmajātakaṃ (4)

37. Kāmaṃ (1.0246) kāmayamānassa, tassa ce taṃ samijjhati;
addhā pītimano hoti, laddhā macco yadicchati.
38. Kāmaṃ kāmayamānassa, tassa ce taṃ samijjhati;
tato naṃ aparaṃ kāme, dhamme taṇhaṃva vindati.
39. Gavaṃva siṅgino siṅgaṃ, vaḍḍhamānassa vaḍḍhati;
evaṃ mandassa posassa, bālassa avijānato;
bhiyyo taṇhā pipāsā ca, vaḍḍhamānassa vaḍḍhati.
40. Pathabyā sāliyavakaṃ, gavassaṃ § dāsaporisaṃ;
datvā ca § nālamekassa, iti vidvā § samaṃ care.
41. Rājā pasayha pathaviṃ vijitvā, sasāgarantaṃ

mahimāvasanto;

oraṃ samuddassa atittarūpo §, pāraṃ samuddassapi patthayetha.

42. Yāva anussaraṃ kāme, manasā titti nājhagā;
tato nivattā paṭikamma disvā, te ve sutittā ye § paññāya tittā.
43. Paññāya tittinaṃ § seṭṭhaṃ, na so kāmehi tappati;
paññāya tittaṃ purisaṃ, taṇhā na kurute vasaṃ.
44. Apacinetheva kāmānaṃ §, appicchassa alolupo;
samuddamatto puriso, na so kāmehi tappati.
45. Rathakārova cammassa, parikantaṃ upāhanaṃ;
yaṃ yaṃ cajati § kāmānaṃ, taṃ taṃ sampajjate sukhaṃ.
sabbam ce sukhamiccheyya, sabbe kāme pariccaje.
46. Aṭṭha (1.0247) te bhāsita gāthā, sabbā honti sahassiyō §.
paṭigaṇha mahābrahme, sādhetam tava bhāsitaṃ.
47. Na me attho sahassehi, satehi nahutehi vā;
pacchimaṃ bhāsato gāthaṃ, kāme me na rato mano.
48. Bhadrako § vatāyaṃ māṇavako, sabbalokavidū muni.
yo imaṃ taṇhaṃ § dukkhajanaṃ, parijānāti paṇḍitoti.

Kāmajātakaṃ catutthaṃ.

468. Janasandhajātakaṃ (5)

49. Dasa khalu imāni § ṭhānāni, yāni pubbe akaritvā;
sa pacchā manutappati, iccevāha § janasandho.
50. Aladdhā vittaṃ tappati, pubbe asamudānitaṃ;
na pubbe dhanamesissaṃ, iti pacchānutappati.
51. Sakyarūpaṃ pure santaṃ, mayā sippaṃ na sikkhitaṃ;
kicchā vutti asippassa, iti pacchānutappati.
52. Kūṭavedī pure āsiṃ, pisuṇo piṭṭhimaṃsiko;
caṇḍo ca pharuso cāpi §, iti pacchānutappati.
53. Pāṇātipātī pure āsiṃ, luddo cāpi § anāriyo;
bhūtānaṃ nāpacāyissaṃ, iti pacchānutappati.
54. Bahūsu vata santīsu, anāpādāsu itthisu;
paradāraṃ asevissaṃ, iti pacchānutappati.
55. Bahumhi vata santamhi, annapāne upaṭṭhite;
na pubbe adadaṃ § dānaṃ, iti pacchānutappati.
56. Mātaraṃ pitarañcāpi, jiṇṇakaṃ gatayobbanam §.
pahu santo na posissaṃ, iti pacchānutappati.
57. Ācariyamanusatthāraṃ (1.0248), sabbakāmarasāharaṃ;
pitaraṃ atimaññissaṃ, iti pacchānutappati.
58. Samaṇe brāhmaṇe cāpi, sīlavante bahussute;
na pubbe payirupāsissaṃ, iti pacchānutappati.

59. Sādhu hoti tapo ciṇṇo, santo ca payirupāsito;
na ca pubbe tapo ciṇṇo, iti pacchānutappati.
60. Yo ca etāni ṭhānāni, yoniso paṭipajjati;
karaṃ purisakiccāni, sa pacchā nānutappatīti.

Janasandhajātakaṃ pañcamaṃ.

469. Mahākaṇhajātakaṃ (6)

61. Kaṇho kaṇho ca ghero ca, sukkadāṭho pabhāsavā §.
baddho pañcahi rajjūhi, kiṃ ravi § sunakho tava.
62. Nāyaṃ migānamatthāya, usīnaka § bhavissati;
manussānaṃ anayo hutvā, tadā kaṇho pamokkhati.
63. Pattahatthā samaṇakā, muṇḍā saṅghāṭipārutā;
naṅgalehi kasissanti, tadā kaṇho pamokkhati.
64. Tapassiniyo § pabbajitā, muṇḍā saṅghāṭipārutā;
yadā loke gamissanti, tadā kaṇho pamokkhati.
65. Dīghottaroṭṭhā jaṭilā, paṅkadantā rajassirā;
iṇaṃ codāya § gacchanti, tadā kaṇho pamokkhati.
66. Adhicca vede § sāvittim, yaññatantañca § brāhmaṇā.
bhatikāya yajissanti, tadā kaṇho pamokkhati.
67. Mātaraṃ pitarañcāpi, jiṇṇakaṃ gatayobbanam;
pahū santo § na bharanti, tadā kaṇho pamokkhati.
68. Mātaraṃ (1.0249) pitarañcāpi, jiṇṇakaṃ gatayobbanam;
bālā tumheti vakkhanti, tadā kaṇho pamokkhati.
69. Ācariyabhariyaṃ sakhiṃ §, mātulāniṃ pitucchakiṃ §.
yadā loke gamissanti, tadā kaṇho pamokkhati.
70. Asicammaṃ gahetvāna, khaggaṃ paggayha brāhmaṇā;
panthaghātaṃ karissanti, tadā kaṇho pamokkhati.
71. Sukkacchavī vedhaverā, thūlabāhū apātubhā;
mittabhedam karissanti, tadā kaṇho pamokkhati.
72. Māyāvino nekatikā, asappurisacintakā;
yadā loke bhavissanti, tadā kaṇho pamokkhatīti.

Mahākaṇhajātakaṃ chaṭṭhaṃ.

470. Kosiyajātakaṃ (7)

73. Neva kiṇāmi napi vikkiṇāmi, na cāpi me sannicayo ca atthi §.
sukiccharūpaṃ vatidaṃ parittaṃ, patthodano nālamayaṃ duvinnaṃ.
74. Appamhā appakaṃ dajjā, anumajjhato majjhakaṃ;
bahumhā bahukaṃ dajjā, adānaṃ nupapajjati §.

75. Taṃ taṃ vadāmi kosiya, dehi dānāni bhuñja ca.
ariyamaggaṃ samārūha Ṣ, nekāsī labhate sukhaṃ.
76. Moghañcassa hutāṃ hoti, moghañcāpi samīhitaṃ;
atithismiṃ yo nisinnasmiṃ, eko bhuñjati bhojanaṃ.
77. Taṃ taṃ vadāmi kosiya, dehi dānāni bhuñja ca;
ariyamaggaṃ samārūha, nekāsī labhate sukhaṃ.
78. Saccañcassa (1.0250) hutāṃ hoti, saccañcāpi samīhitaṃ;
atithismiṃ yo nisinnasmiṃ, neko bhuñjati bhojanaṃ.
79. Taṃ taṃ vadāmi kosiya, dehi dānāni bhuñja ca;
ariyamaggaṃ samārūha, nekāsī labhate sukhaṃ.
80. Sarañca juhāti poso, bahukāya gayāya ca;
doṇe timbarutitthasmiṃ, sīghasote mahāvahe.
81. Atra cassa hutāṃ hoti, atra cassa samīhitaṃ;
atithismiṃ yo nisinnasmiṃ, neko bhuñjati bhojanaṃ.
82. Taṃ taṃ vadāmi kosiya, dehi dānāni bhuñja ca;
ariyamaggaṃ samārūha, nekāsī labhate sukhaṃ.
83. Baḷisañhi so nigilati Ṣ, dīghasuttaṃ sabandhanaṃ;
atithismiṃ yo nisinnasmiṃ, eko bhuñjati bhojanaṃ.
84. Taṃ taṃ vadāmi kosiya, dehi dānāni bhuñja ca;
ariyamaggaṃ samārūha, nekāsī labhate sukhaṃ.

85. Uḷāraṇṇā vata brāhmaṇā ime, ayañca vo sunakho kissa hetu; uccāvacaṃ vaṇṇanibhaṃ vikubbati, akkhātha no brāhmaṇā ke nu tumhe.
86. Cando ca suriyo ca § ubho idhāgatā, ayaṃ pana mātali devasārathi. sakkohamasmi tidasānamindo, eso ca kho pañcasikhoti vuccati.
87. Pāṇissarā mudingā ca §, murajālambarāni ca. suttamenāṃ pabodhenti, paṭibuddho ca nandati.
88. Ye kecime maccharino kadariyā, paribhāsakā samaṇabrāhmaṇānaṃ; idheva nikkhippa sarīradehaṃ, kāyassa bhedaṃ nirayaṃ vajanti.
89. Ye (1.0251) kecime suggamāsānā §, dhamme tthitā saṃyame saṃvibhāge. idheva nikkhippa sarīradehaṃ, kāyassa bhedaṃ sugamānaṃ vajanti.
90. Tvaṃ nosi ñāti purimāsu jātisu, so maccharī rosako § pāpadhammo. taveva atthāya idhāgatamhā, mā pāpadhammo nirayaṃ gamittha §.
91. Addhā hi maṃ vo hitakāmā, yaṃ maṃ samanūsāsatha; sohaṃ tathā karissāmi, sabbaṃ vuttaṃ hitesibhi.
92. Esāhamajjeva upāramāmi, na cāpihaṃ § kiñci kareyya pāpaṃ. na cāpi me kiñci adeyyamatthi, na cāpidatvā udakaṃ pivāmi §.
93. Evañca me dadato sabbakālaṃ §, bhogā ime vāsava khīyissanti. tato ahaṃ pabbajissāmi sakka, hitvāna kāmāni yathodhikānīti.

Kosiyajātakaṃ sattamaṃ.

471. Meṇḍakapañhajātakaṃ (8)

94. Yesaṃ na kadāci bhūtapubbaṃ, sakhyaṃ § sattapadampimasmi loke. jātā amittā duve sahāyā, paṭisandhāya caranti kissa hetu.
95. Yadi (1.0252) me ajja pātārāsakāle, pañhaṃ na sakkuṇeyyātha vattumetaṃ. raṭṭhā pabbājajissāmi vo sabbe, na hi mattho duppaññajātikehi.
96. Mahājanasamāgamamhi ghore, janakolāhalasaṅgamamhi jāte; vikkhittamanā anekacittā, pañhaṃ na sakkuṇoma vattumetaṃ.
97. Ekaggacittāva ekamekā, rahasi gatā atthaṃ nicintayitvā §. paviveke sammāsivāna dhīrā, atha vakkhanti janinda etamatthaṃ.
98. Uggaputta-rājaputtīyānaṃ, urabbhassa maṃsaṃ piyaṃ manāpaṃ; na sunakhassa te adenti maṃsaṃ, atha meṇḍassa suṇena sakhyamassa.
99. Cammaṃ vihananti eḷakassa, assapiṭṭhattharassukhassa § hetu. na ca te sunakhassa attharanti, atha meṇḍassa suṇena sakhyamassa.
100. Āvellitasīṅgiko hi meṇḍo, na ca sunakhassa visāṇakāni atthi; tiṇabhakkho maṃsabhojano ca, atha meṇḍassa suṇena sakhyamassa.
101. Tiṇamāsi palāsamāsi meṇḍo, na ca sunakho tiṇamāsi no palāsaṃ; gaṇheyya suṇo sasaṃ biḷāraṃ, atha meṇḍassa suṇena sakhyamassa.
102. Aṭṭhaḍḍhapado (1.0253) catuppadassa, meṇḍo aṭṭhanakho adissamāno; chādiyamāharatī ayaṃ imassa, maṃsaṃ āharatī ayaṃ amussa.

103. Pāsādavaragato videhaseṭṭho, vitihāraṃ aññamaññabhojanānaṃ;
addakkhi § kira sakkhikaṃ janindo, bubhukkassa puṇṇaṃ mukhassa §
cetamaṃ.
104. Lābhā vata me anapparūpā, yassa medisā paṇḍitā kulamhi;
pañhassa gambhīragataṃ nipuṇamatthaṃ, paṭivijjhanti subhāsitena dhīrā.
105. Assatarirathañca ekamekaṃ, phītaṃ gāmavarañca ekamekaṃ;
sabbesaṃ vo dammi paṇḍitānaṃ, paramappatītamano subhāsitenāti.

Meṇḍakapañhajātakaṃ aṭṭhamaṃ.

472. Mahāpadumajātakaṃ (9)

106. Nādaṭṭhā § parato dosaṃ, aṇuṃ thūlāni sabbaso;
issaro paṇaye daṇḍaṃ, sāmaṃ appaṭivekkhiya.
107. Yo ca appaṭivekkhitvā, daṇḍaṃ kubbaṭi khattiyo;
sakaṇṭakaṃ so gilati, jaccandhova samakkhikaṃ.
108. Adaṇḍiyaṃ daṇḍayati §, daṇḍiyañca adaṇḍiyaṃ §.
andhova visamaṃ maggaṃ, na jānāti samāsamaṃ.
109. Yo ca etāni ṭhānāni, aṇuṃ thūlāni sabbaso;
sudiṭṭhamanusāseyya, sa ve voharitu § marahati.
110. Nekantamudunā (1.0254) sakkā, ekantatikhiṇena vā;
attaṃ mahante § ṭhapetuṃ §, tasmā ubhayamācare.
111. Paribhūto mudu hoti, atitikkho ca veravā;
etañca ubhayaṃ ṇatvā, anumajjhaṃ samācare.
112. Bahumpi ratto bhāseyya, duṭṭhopi bahu bhāsati;
na itthikāraṇā rāja, puttaṃ ghātetumarahasi.
113. Sabbova § loko ekato §, itthī ca ayamekikā.
tenāhaṃ paṭipajjissaṃ, gacchatha pakkhipatheva § taṃ.
114. Anekatāle narake, gambhīre ca suduttare §;
pātito giriduggasmiṃ, kena tvaṃ tattha nāmari.
115. Nāgo jātaphaṇo tattha, thāmavā girisānujo;
paccaggahi maṃ bhogehi, tenāhaṃ tattha nāmariṃ.
116. Ehi taṃ paṭinessāmi, rājaputta sakaṃ gharaṃ;
rajjaṃ kārehi § bhaddante, kiṃ araññe karissasi.
117. Yathā gilitvā baḷisaṃ, uddhareyya salohitaṃ;
uddharitvā sukhī assa, evaṃ § passāmi attanaṃ §.
118. Kiṃ nu tvaṃ baḷisaṃ brūsi, kiṃ tvaṃ brūsi salohitaṃ;
kiṃ nu tvaṃ ubbhataṃ brūsi, taṃ me akkhāhi pucchito.
119. Kāmāhaṃ baḷisaṃ brūmi, hatthi-assaṃ salohitaṃ;
cattāhaṃ ubbhataṃ brūmi, evaṃ jānāhi khattiya.
120. Ciñcāmāṇavikā mātā, devadatto ca me pitā;
ānando paṇḍito nāgo, sārīputto ca devatā;

rājaputto ahaṃ āsiṃ Ś, evaṃ dhāretha jātakanti.

Mahāpadumajātakaṃ navamaṃ.

473. Mittāmittajātakaṃ (10)

121. Kāni (1.0255) kammāni kubbānaṃ, kathaṃ viññū parakkame;
amittaṃ jāneyya medhāvī, disvā sutvā ca paṇḍito.
122. Na naṃ umhayate disvā, na ca naṃ paṭinandati;
cakkhūni cassa § na dadāti, paṭilomañca vattati.
123. Amitte tassa bhajati, mitte tassa na sevati;
vaṇṇakāme nivāreti, akkosante pasaṃsati.
124. Guyhañca tassa nakkhāti, tassa guyhaṃ na gūhati;
kammaṃ tassa na vaṇṇeti, paññassa nappasaṃsati.
125. Abhave nandati tassa, bhava tassa na nandati;
accheraṃ § bhojanaṃ laddhā, tassa nuppajjate sati.
tato naṃ nānukampati, aho sopi § labheyyito.
126. Iccete soḷasākārā, amittasmimṃ patiṭṭhitā;
yehi amittaṃ jāneyya, disvā sutvā ca paṇḍito.
127. Kāni kammāni kubbānaṃ, kathaṃ viññū parakkame;
mittaṃ jāneyya medhāvī, disvā sutvā ca paṇḍito.
128. Pavutthaṃ tassa sarati, āgataṃ abhinandati;
tato kelāyito hoti, vācāya paṭinandati.
129. Mitte tasseva bhajati, amitte tassa na sevati;
akkosante nivāreti, vaṇṇakāme pasaṃsati.
130. Guyhañca tassa akkhāti, tassa guyhañca gūhati;
kammañca tassa vaṇṇeti, paññaṃ tassa § pasaṃsati.
131. Bhave ca nandati tassa §, abhave tassa na nandati;
accheraṃ § bhojanaṃ laddhā, tassa uppajjate sati.
tato naṃ anukampati, aho sopi § labheyyito.
132. Iccete (1.0256) soḷasākārā, mittasmimṃ suppatiṭṭhitā;
yehi mittañca jāneyya §, disvā sutvā ca paṇḍitoti.

Mittāmittajātakaṃ dasamaṃ.

Dvādasakanipātaṃ niṭṭhitaṃ.

Tassuddānaṃ-

Lahucitta sasāla kasanti puna, atha kāma dasakhaluṭṭhānavaro;
atha kaṇha sukosiya meṇḍavaro, padumo puna mittavarena dasāti.

13. Terasakanipāto

474. Ambajātakaṃ (1)

1. Ahāsi (1.0257) § me ambaphalāni pubbe, aṇūni thūlāni ca brahmacāri.
teheva mantehi na dāni tuyhaṃ, dumapphalā pātubhavanti brahme.

2. Nakkhattayogaṃ paṭimānāyāmi, khaṇaṃ muhuttañca mante na passaṃ §. nakkhattayogañca khaṇaṅca laddhā, addhāharissambaphalaṃ § pahūtaṃ.
3. Nakkhattayogaṃ na pure abhāṇi, khaṇaṃ muhuttaṃ na pure asaṃsi; sayāṃ harī § ambaphalaṃ pahūtaṃ, vaṇṇena gandhena rasenupeṭaṃ.
4. Mantābhijappena pure hi § tuyhaṃ, dumapphalā pātubhavanti brahme. svājja na pāresi jappampi mantāṃ §, ayaṃ so ko nāma tavajja dhammo.
5. Caṇḍālaputto mama sampadāsi, dhammena mante pakatiñca saṃsi; mā cassu me pucchito nāmagottaṃ, guyhittho atthaṃ § vijaheyya manto §.
6. Sohaṃ (1.0258) janindena janamhi puṭṭho, makkhābhibhūto alikaṃ abhāṇiṃ. “mantā ime brāhmaṇassā”ti micchā, pahīnamanto kapaṇo rudāmi.
7. Eraṇḍā pucimandā vā, atha vā pālibhaddakā; madhuṃ madhutthiko vinde, so hi tassa dumuttamo.
8. Khatiyā brāhmaṇā vessā, suddā caṇḍālapukkusā; yamhā dhammaṃ vijāneyya, so hi tassa naruttamo.
9. Imassa daṇḍañca vadhañca datvā, gale gahetvā khalayātha § jammaṃ. yo uttamattaṃ kasirena laddhaṃ, mānātimānena vināsayittha.
10. Yathā samaṃ maññamāno pateyya, sobbhaṃ guhaṃ naraṃ pūtipādaṃ; rajjūti vā akkame kaṇhasappaṃ, andho yathā jotimadhiṭṭhaheyya; evampi maṃ tvaṃ khalitaṃ sapañña §, pahīnamantassa punappadāhi §.
11. Dhammena mantāṃ § tava sampadāsiṃ, tuvampi dhammena § pariggahesi.
pakatimpi te attamano asaṃsiṃ, dhamme ṭhitaṃ taṃ § na jaheyya manto.
12. Yo bāla mantāṃ § kasirena laddhaṃ, yaṃ dullabhaṃ aja manussaloke. kiñcāpi laddhā jivituṃ appapañño §, vināsayī alikaṃ bhāsamāno.
13. Bālassa (1.0259) mūḷhassa akatañño ca, musā bhaṇantassa asañña-tassa;
mante mayāṃ tādīsake na dema, kuto mantā gaccha na mayha ruccasīti.

Ambajātakaṃ paṭhamaṃ.

475. Phandanajātakaṃ (2)

14. Kuṭṭhārihattho § puriso, vanamogayha tiṭṭhasi; puṭṭho me samma akkhāhi, kiṃ dāruṃ chetumicchasi.
15. Isso § vanāni carasi, samāni visamāni ca; puṭṭho me samma akkhāhi, kiṃ dāruṃ nemiyā daḷhaṃ.
16. Neva sālo na khadiro, nāssakaṇṇo kuto dhavo; rukkho ca § phandano nāma, taṃ dāruṃ nemiyā daḷhaṃ.
17. Kīdisānissa pattāni, khandho vā pana kīdiso; puṭṭho me samma akkhāhi, yathā jānemu phandanaṃ.
18. Yassa sākhā palambanti, namanti na ca bhañjare; so rukkho phandano nāma, yassa mūle ahaṃ ṭhito.

19. Arānaṃ cakkānābhīnaṃ, isānemirathassa ca;
sabbassa te kammaniyo, ayaṃ hessati phandano.
20. Iti phandanarukkhopi, tāvade ajjhabhāsatha;
mayhampi vacanaṃ atthi, bhāradvāja suṇohi me.
21. Issassa § upakkhandhamhā §, ukkacca caturaṅgulaṃ.
tena nemiṃ pasāresi §, evaṃ daḷhataraṃ siyā.
22. Iti phandanarukkhopi, veraṃ appesi tāvade;
jātānañca ajātānaṃ, issānaṃ dukkhamāvahi.
23. Iccevaṃ (1.0260) § phandano issaṃ, isso ca pana phandanaṃ.
aññamaññaṃ vivādena, aññamaññamaghātayaṃ.
24. Evameva manussānaṃ, vivādo yattha jāyati;
mayūranaccaṃ naccanti, yathā te issaphandanā.
25. Taṃ vo vadāmi bhaddaṃ vo §, yāvattettha samāgatā.

- sammodatha mā vivadatha §, mā hotha issaphandanā.
26. Sāmaggimeva § sikkhetha, buddhehetam pasamsitam;
sāmaggirato dhammaṭṭho, yogakkhemā na dhamṣatīti.

Phandanajātakaṃ dutiyaṃ.

476. Javanahaṃsajātakaṃ (3)

27. Idheva haṃsa nipata, piyaṃ me tava dassanaṃ;
issarosi anupatto, yamidhatthi pavedaya.
28. Savanena ekassa piyā bhavanti, disvā panekassa viyeti § chando.
disvā ca sutvā ca piyā bhavanti, kaccinnu me piyasi § dassanena.
29. Savanena piyo mesi, bhiyyo cāgamma dassanaṃ;
evaṃ piyadassano me §, vasa haṃsa mamantike §.
30. Vaseyyāma tavāgāre, niccaṃ sakkatapūjitā;
matto ca ekadā vajje §, “haṃsarājaṃ pacantu me”.
31. Dhiratthu taṃ majjapānaṃ, yaṃ me piyataraṃ tayā;
na cāpi majjaṃ pissāmi §, yāva me vacchasi ghare.
32. Suvijānaṃ (1.0261) siṅgālānaṃ, sakuṇānañca § vassitaṃ.
manussavassitaṃ rāja, dubbijānataṃ tato.
33. Api ce maññatī poso, ñāti mitto sakhāti vā;
yo pubbe sumano hutvā, pacchā sampajjate diso.
34. Yasmiṃ mano nivisati, avidūre sahāpi so;
santikepi hi so dūre, yasmiṃ nāvisate § mano.
35. Antopi so hoti pasannacitto, pāraṃ samuddassa pasannacitto;
antopi so hoti paduṭṭhacitto, pāraṃ samuddassa paduṭṭhacitto.
36. Saṃvasantā vivasanti, ye disā te rathesabha;
ārā santo saṃvasanti, manasā raṭṭhavaḍḍhana.
37. Aticiraṃ nivāsenā, piyo bhavati appiyo;
āmanta kho taṃ gacchāma §, purā te homa appiyā §.
38. Evaṃ ce yācamānānaṃ, añjaliṃ nāvabujjhasi;
paricārakānaṃ sataṃ §, vacanaṃ na karosi no.
evaṃ taṃ abhiyācāma, puna kayirāsi pariyāyaṃ.
39. Evaṃ ce no viharataṃ, antarāyo na hessati;
tuyhañcāpi § mahārāja, mayhañca § raṭṭhavaḍḍhana.
appeva nāma passemu §, ahoratānamaccayeti.

Javanahaṃsajātakaṃ tatiyaṃ.

477. Cūḷanāradajātakaṃ (4)

40. Na te kaṭṭhāni bhinnāni, na te udakamābhataṃ;

- aggīpi te na hāpito §, kiṃ nu mandova jhāyasi.
41. Na (1.0262) ussahe vane vatthum, kassapāmantayāmi taṃ;
dukkho vāso araṇṇasmim, raṭṭhaṃ icchāmi gantave.
42. Yathā ahaṃ ito gantvā, yasmim janapade vasaṃ;
ācāraṃ brahme § sikkheyyaṃ, taṃ dhammaṃ anusāsa maṃ.
43. Sace araṇṇaṃ hitvāna, vanamūlaphalāni ca;
raṭṭhe rocayase vāsaṃ, taṃ dhammaṃ nisāmehi me.
44. Visaṃ mā paṭisevittho §, papātaṃ parivajjaya;
paṅke ca mā visīdittho §, yatto cāsivise care.
45. Kiṃ nu visaṃ papāto vā, paṅko vā brahmacāriṇaṃ;
kaṃ tvam āsīvisaṃ brūsi, taṃ me akkhāhi pucchito;
46. Āsavo tāta lokasmim, surā nāma pavuccati;
manuṅṅo § surabhī vaggu, sādu § khuddarasūpamo §.
visaṃ tadāhu ariyā se, brahmacariyassa nārada.
47. Itthiyo tāta lokasmim, pamattaṃ pamathenti tā;
haranti yuvino cittaṃ, tūlaṃ bhaṭṭhaṃva māluto;
papāto eso akkhāto, brahmacariyassa nārada.
48. Lābho siloko sakkāro, pūjā parakulesu ca;
paṅko eso ca § akkhāto, brahmacariyassa nārada.
49. Sasatthā § tāta rājāno, āvasanti mahim imaṃ.
te tādise manussinde, mahante tāta nārada.
50. Issarānaṃ adhipatīnaṃ, na tesam pādato care;
āsīvisoti § akkhāto, brahmacariyassa nārada.
51. Bhattattho bhattakāle ca §, yaṃ gehamupasaṅkame;
yadettha kusalaṃ jaṅṅā, tattha ghāsesanaṃ care.
52. Pavisitvā (1.0263) parakulaṃ, pānatthaṃ § bhojanāya vā.
mitaṃ khāde mitaṃ bhuṅje, na ca rūpe manaṃ kare.
53. Goṭṭhaṃ majjaṃ kirāṭaṅca §, sabhā nikiraṇāni ca.
ārakā parivajjehi, yānīva visamaṃ pathanti.

Cūḷanāradajātakaṃ catutthaṃ.

478. Dūtajātakaṃ (5)

54. Dūte te brahme § pāhesim, gaṅgātīrasmi jhāyato;
tesam puṭṭho na byākāsi, dukkhaṃ guyhamataṃ § nu te.
55. Sace te dukkhamuppajje, kāsīnaṃ raṭṭhavaḍḍhana;
mā kho naṃ tassa akkhāhi, yo taṃ dukkhā na mocaye.
56. Yo tassa § dukkhajātassa, ekaṅgamapi bhāgaso §.
vipamoceyya dhammena, kāmaṃ tassa pavedaya §.
57. Suvijānaṃ siṅgālānaṃ, sakuṇānaṅca vassitaṃ;
manussavassitaṃ rāja, dubbijānataraṃ tato.

58. Api ce maññatī poso, ñāti mitto sakhāti vā;
yo pubbe sumano hutvā, pacchā sampajjate diso.

59. Yo attano dukkhamanānupuṭṭho, pavedaye jantu akālarūpe;
ānandino tassa bhavantimittā §, hitesino tassa dukhī bhavanti.

60. Kālañca ñatvāna tathāvidhassa, medhāvīnaṃ ekamanaṃ veditvā;
akkheyya tibbāni § parassa dhīro, saṅhaṃ giraṃ atthavatim pamuñce.

61. Sace (1.0264) ca jaññā avisayhamattano, na te hi mayhaṃ § sukhāga-
māya.

ekova tibbāni saheyya dhīro, saccaṃ hirottappamapekkhamāno.

62. Ahaṃ raṭṭhāni vicaranto, nigame rājadhāniyo;
bhikkhamāno mahārāja, ācariyassa dhanatthiko.

63. Gahapatī rājapurise, mahāsāle ca brāhmaṇe;
alatthaṃ satta nikkhāni, suvaṇṇassa janādhipa;
te me naṭṭhā mahārāja, tasmā socāmahaṃ bhusaṃ.

64. Purisā te mahārāja, manasānuvicintitā;
nālaṃ dukkhā pamocetuṃ, tasmā tesāṃ na byāharim.

65. Tvañca kho me mahārāja, manasānuvicintito;
alam dukkhā pamocetuṃ, tasmā tuyhaṃ pavedayiṃ.
66. Tassādāsi pasannatto, kāsīnaṃ raṭṭhavaḍḍhano;
jātarūpamaye nikkhe, suvaṇṇassa catuddasāti.

Dūtajātakaṃ pañcamam.

479. Kāliṅgabodhijātakaṃ (6)

67. Rājā kāliṅgo cakkavatti, dhammena pathavimanusāsaṃ §.
agamā § bodhisamīpaṃ, nāgena mahānubhāvena.
68. Kāliṅgo bhāradvājo ca, rājānaṃ kāliṅgaṃ samaṇakolaññaṃ;
cakkam vattayato pariggahetvā §, pañjalī idamavoca.
69. Paccoroha mahārāja, bhūmibhāgo yathā samaṇuggato §.
idha anadhivarā buddhā, abhisambuddhā virocanti.
70. Padakkhiṇato (1.0265) āvaṭṭā, tiṇalatā asmiṃ bhūmibhāgasmiṃ;
pathaviyā nābhiyaṃ § maṇḍo, iti no sutam mante mahārāja §.
71. Sāgarapariyantāya, mediniyā sabbabhūtadharaṇiyā;
pathaviyā ayaṃ maṇḍo, orohitvā namo karohi.
72. Ye te bhavanti nāgā ca, abhijātā ca kuñjarā;
ettāvatā padesaṃ te, nāgā neva mupayanti.
73. Abhijāto nāgo § kāmaṃ, pesehi kuñjaraṃ dantiṃ.
ettāvatā padeso §, sakkā § nāgena mupagantuṃ.
74. Taṃ sutvā rājā kāliṅgo, veyyañjanikavaco nisāmetvā;
sampesesi nāgaṃ ṇassāma, mayaṃ yathimassidaṃ § vacanaṃ.
75. Sampesito ca rañña, nāgo koñcova abhinaditvāna;
paṭisakkivā § nisīdi, garuṃva bhāraṃ asahamāno.
76. Kāliṅgabhāradvājo, nāgaṃ khīṇāyukaṃ veditvāna;
rājānaṃ kāliṅgaṃ, taramāno ajjhabhāsitha;
aññaṃ saṅkama nāgaṃ, nāgo khīṇāyuko mahārāja.
77. Taṃ sutvā kāliṅgo, taramāno saṅkamī nāgaṃ;
saṅkanteva rañne, nāgo tattheva pati § bhumyā.
veyyañjanikavaco, yathā tathā ahu nāgo.
78. Kāliṅgo rājā kāliṅgaṃ, brāhmaṇaṃ etadavoca;
tvameva asi sambuddho, sabbaññū sabbadassāvī.
79. Taṃ anadhivāsento kāliṅgaṃ §, brāhmaṇo idamavoca;
veyyañjanikā hi mayaṃ, buddhā sabbaññuno mahārāja.
80. Sabbaññū sabbauidū ca, buddhā na lakkhaṇena jānanti;
āgamabalasā § hi mayaṃ, buddhā sabbaṃ pajānanti.
81. Mahayitvā (1.0266) sambodhiṃ §, nānāturīyehi vajjamānehi.
mālāvilepanaṃ abhiharitvā § atha rājā manupāyāsi §.
82. Saṭṭhi vāhasahassāni, pupphānaṃ sannipātayi;

pūjesi rājā kāliṅgo, bodhimaṇḍamanuttaranti §.

Kāliṅgabodhijātakaṃ chaṭṭhaṃ.

480. Akittijātakaṃ (7)

83. Akittiṃ § disvā sammantaṃ, sakko bhūtapatī bravi;
kiṃ patthayaṃ mahābrahme, eko sammasi ghammani.
84. Dukkho punabbhavo sakka, sarīrassa ca bhedanaṃ;
sammohamaṇaṃ dukkhaṃ, tasmā sammāmi vāsava.
85. Etasmiṃ te sulapite, patirūpe subhāsīte;
varaṃ kassapa te dammi, yaṃ kiñci manasicchasi.
86. Varaṃ ce me ado sakka, sabbabhūtānamissara;
yena putte ca dāre ca, dhanadhaññaṃ piyāni ca;
laddhā narā na § tappanti, so lobho na mayī vase.
87. Etasmiṃ te sulapite, patirūpe subhāsīte;
varaṃ kassapa te dammi, yaṃ kiñci manasicchasi.
88. Varaṃ ce me ado sakka, sabbabhūtānamissara;
khettaṃ vatthum hiraññañca, gavassaṃ dāsaporisaṃ;
yena jātena jīyanti, so doso na mayī vase.
89. Etasmiṃ te sulapite, patirūpe subhāsīte;
varaṃ kassapa te dammi, yaṃ kiñci manasicchasi.
90. Varaṃ (1.0267) ce me ado sakka, sabbabhūtānamissara;
bālaṃ na passe na suṇe, na ca bālena saṃvase;
bālenallāpa § sallāpaṃ, na kare na ca rocaḃe.
91. Kiṃ nu te akaraṃ bālo, vada kassapa kāraṇaṃ;
kena kassapa bālassa, dassanaṃ nābhikañkhasi.
92. Anayaṃ nayati dummedho, adhurāyaṃ niyuñjati;
dunnayo seyyaso hoti, sammā vutto pakuppati;
vinayaṃ so na jānāti, sādhu tassa adassanaṃ.
93. Etasmiṃ te sulapite, patirūpe subhāsīte;
varaṃ kassapa te dammi, yaṃ kiñci manasicchasi.
94. Varaṃ ce me ado sakka, sabbabhūtānamissara;
dhīraṃ passe suṇe dhīraṃ, dhīrena saha saṃvase;
dhīrenallāpasallāpaṃ, taṃ kare tañca rocaḃe.
95. Kiṃ nu te akaraṃ dhīro, vada kassapa kāraṇaṃ;
kena kassapa dhīrassa, dassanaṃ abhikañkhasi.
96. Nayaṃ nayati medhāvī, adhurāyaṃ na yuñjati;
sunayo seyyaso hoti, sammā vutto na kuppati;
vinayaṃ so pajānāti, sādhu tena samāgamo.
97. Etasmiṃ te sulapite, patirūpe subhāsīte;
varaṃ kassapa te dammi, yaṃ kiñci manasicchasi.

98. Varaṃ ce me ado sakka, sabbabhūtānamissara;
tato ratyā vivasāne §, sūriyuggamaṃ § pati.
dibbā bhakkhā pātubhaveyyuṃ, sīlavanto ca yācakā.
99. Dadato me § na khīyetha, datvā nānutapeyyahaṃ;
dadaṃ cittaṃ pasādeyyaṃ, etaṃ sakka varaṃ vare.
100. Etasmiṃ (1.0268) te sulapite, patirūpe subhāsīte;
varaṃ kassapa te dammi, yaṃ kiñci manasicchasi.
101. Varaṃ ce me ado sakka, sabbabhūtānamissara;
na maṃ puna upeyyāsi, etaṃ sakka varaṃ vare.
102. Bahūhi vatacarīyāhi §, narā ca atha nāriyo;
dassanaṃ abhikañkhanti, kiṃ nu me dassane bhayaṃ.
103. Taṃ tādīsaṃ devavaṇṇaṃ §, sabbakāmasamiddhinaṃ;
disvā tapo pamajjeyya §, etaṃ te dassane bhayanti.

Akittijātakaṃ sattamaṃ.

481. Takkāriyajātakaṃ (8)

104. Ahameva dubbhāsitaṃ bhāsi bālo, bhekovaraññe ahimavhāyamāno §.
takkāriye sobbhamimaṃ § patāmi, na kireva sādhu ativelabhāṇī §.
105. Pappoti macco ativelabhāṇī, bandhaṃ vadhaṃ sokapariddavañca;
attānameva garahāsi ettha, ācera yaṃ taṃ nikhaṇanti sobbhe.
106. Kimevahaṃ tuṇḍilamanupucchiṃ, kareyya saṃ § bhātaraṃ kāḷikāyaṃ §.
naggovahaṃ § vatthayugañca jīno, ayampi attho bahutādisova.
107. Yo (1.0269) yujjhamānānamayujjhamāno §, meṇḍantaraṃ accupatī
kuliṅgo.
so piṃsito meṇḍasirehi tattha, ayampi attho bahutādisova.
108. Caturō janā potthakamaggaheṣuṃ, ekañca posāṃ anurakkhamānā;
sabbeva te bhinnasirā sayiṃsu, ayampi attho bahutādisova.
109. Ajā yathā veḷugumbasmiṃ baddhā §, avakkipantī asimajjhagacchi.
teneva tassā galakāvakaṇṭhaṃ §, ayampi attho bahutādisova.
110. Ime na devā na gandhabbaputtā, migā ime atthavaṣaṃ gatā me §.
ekañca naṃ sāyamāse pacantu, ekaṃ punappātarāse § pacantu.
111. Sataṃ sahaṣṣāni dubbhāsītāni, kalampi nāgghanti subhāsītassa;
dubbhāsitaṃ saṅkamāno kilesō §, tasmā tuṇhī kimpurisā § na bālyā.
112. Yā mesā byāhāsi § pamuñcathetaṃ, giriñca naṃ § himavantaṃ nayantu.
imañca kho dentu mahānasāya, pātova naṃ pātarāse pacantu.
113. Pajjunnānāthā (1.0270) pasavo, pasunāthā ayaṃ pajā;
tvaṃ nāthosi § mahārāja, nāthohaṃ bhariyāya me §.
dvinnamaññataraṃ ṇatvā, mutto gaccheyya pabbataṃ.
114. Na ve nindā suparivajjayetha §, nānā janā sevitabbā janinda.
yeneva eko labhate paṣaṃsaṃ, teneva añño labhate ninditāraṃ.
115. Sabbo loko paricitto aticitto §, sabbo loko cittavā samhi citte.
paccekacittā puthu sabbasattā, kassīdha cittassa vase na vatte.
116. Tuṇhī ahū kimpuriso sabhariyo §, yo dāni byāhāsi bhayassa bhīto.
so dāni mutto sukhito arogo, vācākirevattavatī narānanti.

Takkāriyajātakaṃ aṭṭhamaṃ.

482. Rurumigarājajātakaṃ (9)

117. Tassa § gāmaṃ dammi, nāriyo ca alaṅkatā;
yo § metaṃ migamakkhātī §, migānaṃ migamuttamaṃ.
118. Mayhaṃ gāmaṃ dehi, nāriyo ca alaṅkatā;
ahaṃ te migamakkhissaṃ, migānaṃ migamuttamaṃ.
119. Etasmiṃ vanasaṇḍasmiṃ, ambā sālā ca pupphitā;
indagopakasañchannā, ettheso tiṭṭhate migo.
120. Dhanuṃ advejjhaṃ § katvāna, usuṃ sannayhupāgami §.
migo ca disvā rājānaṃ, dūrato ajjhabhāsatha.
121. Āgamehi (1.0271) mahārāja, mā maṃ vijjhi rathesabha;

ko nu te idamakkhāsi, ettheso tiṭṭhate migo.

122. Esa pāpacaro poso, samma tiṭṭhati ārakā;
soyaṃ § me idamakkhāsi, ettheso tiṭṭhate migo.

123. Saccaṃ kireva māhaṃsu, narā ekacciyā idha;
kaṭṭhaṃ niplavitaṃ seyyo, na tvevekacci yo naro.

124. Kiṃ nu ruru garahasi migānaṃ, kiṃ pakkhīnaṃ kiṃ pana mānusānaṃ;
bhayañhi maṃ vindatinapparūpaṃ, sutvāna taṃ mānusiṃ bhāsamānaṃ.

125. Yamuddhariṃ vāhane vuyhamānaṃ, mahodake salile siḡhasote;
tatonidānaṃ bhayamāgataṃ mama, dukkho have rāja asabbhi saṅgamo.

126. Sohaṃ catuppattamimaṃ vihaṅgamaṃ, tanucchidaṃ hadaye ossajāmi;
hanāmi taṃ mittadubbhiṃ akiccakāriṃ §, yo tādisaṃ kammakataṃ na jāne.

127. Dhīrassa bālassa have janinda, santo vadhaṃ nappasaṃsanti jātu;
kāmaṃ gharaṃ gacchatu pāpadhammo, yañcassa bhaṭṭhaṃ tadetassa
dehi;

ahañca te kāmakaro bhavāmi.

128. Addhā ruru aññataro sataṃ so §, yo dubbhato § mānusassa na dubbhi.
kāmaṃ gharaṃ gacchatu pāpadhammo, yañcassa bhaṭṭhaṃ tadetassa
dammi;

ahañca te kāmacāraṃ dadāmi.

129. Suvijānaṃ (1.0272) siṅgālānaṃ, sakuṇānañcavassitaṃ;
manussavassitaṃ rāja, dubbijānataṃ tato.

130. Api ce maññatī poso, ñāti mitto sakhāti vā;
yo pubbe sumano hutvā, pacchā sampajjate diso.

131. Samāgatā jānapadā, negamā ca samāgatā;
migā sassāni khādanti, taṃ devo paṭisedhatu.

132. Kāmaṃ janapado māsi, raṭṭhañcāpi vinassatu;
na tvevāhaṃ ruruṃ dubbhe, datvā abhayadakkhiṇaṃ.

133. Mā me janapado āsi §, raṭṭhañcāpi vinassatu.
na tvevāhaṃ § migarājassa, varaṃ datvā musā bhaṇeti.

Rurumigarājajātakaṃ navamaṃ.

483. Sarabhamigajātakaṃ (10)

134. Āsīsetheva § puriso, na nibbindeyya paṇḍito.
passāmi vohaṃ attānaṃ, yathā icchiṃ tathā ahu.

135. Āsīsetheva puriso, na nibbindeyya paṇḍito;
passāmi vohaṃ attānaṃ, udakā thalamubbhataṃ.

136. Vāyametheva puriso, na nibbindeyya paṇḍito;
passāmi vohaṃ attānaṃ, yathā icchiṃ tathā ahu.

137. Vāyametheva puriso, na nibbindeyya paṇḍito;

passāmi vohaṃ attānaṃ, udakā thalamubbhataṃ.

138. Dukkūpanītopi naro sapañño, āsaṃ na chindeyya sukhāgamāya;
bahū hi phassā ahitā hitā ca, avitakkitaṃ maccamupabbajanti §.

139. Acintitampi (1.0273) bhavati, cintitampi vinassati;
na hi cintāmayā bhogā, itthiyā purisassa vā.
140. Sarabhaṃ giriduggasmiṃ, yaṃ tvaṃ anusarī pure;
alīnacittassa tvaṃ, vikkantamanujīvasi §.
141. Yo taṃ viduggā narakā samuddhari, silāya yoggaṃ sarabho karitvā;
dukkhūpanītaṃ maccumukhā pamocayi, alīnacittaṃ taṃ miggaṃ § vadesi.
142. Kiṃ tvaṃ nu § tattheva tadā ahosi, udāhu te koci naṃ § etadakkhā.
vivaṭṭacchaddo nusi sabbadassī, ñāṇaṃ nu te brāhmaṇa bhīṃsarūpaṃ.
143. Na cevahaṃ tattha tadā ahosiṃ, na cāpi me koci naṃ § etadakkhā.
gāthāpadānañca subhāsītānaṃ, atthaṃ tadānenti janinda dhīrā.
144. Ādāya pattiṃ § paraviriyaḡhātiṃ, cāpe saraṃ kiṃ vicikicchase tvaṃ.
nunno § saro sarabhaṃ hantu khippaṃ, annaṃhi etaṃ varapañña rañño.
145. Addhā pajānāmi ahampi etaṃ, annaṃ migo brāhmaṇa khattiyassa;
pubbe katañca § apacāyamāno, tasmā miggaṃ sarabhaṃ no hanāmi.
146. Neso migo mahārāja, asureso disampati;
etaṃ hantvā manussinda, bhavassu amarādhipo.
147. Sace (1.0274) ca rājā § vicikicchase tvaṃ, hantuṃ miggaṃ sarabhaṃ
sahāyakaṃ §.
saputtadāro naravīraseṭṭha §, gantvā § tvaṃ vetaraṇiṃ yamassa.
148. Kāmaṃ ahaṃ jānapadā ca sabbe, puttā ca dārā ca sahāyasaṅghā;
gacchemu taṃ vetaraṇiṃ yamassa, na tveva hañño mama pāṇado yo §.
149. Ayaṃ migo kicchagatassa mayhaṃ, ekassa kattā vivanasmi ghore;
taṃ tādisaṃ pubbakiccaṃ saranto, jānaṃ mahābrahme kathaṃ haneyyaṃ.
150. Mittābhirādhi cirameva jīva, rajjaṃ imaṃ dhammaguṇe § pasāsa.
nārīgaṇehi paricāriyanto, modassu raṭṭhe tidiveva vāsavo.
151. Akkodhano niccapasannacitto, sabbātithī yācayogo bhavitvā §.
datvā ca bhutvā ca yathānubhāvaṃ, anindito saggamupehi ṭhānanti.

Sarabhamigajātakaṃ dasamaṃ.

Terasakanipātaṃ niṭṭhitaṃ.

Tassuddānaṃ-

Vara-amba (1.0275) kuṭhāri sahaṃsavaro, atharaññasmiṃ dūtakapañca-
mako;
atha bodhi akitti sutakkarinā, atha rurumigenaparo sarabhoti.

14. Pakiṇṇakanipāto

484. Sālikedārajātakaṃ (1)

1. Sampannaṃ (1.0276) sālikedāraṃ, suvā bhuñjanti kosiya;
paṭivedemi te brahme, na ne § vāretumussahe.
2. Eko ca tattha sakuṇo, yo nesaṃ § sabbasundaro;
bhutvā sāliṃ yathākāmaṃ, tuṇḍenādāya gacchati.
3. Oḍḍentu § vāḷapāsāni, yathā vajjhetha so dijo.
jīvañca naṃ gahetvāna, ānayehi § mamantike.
4. Ete bhutvā pivitvā ca §, pakkamanti vihaṅgamā;
eko baddhosmi pāsena, kiṃ pāpaṃ pakataṃ mayā.
5. Udaraṃ nūna aññesaṃ, suva accodaraṃ tava;
bhutvā sāliṃ yathākāmaṃ, tuṇḍenādāya gacchasi.
6. Koṭṭhaṃ nu tattha pūresi, suva veraṃ nu te mayā;
puṭṭho me samma akkhāhi, kuhiṃ sāliṃ nidāhasi §.
7. Na me veraṃ tayā saddhiṃ, koṭṭho mayhaṃ na vijjati;
iṇaṃ muñcāmiṇaṃ dammi, sampatto koṭasimbalīṃ;
nidhimpī tattha nidahāmi, evaṃ jānāhi kosiya.
8. Kīdisaṃ te iṇadānaṃ, iṇamokkho ca kīdiso;
nidhinidhānamakkhāhi, atha pāsā pamokkhasi.
9. Ajātapakkhā taruṇā, puttakā mayha kosiya;
te maṃ bhatā bharissanti, tasmā tesāṃ iṇaṃ dade.
10. Mātā pitā ca me vuddhā, jiṇṇakā gatayobbanā;
tesāṃ tuṇḍena hātūna, muñce pubbakataṃ § iṇaṃ.
11. Aññepi (1.0277) tattha sakuṇā, khīṇapakkhā sudubbalā;
tesāṃ puññatthiko dammi, taṃ nidhiṃ āhu paṇḍitā.
12. Īdisaṃ § me iṇadānaṃ, iṇamokkho ca īdiso.
nidhinidhānamakkhāmi §, evaṃ jānāhi kosiya.
13. Bhaddako vatayaṃ pakkhī, dijo paramadhammiko;
ekaccesu manussesu, ayaṃ dhammo na vijjati.
14. Bhuñja sāliṃ yathākāmaṃ, saha sabbehi ñātibhi;
punāpi suva passemu, piyaṃ me tava dassanaṃ.
15. Bhuttañca pītañca tavassamamhi §, rattiñca § no kosiya te sakāse.
nikkhittadaṇḍesu dadāhi dānaṃ, jiṇṇe ca mātāpitaro bharassu.
16. Lakkhī vata me udapādi ajja, yo addasāsiṃ pavaraṃ § dijānaṃ.
suvassa sutvāna subhāsītāni, kāhāmi puññāni anappakāni.
17. So kosiyo attamano udaggo, annañca pānañcabhisāṅkharitvā §.
annena pānena pasannacitto, santappayi samaṇabrāhmaṇe cātī.

Sālikedārajātakaṃ § paṭhamaṃ.

485. Candakinnarijātakaṃ (2)

18. Upaniyatidaṃ maññe, cande § lohitamaddane.
ajja jahāmi jīvitam, pāṇā § me cande nirujjhanti.
19. Osīdi (1.0278) § me dukkhaṃ § hadayaṃ, me ḍayhate nitammāmi.

tava candiyā socantiyā, na naṃ aññehi sokehi.

20. Tiṇamiva vanamiva milāyāmi §, nadī aparipuṇṇāva § sussāmi.
tava candiyā socantiyā, na naṃ aññehi sokehi.

21. Vassamiva sare pāde §, imāni assūni vattare mayhaṃ.
tava candiyā socantiyā, na naṃ aññehi sokehi.

22. Pāpo khosi § rājaputta, yo me icchitaṃ § patiṃ varākiyā.

vijjhasi vanamūlasmiṃ, soyaṃ viddho chamā seti.

23. Imaṃ mayhaṃ hadayasokaṃ, paṭimuñcatu rājaputta tava mātā;
yo mayhaṃ hadayasoko, kimpurisaṃ avekkhamānāya.
24. Imaṃ mayhaṃ hadayasokaṃ, paṭimuñcatu rājaputta tava jāyā;
yo mayhaṃ hadayasoko, kimpurisaṃ avekkhamānāya.
25. Mā ca puttaṃ § mā ca paṭiṃ, addakkhi rājaputta tava mātā.
yo kimpurisaṃ avadhi, adūsakaṃ mayha kāmā hi §.
26. Mā ca puttaṃ mā ca paṭiṃ, addakkhi rājaputta tava jāyā;
yo kimpurisaṃ avadhi, adūsakaṃ mayha kāmā hi.
27. Mā tvaṃ cande rodi, mā soci vanatimiramattakkhi;
mama tvaṃ hehisi bhariyā, rājakule pūjitā nārībhi §.
28. Api nūnaṃ marissaṃ, nāhaṃ § rājaputta tava hessaṃ;
yo kimpurisaṃ avadhi, adūsakaṃ mayha kāmā hi.
29. Api bhīruke api jīvitukāmike, kimpurisaṃ gaccha himavantaṃ;
tālīsatagarabhojanā, aññe § taṃ migā ramissanti.
30. Te (1.0279) pabbatā tā ca kandarā, § tā ca giriguhāyo tattheva tiṭṭhanti §.
tattheva § taṃ apassantī, kimpurisaṃ kathaṃ ahaṃ kassaṃ.
31. Te paṇṇasanthatā ramaṇīyā, vāḷamigeḥi anuciṇṇā;
tattheva taṃ apassantī, kimpurisaṃ kathaṃ ahaṃ kassaṃ §.
32. Te pupphasanthatā ramaṇīyā, vāḷamigeḥi anuciṇṇā;
tattheva taṃ apassantī, kimpurisaṃ kathaṃ ahaṃ kassaṃ.
33. Acchā savanti girivana § nadiyo, kusumābhikiṇṇasotāyo;
tattheva taṃ apassantī, kimpurisaṃ kathaṃ ahaṃ kassaṃ.
34. Nīlāni himavato pabbatassa, kūṭāni dassanīyāni §.
tattheva taṃ apassantī, kimpurisaṃ kathaṃ ahaṃ kassaṃ.
35. Pītāni himavato pabbatassa, kūṭāni dassanīyāni;
tattheva taṃ apassantī, kimpurisaṃ kathaṃ ahaṃ kassaṃ.
36. Tambāni himavato pabbatassa, kūṭāni dassanīyāni;
tattheva taṃ apassantī, kimpurisaṃ kathaṃ ahaṃ kassaṃ.
37. Tuṅgāni himavato pabbatassa, kūṭāni dassanīyāni;
tattheva taṃ apassantī, kimpurisaṃ kathaṃ ahaṃ kassaṃ.
38. Setāni himavato pabbatassa, kūṭāni dassanīyāni;
tattheva taṃ apassantī, kimpurisaṃ kathaṃ ahaṃ kassaṃ.
39. Citrāni himavato pabbatassa, kūṭāni dassanīyāni;
tattheva taṃ apassantī, kimpurisaṃ kathaṃ ahaṃ kassaṃ.
40. Yakkhagaṇasevite gandhamādane, osadhebbhi sañchanne;
tattheva taṃ apassantī, kimpurisaṃ kathaṃ ahaṃ kassaṃ.
41. Kimpurisevite gandhamādane, osadhebbhi sañchanne;
tattheva taṃ apassantī, kimpurisaṃ kathaṃ ahaṃ kassaṃ.
42. Vande (1.0280) te ayirabrahme §, yo me icchitaṃ paṭiṃ varākiyā.
amatena abhisiñci, samāgatāsmi piyatamena.
43. Vicarāma dāni girivana § nadiyo, kusumābhikiṇṇasotāyo.

nānādumavasanāyo §, piyaṃvadā aññamaññassāti.

Candakinnarijātakaṃ § dutiyaṃ.

486. Mahā-ukkusajātakaṃ (3)

44. Ukkā cilācā § bandhanti dīpe §, pajā mamaṃ khādituṃ patthayanti.
mittaṃ sahāyañca vadehi senaka, ācikkha ñātibyasanaṃ dijānaṃ.
45. Dijo dijānaṃ pavarosi pakkhima §, ukkusarāja saraṇaṃ taṃ upema §.
pajā mamaṃ khādituṃ patthayanti, luddā cilācā § bhava me sukhāya.
46. Mittaṃ sahāyañca karonti paṇḍitā, kāle akāle sukhamesamānā §.
karomi te senaka etamatthaṃ, ariyo hi ariyassa karoti kiccaṃ.
47. Yaṃ hoti kiccaṃ anukampakena, ariyassa ariyena kataṃ tayīdaṃ §.
attānurakkhī bhava mā adayhi §, lacchāma putte tayi jīvamāne.
48. Taveva (1.0281) § rakkhāvaraṇaṃ karonto, sarīrabhedāpi na santasāmi.
karonti heke § sakhīnaṃ sakhāro, pāṇaṃ cajantā § satamesa § dhammo.
49. Sudukkaraṃ kammamakāsi §, aṇḍajāyaṃ vihaṅgamo;
atthāya kuraro putte, aḍḍharatte anāgate.
50. Cutāpi heke § khalitā sakammunā, mittānukampāya patitṭhahanti.
puttā mamaṭṭā gatimāgatosmi, atthaṃ caretho § mama vāricara §.
51. Dhanena dhañña ca attanā ca, mittaṃ sahāyañca karonti paṇḍitā;
karomi te senaka etamatthaṃ, ariyo hi ariyassa karoti kiccaṃ.
52. Apposukko tāta tuvaṃ nisīda, putto pitu carati atthacariyaṃ;
ahaṃ carissāmi tavetamatthaṃ, senassa putte paritāyamāno.
53. Addhā hi tāta satamesa dhammo, putto pitu yaṃ care § atthacariyaṃ.
appeva maṃ disvāna pavaḍḍhakāyaṃ, senassa puttā na viheṭṭhayeyyuṃ.
54. Pasū manussā migavīraseṭṭha §, bhayaṭṭitā § seṭṭhamupabbajanti.
puttā mamaṭṭā gatimāgatosmi, tvaṃ nosi rājā bhava me sukhāya.
55. Karomi (1.0282) te senaka etamatthaṃ, āyāmi te taṃ disataṃ vadhāya;
kathañhi viññū pahu sampajāno, na vāyame attajanassa guttiyā.
56. Mittaṃca kayirātha suhadayañca §, ayirañca kayirātha sukhāgamāya.
nivatthakocova § sarebhihantvā, modāma puttehi samaṅgibhūtā.
57. Sakamittassa kammena, sahāyassāpalāyino;
kūjantamupakūjanti, lomasā hadayaṅgamaṃ.
58. Mittaṃ sahāyaṃ adhigamma paṇḍito, so bhujjati puttā pasuṃ dhanam vā;
ahañca puttā ca patī ca mayhaṃ, mittānukampāya samaṅgibhūtā.
59. Rājavatā sūravatā ca attho, sampannasakhissa bhavanti hete;
so mittavā yasavā uggatatto, asmiṃdhaloke § modati kāmakāmī.
60. Karaṇiyāni mittāni, daliddenāpi senaka;
passa mittānukampāya, samaggamhā sañātaka §.
61. Sūrena balavantena, yo mitte § kurute dijo;
evaṃ so sukhito hoti, yathāhaṃ tvañca senakāti.

Mahā-ukkusajātakaṃ tatiyaṃ.

487. Uddālakajātakaṃ (4)

62. Kharājinā (1.0283) jaṭilā paṅkadantā, dummakkharūpā § ye mantamaṃ jappanti §.
kaccinnu te mānusake payoge, idamaṃ vidū parimuttā apāyā.
63. Pāpāni kammāni karetha § rāja, bahussuto ce na careyya dhammaṃ. saḥassavedopi na taṃ paṭicca, dukkhā pamucce § caraṇamaṃ apatvā.
64. Saḥassavedopi na taṃ paṭicca, dukkhā pamucce caraṇamaṃ apatvā; maññāmi vedā aphaḷā bhavanti, sasamaṃyamaṃ caraṇaññeva saccaṃ.
65. Na heva vedā aphaḷā bhavanti, sasamaṃyamaṃ caraṇaññeva saccaṃ; kittiñhi § pappoti adhicca vede, santiṃ puṇāti § caraṇena danto.
66. Bhaccā mātā pitā bandhū, yena jāto sayeva so; uddālako ahaṃ bhoto §, sottiyākulavaṃsako §.
67. Kathamaṃ bho brāhmaṇo hoti, kathaṃ bhavati kevalī; kathañca parinibbānaṃ, dhammaṃṭṭho kinti vuccati.
68. Niraṃkatvā (1.0284) aggimādāya brāhmaṇo, āpo siñcaṃ yajamaṃ usseti yūpaṃ;
evaṃkaro brāhmaṇo hoti khemī, dhamme ṭhitaṃ tena amāpayiṃsu.
69. Na suddhi secanenatthi, nāpi kevalī brāhmaṇo; na khantī nāpi soraccaṃ, nāpi so parinibbuto.
70. Kathamaṃ so § brāhmaṇo hoti, kathaṃ bhavati kevalī; kathañca parinibbānaṃ, dhammaṃṭṭho kinti vuccati.
71. Akhettabandhū amamo nirāso, nillobhapāpo bhavalobhakhīṇo; evaṃkaro brāhmaṇo hoti khemī, dhamme ṭhitaṃ tena amāpayiṃsu.
72. Khattiyā brāhmaṇā vessā, suddā caṇḍālapukkusā; sabbeva soratā dantā, sabbeva parinibbutā; sabbesaṃ sītibhūtānaṃ, atthi seyyoṭha § pāpiyo.
73. Khattiyā brāhmaṇā vessā, suddā caṇḍālapukkusā; sabbeva soratā dantā, sabbeva parinibbutā; sabbesaṃ sītibhūtānaṃ, natthi seyyoṭha pāpiyo.
74. Khattiyā brāhmaṇā vessā, suddā caṇḍālapukkusā; sabbeva soratā dantā, sabbeva parinibbutā.
75. Sabbesaṃ sītibhūtānaṃ, natthi seyyoṭha pāpiyo; panatthaṃ § carasi brahmaññaṃ, sottiyākulavaṃsataṃ.
76. Nānārattehi vatthehi, vimānaṃ bhavati chāditaṃ; na tesamaṃ chāyā vatthānaṃ, so rāgo anupajjatha.
77. Evameva (1.0285) § manussesu, yadā sujjhanti māṇavā. te sajātiṃ pamuñcanti §, dhammamaññāya subbatāti.

Uddālakajātakaṃ catutthaṃ.

488. Bhisajātakaṃ (5)

78. Assaṃ gavaṃ rajataṃ jātarūpaṃ, bhariyañca so idha labhataṃ manāpaṃ;
puttehi dārehi samaṅgi hotu, bhisāni te brāhmaṇa yo ahāsi.
79. Mālañca so kāsikacandanañca, dhāretu puttassa bahū bhavantu;
kāmesu tibbaṃ kurutaṃ apekkhaṃ, bhisāni te brāhmaṇa yo ahāsi.
80. Pahūtadhañño kasimā yasassī, putte gihī dhanimā sabbakāme;
vayaṃ apassaṃ gharamāvasātu, bhisāni te brāhmaṇa yo ahāsi.
81. So khattiyo hotu pasayhakārī, rājābhirājā § balavā yasassī.
sa cāturantaṃ mahimāvasātu, bhisāni te brāhmaṇa yo ahāsi.
82. So brāhmaṇo hotu avitarāgo, muhuttanakkhattapathesu yutto;
pūjetu naṃ raṭṭhapatī yasassī, bhisāni te brāhmaṇa yo ahāsi.
83. Ajjhāyakaṃ (1.0286) sabbasamantavedaṃ §, tapassīnaṃ maññatu sabba-
loko.
pūjentu naṃ jānapadā samecca, bhisāni te brāhmaṇa yo ahāsi.
84. Catussadaṃ gā mavaraṃ samiddhaṃ, dinnañhi so bhuñjatu vāsavena;
avitarāgo maraṇaṃ upetu, bhisāni te brāhmaṇa yo ahāsi.
85. So gāmaṇī hotu sahāyamajjhe, naccehi gītehi pamodamāno;
so rājato byasana mālattha § kiñci, bhisāni te brāhmaṇa yo ahāsi.
86. Yaṃ ekarājā pathaviṃ vijetvā, itthīsaḥassāna § ṭhapetu aggamaṃ.
sīmantinīnaṃ pavarā bhavātu, bhisāni te brāhmaṇa yā ahāsi.
87. Isīnañhi sā sabbasamāgatānaṃ, bhuñjeyya sādumaṃ avikampamānā;
carātu lābhena vikatthamānā, bhisāni te brāhmaṇa yā ahāsi.
88. Āvāsiko hotu mahāvihāre, navakammiko hotu gajaṅgalāyaṃ §.
ālokasandhiṃ divasaṃ § karotu, bhisāni te brāhmaṇa yo ahāsi.
89. So (1.0287) bajjhatū pāsasatehi chabbhi §, rammā vanā niyyatu rājadhāniṃ
§.
tuttehi so haññatu pācanehi, bhisāni te brāhmaṇa yo ahāsi.
90. Alakkamālī tipukaṇṇavidhho, laṭṭhīhato sappamukhaṃ upetu;
sakacchabandho § visikhaṃ carātu, bhisāni te brāhmaṇa yo ahāsi.
91. Yo ve anaṭṭhaṃva § naṭṭhanti cāha, kāmeva so labhataṃ bhuñjatanāca §.
agāramajjhe maraṇaṃ upetu, yo vā bhonto saṅkati kañcīdeva §.
92. Yadesamānā vicaranti loke, iṭṭhañca kantañca bahūnametaṃ;
piyaṃ manuññaṃ cidha jīvaloke, kasmā isayo nappasaṃsanti kāme.
93. Kāmesu ve haññare bajjhare ca, kāmesu dukkhañca bhayañca jātaṃ;
kāmesu bhūtādhipatī pamattā, pāpāni kammāni karonti mohā.
94. Te pāpadhammā pasavetva pāpaṃ, kāyassa bhedaṃ nirayaṃ vajanti;
ādīnavaṃ kāmaguṇesu disvā, tasmā isayo nappasaṃsanti kāme.
95. Vīmaṃsamāno isino bhisāni, tīre gahetvāna thale nidhesiṃ;
suddhā apāpā isayo vasanti, etāni te brahmacārī bhisāni.
96. Na (1.0288) te naṭṭā no pana kīḷaneyyā, na bandhavā no pana te sahāyā;
kismiṃ vupatthambha saḥassanetta, isīhi tvaṃ kīḷasi

devarāja.

97. Ācariyo mesi pitā ca mayhaṃ, esā patitṭhā khalitassa brahme;
ekāparādhaṃ khama bhūripañña, na paṇḍitā kodhabalā bhavanti.
98. Suvāsitaṃ isinaṃ ekarattaṃ, yaṃ vāsavaṃ bhūtapatiddasāma;
sabbeva bhonto sumanā bhavantu, yaṃ brāhmaṇo paccupādi bhisāni.
99. Ahañca sārputto ca, moggallāno ca kassapo;
anuruddho puṇṇo ānando, tadāsuṃ satta bhātaro.
100. Bhaginiṃ uppalavaṇṇā ca, dāsī khujjuttarā tadā;
citto gahapati dāso, yakkho sātāgiro tadā.
101. Pālileyyo § tadā nāgo, madhudo § seṭṭhavānaro.
kāḷudāyī tadā sakko, evaṃ dhāretha jātakanti.

Bhisajātakaṃ pañcamaṃ.

489. Surucijātakaṃ (6)

102. Mahesī surucino § bhariyā, ānītā paṭhamaṃ ahaṃ;
dasa vassasahassāni, yaṃ maṃ surucimānayaṃ.
103. Sāhaṃ brāhmaṇa rājānaṃ, vedehaṃ mithilaggahaṃ;
nābhijānāmi kāyena, vācāya uda cetasā;
suruciṃ atimaññittha §, āvi § vā yadi vā raho.
104. Etena (1.0289) saccavajjena, putto uppajjataṃ ise;
musā me bhaṇamānāya, muddhā phalatu sattadhā.
105. Bhattu mama sassu mātā, pitā cāpi ca sassuro;
te maṃ brahme vinetāro, yāva aṭṭhaṃsu jīvitaṃ.
106. Sāhaṃ ahiṃsāratinī, kāmasā § dhammacārinī §.
sakkaccaṃ te upaṭṭhāsiṃ, rattindivamatanditā.
107. Etena saccavajjena, putto uppajjataṃ ise;
musā me bhaṇamānāya, muddhā phalatu sattadhā.
108. Soḷasitthisahassāni, sahabhariyāni brāhmaṇa;
tāsu issā vā kodho vā, nāhu mayhaṃ kudācanaṃ.
109. Hitena tāsaṃ nandāmi, na ca me kāci appiyā;
attānaṃvānukampāmi, sadā sabbā sapattiyo.
110. Etena saccavajjena, putto uppajjataṃ ise;
musā me bhaṇamānāya, muddhā phalatu sattadhā.
111. Dāse kammakare pesse §, ye caññe anujivino;
pesemi § sahadhammena, sadā pamuditindriyā.
112. Etena saccavajjena, putto uppajjataṃ ise;
musā me bhaṇamānāya, muddhā phalatu sattadhā.
113. Samaṇe brāhmaṇe cāpi, aññe cāpi vanibbake;
tappemi annapānena, sadā payatapāṇinī.
114. Etena saccavajjena, putto uppajjataṃ ise;

- musā me bhaṇamānāya, muddhā phalatu sattadhā.
- 115.** Cātuddasiṃ pañcaddasiṃ §, yā ca pakkhassa aṭṭhamī §.
pāṭihāriyapakkhañca, aṭṭhaṅgasusamāgataṃ §.
uposathaṃ upavasāmi §, sadā sīlesu saṃvutā.
- 116.** Etena (1.0290) saccavajjena, putto uppajjataṃ ise;
musā me bhaṇamānāya, muddhā phalatu sattadhā.
- 117.** Sabbeva te dhammaguṇā, rājaputti yasassini;
saṃvijjanti tayi bhadde, ye tvaṃ kittesi attani.
- 118.** Khattiyo jātisampanno, abhijāto yasassimā;
dhammarājā videhānaṃ, putto uppajjate tava §.
- 119.** Dummi § rajojalladharo, aghe vehāyasaṃ ṭhito;
manuññaṃ bhāsase vācaṃ, yaṃ mayhaṃ hadayaṅgamaṃ.
- 120.** Devatānusi saggamhā, isi vāsi § mahiddhiko;
ko vāsi tvaṃ anupatto, attānaṃ me pavedaya.
- 121.** Yaṃ devasaṅghā vandanti, sudhammāyaṃ samāgatā;
sohaṃ sakko sahasakkho, āgatosmi tavantike.
- 122.** Itthiyo § jīvalokasmiṃ, yā hoti § samacārinī §.
medhāvinī sīlavatī, sassudevā patibbatā.
- 123.** Tādisāya sumedhāya, sucikammāya nāriyā;
devā dassanamāyanti, mānusiya amānusā.
- 124.** Tvañca bhadde suciṇṇena, pubbe sucaritena ca;
idha rājakule jātā, sabbakāmasamiddhinī.
- 125.** Ayañca te rājaputti, ubhayattha kaṭaggaho;
devalokūpapattī ca, kittī ca idha jīvite.
- 126.** Ciraṃ sumedhe sukhinī, dhammamattani pālaya;
esāhaṃ tidivaṃ yāmi, piyaṃ me tava dassananti.

Surucijātakam chaṭṭhaṃ.

490. Pañcuposathikajātakaṃ (7)

- 127.** Appossukko (1.0291) dāni tuvaṃ kapota, vihaṅgama na tava bhojanattho;
khudaṃ § pipāsaṃ adhivāsayanto, kasmā bhavaṃposathiko kapota §.
- 128.** Ahaṃ pure giddhigato kapotiyā, asmiṃ padesasmimubho ramāma;
athaggahī sākuṇiko kapotiṃ, akāmako tāya vinā ahoṣiṃ.
- 129.** Nānābhavā vippayogena tassā, manomayaṃ vedana vedayāmi §.
tasmā ahaṃposathaṃ pālayāmi, rāgo mamaṃ mā punarāgamāsi.
- 130.** Anujjugāmi uragā dujivha §, dāṭhāvudho ghoravisosi sappa.
khudaṃ pipāsaṃ adhivāsayanto, kasmā bhavaṃposathiko nu dīgha §.
- 131.** Usabho ahū balavā gāmikassa, calakkakū vaṇṇabalūpapanno;
so maṃ akkami taṃ kupito aḍaṃsi, dukkhābhituṇṇo maraṇaṃ upāgā §.
- 132.** Tato janā nikkhamitvāna gāmā, kanditvā roditvā § apakkamiṃsu.

- tasmā ahaṃposathaṃ pālayāmi, kodho mamaṃ mā punarāgamāsi.
- 133.** Matāna (1.0292) maṃsāni bahū susāne, manuññarūpaṃ tava bhojane taṃ.
khudaṃ pipāsaṃ adhivāsayanto, kasmā bhavaṃposathiko siṅgāla §.
- 134.** Pavisī § kucchiṃ mahato gajassa, kuṇape rato hatthimaṃsesu giddho §.
uṇho ca vāto tikhiṇā ca rasmiyo, te sosayuṃ tassa karīsamaggaṃ.
- 135.** Kiso ca paṇḍū ca ahaṃ bhadante, na me ahū nikkhamānāya maggo;
mahā ca meggho sahasā pavassi, so temayī tassa karīsamaggaṃ.
- 136.** Tato ahaṃ nikkhamisaṃ bhadante, cando yathā rāhumukhā

pamutto;

tasmā ahaṃposathaṃ pālayāmi, lobho mamaṃ mā punarāgamāsi.

137. Vammīkathūpasmim̐ kipillikāni, nippothayanto tuvaṃ pure carāsi;
khudaṃ pipāsaṃ adhivāsayanto, kasmā bhavaṃposathiko nu accha §.

138. Sakaṃ niketaṃ atihīlayāno §, atricchatā § mallagāmaṃ § agacchim̐.
tato janā nikkhamitvāna gāmā, kodaṇḍakena paripothayim̐su maṃ.

139. So (1.0293) bhinnasīso ruhiramakkhitaṅgo, paccāgamāsim̐ sakaṃ §
niketaṃ.

tasmā ahaṃposathaṃ pālayāmi, atricchatā mā punarāgamāsi.

140. Yaṃ no apucchittha tuvaṃ bhadante, sabbeva byākarimha yathā pajānaṃ.
mayampi pucchāma tuvaṃ bhadante, kasmā bhavaṃposathiko nu brahme.

141. Anūpalitto mama assamamhi, paccekabuddho muhuttaṃ nisīdi;
so maṃ vedī gatimāgatiṅca, nāmañca gottaṃ caraṇañca sabbaṃ.

142. Evampahaṃ vandi na § tassa pāde, na cāpi naṃ mānagatena pucchim̐.
tasmā ahaṃposathaṃ pālayāmi, māno mamaṃ mā punarāgamāsīti.

Pañcuposathikajātakaṃ sattamaṃ.

491. Mahāmorajātakaṃ (8)

143. Sace hi tyāhaṃ dhanahetu gāhito, mā maṃ vadhī jīvagāhaṃ gahetvā;
rañño ca § maṃ samma upantikaṃ § nehi, maññe dhanaṃ lacchasinappa-
rūpaṃ.

144. Na me ayaṃ tuyha vadhāya ajja, samāhito cāpadhure § khurappo.
pāsañca tyāhaṃ adhipātayissaṃ, yathāsukhaṃ gacchatu morarājā.

145. Yaṃ (1.0294) satta vassāni mamānubandhi, rattindivaṃ khuppipāsaṃ
sahanto;

atha kissa maṃ pāsavasūpanītaṃ, pamuttave icchasi bandhanasmā.

146. Pāṇātipātā virato nusajja, abhayaṃ nu te sabbabhūtesu dinnaṃ;
yaṃ maṃ tuvaṃ pāsavasūpanītaṃ, pamuttave icchasi bandhanasmā.

147. Pāṇātipātā viratassa brūhi, abhayañca yo sabbabhūtesu deti;
pucchāmi taṃ morarājetamatthaṃ, ito cuto kiṃ labhate sukhaṃ so.

148. Pāṇātipātā viratassa brūmi, abhayañca yo sabbabhūtesu deti;
diṭṭheva dhamme labhate paṃsaṃ, saggañca so yāti sarīrabhedā.

149. Na santi devā iti āhu § eke, idheva jīvo vibhavaṃ upeti.
tathā phalaṃ sukatadukkaṭānaṃ, dattupaññattañca vadanti dānaṃ;
tesaṃ vaco arahataṃ saddahāno, tasmā ahaṃ sakuṇe bādhayāmi.

150. Cando ca suriyo ca ubho sudassanā, gacchanti obhāsayamantalikkhe;
imassa lokassa parassa vā te, kathaṃ nu te āhu manussaloke.

151. Cando (1.0295) ca suriyo ca ubho sudassanā, gacchanti obhāsayamanta-
likkhe;

parassa lokassa na te imassa, devāti te āhu manussaloke.

152. Ettheva te nīhatā hīnavādā, ahetukā ye na vadanti kammaṃ;
tathā phalaṃ sukatadukkaṭānaṃ, dattupaññattaṃ ye ca vadanti dānaṃ.

153. Addhā hi saccaṃ vacanaṃ tavedaṃ §, kathañhi dānaṃ aphalaṃ
bhaveyya §.

tathā phalaṃ sukatadukkaṭānaṃ, dattupaññattañca kathaṃ bhaveyya.

154. Kathaṃkaro kintikaro kimācamaṃ, kiṃ sevamāno kena tapoguṇena;
akkhāhi § me morarājetamatthaṃ, yathā ahaṃ no nirayaṃ pateyyaṃ.

155. Ye keci atthi samaṇā pathabyā, kāsāyavatthā anagāriyā te;
pātova piṇḍāya caranti kāle, vikālacariyā viratā hi santo.

156. Te tattha kālenupasaṅkamitvā, pucchāhi yaṃ te manaso piyaṃ siyā;
te te pavakkhanti yathāpajānaṃ, imassa lokassa parassa catthaṃ.

157. Tacaṃva jiṇṇaṃ urago purāṇaṃ, paṇḍūpalāsaṃ harito dumova;
esappahīno mama luddabhāvo, jahāmaṃ luddakabhāvamajja.

158. Ye (1.0296) cāpi me sakuṇā atthi baddhā, satāninekāni nivesanasmiṃ;
tesampahaṃ § jīvitamajja dammi, mokkhañca te pattā § sakaṃ niketaṃ.

159. Luddo carī pāsahattho arañṇe, bādhetu morādhipatiṃ yasassiṃ;
bandhitvā § morādhipatiṃ yasassiṃ, dukkhā sa pamucci § yathāhaṃ pamu-
ttoti.

Mahāmorajātakaṃ aṭṭhamaṃ.

492. Tacchasūkarajātakaṃ (9)

160. Yadesamānā vicarimha, pabbatāni vanāni ca;
anvesaṃ vicariṃ § ñātī, teme adhigatā mayā.

161. Bahuñcidaṃ mūlaphalaṃ, bhakkho cāyaṃ anappako;
rammā cimā girīnajjo §, phāsuvāso bhavissati.

162. Idhevāhaṃ vasissāmi, saha sabbehi ñātibhi;
appossukko nirāsaṅkī, asoko akutobhayo.

163. Aññampi § leṇaṃ pariyesa, sattu no idha vijjati;
so taccha sūkare hanti, idhāgantvā varaṃ varaṃ.

164. Ko numhākaṃ § idha sattu, ko ñātī susamāgate;
duppadhaṃse § padhaṃseti, taṃ me akkhātha pucchitā.

165. Uddhaggarāji migarājā, balī dāṭhāvudho migo;
so taccha sūkare hanti, idhāgantvā varaṃ varaṃ.

166. Na no dāṭhā na vijjanti §, balaṃ kāye samohitaṃ;
sabbe samaggā hutvāna, vasaṃ kāhāma ekakaṃ.

167. Hadayaṅgamaṃ (1.0297) kaṇṇasukhaṃ, vācaṃ bhāsasi tacchaka;
yopi yuddhe palāyeyya, tampi pacchā hanāmase.

168. Pāṇātipātā virato nu ajja, abhayaṃ nu te sabbabhūtesu dinnaṃ;
dāṭhā nu te migavadhāya § na santi, yo saṅghapatto kapaṇova jhāyasi.

169. Na me dāṭhā na vijjanti, balaṃ kāye samohitaṃ;

ñātī ca disvāna sāmaggī ekato, tasmā ca jhāyāmi vanamhi ekako.
170. Imassudaṃ yanti disodisaṃ pure, bhayaṭṭitā leṇagavesino puthu;
te dāni saṅgamma vasanti ekato, yatthaṭṭhitā duppasahajja te mayā.
171. Pariṇāyakaṣaṃpannā, sahitā ekavādino;

- te maṃ samaggā hiṃseyyumaṃ, tasmā nesaṃ na patthaye §.
- 172.** Ekova indo asure jināti, ekova seno hanti dije pasayha;
ekova byaggho migasaṅghapatto, varaṃ varaṃ hanti balañhi tādisaṃ.
- 173.** Na heva indo na seno, napi byaggho migādhipo;
samagge sahite ñāti, na byagge § kurute vase.
- 174.** Kumbhīlakā sakuṇakā, saṅghino gaṇacārino;
sammodamānā ekajjhaṃ, uppatanti ḍayanti ca.
- 175.** Tesañca ḍayamānānaṃ, ekettha apasakkati §;
tañca seno nitāḷeti, veyyagghiyeva sā gati.
- 176.** Ussāhito (1.0298) jaṭilena, luddenāmisacakkhunā;
dāṭhī dāṭhisu pakkhandi, maññamāno yathā pure.
- 177.** Sādhu sambahulā ñāti, api rukkhā araññajā;
sūkarehi samaggehi, byaggho ekāyane hatto.
- 178.** Brāhmaṇaṅceva byagghañca, ubho hantvāna sūkarā.
ānandino pamuditā, mahānādaṃ panādisuṃ.
- 179.** Te su udumbaramūlasmiṃ, sūkarā susamāgatā;
tacchakaṃ abhisiñciṃsu, “tvamaṃ no rājāsi issaro” ti.

Tacchasūkarajātakaṃ navamaṃ.

493. Mahāvāṇijajātakaṃ (10)

- 180.** Vāṇijā samitiṃ katvā, nānāraṭṭhato āgatā;
dhanāharā pakkamiṃsu, ekaṃ katvāna gāmaṇiṃ.
- 181.** Te taṃ kantāramāgamma, appabhakkhaṃ anodakaṃ;
mahānigrodhamaddakkhuṃ, sītacchāyaṃ manoramaṃ.
- 182.** Te ca tattha nisīditvā, tassa rukkhassa chāyayā §.
vāṇijā samacintesuṃ, bālā mohena pārutā.
- 183.** Allāyate § ayaṃ rukkho, api vāriva § sandati.
iṅghassa purimaṃ sākhaṃ, mayaṃ chindāma vāṇijā.
- 184.** Sā ca chinnāva pagghari, acchaṃ vāriṃ anāvilaṃ;
te tattha nhatvā pivitvā, yāvaticchiṃsu vāṇijā.
- 185.** Dutiyaṃ samacintesuṃ, bālā mohena pārutā;
iṅghassa dakkhiṇaṃ sākhaṃ, mayaṃ chindāma vāṇijā.
- 186.** Sā ca chinnāva pagghari, sālīmaṃsodanaṃ bahuṃ;
appodavaṇṇe kummāse, siṅgiṃ vidalasūpiyo §.
- 187.** Te (1.0299) tattha bhutvā khāditvā §, yāvaticchiṃsu vāṇijā.
tatiyaṃ samacintesuṃ, bālā mohena pārutā;
iṅghassa pacchimaṃ sākhaṃ, mayaṃ chindāma vāṇijā.
- 188.** Sā ca chinnāva pagghari, nāriyo samalaṅkatā;
vicitravatthābharaṇā, āmuttamaṇikuṇḍalā.
- 189.** Api su vāṇijā ekā, nāriyo paṇṇavīsati;

- samantā parivāriṃsu §, tassa rukkhassa chāyayā §.
190. Te tāhi paricāretvā §, yāvaticchiṃsu vāṇijā;
catutthaṃ samacintesuṃ, bālā mohena pārutā;
iṅghassa uttaraṃ sākhaṃ, mayaṃ chindāma vāṇijā.
191. Sā ca chinnāva pagghari, muttā veḷuriyā bahū;
rajataṃ jātarūpañca, kuttiyo paṭiyāni ca.
192. Kāsikāni ca vatthāni, uddiyāni ca kambalā §.
te tattha bhāre bandhitvā, yāvaticchiṃsu vāṇijā.
193. Pañcamaṃ samacintesuṃ, bālā mohena pārutā;
iṅghassa mūle § chindāma, api bhiyyo labhāmase.
194. Athuṭṭhahi sathavāho, yācamāno katañjali;
nigrodho kiṃ parajjhati §, vāṇijā bhaddamatthu te.
195. Vāridā purimā sākhā, annapānañca dakkhiṇā;
nāridā pacchimā sākhā, sabbakāme ca uttarā;
nigrodho kiṃ parajjhati, vāṇijā bhaddamatthu te.
196. Yassa rukkhassa chāyāya, nisīdeyya sayeyya vā;
na tassa sākhaṃ bhañjeyya, mittadubbho hi pāpako.
197. Te ca tassānādiyivā §, ekassa vacanaṃ bahū;
nisitāhi kuṭhārīhi §, mūlato naṃ upakkamuṃ.
198. Tato (1.0300) nāgā nikkhamiṃsu, sannaddhā paṇṇavīsati;
dhanuggahānaṃ tisatā, chasahassā ca vammīno.
199. Ete hanatha bandhatha, mā vo muñcittha § jīvitaṃ;
ṭhapetvā sathavāhaṃva, sabbe bhasmaṃ § karotha ne.
200. Tasmā hi paṇḍito poso, sampassaṃ atthamattano;
lobhassa na vasaṃ gacche, haneyyārisakaṃ § manaṃ.
201. Eva § mādīnavaṃ ṇatvā, taṇhā dukkhassa sambhavaṃ;
vītataṇho anādāno, sato bhikkhu paribbajeti.

Mahāvāṇijājātakaṃ dasamaṃ.

494. Sādhinajātakaṃ (11)

202. Abbhuto vata lokasmiṃ, uppajji lomahaṃsano;
dibbo ratho pāturahu, vedehassa yasassino.
203. Devaputto mahiddhiko, mātali § devasārathi;
nimantayittha rājānaṃ, vedehaṃ mithilaggahaṃ.
204. Ehimāṃ rathamāruyha, rājasetṭha disampati;
devā dassanakāmā te, tāvatīṃsā sa-indakā;
saramānā hi te devā, sudhammāyaṃ samacchare.
205. Tato ca rājā sādhino §, vedeho mithilaggaho §.
sahassayuttamāruyha §, agā devāna santike.
taṃ devā paṭinandiṃsu, disvā rājānamāgataṃ.

- 206.** Svāgataṃ te mahārāja, atho te adurāgataṃ;
nisīda dāni rājīsi §, devarājassa santike.
- 207.** Sakkopi paṭinandittha, vedehaṃ mithilaggahaṃ;
nimantayittha § kāmehi, āsanena ca vāsavo.
- 208.** Sādhu (1.0301) khosi anuppatto, āvāsaṃ vasavattinaṃ;
vasa devesu rājīsi, sabbakāmasamiddhisu;
tāvatiṃsesu devesu, bhuñja kāme amānuse.
- 209.** Ahaṃ pure saggagato ramāmi, naccehi gītehi ca vāditehi;
so dāni ajja na ramāmi sagge, āyuṃ nu khīṇo § maraṇaṃ nu santike.
udāhu mūḷhosmi janindaseṭṭha.
- 210.** Na tāyu § khīṇaṃ maraṇaṅca § dūre, na cāpi mūḷho naravīraseṭṭha.
tuyhaṅca § puñṇāni parittakāni, yesaṃ vipākaṃ idha vedayittho §.
- 211.** Vasa devānubhāvena, rājaseṭṭha disampati;

- tāvatiṃsesu devesu, bhuñja kāme amānuse.
- 212.** Yathā yācitakaṃ yānaṃ, yathā yācitakaṃ dhanaṃ;
evaṃ sampadamevetamaṃ, yaṃ parato dānapaccayā.
- 213.** Na cāhametamicchāmi, yaṃ parato dānapaccayā;
sayamaṃkatāni puññāni, taṃ me āveṇikaṃ § dhanaṃ.
- 214.** Sohaṃ gantvā manussesu, kāhāmi kusalaṃ bahumaṃ;
dānena samacariyāya, saṃyamena damena ca;
yaṃ katvā sukhito hoti, na ca pacchānutappati.
- 215.** Imāni tāni khettāni, imaṃ nikkhamaṃ sukuṇḍalam;
imā tā haritānūpā, imā najjo savantiyo.
- 216.** Imā tā pokkharāṇi rammā, cakkavākapakūjitā §.
mandālakehi sañchannā, padumuppalakehi ca;
yassimāni mamāyimsu, kiṃ nu te disamaṃ gatā.
- 217.** Tānidha (1.0302) khettāni so bhūmibhāgo, teyeva āramavanupacārā §.
tameva mayamaṃ janamaṃ apassato, suññaṃva me nārada khāyate disā.
- 218.** Diṭṭhā mayā vimānāni, obhāsentā catuddisā;
sammukhā devarājassa, tidasānañca sammukhā.
- 219.** Vuttaṃ me bhavanaṃ dibyaṃ §, bhuttā kāmā amānusā;
tāvatiṃsesu devesu, sabbakāmasamiddhisu.
- 220.** Sohaṃ etādisamaṃ hitvā, puññāyamaṃhi idhāgato;
dhammameva carissāmi, nāhamaṃ rajjena atthiko.
- 221.** Adaṇḍāvacaramaṃ maggaṃ, sammāsambuddhadesitaṃ;
taṃ maggaṃ paṭipajjissamaṃ, yena gacchanti subbatāti.

Sādhinajātakaṃ § ekādasamaṃ.

495. Dasabrāhmaṇajātakaṃ (12)

- 222.** Rājā avoca vidhuraṃ, dhammakāmo yudhiṭṭhilo;
brāhmaṇe vidhura pariyesa, sīlavante bahussute.
- 223.** Virate methunā dhammā, ye me bhuñjeyyu § bhojanaṃ;
dakkhiṇamaṃ samma dassāma, yattha dinnaṃ mahapphalaṃ.
- 224.** Dullabhā brāhmaṇā deva, sīlavanto bahussutā;
viratā methunā dhammā, ye te bhuñjeyyu bhojanaṃ.
- 225.** Dasa khalu mahārāja, yā tā brāhmaṇajātiyo;
tesamaṃ vibhaṅgaṃ vicayamaṃ §, vitthārena suṇohi me.
- 226.** Pasibbake gahetvāna, puṇṇe mūlassa saṃvute;
osadhikāyo § ganthenti, nhāpayanti § japanti ca.
- 227.** Tikicchakasamā (1.0303) rāja, tepi vuccanti brāhmaṇā;
akkhātā te mahārāja, tādise nipatāmase.
- 228.** Apetā te ca § brahmaññā,
(iti rājā § korabyo)
na te vuccanti brāhmaṇā;

- aññe vidhura pariyesa, sīlavante bahussute.
- 229.** Virate methunā dhammā, ye me bhuñjeyyu bhojanaṃ;
dakkhiṇaṃ samma dassāma, yattha dinnaṃ mahapphalaṃ.
- 230.** Kiṅkiṅikāyo § gahetvā §, ghosenti puratopi te.
pesanānipi gacchanti, rathacariyāsu sikkhare.
- 231.** Paricārakasamā rāja, tepi vuccanti brāhmaṇā;
akkhātā te mahārāja, tādise nipatāmase.
- 232.** Apetā te ca brahmaññā,
(iti rājā korabyo)
na te vuccanti brāhmaṇā;
aññe vidhura pariyesa, sīlavante bahussute.
- 233.** Virate methunā dhammā, ye me bhuñjeyyu bhojanaṃ;
dakkhiṇaṃ samma dassāma, yattha dinnaṃ mahapphalaṃ.
- 234.** Kamaṇḍaluṃ gahetvāna, vaṅkadaṇḍaṅca brāhmaṇā;
paccupessanti rājāno, gāmesu nigamesu ca;
nādinne vuṭṭhahissāma, gāmamhi vā vanamhi vā §.
- 235.** Niggāhakasamā rāja, tepi vuccanti brāhmaṇā;
akkhātā te mahārāja, tādise nipatāmase.
- 236.** Apetā te ca brahmaññā,
(iti rājā korabyo)
na te vuccanti brāhmaṇā;
aññe vidhura pariyesa, sīlavante bahussute.
- 237.** Virate methunā dhammā, ye me bhuñjeyyu bhojanaṃ;
dakkhiṇaṃ samma dassāma, yattha dinnaṃ mahapphalaṃ.
- 238.** Parūḷhakacchanakhalomā (1.0304), paṅkadantā rajassirā;
okiṅṇā rajareṇūhi, yācakā vicaranti te.
- 239.** Khāṇughātasamā rāja, tepi vuccanti brāhmaṇā;
akkhātā te mahārāja, tādise nipatāmase.
- 240.** Apetā te ca brahmaññā,
(iti rājā korabyo)
na te vuccanti brāhmaṇā;
aññe vidhura pariyesa, sīlavante bahussute.
- 241.** Virate methunā dhammā, ye me bhuñjeyyu bhojanaṃ;
dakkhiṇaṃ samma dassāma, yattha dinnaṃ mahapphalaṃ.
- 242.** Harītakaṃ § āmalakaṃ, ambaṃ jambuṃ vibhītakaṃ §.
labujaṃ dantapoṇāni, beluvā badarāni ca.
- 243.** Rājāyatanaṃ ucchu-putaṃ, dhūmanettaṃ madhu-añjanaṃ;
uccāvacaṇi paṇiyāni, vipaṇenti janādhipa.
- 244.** Vāṇijakasamā rāja, tepi vuccanti brāhmaṇā;
akkhātā te mahārāja, tādise nipatāmase.
- 245.** Apetā te ca brahmaññā,
(iti rājā korabyo)

na te vuccanti brāhmaṇā;
aññe vidhura pariyesa, sīlavante bahussute.

246. Virate methunā dhammā, ye me bhuñjeyyu bhojanaṃ;
dakkhiṇaṃ samma dassāma, yattha dinnaṃ mahapphalaṃ.

247. Kasi-vāṇijjaṃ § kārenti, posayanti ajeḷake.
kumāriyo paveccanti, vivāhantāvahanti ca.

248. Samā ambaṭṭhavessehi, tepi vuccanti brāhmaṇā;
akkhātā te mahārāja, tādise nipatāmase.

249. Apetā te ca brahmaññā,
(iti rājā korabyo)

na te vuccanti brāhmaṇā;
aññe vidhura pariyesa, sīlavante bahussute.

250. Virate (1.0305) methunā dhammā, ye me bhuñjeyyu bhojanaṃ;

- dakkhiṇaṃ samma dassāma, yattha dinnaṃ mahapphalaṃ.
- 251.** Nikkhittabhikkhaṃ bhuñjanti, gāmesveke purohitā;
bahū te § paripucchanti, aṇḍacchedā nilañchakā §.
- 252.** Pasūpi tattha haññanti, mahiṃsā sūkarā ajā;
goghātakasamā rāja, tepi vuccanti brāhmaṇā;
akkhātā te mahārāja, tādise nipatāmase.
- 253.** Apetā te brahmaññā,
(iti rājā korabyo)
na te vuccanti brāhmaṇā;
aññe vidhura pariyesa, sīlavante bahussute.
- 254.** Virate methunā dhammā, ye me bhuñjeyyu bhojanaṃ;
dakkhiṇaṃ samma dassāma, yattha dinnaṃ mahapphalaṃ.
- 255.** Asicammaṃ gahetvāna, khaggaṃ paggayha brāhmaṇā;
vessapathesu tiṭṭhanti, satthaṃ abbāhayantipi.
- 256.** Samā gopanisādehi, tepi vuccanti brāhmaṇā;
akkhātā te mahārāja, tādise nipatāmase.
- 257.** Apetā te brahmaññā,
(iti rājā korabyo)
na te vuccanti brāhmaṇā;
aññe vidhura pariyesa, sīlavante bahussute.
- 258.** Virate methunā dhammā, ye me bhuñjeyyu bhojanaṃ;
dakkhiṇaṃ samma dassāma, yattha dinnaṃ mahapphalaṃ.
- 259.** Araññe kuṭikaṃ katvā, kūṭāni kārayanti te;
sasabīḷāre bādheti, āgodhā macchakacchapaṃ.
- 260.** Te luddakasamā rāja §, tepi vuccanti brāhmaṇā;
akkhātā te mahārāja, tādise nipatāmase.
- 261.** Apetā (1.0306) te brahmaññā,
(iti rājā korabyo)
na te vuccanti brāhmaṇā;
aññe vidhura pariyesa, sīlavante bahussute.
- 262.** Virate methunā dhammā, ye me bhuñjeyyu bhojanaṃ;
dakkhiṇaṃ samma dassāma, yattha dinnaṃ mahapphalaṃ.
- 263.** Aññe dhanassa kāmā hi, heṭṭhāmañce pasakkitā §.
rājāno upari nhāyanti, somayāge upaṭṭhite.
- 264.** Malamajjakasamā rāja, tepi vuccanti brāhmaṇā;
akkhātā te mahārāja, tādise nipatāmase.
- 265.** Apetā te brahmaññā,
(iti rājā korabyo)
na te vuccanti brāhmaṇā;
aññe vidhura pariyesa, sīlavante bahussute.
- 266.** Virate methunā dhammā, ye me bhuñjeyyu bhojanaṃ;
dakkhiṇaṃ samma dassāma, yattha dinnaṃ mahapphalaṃ.

267. Atthi kho brāhmaṇā deva, sīlavanto bahussutā;
viratā methunā dhammā, ye te bhuñjeyyu bhojanaṃ.
268. Ekañca bhattaṃ bhuñjanti, na ca majjaṃ pivanti te;
akkhātā te mahārāja, tādise nipatāmase.
269. Ete kho brāhmaṇā vidhura, sīlavanto bahussutā;
ete vidhura pariyesa, khippañca ne § nimantayāti.

Dasabrāhmaṇajātakaṃ dvādasamaṃ.

496. Bhikkhāparamparajātakaṃ (13)

270. Sukhumālarūpaṃ disvā §, raṭṭhā vivanamāgataṃ;
kūṭāgāravārūpetāṃ, mahāsayanamupāsitaṃ §.
271. Tassa (1.0307) te pemakenāhaṃ, adāsiṃ vaḍḍhamodanaṃ §.
sālīnaṃ viciṭṭaṃ bhattaṃ, suciṃ maṃsūpasecanaṃ.
272. Taṃ tvaṃ bhattaṃ paṭiggayha, brāhmaṇassa adāsayaṃ §.
attānaṃ § anasivāna, koyaṃ dhammo namatthu te.
273. Ācariyo brāhmaṇo mayhaṃ, kiccākiccesu byāvaṭo §;
garu ca āmantaniyo § ca, dātumarahāmi bhojanaṃ.
274. Brāhmaṇaṃ dāni pucchāmi, gotamaṃ rājapūjitaṃ;
rājā te bhattaṃ pādāsi, suciṃ maṃsūpasecanaṃ.
275. Taṃ tvaṃ bhattaṃ paṭiggayha, isissa bhojanaṃ adā;
akhettaññūsi dānassa, koyaṃ dhammo namatthu te.
276. Bharāmi putta § dāre ca, gharesu gadhito § ahaṃ.
bhuñje mānusaṃ kāmā, anusāsāmi rājino.
277. Āraññikassa § isino, cirarattaṃ tapassino;
vuḍḍhassa bhāvitattassa, dātumarahāmi bhojanaṃ.
278. Isiñca dāni pucchāmi, kisaṃ dhamanisanthataṃ;
parūḷhakacchanakhalomaṃ, paṅkadantaṃ rajassiraṃ.
279. Eko araññe viharasi §, nāvakaṅkhasi jīvitaṃ;
bhikkhu kena tayā seyyo, yassa tvaṃ bhojanaṃ adā.
280. Khaṇantālukalambāni §, bilālitakkalāni ca §.
dhunaṃ sāmākanivāraṃ, saṅghāriyaṃ pasāriyaṃ §.
281. Sākaṃ bhisāṃ madhuṃ maṃsaṃ, badarāmalakāni ca;
tāni āharitvā § bhuñjāmi, atthi me so pariggaho.
282. Pacanto (1.0308) apacantassa, amamassa sakiñcano §.
anādānassa sādāno, dātumarahāmi bhojanaṃ.
283. Bhikkhuñca dāni pucchāmi, tuṇhīmāsīna subbataṃ;
isi te bhattaṃ pādāsi, suciṃ maṃsūpasecanaṃ.
284. Taṃ tvaṃ bhattaṃ paṭiggayha, tuṇhī bhuñjasi ekako;
nāññaṃ kañci § nimantesi, koyaṃ dhammo namatthu te.
285. Na pacāmi na pācemi, na chindāmi na chedaye;

- taṃ maṃ akiñcanaṃ ñatvā, sabbapāpehi ārataṃ.
286. Vāmena bhikkhamādāya, dakkhiṇena kamaṇḍaluṃ;
isi me bhattaṃ pādāsi, suciṃ maṃsūpasecanaṃ.
287. Ete hi dātumarahanti, samamā sapariggahā;
paccaṅkamaṃ maññe, yo dātāraṃ nimantaye.
288. Atthāya vata me ajja, idhāgacchi rathesabho;
sohaṃ ajja pajānāmi Ṣ, yattha dinnaṃ mahapphalaṃ.
289. Raṭṭhesu giddhā rājāno, kiccākiccesu brāhmaṇā;
isī mūlaphale giddhā, vippamuttā ca bhikkhavoti.

Bhikkhāparamparajātakaṃ terasamaṃ.

Tassuddānaṃ-

Suva kinnara mukka kharājinaso, bhisajāta mahesi kapotavaro;
atha mora satacchaka vāṇijako, atha rāja sabrāhmaṇa bhikkhaparanti.

Pakiṇṇakanipātaṃ niṭṭhitam.

15. Vīsatinipāto

497. Mātaṅgajātakaṃ (1)

1. Kuto (1.0309) nu āgacchasi dummavāsī §, otallako paṃsupisācakova. saṅkāracoḷaṃ paṭimuñca § kaṇṭhe, ko re tuvaṃ hosi § adakkiṇeyyo.
2. Annaṃ tavedaṃ § pakataṃ yasassi, taṃ khajjare bhuñjare piyyare ca. jānāsī maṃ tvaṃ paradattūpajīviṃ, uttiṭṭhapiṇḍaṃ labhataṃ sapāko.
3. Annaṃ mamedamaṃ § pakataṃ brāhmaṇānaṃ, attatthāya saddahato mamedamaṃ §.
apehi etto kimidhaṭṭhitosi, na mādisā tuyhaṃ dadanti jamma.
4. Thale ca ninne ca vapanti bijaṃ, anūpakhetta phalamāsamānā §. etāya saddhāya dadāhi dānaṃ, appeva ārādhaye dakkhiṇeyye.
5. Khettāni mayhaṃ viditāni loke, yesāhaṃ bijāni patiṭṭhapemi; ye brāhmaṇā jātimantūpapannā, tānīdha khettāni supesalāni.
6. Jātimado ca atimānitā ca, lobho ca doso ca mado ca moho; ete aguṇā yesu ca santi § sabbe, tānīdha khettāni apesalāni.
7. Jātimado (1.0310) ca atimānitā ca, lobho ca doso ca mado ca moho; ete aguṇā yesu na santi sabbe, tānīdha khettāni supesalāni.
8. Kvettha gatā § upajotiyo ca, upajjhāyo ca athavā gaṇḍakucchi §. imassa daṇḍaṅca vadhaṅca datvā, gale gahetvā khalayātha § jammaṃ.
9. Giriṃ nakhena khaṇasi, ayo dantehi § khādasi; jātavedaṃ padahasi, yo isiṃ paribhāsasi.
10. Idaṃ vatvāna mātaṅgo, isi saccaparakkamo; antalikkhasmiṃ pakkāmi §, brāhmaṇānaṃ udikkhataṃ.
11. Āvellitamaṃ § piṭṭhito uttamaṅgaṃ, bāhuṃ § pasāreti akammaneyyaṃ §. setāni akkhīni yathā matassa, ko me imaṃ puttamakāsi evaṃ.
12. Idhāgamā samaṇo dummavāsī, otallako paṃsupisācakova; saṅkāracoḷaṃ paṭimuñca kaṇṭhe, so te imaṃ puttamakāsi evaṃ.
13. Katamaṃ disaṃ agamā bhūripaṅṅo, akkhātha me māṇavā etamatthaṃ; gantvāna taṃ paṭikaremu accayaṃ, appeva naṃ putta labhemu jīvitaṃ.
14. Vehāyasaṃ (1.0311) agamā bhūripaṅṅo, pathaddhuno pannaraseva cando. api cāpi so purimadisamaṃ agacchi, saccappaṭiṅṅo isi sādthurūpo.
15. Āvellitamaṃ piṭṭhito uttamaṅgaṃ, bāhuṃ pasāreti akammaneyyaṃ; setāni akkhīni yathā matassa, ko me imaṃ puttamakāsi evaṃ.
16. Yakkhā have santi mahānubhāvā, anvāgatā isayo sādthurūpā; te duṭṭhacittaṃ kupitaṃ viditvā, yakkhā hi te puttamakāṃsu evaṃ.
17. Yakkhā ca me puttamakāṃsu evaṃ, tvaṅṅeva me mā kuddho § brahma-

cāri.

tumheva § pāde saraṇaṃ gatāsmi, anvāgatā puttāsokena bhikkhu.

18. Tadeva hi etarahi ca mayhaṃ, manopadoso na mamatthi § koci.
putto ca te vedamadena matto, atthaṃ na jānāti adhicca vede.
19. Addhā have bhikkhu muhuttakena, sammuyhateva purisassa saññā;
ekāparādhamaṃ § khama bhūripañña, na paṇḍitā kodhabalā bhavanti.
20. Idañca mayhaṃ uttiṭṭhapiṇḍamaṃ, tava § maṇḍabyo bhuñjatu appapañño.
yakkhā ca te naṃ § na viheṭṭhayeyyumaṃ, putto ca te hessati § so arogo.
21. Maṇḍabya (1.0312) bālosi parittapañño, yo puññakhettānamakovidosi;
mahakkasāvesu dadāsi dānaṃ, kiliṭṭhakammesu asaññatesu.
22. Jaṭā ca kesā ajinā nivatthā, jarūdapaṇamaṃva mukhaṃ parūḷhaṃ;
pajamaṃ imaṃ passatha dummarūpaṃ §, na jaṭājinaṃ tāyati appapaññaṃ.
23. Yesamaṃ rāgo ca doso ca, avijjā ca virājitā;
khīṇāsavā arahanto, tesu dinnaṃ mahapphalanti.

Mātaṅgajātakaṃ paṭhamaṃ.

498. Cittasambhūtajātakaṃ (2)

24. Sabbaṃ narānaṃ saphalaṃ suciṇṇamaṃ, na kammaṇā kiñcana mogha-
matthi;
passāmi sambhūtaṃ mahānubhāvaṃ, sakammaṇā puññaphalūpapannaṃ.
25. Sabbaṃ narānaṃ saphalaṃ suciṇṇamaṃ, na kammaṇā kiñcana mogha-
matthi;
kaccinnu cittassapi evamevaṃ, iddho mano tassa yathāpi mayhaṃ.
26. Sabbaṃ narānaṃ saphalaṃ suciṇṇamaṃ, na kammaṇā kiñcana mogha-
matthi;
cittampi jānāhi § tatheva deva, iddho mano tassa yathāpi tuyhaṃ.
27. Bhavaṃ nu citto sutamaññato te, udāhu te koci naṃ etadakkhā;
gāthā sugītā na mamatthi kañkhā, dadāmi te gāmavaraṃ satañca.
28. Na (1.0313) cāhaṃ citto sutamaññato me, isī ca me etamatthaṃ asaṃsi;
“gantvāna rañño paṭigāhi § gāthaṃ, api te varaṃ attamano dadeyya” §.
29. Yojentu ve rājarathe, sukate cittasibbane;
kacchaṃ nāgānaṃ bandhatha, gīveyyaṃ paṭimuñcatha.
30. Āhaññantu § bherimudiṅgasañkhe §, sīghāni yānāni ca yojayantu.
ajjevahaṃ assamaṃ taṃ gamissaṃ, yattheva dakkhissamiṃ nisinnaṃ.
31. Suladdhalābho vata me ahosi, gāthā sugītā parisāya majjhe;
svāhaṃ isiṃ silavatūpapannaṃ, disvā patito sumanohamasmi.
32. Āsanaṃ udakaṃ pajjaṃ, paṭiggaṇhātu no bhavaṃ;
agghe bhavantaṃ pucchāma, agghaṃ kurutu no bhavaṃ.
33. Rammañca te āvasathaṃ karontu, nārīgaṇehi paricārayassu;
karohi okāsamanuggahāya, ubhopi maṃ issariyaṃ karoma.

34. Disvā phalaṃ duccharitassa rāja, atho suciṅṅassa mahāvipākaṃ;
attānameva paṭisaṃyamissaṃ, na patthaye putta Ṣ pasuṃ dhanam vā.
35. Dasevimā vassadasā, maccānaṃ idha jīvitaṃ;

- apattaññeva taṃ odhiṃ, naḷo chinnova sussati.
36. Tattha (1.0314) kā nandi kā khiḍḍā, kā ratī kā dhanesanā;
kiṃ me puttehi dārehi, rāja muttosmi bandhanā.
37. Sohaṃ evaṃ pajānāmi §, maccu me nappamajjati.
antakenādhipannassa, kā ratī kā dhanesanā.
38. Jāti narānaṃ adhamā janinda, caṇḍālayoni dvipadākaniṭṭhā §.
sakehi kammehi supāpakehi, caṇḍālagabbhe § avasimha pubbe.
39. Caṇḍālāhumha avantīsu, migā nerañjaraṃ pati;
ukkusā nammadātīre §, tyajja brāhmaṇakhattiyā.
40. Upanīyati jīvitamappamāyu, jarūpanītassa na santi tāṇā;
karohi pañcāla mameta § vākyam, mākāsi kammāni dukkhudrayāni.
41. Upanīyati jīvitamappamāyu, jarūpanītassa na santi tāṇā;
karohi pañcāla mameta vākyam, mākāsi kammāni dukkhapphalāni.
42. Upanīyati jīvitamappamāyu, jarūpanītassa na santi tāṇā;
karohi pañcāla mameta vākyam, mākāsi kammāni rajassirāni.
43. Upanīyati jīvitamappamāyu, vaṇṇaṃ jarā hanti narassa jīyyato;
karohi pañcāla mameta vākyam, mākāsi kammaṃ nirayūpapattiyā.
44. Addhā (1.0315) hi saccaṃ vacanaṃ tavetaṃ, yathā isi bhāsasi evametaṃ;
kāma ca me santi anapparūpā, te duccejā mādisakena bhikkhu.
45. Nāgo yathā paṅkamajjhe byasanno, passaṃ thalaṃ nābhisambhoti gantuṃ.
evampahaṃ § kāmapaṅke byasanno, na bhikkhuno maggamanubbajāmi.
46. Yathāpi mātā ca pitā ca puttaṃ, anusāsare kinti sukhī bhavēyya;
evampi maṃ tvaṃ anusāsa bhante, yathā ciraṃ § pecca sukhī bhavēyyaṃ.
47. No ce tvaṃ ussahase janinda, kāme ime mānusaḷe pahātuṃ;
dhammiṃ § baliṃ paṭṭhapayassu rāja, adhammakāro tava § māhu raṭṭhe.
48. Dūtā vidhāvantu disā catasso, nimantakā samaṇabrāhmaṇānaṃ;
te annapānena upaṭṭhahassu, vatthena senāsanapaccayena ca.
49. Annena pānena pasannacitto, santappaya samaṇabrāhmaṇe ca;
datvā ca bhutvā ca yathānubhāvaṃ, anindito saggamupehi § ṭhānaṃ.
50. Sace ca taṃ rāja mado saheyya, nārīgaṇehi paricārayantaṃ;
imameva gāthaṃ manasī karohi, bhāsesi § cēnaṃ parisāya majjhe.
51. Abbhokāsasayo (1.0316) jantu, vajantyā khīrapāyito;
parikiṇṇo suvānehi §, svājja rājāti vuccatīti.

Cittasambhūtajātakaṃ dutiyaṃ.

499. Sivijātakaṃ (3)

52. Dūre apassaṃ therova, cakkhuṃ yācituṃ māgato;
ekanettā bhavissāma, cakkhuṃ me dehi yācito.
53. Kenānusiṭṭho idha māgatoṣi, vanibbaka § cakkhupathāni yācituṃ.
sduccajaṃ yācasi uttamaṅgaṃ, yamāhu nettaṃ purisena duccejāṃ.

54. Yamāhu devesu sujampatīti, maghavāti naṃ āhu manussaloke;
tenānusiṭṭho idha māgatosmi, vanibbako cakkhupathāni yācituṃ.
55. Vanibbato § mayha vaniṃ § anuttaraṃ, dadāhi te cakkhupathāni yācito.
dadāhi me cakkhupathaṃ anuttaraṃ, yamāhu nettaṃ purisena duccajaṃ.
56. Yena atthena āgacchi §, yamatthamabhipatthayaṃ;
te te ijjhantu saṅkappā, labha cakkhūni brāhmaṇa.
57. Ekaṃ te yācamānassa, ubhayāni dadāmahaṃ;
sa cakkhumā gaccha janassa pekkhato, yadicchase tvam tadate samijjhatu.
58. Mā (1.0317) no deva adā cakkhum, mā no sabbe parākari §.
dhanaṃ dehi mahārāja, muttā veḷuriyā bahū.
59. Yutte deva rathe dehi, ājāniye calaṅkate;
nāge dehi mahārāja, hemakappanavāsase.
60. Yathā taṃ sivayo § sabbe, sayoggā sarathā sadā;
samantā parikireyyuṃ §, evaṃ dehi rathesabha.
61. Yo ve dassanti vatvāna, adāne kurute mano;
bhūmyaṃ § so patitaṃ pāsaṃ, gīvāyaṃ paṭimuñcati.
62. Yo ve dassanti vatvāna, adāne kurute mano;
pāpā pāpataro hoti, sampatto yamasādhanaṃ.
63. Yañhi yāce tañhi dade, yaṃ na yāce na taṃ dade;
svāhaṃ tameva dassāmi, yaṃ maṃ yācati brāhmaṇo.
64. Āyuṃ nu vaṇṇaṃ nu sukhaṃ balaṃ nu, kiṃ patthayāno nu janinda desi;
kathañhi rājā sivinaṃ anuttaro, cakkhūni dajjā paralokahetu.
65. Na vāhametaṃ yasaṃ dadāmi, na puttamicche na dhanaṃ na raṭṭhaṃ;
satañca dhammo carito purāṇo, icceva dāne ramate mano mama §.
66. Sakhā ca mitto ca mamāsi sivika §, susikkhito sādhu karohi me vaco.
uddharitvā § cakkhūni mamaṃ jigīsato, hatthesu ṭhapehi § vanibbakassa.
67. Codito (1.0318) sivrājena, siviko vacanaṅkaro;
rañño cakkhūnuddharitvā §, brāhmaṇassūpanāmayi.
sacakkhu brāhmaṇo āsi, andho rājā upāvisi.
68. Tato so katipāhassa, uparūḷhesu cakkhusu;
sūtaṃ āmantayī rājā, sivinaṃ raṭṭhavaḍḍhano.
69. Yojehi sārathi yānaṃ, yuttañca paṭivedaya;
uyyānabhūmiṃ gacchāma, pokkharañño vanāni ca.
70. So ca pokkharaṇitīre §, pallaṅkena upāvisi;
tassa sakko pāturahu, devarājā sujampati.
71. Sakkohamasmi devindo, āgatosmi tavantike;
varaṃ varassu rājīsi, yaṃ kiñci manasicchasi.
72. Pahūtaṃ me dhanaṃ sakka, balaṃ koso canappako;
andhassa me sato dāni, maraṇaṅṅeva rucati.
73. Yāni saccāni dvipadinda, tāni bhāsassu khattiya;
saccaṃ te bhaṇamānassa, puna cakkhu bhavissati.
74. Ye maṃ yācituṃāyanti, nānāgottā vanibbakā;

- yopi maṃ yācate tattha, sopi me manaso piyo;
etena saccavajjena, cakkhu me upapajjatha.
75. Yaṃ maṃ so yācituṃ āgā, dehi cakkhanti brāhmaṇo;
tassa cakkhūni pādāsiṃ, brāhmaṇassa vanibbato §.
76. Bhiyyo maṃ āvisī pīti, somanassañcanappakaṃ;
etena saccavajjena, dutiyaṃ me upapajjatha.
77. Dhammena bhāsītā gāthā, sivīnaṃ raṭṭhavaḍḍhana;
etāni tava nettāni, dibbāni paṭidissare.
78. Tirokuṭṭaṃ tiroselaṃ, samatiggayha pabbataṃ;
samantā yojanasataṃ, dassanaṃ anubhontu te.
79. Ko (1.0319) nīdha vittaṃ na dadeyya yācito, api visiṭṭhaṃ supiyampi attano.
tadiṅgha sabbe sivayo samāgatā, dibbāni nettāni mamajja passatha.
80. Tirokuṭṭaṃ tiroselaṃ, samatiggayha pabbataṃ;
samantā yojanasataṃ, dassanaṃ anubhonti me.
81. Na cāgamattā paramatthi kiñci, maccānaṃ idha jīvite;
datvāna mānusaṃ § cakkhuṃ, laddhaṃ me § cakkhuṃ amānusaṃ.
82. Etampi disvā sivayo, detha dānāni bhuñjatha;
datvā ca bhutvā ca yathānubhāvaṃ, aninditā saggamupetha ṭhānanti.

Sivijātakaṃ tatiyaṃ.

500. Sirīmantajātakaṃ (4)

83. Paññāyupetaṃ siriyā vihīnaṃ, yasassinaṃ vāpi apetapaññaṃ;
pucchāmi taṃ senaka etamatthaṃ, kamettha seyyo kusalā vadanti.
84. Dhīrā ca bālā ca have janinda, sippūpapannā ca asippino ca;
sujātimitopi ajātimassa, yasassino pesakarā § bhavanti.
etampi disvāna ahaṃ vadāmi, pañño nihīno sirīmāva § seyyo.
85. Tuvampi pucchāmi anomapañña, mahosadha kevaladhammadassi;
bālaṃ yasassiṃ paṇḍitaṃ appabhogaṃ, kamettha seyyo kusalā vadanti.
86. Pāpāni (1.0320) kammāni karoti bālo §, idhameva § seyyo iti maññaṃāno
idhalokadassī paralokamadassī, ubhayattha bālo kalimaggahesi;
etampi disvāna ahaṃ vadāmi, pañnova seyyo na yasassi bālo.
87. Na sippametaṃ vidadhāti bhogaṃ, na bandhuvā § na sarīravaṇṇo yo §.
passeḷamūgaṃ sukhamedhamānaṃ, sirī hi naṃ bhajate goravindaṃ §.
etampi disvāna ahaṃ vadāmi, pañño nihīno sirīmāva seyyo.
88. Laddhā sukhaṃ majjati appapañño, dukkhena phuṭṭhopi pamohameti;
āgantunā dukkhasukhena phuṭṭho, pavedhati vāricarova ghamme;
etampi disvāna ahaṃ vadāmi, pañnova seyyo na yasassi bālo.
89. Dumaṃ yathā sāduphalaṃ arañṇe, samantato samabhisaranti § pakkhī.
evampi aḍḍhaṃ sadhanaṃ sabhogaṃ, bahujjano bhajati atthahetu;
etampi disvāna ahaṃ vadāmi, pañño nihīno sirīmāva seyyo.

90. Na sādhu balavā bālo, sāhasā vindate dhanam;
kandantametam dummedham, kaḍḍhanti nirayam bhusam;
etampi disvāna aham vadāmi, pañño va seyyo na yasassi bālo.
91. Yā (1.0321) kāci najjo gaṅgamabhissavanti, sabbāva tā nāmagottam
jahanti;
gaṅgā samuddam paṭipajjamānā, na khāyate iddhiṃ paññopi loke §.
etampi disvāna aham vadāmi, pañño nihīno sirīmāva seyyo.
92. Yametamakkhā udadhiṃ mahantam, savanti najjo sabbakālamasaṅkhyam.
so sāgaro niccamuḷāravego, velaṃ na acceti mahāsamuddo.
93. Evampi bālassa pajappitāni, pañnam na acceti sirī kadāci;
etampi disvāna aham vadāmi, pañño va seyyo na yasassi bālo.
94. Asaññato cepi paresamattham, bhaṇāti sandhānagato § yasassi.
tasseva tam rūhati ñātimajjhe, sirī hi nam § kārayate na paññā §.
etampi disvāna aham vadāmi, pañño nihīno sirīmāva seyyo.
95. Parassa vā attano vāpi hetu, bālo musā bhāsati appapañño;
so nindito hoti sabhāya majjhe, pacchāpi § so duggatigāmī hoti.
etampi disvāna aham vadāmi, pañño va seyyo na yasassi bālo.
96. Atthampi (1.0322) ce bhāsati bhūripañño, anāḷhiyo § appadhano daliddo.
na tassa tam rūhati ñātimajjhe, sirī ca paññāṇavato na hoti;
etampi disvāna aham vadāmi, pañño nihīno sirīmāva seyyo.
97. Parassa vā attano vāpi hetu, na bhāsati alikaṃ bhūripañño;
so pūjito hoti sabhāya majjhe, pacchāpi so suggatigāmī hoti;
etampi disvāna aham vadāmi, pañño va seyyo na yasassi bālo.
98. Hatthī gavassā maṇikuṇḍalā ca, thiyo ca iddhesu kulesu jātā;
sabbāva tā upabhogā bhavanti, iddhassa posassa aniddhimanto;
etampi disvāna aham vadāmi, pañño nihīno sirīmāva seyyo.
99. Asaṃvihitakammantam, bālam dummedhamantinaṃ;
sirī jahati dummedham, jīṇṇamva urago tacam;
etampi disvāna aham vadāmi, pañño va seyyo na yasassi bālo.
100. Pañca paṇḍitā mayam bhaddante, sabbe pañjalikā upaṭṭhitā;
tvam no abhibhuyya issarosi, sakkova bhūtapati devarājā;
etampi disvāna aham vadāmi, pañño nihīno sirīmāva seyyo.
101. Dāsova (1.0323) paññassa yasassi bālo, atthesu jātesu tathāvidhesu;
yam paṇḍito nipuṇam saṃvidheti, sammohamāpajjati tattha bālo;
etampi disvāna aham vadāmi, pañño va seyyo na yasassi bālo.
102. Addhā hi paññāva satam pasatthā, kantā sirī bhogaratā manussā;

ñāṇaṅca buddhānamatulyarūpaṃ, paññaṃ na acceti sirī kadāci.
103. Yaṃ taṃ apucchimha akittayī no, mahosadha kevaladhammadassī;
gavaṃ sahaṃsaṃ usabhaṅca nāgaṃ, ājaññayutte ca rathe dasa ime;
pañhassa veyyākaraṇena tuṭṭho, dadāmi te gāmaṃvarāni soḷasāti.

Sirīmantajātakaṃ § catutthaṃ.

501. Rohaṇamigajātakaṃ (5)

104. Ete yūthā patiyanti, bhītā maraṇassa § cittaka.
gaccha tuvampi mākaṅkhi, jīvissanti tayā saha.
105. Nāhaṃ rohaṇa § gacchāmi, hadayaṃ me avakassati;
na taṃ ahaṃ jahissāmi, idha hissāmi jīvitaṃ.
106. Te hi nūna marissanti, andhā aparīṇāyakā;
gaccha tuvampi mākaṅkhi, jīvissanti tayā saha.
107. Nāhaṃ rohaṇa gacchāmi, hadayaṃ me avakassati;
na taṃ baddhaṃ § jahissāmi, idha hissāmi jīvitaṃ.
108. Gaccha (1.0324) bhīru palāyassu, kūṭe baddhosmi āyase;
gaccha tuvampi mākaṅkhi, jīvissanti tayā saha.
109. Nāhaṃ rohaṇa gacchāmi, hadayaṃ me avakassati;
na taṃ ahaṃ jahissāmi, idha hissāmi jīvitaṃ.
110. Te hi nūna marissanti, andhā aparīṇāyakā;
gaccha tuvampi mākaṅkhi, jīvissanti tayā saha.
111. Nāhaṃ rohaṇa gacchāmi, hadayaṃ me avakassati;
na taṃ baddhaṃ jahissāmi, idha hissāmi jīvitaṃ.
112. Ayaṃ so luddako eti, luddarūpo § sahāvudho;
yo no vadhissati ajja, usunā sattiyā api §.
113. Sā muhuttaṃ palāyitvā, bhayaṭṭā § bhayatajjitā;
sudukkaraṃ akarā bhīru, maraṇāyūpanivattatha.
114. Kinnu teme migā honti, muttā baddhaṃ upāsare;
na taṃ cajitumicchanti, jīvitassapi kāraṇā.
115. Bhātaro honti me ludda, sodariyā ekamātukā;
na maṃ cajitumicchanti, jīvitassapi kāraṇā.
116. Te hi nūna marissanti, andhā aparīṇāyakā;
pañcannaṃ jīvitaṃ dehi, bhātaraṃ muñca luddaka.
117. So vo ahaṃ pamokkhāmi, mātāpettibharaṃ migamaṃ;
nandantu mātāpitaro, muttaṃ disvā mahāmigamaṃ.
118. Evaṃ luddaka nandassu, saha sabbehi ñātibhi;
yathāhamajja nandāmi, muttaṃ disvā mahāmigamaṃ.
119. Kathaṃ tvaṃ pamokkho § āsi, upanītasmi jīvite.
kathaṃ putta amocesi, kūṭapāsama luddako.
120. Bhaṇaṃ kaṇṇasukhaṃ vācaṃ, hadayaṅgaṃ hadayassitaṃ;
subhāsītāhi vācāhi, cittako maṃ amocayi.

121. Bhaṇaṃ (1.0325) kaṇṇasukhaṃ vācaṃ, hadayaṅgaṃ hadayassitaṃ;
subhāsītāhi vācāhi, sutanā maṃ amocayi.
122. Sutvā kaṇṇasukhaṃ vācaṃ, hadayaṅgaṃ hadayassitaṃ;
subhāsītāni sutvāna, luddako maṃ amocayi.
123. Evaṃ ānandito hotu, saha dārehi luddako;
yathā mayajja nandāma, disvā rohaṇamāgataṃ.
124. Nanu tvaṃ avaca § ludda, “migacammāni āhariṃ”;
atha kena nu vaṇṇena, migacammāni nāhari.
125. Āgamā ceva hatthatthaṃ, kūṭapāsañca so migo;
abajjhi taṃ § migarājaṃ, tañca muttā upāsare.
126. Tassa me ahu saṃvego, abbhuto lomahaṃsano;
imañcāhaṃ migam haññe, ajja hissāmi jīvitaṃ.
127. Kīdisā te migā ludda, kīdisā dhammikā migā;
kathaṃvaṇṇā kathaṃsīlā, bāḷhaṃ kho ne pasamsasi.
128. Odātasiṅgā sucivāḷā, jātarūpatacūpamā;
pādā lohitakā tesam, añjitakkhā manoramā.
129. Edisā te migā deva, edisā dhammikā migā;
mātāpettibharā deva, na te so abhihārituṃ §.
130. Dammi nikkhasataṃ ludda, thūlañca maṇikuṇḍalaṃ;
catussadañca § pallaṅkaṃ, umāpupphasarinnibhaṃ §.
131. Dve ca sādisiyo bhariyā, usabhañca gavaṃ satam;
dhammena rajjaṃ kāressam, bahukāro mesi luddaka.
132. Kasivāṇijjā § iṇadānaṃ, uñchācariyā ca luddaka;
etena dāraṃ posehi, mā pāpaṃ akarī punāti §.

Rohaṇamigajātakaṃ § pañcamaṃ.

502. Cūḷahaṃsajātakaṃ (6)

133. Ete (1.0326) haṃsā pakkamanti, vakkaṅgā bhayameritā;
harittaca hemavaṇṇa, kāmaṃ sumukha pakkama.
134. Ohāya maṃ ñātigaṇā, ekaṃ pāsavaṣaṃ gataṃ;
anapekkhamānā § gacchanti, kiṃ eso avahiyyasi.
135. Pateva patataṃ seṭṭha, natthi baddhe sahāyatā §;
mā anīghāya hāpesi, kāmaṃ sumukha pakkama.
136. Nāhaṃ “dukkhapareto”ti §, dhataratṭha tvaṃ § jahe.
jīvitaṃ maraṇaṃ vā me, tayā saddhiṃ bhavissati.
137. Etadariyassa kalyāṇaṃ, yaṃ tvaṃ sumukha bhāsasi;
tañca vīmaṃsamānohaṃ, “patatetaṃ” avassajim.
138. Apadena padaṃ yāti, antalikkhacaro § dijo;
ārā pāsaṃ na bujjhi tvaṃ, haṃsānaṃ pavaruttama §.
139. Yadā parābhavo hoti, poso jīvitasañkhaye;
atha jālañca pāsañca, āsajjāpi na bujjhati.

140. Ete haṃsā pakkamanti, vakkaṅgā bhayameritā;
harittaca hemavaṇṇa, tvaññeva § avahiyyasi.
141. Ete bhutvā ca pitvā ca, pakkamanti vihaṅgamā;
anapekkhamānā vakkaṅgā, tvaññeveko upāsasi.
142. Kinnu tyāyaṃ § dijo hoti, mutto baddhaṃ upāsasi;
ohāya sakuṇā yanti, kiṃ eko avahiyyasi.
143. Rājā me so dijo mitto, sakhā pāṇasamo ca me;
neva naṃ vijahissāmi, yāva kālassa pariyāyaṃ.
144. Yo ca tvaṃ sakhino hetu, pāṇaṃ cajitumicchasi;
so te sahāyaṃ muñcāmi, hotu rājā tavānugo.
145. Evaṃ (1.0327) luddaka nandassu, saha sabbehi ñātibhi;
yathāhamajja nandāmi, disvā muttaṃ dijādhipaṃ.
146. Kaccinno bhoto kusalaṃ, kacci bhoto anāmayāṃ;

- kacci raṭṭhamidaṃ phītaṃ, dhammena manusāsasi.
147. Kusalañceva me haṃsa, atho haṃsa anāmayam;
 atho raṭṭhamidaṃ phītaṃ, dhammena manusāsahaṃ.
148. Kacci bhoto amaccesu, doso koci na vijjati;
 kacci ārā amittā te, chāyā dakkhiṇatoriva.
149. Athopi me amaccesu, doso koci na vijjati;
 atho ārā amittā me, chāyā dakkhiṇatoriva.
150. Kacci te sādīsī bhariyā, assavā piyabhāṇinī;
 puttarūpayasūpetā, tava chandavasānugā.
151. Atho me sādīsī bhariyā, assavā piyabhāṇinī;
 puttarūpayasūpetā, mama chandavasānugā.
152. Kacci te bahavo puttā, sujātā raṭṭhavaḍḍhana;
 paññājavena sampannā, sammodanti tato tato.
153. Satameko ca me puttā, dhataratṭha mayā sutā;
 tesam tvam kiccamakkhāhi, nāvarujjhanti § te vaco.
154. Upapannopi ce hoti, jātiyā vinayena vā;
 atha pacchā kurute yogaṃ, kicche § āpāsu § sīdati.
155. Tassa saṃhīrapaññassa, vivaro jāyate mahā;
 rattimandhova § rūpāni, thūlāni manupassati.
156. Asāre sārayogaññū, matiṃ na tveva vindati;
 sarabhova giriduggasmim, antarāyeva sīdati.
157. Hīnajaccopi ce hoti, uṭṭhātā dhitimā naro;
 ācārasīlasampanno, nise aggīva bhāsati.
158. Etaṃ (1.0328) me upamaṃ katvā, putte vijjāsu vācaya §.
 saṃvirūḷhetha medhāvī, khette bījaṃva § vuṭṭhiyāti.

Cūḷahaṃsajātakaṃ chaṭṭhaṃ.

503. Sattigumbajātakaṃ (7)

- 159.** Migaluddo mahārājā, pañcālānaṃ rathesabho;
 nikkhanto saha senāya, ogaṇo vanamāgamā.
160. Tatthaddasā araññasmim, takkarānaṃ kuṭim kataṃ;
 tassā § kuṭiyā nikkhamma, suvo luddāni bhāsati.
161. Sampannavāhano poso, yuvā sammatṭhakuṇḍalo §;
 sobhati lohituṇhīso, divā sūriyova bhāsati.
162. Majjhanhike § sampatike, sutto rājā sasārathi;
 handassābharaṇaṃ sabbaṃ, gaṇhāma sāhasā § mayaṃ.
163. Nisīthepe raho dāni, sutto rājā sasārathi;
 ādāya vatthaṃ maṇikuṇḍalañca, hantvāna sākhāhi avattharāma.
164. Kinnu ummattarūpova, sattigumba pabhāsasi;
 durāsadā hi rājāno, aggi pajjalito yathā.

165. Atha tvam patikolamba, matto thullāni gajjasi;
mātari mayham naggāya, kinnu tvam vijigucchase.
166. Uṭṭhehi samma taramāno, ratham yojehi sārathi;
sakuṇo me na ruccati, aññaṃ gacchāma assamaṃ.
167. Yutto ratho mahārāja, yutto ca balavāhano;
adhitiṭṭha mahārāja, aññaṃ gacchāma assamaṃ.
168. Ko numeva gatā § sabbe, ye asmiṃ paricārakā;
esa gacchati pañcālo, mutto tesam adassanā.
169. Kodaṇḍakāni (1.0329) gaṇhatha, sattiyo tomarāni ca;
esa gacchati pañcālo, mā vo muñcitha jīvataṃ §.
170. Athāparo paṭinandittha, suvo lohitanuḍḍako;
svāgataṃ te mahārāja, atho te adurāgataṃ;
issarosi anuppatto, yaṃ idhatthi pavedaya.
171. Tindukāni piyālāni, madhuke kāsumāriyo;
phalāni khuddakappāni, bhuñja rāja varam varam.
172. Idampi pāniyaṃ sītaṃ, ābhataṃ girigabbharā;
tato piva mahārāja, sace tvam abhikaṅkhasi.
173. Araññaṃ uñchāya gatā, ye asmiṃ paricārakā;
sayam uṭṭhāya gaṇhavho, hatthā me natthi dātave.
174. Bhaddako vatayaṃ pakkhī, dijo paramadhammiko;
atheso itaro pakkhī, suvo luddāni bhāsati.
175. “Etaṃ hanatha bandhatha, mā vo muñcitha jīvataṃ”;
iccevaṃ vilapantassa, sotthiṃ § pattosmi assamaṃ.
176. Bhātarosma mahārāja, sodariyā ekamātukā;
ekarukkhasmiṃ samvaddhā, nānākhettagatā ubho.
177. Sattigumbo ca corānaṃ, ahañca isīnaṃ idha;
asataṃ so, sataṃ aham, tena dhammena no vinā.
178. Tattha vadho ca bandho ca, nikatī vañcanāni ca;
ālopā sāhasākārā, tāni so tattha sikkhati.
179. Idha saccañca dhammo ca, ahiṃsā saṃyamo damo;
āsanūdakadāyīnaṃ, aṅke vaddhosmi bhāradha §.
180. Yaṃ yañhi rāja bhajati, santaṃ vā yadi vā asaṃ;
sīlavantaṃ visīlaṃ vā, vasaṃ tasseva gacchati.
181. Yādisaṃ kurute mittam, yādisaṃ cūpasevati;
sopi tādisako hoti, sahavāso hi § tādiso.
182. Sevamāno (1.0330) sevamānaṃ, samphuṭṭho samphusaṃ paraṃ;
saro diddho kalāpaṃva, alittamupalimpati;
upalepabhayā § dhīro, neva pāpasakhā siyā.
183. Pūtimacchaṃ kusaggena, yo naro upanayhati;
kusāpi pūti § vāyanti, evaṃ bālūpasevanā.
184. Tagarañca palāsena, yo naro upanayhati;
pattāpi surabhi § vāyanti, evaṃ dhīrūpasevanā.

185. Tasmā pattapuṭasseva §, ñatvā sampākamattano.
asante nopaseveyya, sante seveyya paṇḍito;
asanto nirayaṃ nenti, santo pāpenti suggatinti.

Sattigumbajātakaṃ sattamaṃ.

504. Bhallātiyajātakaṃ (8)

186. Bhallātiyo § nāma ahosi rājā, raṭṭhaṃ pahāya migavaṃ acāri so.
agamā girivaraṃ gandhamādanaṃ, supupphitaṃ § kimpurisānuciṇṇaṃ.

187. Sālūrasaṅghaṅca nisedhayitvā, dhanuṃ § kalāpaṅca so nikkhipitvā.
upāgami vacanaṃ vattukāmo, yatthaṭṭhitā kimpurisā ahesuṃ.

188. Himaccaye hemavatāya tīre, kimidhaṭṭhitā mantayavho abhiṇhaṃ;
pucchāmi vo mānusadehavaṇṇe, kathaṃ nu § jānanti manussaloke.

189. Mallaṃ (1.0331) giriṃ paṇḍarakaṃ tikūṭaṃ, sītodakā § anuvarāma najjo.

migā manussāva nibhāsavaṇṇā, jānanti no kimpurisāti ludda.

190. Sukiccharūpaṃ paridevayavho §, āliṅgito cāsi piyo piyāya.
pucchāmi vo mānusadehavaṇṇe, kimidha vane rodatha appatītā.
191. Sukiccharūpaṃ paridevayavho, āliṅgito cāsi piyo piyāya;
pucchāmi vo mānusadehavaṇṇe, kimidha vane vilapatha appatītā.
192. Sukiccharūpaṃ paridevayavho, āliṅgito cāsi piyo piyāya;
pucchāmi vo mānusadehavaṇṇe, kimidha vane socatha appatītā.
193. Mayekarattaṃ § vippavasimha ludda, akāmakā aññamaññaṃ sarantā.
tamekarattaṃ anutappamānā, socāma “sā ratti punaṃ na hessati”.
194. Yamekarattaṃ anutappathetaṃ, dhanam va naṭṭham pitaram va petaṃ;
pucchāmi vo mānusadehavaṇṇe, katham vinā vāsamakappayittha.
195. Yamimaṃ § nadiṃ passasi sīghasotaṃ, nānādumacchādanaṃ selakūlam
§.

taṃ me piyo uttari vassakāle, mamañca maññaṃ anubandhatīti.

196. Ahañca (1.0332) aṅkolakamocināmi, atimuttakaṃ sattaliyothikañca;
“piyo ca me hehiti mālabhārī, ahañca naṃ mālinī ajjhupessaṃ”.
197. Ahañcidaṃ kuravakamocināmi, uddālakā pāṭalisindhuvārakā §.
“piyo ca me hehiti mālabhārī, ahañca naṃ mālinī ajjhupessaṃ”.
198. Ahañca sālassa supupphitassa, oceyya pupphāni karomi mālam;
“piyo ca me hehiti mālabhārī, ahañca naṃ mālinī ajjhupessaṃ”.
199. Ahañca sālassa supupphitassa, oceyya pupphāni karomi bhāram;
idañca no hehiti santharatthaṃ, yathajjimaṃ § viharissāma § rattim.
200. Ahañca kho agaḷuṃ § candanañca, silāya piṃsāmi pamattarūpā.
“piyo ca me hehiti rositaṅgo, ahañca naṃ rositā ajjhupessaṃ”.
201. Athāgamā salilaṃ sīghasotaṃ, nudaṃ sāle salale kaṇṇikāre;
āpūratha § tena muhuttakena, sāyaṃ nadī āsi mayā suduttarā.
202. Ubhosu tīresu mayaṃ tadā ṭhitā, sampassantā ubhayo aññamaññaṃ;
sakimpi rodāma sakim hasāma, kicchena no āgamā § saṃvarī sā.
203. Pātova (1.0333) § kho uggate sūriyamhi, catukkaṃ nadiṃ uttariyāna ludda.
āliṅgiyā aññamaññaṃ mayaṃ ubho, sakimpi rodāma sakim hasāma.
204. Tihūnakaṃ sattasatāni ludda, yamidha mayaṃ vippavasimha pubbe;
vassekimaṃ § jīvitaṃ bhūmipāla, ko nīdha kantāya vinā vaseyya.
205. Āyuñca vo kīvatako nu samma, sacepi jānātha vadetha āyuṃ;
anussavā vuḍḍhato āgamā vā, akkhātha me taṃ avikampamānā.
206. Āyuñca no vassasahassaṃ ludda, na cantarā pāpako atthi rogo;
appañca § dukkhaṃ sukhomeva bhiyyo, avītarāgā vijahāma jīvitaṃ.
207. Idañca sutvāna amānusānaṃ, bhallātiyo ittara jīvanti;
nivattatha na migavaṃ acari, adāsi dānāni abhuñji bhoge.
208. Idañca sutvāna amānusānaṃ, sammodatha mā kalahaṃ akattha;
mā vo tapī attakammāparādho, yathāpi te kimpurisekarattaṃ.
209. Idañca sutvāna amānusānaṃ, sammodatha mā vivādaṃ akattha;
mā vo tapī attakammāparādho, yathāpi te kimpurisekarattaṃ.

210. Vividhaṃ (1.0334) § adhimanā suṇomahaṃ, vacanapathaṃ tava atthasaṃ-
hitam.

muñcaṃ § giraṃ nudaseva me daraṃ, samaṇa sukhāvaha jīva me ciranti.

Bhallātiyajātakaṃ aṭṭhamaṃ.

505. Somanassajātakaṃ (9)

211. Ko taṃ hiṃsati heṭheti, kiṃ § dummano socasi appatīto;
kassajja mātāpitaro rudantu, kvajja setu § nihato pathabyā.

212. Tuṭṭhosmi deva tava dassanena, cirassaṃ passāmi taṃ bhūmipāla;
ahiṃsako reṇumanuppavissa, puttena te heṭhayitosmi § deva.

213. Āyantu dovārikā khaggabandhā §, kāsāviyā yantu § antepurantaṃ.
hantvāna taṃ somanassaṃ kumāraṃ, chetvāna sīsaṃ varamāharantu.

214. Pesitā rājino dūtā, kumāraṃ etadabravum;
issarena vitiṇṇosi, vadhaṃ pattosi khattiya.

215. Sa rājaputto paridevayanto, dasaṅguliṃ aṅjaliṃ paggahetvā;
ahampi icchāmi janinda daṭṭhum, jivaṃ maṃ netvā § paṭidassayetha.

216. Tassa taṃ vacanaṃ sutvā, rañño puttaṃ adassayum;
putto ca pitaraṃ disvā, dūratovajjhabhāsatha.

217. Āgacchuṃ (1.0335) § dovārikā khaggabandhā, kāsāviyā hantu mamaṃ
janinda.

akkhāhi me pucchito etamatthaṃ, aparādho ko nidha mamajja atthi.

218. Sāyañca pāto udakaṃ sajāti, aggiṃ sadā pāricaratappamatto;
taṃ tādisaṃ saṃyataṃ brahmacāriṃ, kasmā tuvaṃ brūsi gahappatīti.

219. Tālā ca mūlā ca phalā ca deva, pariggahā vividhā santimassa;
te rakkhati gopayatappamatto, § tasmā ahaṃ brūmi gahappatīti §.

220. Saccaṃ kho etaṃ vadasi kumāra, pariggahā vividhā santimassa;
te rakkhati gopayatappamatto, sa § brāhmaṇo gahapati tena hoti.

221. Suṇantu mayhaṃ parisā samāgatā, sanegamā jānapadā ca sabbe;
bālāyaṃ bālassa vaco nisamma, ahetunā ghātayate maṃ § janindo.

222. Daḷhasmi mūle visaṭe virūḷhe, dunnikkayo veḷu pasākhajāto;
vandāmi pādāni tava § janinda, anujāna maṃ pabbajissāmi deva.

223. Bhuñjassu bhoge vipule kumāra, sabbañca te issariyaṃ dadāmi;

ajjeva tvaṃ kurūnaṃ hohi rājā, mā pabbajī pabbajjā hi dukkhā.

224. Kinnūdhā (1.0336) deva tavamatthi bhogā, pubbevahaṃ § devaloke ramissaṃ.

rūpehi saddehi atho rasehi, gandhehi phassehi manoramehi.

225. Bhuttā ca me § bhogā tidivasmim deva, parivāritā § accharānaṃ gaṇena §.

tuvañca § bālaṃ paraneyyaṃ viditvā, na tādise rājakule vaseyyaṃ.

226. Sacāhaṃ bālo paraneyyo asmi, ekāparādhaṃ § khama putta mayhaṃ. punapi ce edisakaṃ bhaveyya, yathāmatim somanassa karohi.

227. Anisamma kataṃ kammaṃ, anavatthāya cintitaṃ; bhesajjasseva vebhaṅgo, vipāko hoti pāpako.

228. Nisamma ca kataṃ kammaṃ, sammāvatthāya cintitaṃ; bhesajjasseva sampatti, vipāko hoti bhadraṃ.

229. Alaso gihī kāmabhogī na sādhu, asaññato pabbajito na sādhu; rājā na sādhu anisammakārī, yo paṇḍito kodhano taṃ na sādhu.

230. Nisamma khattiyo kayirā, nānisamma disampati; nisammakārino rāja, yaso kitti ca vaḍḍhati.

231. Nisamma daṇḍaṃ paṇayeyya issaro, vegā kataṃ tappati bhūmipāla; sammāpaṇīdhī ca narassa atthā, anānutappā te bhavanti pacchā.

232. Anānutappāni (1.0337) hi ye karonti, vibhajja kammāyatanāni loke; viññuppasatthāni sukhudrayāni, bhavanti buddhānumatāni § tāni.

233. Āgacchuṃ dovārikā khaggabandhā, kāsāviyā hantu mamaṃ janinda; mātuñca § aṅkasmimahaṃ nisinno, ākaḍḍhito sahasā tehi deva.

234. Kaṭukañhi sambādhaṃ sukicchaṃ § patto, madhurampi yaṃ jīvitaṃ laddha rāja.

kicchenahaṃ ajja vadhā pamutto, pabbajjamevābhimano hamasmi.

235. Putto tavāyaṃ taruṇo sudhamme, anukampako somanasso kumāro; taṃ yācamāno na labhāmi svajja §, arahasi naṃ yācitave § tuvampi.

236. Ramassu bhikkhācariyāya putta, nisamma dhammesu paribbajassu; sabbesu bhūtesu nidhāya daṇḍaṃ, anindito brahmamupehi ṭhānaṃ.

237. Acchera § rūpaṃ vata yādisañca, dukkhitaṃ maṃ dukkhāpayase sudhamme.

yācassu puttaṃ iti vuccamānā, bhiyyova ussāhayase kumāraṃ.

238. Ye vippamuttā anavajjabhogino §, parinibbutā lokamimaṃ caranti. tamariyamaggaṃ paṭipajjamānaṃ, na ussahe vārayituṃ kumāraṃ.

239. Addhā (1.0338) have sevitabbā sapaññā, bahussutā ye bahuṭhānacintino; yesāyaṃ sutvāna subhāsītāni, appossukkā vītasokā sudhammāti.

Somanassajātaṃ navamaṃ.

506. Campeyyajātaṃ (10)

240. Kā nu vijjurivābhāsi, osadhī viya tārakā;
devatā nusi gandhabbī, na taṃ maññāmi mānusiṃ §.
241. Namhi devī na gandhabbī, na mahārāja mānusi;
nāgakaññāsmi bhaddante, atthenamhi idhāgatā.
242. Vibbhantacittā kupitindriyāsi, nettehi te vāriṅgaṇā savanti;
kiṃ te naṭṭhaṃ kiṃ pana patthayānā, idhāgatā nāri tadiṅgha brūhi.
243. Yamuggatejo uragoti cāhu, nāgoti naṃ āhu janā janinda;
tamaggahī puriso jīvikattho, taṃ bandhanā muñca patī mameso.
244. Kathaṃ nvayaṃ balaviriyūpapanno, hatthatta § māgacchi vanibbakassa.
akkhāhi me nāgakaññe tamatthaṃ, kathaṃ vijānemu gahītanāgaṃ.
245. Nagarampi nāgo bhasmaṃ kareyya, tathā hi so balaviriyūpapanno;
dhammañca nāgo apacāyamāno, tasmā parakkamma tapo karoti.
246. Cātuddasiṃ (1.0339) pañcadasiṃ § ca rāja, catuppathe sammati nāgarājā.
tamaggahī puriso jīvikattho, taṃ bandhanā muñca patī mameso.
247. Soḷasitthisahassāni, āmuttamaṇikuṇḍalā;
vāriṅgehasayā nāri §, tāpi taṃ saraṇaṃ gatā.
248. Dhammena mocehi asāhasena, gāmena nikkhena gavaṃ satena;
ossaṭṭhakāyo urago carātu, puññatthiko muñcatu bandhanasmā.
249. Dhammena mocemi asāhasena, gāmena nikkhena gavaṃ satena;
ossaṭṭhakāyo urago carātu, puññatthiko muñcatu bandhanasmā.
250. Dammi nikkhasataṃ ludda, thūlañca maṇikuṇḍalaṃ;
catussadañca pallaṅkaṃ, umāpupphasarinnibhaṃ.
251. Dve ca sādisiyo bhariyā, usabhañca gavaṃ satam;
ossaṭṭhakāyo urago carātu, puññatthiko muñcatu bandhanasmā.
252. Vināpi dānā tava vacanaṃ janinda, muñcemu naṃ uragaṃ bandhanasmā.
ossaṭṭhakāyo urago carātu, puññatthiko muñcatu bandhanasmā.
253. Mutto campeyyako nāgo, rājānaṃ etadabravi;
namo te kāsirājatthu, namo te kāsivaḍḍhana;
añjaliṃ te paggaṇhāmi, passeyyaṃ me nivesanaṃ.
254. Addhā (1.0340) hi dubbissasametamāhu, yaṃ mānuso vissase amānu-
samhi;
sace ca maṃ yācasi etamatthaṃ, dakkhemu te nāga nivesanāni.
255. Sacepi § vāto girimāvaheyya, cando ca suriyo ca chamā pateyyuṃ.
sabbā ca najjo paṭisotaṃ vajeyyuṃ, na tvevahaṃ rāja musā bhaṇeyyaṃ.
256. Nabhaṃ phaleyya udadhīpi susse, saṃvaṭṭaye § bhūtadharā vasundharā.
siluccayo meru samūlamuppate §, na tvevahaṃ rāja musā bhaṇeyyaṃ.
257. Addhā hi dubbissasametamāhu, yaṃ mānuso vissase amānusamhi;
sace ca maṃ yācasi etamatthaṃ, dakkhemu te nāga nivesanāni.
258. Tumhe khottha ghoravisā uḷārā, mahātejā khippakopī ca hotha;
maṃkāraṇā § bandhanasmā pamutto, arahasi no jānituye § katāni.

259. So paccataṃ niraye ghorarūpe, mā kāyikaṃ sātamalattha kiñci;
peḷāya baddho maraṇaṃ upetu, yo tādisaṃ kammakataṃ na jāne.
260. Saccappaṭiñṇā (1.0341) tavamesa hotu, akkodhano hohi anupanāhī;
sabbañca te nāgakulaṃ supaṇṇā, aggimva gimhesu § vivajjayantu.
261. Anukampasī nāgakulaṃ janinda, mātā yathā suppiyaṃ ekaputtaṃ;
ahañca te nāgakulena saddhiṃ, kāhāmi veyyāvaṭikaṃ uḷāraṃ.
262. Yojentu ve rājarathe sucitte, kambojake assatare sudante;
nāge ca yojentu suvaṇṇakappane, dakkhemu nāgassa nivesanāni.
263. Bherī mudiṅgā § paṇavā ca saṅkhā, avajjayiṃsu uggasenassa rañño.
pāyāsi rājā bahusobhamāno, purakkhato nārigaṇassa majjhe.
264. Suvaṇṇacitakaṃ bhūmiṃ, addakkhi kāsivaḍḍhano;
sovaṇṇamayapāsāde, veḷuriyaphalakatthate.
265. Sa rājā pāvisi byamaṃ, campeyyassa nivesanaṃ;
ādiccavaṇṇasannibhaṃ, kaṃsavijju pabhassaraṃ.
266. Nānārukkhehi sañchannaṃ, nānāgandhasamīritaṃ;
so pāvekkhi kāsirājā, campeyyassa nivesanaṃ.
267. Paviṭṭhasmiṃ kāsirañṇe, campeyyassa nivesanaṃ;
dibbā tūriyā pavajjiṃsu, nāgakañṇā ca naccisum §.
268. Taṃ nāgakañṇā caritaṃ gaṇena, anvāruhī kāsirājā pasanno;
nisīdi sovaṇṇamayamhi pīthe, sāpassaye § candanasāralitte.
269. So (1.0342) tattha bhutvā ca atho ramitvā, campeyyakaṃ kāsirājā avoca;
vimānaseṭṭhāni imāni tuyhaṃ, ādiccavaṇṇāni pabhassarāni;
netādisaṃ atthi manussaloke, kiṃ patthayaṃ § nāga tapo karosi.
270. Tā kambukāyūrādharaṃ suvatthā, vaṭṭaṅgulī tambatalūpapannā;
paggayha pāyenti anomavaṇṇā, netādisaṃ atthi manussaloke;
kiṃ patthayaṃ nāga tapo karosi.
271. Najjo ca temā puthulomamacchā, āṭā § sakuntābhirudā sutitthā.
netādisaṃ atthi manussaloke, kiṃ patthayaṃ nāga tapo karosi.
272. Koñcā mayūrā diviyā ca haṃsā, vaggussarā kokilā sampatanti;
netādisaṃ atthi manussaloke, kiṃ patthayaṃ nāga tapo karosi.
273. Ambā ca sālā tilakā ca jambuyo, uddālakā pāṭaliyo ca phullā;
netādisaṃ atthi manussaloke, kiṃ patthayaṃ nāga tapo karosi.
274. Imā ca te pokkharañño samantato, dibbā § ca gandhā satataṃ pavāyanti.
netādisaṃ atthi manussaloke, kiṃ patthayaṃ nāga tapo karosi.
275. Na (1.0343) puttahetu na dhanassa hetu, na āyuno cāpi § janinda hetu.
manussayoniṃ abhipatthayāno, tasmā parakkamma tapo karomi.
276. Tvaṃ lohitakkho vihatantaraṃso, alaṅkato kappitakesamassu;
surosito lohitacandanena, gandhabbarājāva disā pabhāsasi.
277. Deviddhipattosi mahānubhāvo, sabbehi kāmehi samaṅgibhūto;
pucchāmi taṃ nāgarājetamatthaṃ, seyyo ito kena manussaloko.
278. Janinda nāññatra manussalokā, suddhī va saṃvijjati saṃyamo vā;
ahañca laddhāna manussayoniṃ, kāhāmi jātimaraṇassa antaṃ.

279. Addhā have sevitabbā sapaññā, bahussutā ye bahuṭhānacintino;
nāriyo ca disvāna tuvañca nāga, kāhāmi puññāni anappakāni.
280. Addhā have sevitabbā sapaññā, bahussutā ye bahuṭhānacintino;
nāriyo ca disvāna mamañca rāja, karohi puññāni anappakāni.
281. Idañca me jātarūpaṃ pahūtaṃ, rāsī suvaṇṇassa ca tālamattā;
§ Ito haritvāna suvaṇṇagharāni, karassu rūpiyapākāraṃ karontu §.
282. Muttā (1.0344) ca § vāhasahassāni pañca, veḷuriyamissāni ito haritvā.
antepure bhūmiyaṃ santharantu, nikkaddamā hehiti nīrajā ca.
283. Etādisaṃ āvasa rājaseṭṭha, vimānaseṭṭhaṃ bahu sobhamānaṃ;
bārāṇasiṃ nagaraṃ iddhaṃ phītaṃ, rajjañca kārehi anomapaññāti.

Campeyyajātakaṃ dasamaṃ.

507. Mahāpalobhanajātakaṃ (11)

284. Brahmaloḷkā cavitvāna, devaputto mahiddhiko;
rañño putto udapādi, sabbakāmasamiddhisu.
285. Kāmā vā kāmasaññā vā, brahmaloke na vijjati;
svāssu § tāyeva saññāya, kāmehi vijigucchatha.
286. Tassa cantepure āsi, jhānāgāraṃ sumāpitaṃ;
so tattha paṭisallīno §, eko rahasi jhāyatha.
287. Sa rājā paridevesi, puttasokena aṭṭito;
ekaputto cayaṃ mayhaṃ, na ca kāmāni bhuñjati.
288. Ko nu khvettha § upāyo so, ko vā jānāti kiñcanaṃ;
yo § me puttaṃ palobheyya, yathā kāmāni patthaye.
289. Ahu kumārī tattheva, vaṇṇarūpasamāhitā;
kusalā naccagītassa, vādite ca padakkhiṇā.
290. Sā tattha upasaṅkamma, rājānaṃ etadabravi;
ahaṃ kho naṃ palobheyyaṃ, sace bhattā bhavissati.
291. Taṃ tathāvādinīṃ rājā, kumārīṃ etadabravi;
tvaññeva naṃ palobhehi, tava bhattā bhavissati.
292. Sā (1.0345) ca antepuraṃ gantvā, bahuṃ kāmupasaṃhitāṃ;
hadayaṅgamā pemaṇiyā, citrā gāthā abhāsatha.
293. Tassā ca gāyamānāya, saddaṃ sutvāna nāriyā;
kāmacchandassa uppajji, janaṃ so paripucchatha.
294. Kassesō saddo ko vā so, bhaṇati uccāvacaṃ bahuṃ;
hadayaṅgamaṃ pemaṇiyaṃ, aho § kaṇṇasukhaṃ mama.
295. Esā kho pamadā deva, khiḍḍā esā anappikā §;
sace tvaṃ kāme bhuñjeyya, bhiyyo bhiyyo chādeyyu taṃ.

296. Ingha āgacchatorena §, avidūramhi gāyatu;
assamassa samīpamhi, santike mayhaṃ gāyatu.
297. Tirokuṭṭamhi gāyitvā, jhānāgāramhi pāvīsi;
bandhi naṃ § anupubbena, āraññamiva kuñjaraṃ.
298. Tassa § kāmarasaṃ ñatvā, issādhammo ajāyatha;
“ahameva kāme bhunṅeyyaṃ, mā añño puriso ahu”.
299. Tato asiṃ gahetvāna, purise hantuṃ upakkami;
ahameveko bhunṅissaṃ, mā añño puriso siyā.
300. Tato jānapadā sabbe, vikkandiṃsu samāgatā;
putto tyāyaṃ mahārāja, janaṃ heṭṭhetyadūsakaṃ.
301. Tañca rājā vivāhesi §, samhā raṭṭhā ca § khattiyo.
yāvatā vijitaṃ mayhaṃ, na te vatthabba § tāvade.
302. Tato so bhariyamādāya, samuddaṃ upasaṅkami;
paṇṇasālaṃ karitvāna, vanamuñchāya pāvīsi.
303. Athettha isi māgacchi, samuddaṃ uparūpari;
so tassa gehaṃ pāvekkhi, bhattakāle upaṭṭhite.
304. Tañca (1.0346) bhariyā palobhesi, passa yāva sudāruṇaṃ;
cuto so brahmacariyamhā, iddhiyā parihāyatha.
305. Rājaputto ca uñchāto, vanamūlaphalaṃ bahuṃ;
sāyaṃ kājena § ādāya, assamaṃ upasaṅkami.
306. Isī ca khattiyaṃ disvā, samuddaṃ upasaṅkami;
“vehāyasaṃ gamissan” ti, sīdate so mahaṇṇave.
307. Khattiyo ca isiṃ disvā, sīdamānaṃ mahaṇṇave;
tasseva anukampāya, imā gāthā abhāsatha.
308. Abhijjamāne vārismiṃ, sayamaṃ āgamma iddhiyā;
missībhāvitthiyā gantvā, saṃsīdasi mahaṇṇave.
309. Āvaṭṭanī mahāmāyā, brahmacariyavikopānā;
sīdanti naṃ viditvāna, ārakā parivajjaye.
310. Analā mudusambhāsā, duppūrā tā nadīsamā;
sīdanti naṃ viditvāna, ārakā parivajjaye.
311. Yaṃ etā upasevanti, chandasā vā dhanena vā;
jātavedova saṃ ṭhānaṃ, khippaṃ anudahanti naṃ.
312. Khattiyassa vaco sutvā, isissa nibbidā ahu;
laddhā porāṇakaṃ maggaṃ, gacchate so vihāyasaṃ.
313. Khattiyo ca isiṃ disvā, gacchamānaṃ vihāyasaṃ;
saṃvegaṃ alabhī dhīro, pabbajjaṃ samarocayi.
314. Tato so pabbajitvāna, kāmarāgaṃ virājayi;
kāmarāgaṃ virājetvā, brahmalokūpago ahūti.

Mahāpalobhanajātakaṃ ekādasamaṃ.

508. Pañcapaṇḍitajātakaṃ (12)

315. Pañca (1.0347) paṇḍitā samāgatāttha, pañhā me paṭibhāti taṃ suṇātha;
nindiyamatthaṃ pasaṃsiyaṃ vā, kassevāvīkareyya § guyhamatthaṃ.
316. Tvaṃ āvikarohi bhūmipāla, bhattā bhārasaho tvaṃ vade taṃ;
tava chandarucīni § sammāsivā, atha vakkhanti janinda pañca dhīrā.
317. Yā sīlavatī anaññatheyyā §, bhattucchandavasānugā (piyā) § manāpā.
nindiyamatthaṃ pasaṃsiyaṃ vā, bhariyāyāvīkareyya § guyhamatthaṃ.
318. Yo kicchagatassa āturassa, saraṇaṃ hoti gatī parāyanañca;
nindiyamatthaṃ pasaṃsiyaṃ vā, sakhino vāvīkareyya guyhamatthaṃ.
319. Jeṭṭho § atha majjhimo kaniṭṭho, yo § ce sīlasamāhito ṭhitatto.
nindiyamatthaṃ pasaṃsiyaṃ vā, bhātu vāvīkareyya guyhamatthaṃ.
320. Yo ve pituhadayassa paddhagū §, anujāto pitaraṃ anomapañño.
nindiyamatthaṃ pasaṃsiyaṃ vā, puttassāvīkareyya § guyhamatthaṃ.
321. Mātā (1.0348) dvipadājanindaseṭṭha, yā naṃ § poseṭi chandasā piyena.
nindiyamatthaṃ pasaṃsiyaṃ vā, mātuyāvīkareyya § guyhamatthaṃ.
322. Guyhassa hi guyhameva sādhu, na hi guyhassa pasatthamāvīkammaṃ;
anipphannatā § saheyya dhīro, nipphannova § yathāsukhaṃ bhaṇeyya.
323. Kiṃ tvaṃ vimanosi rājasēṭṭha, dvipadajaninda § vacanaṃ suṇoma metaṃ
§.
kiṃ cintayamāno dummanosi, nūna deva aparādho atthi mayhaṃ.
324. “Paṇhe § vajjho mahosadho”ti, āṇatto me vadhāya bhūripañño.
taṃ cintayamāno dummanosmi, na hi devī aparādho atthi tuyhaṃ.
325. Abhidosagato dāni ehisi, kiṃ sutvā kiṃ saṅkate mano te;
ko te kimavoca bhūripañña, iṅha vacanaṃ suṇoma brūhi metaṃ.
326. “Paṇhe vajjho mahosadho”ti, yadi te mantayitaṃ janinda dosaṃ;
bhariyāya rahogato asaṃsi, guyhaṃ pātukataṃ suttaṃ mametaṃ.
327. Yaṃ (1.0349) sālavanasmimṃ senako, pāpakammaṃ akāsi asabbhirūpaṃ;
sakhinova rahogato asaṃsi, guyhaṃ pātukataṃ suttaṃ mametaṃ.
328. Pukkusa § purisassa te janinda, uppanno rogo arājayutto.
bhātuñca § rahogato asaṃsi, guyhaṃ pātukataṃ suttaṃ mametaṃ.
329. Ābādhoyaṃ asabbhirūpo, kāmino § naradevena phuṭṭho;
puttassa rahogato asaṃsi, guyhaṃ pātukataṃ suttaṃ mametaṃ.
330. Aṭṭhavañkaṃ maṇiratanāṃ uḷāraṃ, sakko te adadā pitāmahassa;
devindassa gataṃ tadajja hatthaṃ §, mātuñca rahogato asaṃsi.
guyhaṃ pātukataṃ suttaṃ mametaṃ.
331. Guyhassa hi guyhameva sādhu, na hi guyhassa pasatthamāvīkammaṃ;
anipphannatā saheyya dhīro, nipphannova yathāsukhaṃ bhaṇeyya.
332. Na guyhamatthaṃ vivareyya, rakkheyya naṃ yathā nidhimṃ;
na hi pātukato sādhu, guyho attho pajānatā.
333. Thiyā guyhaṃ na saṃseyya, amittassa ca paṇḍito;
yo cāmisenā saṃhīro, hadayattheno ca yo naro.
334. Guyhamatthaṃ asambuddhaṃ, sambodhayati yo naro;

mantabhedabhayā tassa, dāsabhūto titikkhati.

335. Yāvanto (1.0350) purisassatthaṃ, guyhaṃ jānanti mantinaṃ;
tāvanto tassa ubbegā, tasmā guyhaṃ na vissaje.

336. Vivicca bhāseyya divā rahassaṃ, rattiṃ giraṃ nātivelāṃ pamuñce;
upassutikā hi suṇanti mantaṃ, tasmā manto khippamupeti bhedanti.

Pañcapaṇḍitajātakāṃ dvādasamaṃ.

509. Hatthipārajātakaṃ (13)

337. Cirassaṃ vata passāma, brāhmaṇaṃ devavaṇṇinaṃ;
mahājaṭaṃ khāridharaṃ §, paṅkadantaṃ rajassiraṃ.
338. Cirassaṃ vata passāma, isiṃ dhammaguṇe rataṃ;
kāśāyavatthavasanaṃ, vākacīraṃ paṭicchadaṃ.
339. Āsanaṃ udakaṃ pajjaṃ, paṭigaṇhātu no bhavaṃ;
agghe bhavantaṃ pucchāma, agghaṃ kurutu no bhavaṃ.
340. Adhicca vede pariyesa vittaṃ, putte gahe § tāta patiṭṭhapetvā.
gandhe rase paccanubhuyya § sabbaṃ, araṅṅaṃ sādhu muni so pasattho.
341. Vedā na saccā na ca vittalābho, na puttalābhena jaraṃ vihanti;
gandhe rase muccana § māhu santo, sakammunā § hoti phalūpapatti.
342. Addhā hi saccaṃ vacanaṃ tavetaṃ, sakammunā hoti phalūpapatti;
jiṇṇā ca mātāpitaro tavīme §, passeyyuṃ taṃ vassasataṃ arogaṃ §.
343. Yassassa (1.0351) sakkhī maraṇena rāja, jarāya mettī naravīrasetṭha;
yo cāpi jaṅṅā na marissaṃ kadāci, passeyyuṃ taṃ vassasataṃ arogaṃ.
344. Yathāpi nāvaṃ puriso dakamhi, ereti ce naṃ upaneti tīraṃ;
evampi byādhi satataṃ jarā ca, upaneti maccaṃ § vasamantakassa.
345. Paṅko ca kāmā palipo ca kāmā, manoharā duttarā maccudheyyā;
etasmim paṅke palipe byasannā §, hīnattarūpā na taranti pāraṃ.
346. Ayaṃ pure luddamakāsi kammaṃ, svāyaṃ gahīto na hi mokkhito me;
orundhiyā naṃ parirakkhissāmi, māyaṃ puna luddamakāsi kammaṃ.
347. Gavaṃva § naṭṭhaṃ puriso yathā vane, anvesatī § rāja apassamāno.
evaṃ naṭṭho esukārī mamattho, sohaṃ kathaṃ na gaveseyyaṃ rāja.
348. Hiyyoti hiyyati § poso, pareti parihāyati;
anāgataṃ netamatthīti ṅatvā, uppannachandaṃ ko panudeyya dhīro.
349. Passāmi vohaṃ daharaṃ § kumāriṃ, mattūpamaṃ ketakapupphanettaṃ;
abhuttabhoge § paṭhame vayasmiṃ, ādāya maccu vajate kumāriṃ.
350. Yuvā (1.0352) sujāto sumukho sudassano, sāmo kusumbhaparikiṇṇa-
massu;
hitvāna kāme paṭikacca § gehaṃ, anujāna maṃ pabbajissāmi deva.
351. Sākhāhi rukkho labhate samaṅṅaṃ, pahīnasākhaṃ pana khāṇumāhu;
pahīnaputtassa mamajja bhoti, vāsetṭhi bhikkhācariyāya kālo.
352. Aghasmi koṅcāva yathā himaccaye, katāni § jālāni padāliya § haṃsā.
Gacchanti puttā ca patī ca mayhaṃ, sāhaṃ kathaṃ nānuvaje pajānaṃ.
353. Ete bhutvā vamtivā ca, pakkamanti vihaṅgamā;
ye ca bhutvāna vamiṃsu, te me hatthatta § māgatā.
354. Avamī brāhmaṇo kāme, so § tvaṃ paccāvamissasi;
vantādo puriso rāja, na so hoti pasamsiyo.
355. Paṅke ca § posaṃ palipe byasannaṃ, balī yathā dubbalamuddhareyya.
evampi maṃ tvaṃ udatāri bhoti, paṅcāli gāthāhi subhāsītāhi.

356. Idam vatvā mahārājā, esukārī disampati;
raṭṭhaṃ hitvāna pabbaji, nāgo chetvāva bandhanaṃ.
357. Rājā ca pabbajamarocayittha, raṭṭhaṃ pahāya naravīraseṭṭho;
tuvampi no hoti yatheva rājā, amhehi guttā anusāsa rajjaṃ.
358. Rājā (1.0353) ca pabbajamarocayittha, raṭṭhaṃ pahāya naravīraseṭṭho;
ahampi ekā § carissāmi loke, hitvāna kāmāni manoramāni.
359. Rājā ca pabbajamarocayittha, raṭṭhaṃ pahāya naravīraseṭṭho;
ahampi ekā carissāmi loke, hitvāna kāmāni yathodhikāni.
360. Accentī kālā tarayanti rattiyo, vayoguṇā anupubbaṃ jahanti;
ahampi ekā carissāmi loke, hitvāna kāmāni manoramāni.
361. Accentī kālā tarayanti rattiyo, vayoguṇā anupubbaṃ jahanti;
ahampi ekā carissāmi loke, hitvāna kāmāni yathodhikāni.
362. Accentī kālā tarayanti rattiyo, vayoguṇā anupubbaṃ jahanti;
ahampi ekā carissāmi loke, sītībhūtā § sabbamaticca saṅgati.

Hatthipālajātakaṃ terasamaṃ.

510. Ayogharajātakaṃ (14)

363. Yamekarattiṃ paṭhamaṃ, gabbhe vasati māṇavo;
abbhuttiṭṭhitova so yāti §, sagacchaṃ na nivattati.
364. Na (1.0354) yujjhamānā na balenavassitā, narā na jīranti na cāpi miyyare;
sabbhaṃ hidaṃ § jātijarāyupaddutaṃ, taṃ me matī hoti carāmi dhammaṃ.
365. Caturaṅginīṃ senaṃ subhiṃsarūpaṃ, jayanti raṭṭhādhipatī pasayha;
na maccuno jayitumussahanti, taṃ me matī hoti carāmi dhammaṃ.
366. Hatthīhi assehi rathehi pattibhi, parivāritā muccare ekacceyyā §.
na maccuno § muccitumussahanti, taṃ me matī hoti carāmi dhammaṃ.
367. Hatthīhi assehi rathehi pattibhi, sūrā § pabhañjanti padhaṃsayanti.
na maccuno bhañjitumussahanti, taṃ me matī hoti carāmi dhammaṃ.
368. Mattā gajā bhinnagaḷā § pabhinnā, nagarāni maddanti janaṃ hananti.
na maccuno madditumussahanti, taṃ me matī hoti carāmi dhammaṃ.
369. Issāsino katahatthāpi vīrā §, dūrepātī § akkhaṇavedhinopi.
na maccuno vijjhitumussahanti, taṃ me matī hoti carāmi dhammaṃ.
370. Sarāni khīyanti saselakānanā, sabbhaṃ hidaṃ § khīyati dīghamantaram.
sabbhaṃ hidaṃ § bhañjare kālapariyāyaṃ, taṃ me matī hoti carāmi
dhammaṃ.
371. Sabbe (1.0355) samevaṃ hi narānanārīnaṃ §, calācalaṃ paṇabhunodha
jīvitam.

- paṭova dhuttassa dumova kūlajo, taṃ me matī hoti carāmi dhammaṃ.
- 372.** Dumapphalāneva patanti māṇavā, daharā ca vuddhā ca sarīrabhedā;
nāriyo narā majjhimaporisā ca, taṃ me matī hoti carāmi dhammaṃ.
- 373.** Nāyaṃ vayo tārakarājasannibho, yadabbhatītaṃ gatameva dāni taṃ;
jiṇṇassa hī natthi ratī kuto sukhaṃ, taṃ me matī hoti carāmi dhammaṃ.
- 374.** Yakkhā pisācā athavāpi petā, kupitāte § assasanti manusse.
na maccuno assasitussahanti, taṃ me matī hoti carāmi dhammaṃ.
- 375.** Yakkhe pisāce athavāpi pete, kupitepi te nijjhapanāṃ karonti;
na maccuno nijjhapanāṃ karonti, taṃ me matī hoti carāmi dhammaṃ.
- 376.** Aparādhake dūsake heṭhake ca, rājāno daṇḍenti viditvāna dosaṃ;
na maccuno daṇḍayitussahanti, taṃ me matī hoti carāmi dhammaṃ.
- 377.** Aparādhakā dūsakā heṭṭhakā ca, labhanti te rājino nijjhapetuṃ;
na maccuno nijjhapanāṃ karonti, taṃ me matī hoti carāmi dhammaṃ.
- 378.** Na (1.0356) khattiyoti na ca brāhmaṇoti, na aḍḍhakā balavā tejavāpi;
na maccurājassa apekkhamatthi, taṃ me matī hoti carāmi dhammaṃ.
- 379.** Sīhā ca byagghā ca athopi dīpiyo, pasayha khādanti vipphandamānaṃ;
na maccuno khāditumussahanti, taṃ me matī hoti carāmi dhammaṃ.
- 380.** Māyākārā raṅgamajjhe karontā, mohenti cakkhūni janassa tāvade;
na maccuno mohayitussahanti, taṃ me matī hoti carāmi dhammaṃ.
- 381.** Āsīvisā kupitā uggatejā, ḍaṃsanti mārentipi te manusse;
na maccuno ḍaṃsitumussahanti, taṃ me matī hoti carāmi dhammaṃ.
- 382.** Āsīvisā kupitā yaṃ ḍaṃsanti, tikicchakā tesa visaṃ hananti;
na maccuno daṭṭhavisāṃ § hananti, taṃ me matī hoti carāmi dhammaṃ.
- 383.** Dhammantarī vettaraṇī § ca bhojo, visāni hantvāna bhujāṅgamānaṃ.
suyyanti te kālakatā tatheva, taṃ me matī hoti carāmi dhammaṃ.
- 384.** Vijjādharā ghoramadhiyamānā, adassanaṃ osadhehi vajanti;
na maccurājassa vajantadassanaṃ §, taṃ me matī hoti carāmi dhammaṃ.
- 385.** Dhammo (1.0357) have rakkhati dhammacāriṃ, dhammo suciṇṇo sukha-
māvahāti;
esānisāṃso dhamme suciṇṇe, na duggatiṃ gacchati dhammacārī.
- 386.** Na hi dhammo adhammo ca, ubho samavipākino;
adhammo nirayaṃ neti, dhammo pāpeti suggatinti.

Ayogharajātakaṃ cuddasamaṃ.

Tassuddānaṃ-

Mātaṅga sambhūta sivi sirimanto, rohaṇa haṃsa sattigumbo bhallātiya;
somanassa campeyya brahma pañca-paṇḍita cirassaṃvata ayogharāti.

Vīsatinipātaṃ niṭṭhitaṃ.

16. Tiṃsanipāto

511. Kiṃchandajātakaṃ (1)

1. Kiṃchando (1.0358) kimadhippāyo, eko sammasi ghammani;
kiṃ patthayāno kiṃ esaṃ, kena atthena brāhmaṇa.
2. Yathā mahā vāridharo, kumbho supariṇāhavā §;
tathūpamaṃ ambapakkaṃ, vaṇṇagandharasuttamaṃ.
3. Taṃ vuyhamānaṃ sotena, disvānāmalamajjhime;
pāṇīhi naṃ gahetvāna, agyāyatanamāharim.
4. Tato kadalipattesu, nikkhipitvā sayaṃ ahaṃ;
satthena naṃ vikappetvā, khuppipāsaṃ ahāsi me.
5. Sohaṃ apetadaratho, byantībhūto § dukhakkhamo;
assādaṃ nādhigacchāmi, phalesvaññesu kesuci §.
6. Sosevā nūna maraṇaṃ, taṃ mamaṃ āvahissati;
ambaṃ yassa phalaṃ sādu, madhuraggaṃ manoramaṃ;
yamuddharim vuyhamānaṃ, udadhiṃ mā mahaṇṇave.
7. Akkhātaṃ te mayā sabbaṃ, yasmā upavasāmahaṃ;
rammaṃ pati nisinnosmi, puthulomāyutā puthu.
8. Tvañca kho meva § akkhāhi, attānamapalāyini;
kā vā tvamasi kalyāṇi, kissa vā tvaṃ sumajjhime.
9. Ruppapaṭṭapalimaṭṭhiva §, byagghiva girisānujā.
yā santi nāriyo devesu, devānaṃ paricārikā.
10. Yā ca manussalokasmiṃ, rūpenānvāgatitthiyo;
rūpena te sadisī natthi, devesu gandhabbamanussaloke §.
puṭṭhāsi me cārupubbaṅgi, brūhi nāmañca bandhave.
11. Yaṃ (1.0359) tvaṃ pati nisinnosi, rammaṃ brāhmaṇa kosikim;
sāhaṃ bhusālayā vutthā, varavārivahoghasā.
12. Nānādumagaṇākiṇṇā, bahukā girikandarā;
mameva pamukhā honti, abhisandanti pāvuse.
13. Atho bahū vanatodā, nīlavārivahindharā;
bahukā nāgavittodā, abhisandanti vārinā.
14. Tā ambajambulabujā, nīpā tālā cudumbarā §;
bahūni phalajātāni, āvahanti abhiṇhaso.
15. Yaṃ kiñci ubhato tīre, phalaṃ patati ambuni;
asaṃsayamaṃ taṃ sotassa, phalaṃ hoti vasānugaṃ.
16. Etadaññāya medhāvi, puthupañña suṇohi me;
mā rocaya mabhisaṅgaṃ, paṭisedha janādhīpa.
17. Na vāhaṃ vaḍḍhavaṃ § maññe, yaṃ tvaṃ raṭṭhābhivaḍḍhana;
āceyyamāno rājisi, maraṇaṃ abhikaṅkhasi.
18. Tassa jānanti pitaro, gandhabbā ca sadevakā;
ye cāpi isayo loke, saññatattā tapassino;

asaṃsayaṃ tepi § jānanti, paṭṭhabhūtā § yasassino.

19. Evaṃ veditvā vidū sabbadhammaṃ, viddhaṃsanaṃ cavanaṃ jīvitassa;
na cīyatī tassa narassa pāpaṃ, sace na ceteti vadhāya tassa.
20. Isipūgasamaññāte, evaṃ lokyā veditā sati §;
anariyaparisambhāse, pāpakammaṃ jigīsasi §.
21. Sace ahaṃ marissāmi, tīre te puthusussoṇi;

- asaṃsayaṃ taṃ asiloko, mayi pete āgamissati.
22. Tasmā (1.0360) hi pāpakaṃ kammaṃ, rakkhasseva § sumajjhime.
mā taṃ sabbo jano pacchā, pakuṭṭhāyi § mayi mate.
23. Aññātametaṃ avisayhasāhi, attānamambañca dadāmi te taṃ;
so ducceja kāmaguṇe pahāya, santiñca dhammañca adhiṭṭhitosi.
24. Yo hitvā pubbasaññogaṃ, pacchā saṃyojane ṭhito;
adhammañceva carati, pāpañcassa pavaḍḍhati.
25. Ehi taṃ pāpayissāmi, kāmaṃ appossuko bhava;
upānayāmi sītasmiṃ, viharāhi anussuko.
26. Taṃ puppharasamattebhi, vakkaṅgehi arindama;
koñcā mayūrā diviyā, kolaṭṭhimadhusālikā;
kūjitā haṃsapūgehi, kokilettha pabodhare.
27. Ambettha vippasākhaggā §, palālakhallasannibhā.
kosambasaḷalā § nīpā, pakkatālavilambino.
28. Mālī tiriṭi kāyūrī, aṅgadī candanussado §;
rattiṃ tvamaṃ paricāresi, divā vedesi vedanaṃ.
29. Soḷasitthisahassāni, yā temā paricārikā;
evaṃ mahānubhāvosi, abbhuto lomahaṃsano.
30. Kiṃ kammamakarī pubbe, pāpaṃ attadukhāvahaṃ;
yaṃ karitvā manussesu, piṭṭhimaṃsāni khādasi.
31. Ajjhenāni paṭiggayha, kāmesu gadhito § ahaṃ.
acarimaṃ dīghamaddhānaṃ, paresaṃ ahitāyahaṃ.
32. Yo piṭṭhimaṃsiko hoti, evaṃ ukkacca khādati;
yathāhaṃ ajja khādāmi, piṭṭhimaṃsāni attanoti.

Kimchandajātakaṃ paṭhamaṃ.

512. Kumbhajātakaṃ (2)

33. Ko (1.0361) pāturāsī tidivā nabhamhi, obhāsayaṃ saṃvarimaṃ candimāva;
gattehi te rasmiyo niccharanti, sateratā § vijjurivantalikkhe.
34. So chinnavātaṃ kamasī aghamhi, vehāyasaṃ gacchasi tiṭṭhasī ca;
iddhī nu te vatthukatā subhāvitā, anaddhagūnaṃ api devatānaṃ.
35. Vehāyasaṃ gammamāgamma § tiṭṭhasi, kumbhaṃ kiṇāthāti yameta-
matthaṃ.
ko vā tuvaṃ kissa vā tāya kumbho, akkhāhi me brāhmaṇa etamatthaṃ.
36. Na sappikumbho napi telakumbho, na phāṇitassa na madhussa kumbho;
kumbhassa vajjāni anappakāni, dose bahū kumbhagate suṇātha.
37. Gaḷeyya yaṃ pitvā § pate papātaṃ, sobbhaṃ guhaṃ candaniyoḷigallaṃ.
bahumpi bhuñjeyya abhojaneyyaṃ, tassā puṇṇaṃ kumbhamimaṃ kiṇātha.
38. Yaṃ pitvā § cittasmimanesamāno, āhiṇḍatī goriva bhakkhasārī §.
anāthamāno upagāyati naccati ca, tassā puṇṇaṃ kumbhamimaṃ kiṇātha.

39. Yaṃ (1.0362) ve pivitvā acelova naggo, careyya gāme visikhantarāni; sammūḷhacitto ativelasāyī, tassā puṇṇaṃ kumbhamimaṃ kiṇātha.
40. Yaṃ pitvā uṭṭhāya pavedhamāno, sīsañca bāhuñca § pacālayanto. so naccatī dārukaṭallakova, tassā puṇṇaṃ kumbhamimaṃ kiṇātha.
41. Yaṃ ve pivitvā aggidaḍḍhā sayanti, atho sigālehipi khāditāse; bandhaṃ vadhaṃ bhogajāniñcupenti, tassā puṇṇaṃ kumbhamimaṃ kiṇātha.
42. Yaṃ pitvā bhāseyya ābhāsaneyyaṃ, sabhāyamāsīno apetavattho; sammakkhito § vantagato byasanno, tassā puṇṇaṃ kumbhamimaṃ kiṇātha.
43. Yaṃ ve pivitvā ukkaṭṭho āvilakkho, mameva sabbā pathavīti maññe §. na me samo cāturantopi rājā, tassā puṇṇaṃ kumbhamimaṃ kiṇātha.
44. Mānātimānā kalahāni pesuṇī, dubbaṇṇinī naggayinī palāyinī; corāna dhuttāna gatī niketo, tassā puṇṇaṃ kumbhamimaṃ kiṇātha.
45. Iddhāni phītāni kulāni assu, anekasāhassadhanāni loke; ucchinnadāyajakatānimāya, tassā puṇṇaṃ kumbhamimaṃ kiṇātha.
46. Dhaññaṃ (1.0363) dhanaṃ rajataṃ jātarūpaṃ, khettaṃ gavaṃ yattha vināsayanti; ucchedanī vittavataṃ § kulānaṃ, tassā puṇṇaṃ kumbhamimaṃ kiṇātha.
47. Yaṃ ve pitvā dittarūpova § poso, akkosati mātaraṃ pitarañca. sassumpi gaṇheyya athopi suṇhaṃ, tassā puṇṇaṃ kumbhamimaṃ kiṇātha.
48. Yaṃ ve pitvā dittarūpāva nārī, akkosati sasuraṃ sāmikañca; dāsampi gaṇhe paricārakampi, tassā puṇṇaṃ kumbhamimaṃ kiṇātha.
49. Yaṃ ve pivitvāna § haneyya poso, dhamme ṭhitaṃ samaṇaṃ brāhmaṇaṃ vā. gacche apāyampi tatonidānaṃ, tassā puṇṇaṃ kumbhamimaṃ kiṇātha.
50. Yaṃ ve pivitvā duccharitaṃ caranti, kāyena vācāya ca cetasā ca; nirayaṃ vajanti duccharitaṃ caritvā, tassā puṇṇaṃ kumbhamimaṃ kiṇātha.
51. Yaṃ yācamānā na labhanti pubbe, bahuṃ hiraññaṃ pi pariccajantā; so taṃ pivitvā alikaṃ bhaṇāti, tassā puṇṇaṃ kumbhamimaṃ kiṇātha.
52. Yaṃ ve pitvā pesane pesiyanto, accāyike karaṇiyamhi jāte; atthampi so nappajānāti vutto, tassā puṇṇaṃ kumbhamimaṃ kiṇātha.
53. Hirīmanāpi (1.0364) ahirīkabhāvaṃ, pātuṃ karonti madanāya § mattā. dhīrāpi santā bahukaṃ bhaṇanti, tassā puṇṇaṃ kumbhamimaṃ kiṇātha.
54. Yaṃ ve pitvā ekathūpā sayanti, anāsakā thaṇḍiladukkhaseyyaṃ; dubbaṇṇiyaṃ āyasakyañcupenti, tassā puṇṇaṃ kumbhamimaṃ kiṇātha.
55. Yaṃ ve pitvā pattakhandhā sayanti, gāvo kuṭahatāva na hi vāruṇiyā; § Vego narena susahoriva §, tassā puṇṇaṃ kumbhamimaṃ kiṇātha.
56. Yaṃ manussā vivajjenti, sappamaṃ ghoravisaṃ miva §.

taṃ loke visasamānaṃ, ko naro pātumarahati.

57. Yaṃ ve pitvā andhakaveṇḍaputtā, samuddatīre paricārayantā §.
upakkamuṃ musalehaññaṃ, tassā puṇṇaṃ kumbhamimaṃ kiṇātha.
58. Yaṃ ve pitvā pubbadevā pamattā, tidivā cutā sassatiyā samāya;
taṃ tādisaṃ majjamimaṃ niratthakaṃ, jānaṃ mahārāja kathaṃ piveyya.
59. Nayimasmiṃ kumbhasmiṃ dadhi vā madhu vā, evaṃ abhiññāya kiṇāhi rāja.
evañhimaṃ kumbhagatā mayā te, akkhātarūpaṃ tava sabbamitta.
60. Na (1.0365) me pitā vā athavāpi mātā, etādisā yādisako tuvaṃsi;
hitānukampī paramatthakāmo, sohaṃ karissaṃ vacanaṃ tavajja.
61. Dadāmi te gāmarāni pañca, dāsīsataṃ satta gavaṃ satāni;
ājaññayutte ca rathe dasa ime, ācariyo hosi mamatthakāmo.
62. Taveva dāsīsataṃ matthu rāja, gāmā ca gāvo ca taveva hontu;
ājaññayuttā ca rathā taveva, sakkohamasmi tidasānamindo.
63. Maṃsodanaṃ sappipāyāsaṃ § bhujja, khādassu ca tvaṃ madhumāsa-
pūve.
evaṃ tuvaṃ dhammarato janinda, anindito saggamupehi ṭhānanti.

Kumbhajātakaṃ dutiyaṃ.

513. Jayaddisajātakaṃ (3)

64. Cirassaṃ vata me udapādi ajja, bhakkho mahā sattamibhattakāle;
kutosi ko vāsi tadinṅha brūhi, ācikkha jātiṃ vidito yathāsi.
65. Pañcālarājā migavaṃ pavitṭho, jayaddiso nāma yadissuto te;
carāmi kacchāni vanāni cāhaṃ, pasadaṃ imaṃ khāda mamajja muñca.
66. Seneva (1.0366) tvaṃ paṇasi sassamāno §, mamesa bhakkho pasado yaṃ
vadesi.
taṃ khādiyāna pasadaṃ jighaññaṃ §, khādissaṃ pacchā na vilāpakālo.
67. Na catthi mokkho mama nikkayena §, gantvāna paccāgamanāya paṇhe.
taṃ saṅkaraṃ § brāhmaṇassappadāya, saccānurakkhī punarāvajissaṃ.
68. Kiṃ kammajātaṃ anutappate tvaṃ §, pattaṃ samīpaṃ maraṇassa rāja.
ācikkha me taṃ api sakkuṇemu, anujānituṃ āgamanāya paṇhe.
69. Katā mayā brāhmaṇassa dhanāsā, taṃ saṅkaraṃ paṭimukkaṃ na muttaṃ;
taṃ saṅkaraṃ brāhmaṇassappadāya, saccānurakkhī punarāvajissaṃ.
70. Yā te katā brāhmaṇassa dhanāsā, taṃ saṅkaraṃ paṭimukkaṃ na muttaṃ;
taṃ saṅkaraṃ brāhmaṇassappadāya, saccānurakkhī punarāvajassu.
71. Mutto ca so porisādassa § hatthā, gantvā sakaṃ mandiraṃ kāmakāmī.
taṃ saṅkaraṃ brāhmaṇassappadāya, āmantayī puttamalīnasattaṃ §.
72. Ajjeva (1.0367) rajjaṃ abhisiñcayassu, dhammaṃ cara sesu paresu cāpi;
adhammakāro ca te māhu raṭṭhe, gacchāmaṃ porisādassa ṅatte §.
73. Kiṃ kamma kubbaṃ tava deva pāva §, nārādhayī taṃ tadicchāmi sotuṃ.
yamajja rajjamhi udassaye tuvaṃ, rajjampi niccheyyaṃ tayā vināhaṃ.

74. Na kammunā vā vacasā va tāta, aparādhitohaṃ tuviyaṃ sarāmi;
sandhiñca § katvā purisādakena, saccānurakkhī punāhaṃ gamissaṃ.
75. Ahaṃ gamissāmi idheva hohi, natthi tato jīvato vippamokkho;
sace tuvaṃ gacchasiyeva rāja, ahampi gacchāmi ubho na homa.
76. Addhā hi tāta satānesa dhammo, maraṇā ca me dukkhataraṃ tadassa;
kammāsapādo taṃ yadā pacitvā, pasayha khāde bhidā rukkhāsūle.
77. Pāṇena te pāṇamahaṃ nimissaṃ, mā tvaṃ agā porisādassa ñatte;
etañca te pāṇamahaṃ nimissaṃ, tasmā mataṃ jīvitassa vaṇṇemi §.
78. Tato have dhitimā rājaputto, vanditvā mātu ca pitu ca § pāde.
dukhinissa mātā nipatā § pathabyā, pitāssa paggayha bhujāni kandati.
79. Taṃ (1.0368) gacchantāṃ tāva pitā viditvā, parammukho vandati pañjaliko.
somo ca rājā varuṇo ca rājā, pajāpatī candimā sūriyo ca;
etehi gutto purisādakamhā, anuññāto sotthi paccehi tāta.
80. Yaṃ daṇḍakirañño gatassa § mātā, rāmassakāsi sotthānaṃ suguttā.
taṃ te ahaṃ sotthānaṃ karomi, etena saccena sarantu devā;
anuññāto sotthi paccehi putta.
81. Āvī raho vāpī manopadosaṃ, nāhaṃ sare jātu malīnasatte;
etena saccena sarantu devā, anuññāto sotthi paccehi bhātika §.
82. Yasmā ca me anadhimanosi sāmi, na cāpi me manasā appiyosi;
etena saccena sarantu devā, anuññāto sotthi paccehi sāmi.
83. Brahā ujū cārumukho kutosi, na maṃ pajānāsi vane vasantaṃ;
luddaṃ maṃ ñatvā “purisādako”ti, ko sotthi mājānamidhā’vajeyya.
84. Jānāmi ludda purisādako tvaṃ, na taṃ na jānāmi vane vasantaṃ;
ahañca puttosmi jayaddisassa, mamajja khāda pituno pamokkhā.
85. Jānāmi (1.0369) puttoti § jayaddisassa, tathā hi vo mukhavaṇṇo ubhinnaṃ.
sudukkaraññeva § kataṃ tavedaṃ, yo mattumicche pituno pamokkhā.
86. Na dukkaraṃ kiñci mahettha maññe, yo mattumicche pituno pamokkhā;
mātu ca § hetu paraloka gantvā §, sukhena saggena ca sampayutto.
87. Ahañca kho attano pāpakiriyaṃ, āvī raho vāpi sare na jātu;
sañkhātajātīmaraṇohamaṃ, yatheva me idha tathā parattha.
88. Khādajja maṃ dāni mahānubhāva, karassu kiccāni imaṃ sarīraṃ;
rukkhassa vā te papatāmi aggā, chādayamāno mayhaṃ tvamadesi maṃsaṃ.

89. Idañca te ruccati rājaputta, cajesi § pāṇaṃ pituno pamokkhā.
tasmā hi so § tvaṃ taramānarūpo, sambhañja kaṭṭhāni jalehi aggiṃ.
90. Tato have dhitimā rājaputto, dāruṃ samāhatvā mahantamaggiṃ;
sandīpayitvā paṭivedayittha, ādīpito dāni mahāyamaggi §.
91. Khādajja (1.0370) maṃ dāni pasayhakārī, kiṃ maṃ muhuṃ pekkhasi
haṭṭhalomo;
tathā tathā tuyhamahaṃ karomi, yathā yathā maṃ chādayamāno adesi.
92. Ko tādisaṃ arahati khāditāye, dhamme ṭhitaṃ saccavādiṃ vadaññuṃ;
muddhāpi tassa vipheyya sattadhā, yo tādisaṃ saccavādiṃ adeyya.
93. Idañhi so brāhmaṇaṃ maññamāno, saso avāsesi sake sarīre;
teneva so candimā devaputto, sasatthuto § kāmادهုහුඤා § yakkha.
94. Cando yathā rāhumukhā pamutto, virocate pannaraseva bhāṇumā §.
evaṃ tuvaṃ porisādā pamutto, viroca kapile § mahānubhāva.
āmodayaṃ pitaraṃ mātarañca, sabbo ca te nandatu ñātipakkho.
95. Tato have dhitimā rājaputto, katañjalī pariyāya § porisādaṃ.
anuññāto sotthi sukhi arogo, paccāgamā § kapilamalīnasattā §.
96. Taṃ negamā jānapadā ca sabbe, hatthārohā rathikā pattikā ca;
namassamānā pañjalikā upāgamuṃ, namatthu te dukkarakārakosīti.

Jayaddisajātakaṃ § tatiyaṃ.

514. Chaddantajātakam (4)

97. Kiṃ (1.0371) nu socasinuccaṅgi, paṇḍūsi varavaṇṇini;
milāyasi visālakkhi, mālāva parimadditā.
98. Dohaḷo me mahārāja, supinantenupajjhagā §;
na so sulabharūpova, yādiso mama dohaḷo.
99. Ye keci mānusa kāmā, idha lokasmi nandane;
sabbe te pacurā mayhaṃ, ahaṃ te dammi dohaḷaṃ.
100. Luddā deva samāyantū, ye keci vijite tava;
etesam ahamakkhissam, yādiso mama dohaḷo.
101. Ime te luddakā devi, katahatthā visāradā;
vanaññū ca migaññū ca, mamatthe § cattajīvitā.
102. Luddaputtā nisāmetha, yāvantettha samāgatā;
chabbisāṇaṃ gajaṃ setaṃ, addasaṃ supine ahaṃ;
tassa dantehi me attho, alābhe natthi jīvitaṃ.
103. Na no pitūnaṃ na pitāmahānaṃ, diṭṭho suto kuñjaro chabbisāṇo;
yamaddasā supine rājaputtī, akkhāhi no yādiso hatthināgo.
104. Disā catasso vidisā catasso, uddhaṃ adho dasa disā imāyo;
katamaṃ disaṃ tiṭṭhati nāgarājā, yamaddasā supine chabbisāṇaṃ.
105. Ito ujum uttariyaṃ disāyaṃ, atikkamma so sattaḡirī brahante;
suvaṇṇapasso nāma ḡirī uḷāro, supupphito § kimpurisānuciṇṇo.
106. Āruyha (1.0372) selaṃ bhavanaṃ kinnarānaṃ, olokaya pabbatapāda-

mūlaṃ;

atha dakkhasī meghasamānavaṇṇaṃ, nigrodharājaṃ atha saḥassapādaṃ §.

107. Tatthacchatī kuñjaro chabbisāṇo, sabbaseto duppasaho parebhi;
rakkhanti naṃ aṭṭhasaḥassanāgā, īsādaṅkā vātajavappahāriṇo.

108. Tiṭṭhanti te tumūlaṃ § passasantā, kuppanti vātassapi eritassa.
manussabhūtaṃ pana tattha disvā, bhasmaṃ kareyyuṃ nāssa rajopi tassa.

109. Bahū hime rājakulamhi santi, piḷandhanā jātarūpassa devī;
muttāmaṇiveḷuriyāmayā ca, kiṃ kāhasi dantapiḷandhanena;
māretukāmā kuñjaraṃ chabbisāṇaṃ, udāhu ghātesasi luddaputte.

110. Sā issitā dukkhitā casmi ludda, uddhañca sussāmi anussarantī;
karohi me luddaka etamatthaṃ, dassāmi te gāmaṃ pañca.

111. Katthacchatī katthamupeti ṭhānaṃ, vīthissa kā nhāna § gatassa hoti.
kathañhi so nhāyati § nāgarājā, kathaṃ vijānemu gatiṃ gajassa.

112. Tattheva (1.0373) sā pokkharaṇī adūre §, rammā sutitthā ca mahodikā §
ca.

sampupphitā bhamaragaṇānuciṇṇā §, ettha hi so nhāyati nāgarājā.

113. Sīsaṃ nahātuppala § mālabhāri, sabbaseto puṇḍarīkattacaṅgī;
āmodamāno gacchati sanniketam, purakkhatvā mahesiṃ sabbabhaddaṃ.

114. Tattheva so uggahetvāna vākyaṃ, ādāya tūṇiñca dhanuñca luddo;
vituriyati § sattagiri brahante, suvaṇṇapassaṃ nāma giriṃ ulāraṃ.

115. Āruya selaṃ bhavanaṃ kinnarānaṃ, olokayī pabbatapādamūlaṃ;
tatthaddasā meghasamānavaṇṇaṃ, nigrodharājaṃ aṭṭhasaḥsapādaṃ.

116. Tatthaddasā kuñjaraṃ chabbisāṇaṃ, sabbasetam duppasahaṃ parebhi;
rakkhanti naṃ aṭṭhasaḥassanāgā, īsādaṅkā vātajavappahāriṇo.

117. Tatthaddasā pokkharaṇiṃ adūre, rammaṃ sutitthañca mahodikañca;
sampupphitam bhamaragaṇānuciṇṇaṃ, yattha hi so nhāyati nāgarājā.

118. Disvāna nāgassa gatiṃ ṭhitiñca, vīthissa yā nhānatassa hoti;
opātamāgacchi anariyarūpo, payojito cittavasānugāya.

119. Khaṇitvāna (1.0374) kāsūṃ phalakehi chādayi, attānamodhāya dhanuñca
luddo;

passāgataṃ puthusallena nāgaṃ, samappayī dukkaṭakammakārī.

120. Viddho ca nāgo koñcamaṇādi ghoram, sabbe ca § nāgā ninnadam §
ghorarūpaṃ.

tiṇaṃ kaṭṭhañca raṇaṃ § karontā, dhāvimsu te aṭṭhadisā samantato.

121. Vadhissametanti § parāmasanto, kāsāvamaddakki dhajaṃ isīnaṃ.
dukkhena phuṭṭhassudapādi saññā, arahaddhajo sabbhi avajjharūpo.

122. Anikkasāvo kāsāvaṃ, yo vatthaṃ paridahissati §.
apeto damasaccena, na so kāsāvamarahati.

123. Yo ca vantakasāvassa, sīlesu susamāhito;

- upeto damasaccena, sa ve kāsāvamarahati.
- 124.** Samappito puthusallena nāgo, aduṭṭhacitto luddakamajjhabhāsi;
kimatthayaṃ kissa vā samma hetu, mamaṃ vadhī kassa vāyaṃ payogo.
- 125.** Kāsissa rañño mahesī bhadante, sā pūjitā rājakule subhaddā;
taṃ addasā sā ca mamaṃ asaṃsi, dantehi atthoti ca maṃ § avoca.
- 126.** Bahū (1.0375) hi me dantayugā uḷārā, ye me pitūnañca § pitāmahānaṃ.
jānāti sā kodhanā rājaputtī, vadhatthikā veramakāsi bālā.
- 127.** Uṭṭhehi tvaṃ ludda kharaṃ gahetvā, dante ime chinda purā marāmi;
vajjāsi taṃ kodhanaṃ rājaputtiṃ, “nāgo hato handa imassa dantā”.
- 128.** Uṭṭhāya so luddo kharaṃ gahetvā, chetvāna dantāni gajuttamassa;
vaggū subhe appaṭime pathabyā, ādāya pakkāmi tato hi khippaṃ.
- 129.** Bhayaṭṭitā § nāgavadhena aṭṭā, ye te nāgā aṭṭha disā vidhāvum.
adivāna § posaṃ gajapaccamittaṃ, paccāgamum yena so nāgarājā.
- 130.** Te tattha kanditvā roditvāna § nāgā, sīse sake paṃsukaṃ okiritvā.
agamaṃsu te sabbe sakaṃ nikaṃ, purakkhatvā mahesiṃ sabbabhaddaṃ.
- 131.** Ādāya dantāni gajuttamassa, vaggū subhe appaṭime pathabyā;
suvaṇṇarājīhi samantamodare, so luddako kāsipuraṃ upāgami;
upanesi so rājakaññāya dante, nāgo hato handa imassa dantā.
- 132.** Disvāna (1.0376) dantāni gajuttamassa, bhattuppiyassa purimāya jātiyā;
tattheva tassā hadayaṃ aphāli, teneva sā kālamakāsi bālā.
- 133.** Sambodhipatto sa § mahānubhāvo, sitaṃ akāsi parisāya majjhe.
pucchiṃsu bhikkhū suvimuttacittā, nākāraṇe pātukaronti buddhā.
- 134.** Yamaddasātha dahariṃ kumāriṃ, kāsāyavatthaṃ anagāriyaṃ carantiṃ;
sā kho tadā rājakaññā ahoṣi, ahaṃ tadā nāgarājā ahoṣiṃ.
- 135.** Ādāya dantāni gajuttamassa, vaggū subhe appaṭime pathabyā;
yo luddako kāsipuraṃ upāgami, so kho tadā devadatto ahoṣi.
- 136.** Anāvasūraṃ cirarattasaṃsitaṃ, uccāvacaṃ § caritamidaṃ purāṇaṃ.
vītaddaro vītasoko visallo, sayaṃ abhiññāya abhāsi buddho.
- 137.** Ahaṃ vo tena kālena, ahoṣiṃ tattha bhikkhavo;
nāgarājā tadā homi §, evaṃ dhāretha jātakanti.

Chaddantajātakaṃ catutthaṃ.

515. Sambhavajātakaṃ (5)

- 138.** Rajjañca paṭipannāśma, ādhipaccaṃ sucīrata;
mahattaṃ pattumicchāmi, vijetaṃ pathaviṃ imaṃ.
- 139.** Dhammena no adhammena, adhammo me na rucati;
kiccova dhammo carito, rañño hoti sucīrata.
- 140.** Idha (1.0377) cevāninditā yena, pecca yena aninditā;
yasaṃ devamanussesu, yena pappomu § brāhmaṇa.
- 141.** Yohaṃ atthañca dhammañca, kattumicchāmi brāhmaṇa;

- taṃ tvaṃ atthañca dhammañca, brāhmaṇakkhāhi pucchito.
- 142.** Nāññatra vidhurā rāja, etadakkhātumarahati;
yaṃ tvaṃ atthañca dhammañca, kattumicchasi khattiya.
- 143.** Ehi kho pahito gaccha, vidhurassa upantikaṃ;
nikkhañcamaṃ § suvaṇṇassa, haraṃ gaccha sucīrata.
abhihāraṃ imaṃ dajjā, atthadhammānusiṭṭhiyā.
- 144.** Svādhippāgā bhāradvājo, vidhurassa upantikaṃ;
tamaddasa mahābrahmā, asamānaṃ sake ghare.
- 145.** Raññoḥaṃ pahito dūto, korabyassa yasassino;
“atthaṃ dhammañca pucchesi”, iccabravi yudhiṭṭhilo;
taṃ tvaṃ atthañca dhammañca, vidhurakkhāhi pucchito.
- 146.** Gaṅgaṃ me pidahissanti, na taṃ sakkomi brāhmaṇa;
apidhetuṃ mahāsindhuṃ, taṃ kathaṃ so bhavissati.
- 147.** Na te sakkomi akkhātuṃ, atthaṃ dhammañca pucchito;
bhadrakāro ca me putto, oraso mama atrajo;
taṃ tvaṃ atthañca dhammañca, gantvā pucchassu brāhmaṇa.
- 148.** Svādhippāgā bhāradvājo, bhadrakārassupantikaṃ §.
tamaddasa mahābrahmā, nisinnaṃ samhi vesmani.
- 149.** Raññoḥaṃ pahito dūto, korabyassa yasassino;
“atthaṃ dhammañca pucchesi”, iccabravi yudhiṭṭhilo;
taṃ tvaṃ atthañca dhammañca, bhadrakāra pabrūhi § me.
- 150.** Maṃsakājaṃ § avahāya, godhaṃ anupatāmahaṃ;
na te sakkomi akkhātuṃ, atthaṃ dhammañca pucchito.
- 151.** Sañcayo (1.0378) § nāma me bhātā, kaniṭṭho me sucīrata.
taṃ tvaṃ atthañca dhammañca, gantvā pucchassu brāhmaṇa.
- 152.** Svādhippāgā bhāradvājo, sañcayassa upantikaṃ;
tamaddasa mahābrahmā, nisinnaṃ samhi vesmani §.
- 153.** Raññoḥaṃ pahito dūto, korabyassa yasassino;
“atthaṃ dhammañca pucchesi”, iccabravi yudhiṭṭhilo;
taṃ tvaṃ atthañca dhammañca, sañcayakkhāhi pucchito.
- 154.** Sadā maṃ gilate § maccu, sāyaṃ pāto sucīrata;
na te sakkomi akkhātuṃ, atthaṃ dhammañca pucchito.
- 155.** Sambhavo nāma me bhātā, kaniṭṭho me sucīrata;
taṃ tvaṃ atthañca dhammañca, gantvā pucchassu brāhmaṇa.
- 156.** Abbhuto vata bho dhammo, nāyaṃ asmāka ruccati;
tayo janā pitāputtā, tesu paññāya no vidū.
- 157.** Na taṃ sakkotha akkhātuṃ, atthaṃ dhammañca pucchitā;
kathaṃ nu daharo jaññā, atthaṃ dhammañca pucchito.
- 158.** Mā naṃ daharoti uññāsi §, apucchitvāna sambhavaṃ;
pucchitvā sambhavaṃ jaññā, atthaṃ dhammañca brāhmaṇa.
- 159.** Yathāpi cando vimalo, gacchaṃ ākāsadhātuyā;
sabbe tārāgaṇe loke, ābhāya atirocati.

160. Evampi daharūpeto, paññāyogena sambhavo;
mā naṃ daharoti uññāsi, apucchitvāna sambhavaṃ;
pucchitvā sambhavaṃ jaññā, atthaṃ dhammañca brāhmaṇa.

161. Yathāpi rammako māso, gimhānaṃ hoti brāhmaṇa;
atevaññehi māsehi, dumapupphehi sobhati.
162. Evampi (1.0379) daharūpeto, paññāyogena sambhavo;
mā naṃ daharoti uññāsi, apucchitvāna sambhavaṃ;
pucchitvā sambhavaṃ jaññā, atthaṃ dhammañca brāhmaṇa.
163. Yathāpi himavā brahme, pabbato gandhamādano;
nānārukkhehi sañchanno, mahābhūtagaṇālayo;
osadhehi ca dibbehi, disā bhāti pavāti ca.
164. Evampi daharūpeto, paññāyogena sambhavo;
mā naṃ daharoti uññāsi, apucchitvāna sambhavaṃ;
pucchitvā sambhavaṃ jaññā, atthaṃ dhammañca brāhmaṇa.
165. Yathāpi pāvako brahme, accimālī yasassimā;
jalamāno vane gacche §, analo kaṇhavattanī.
166. Ghatāsano dhūmaketu, uttamāhevanandaho;
nisithe § pabbataggasmim, pahūtedho § virocāti.
167. Evampi daharūpeto, paññāyogena sambhavo;
mā naṃ daharoti uññāsi, apucchitvāna sambhavaṃ;
pucchitvā sambhavaṃ jaññā, atthaṃ dhammañca brāhmaṇa.
168. Javena bhadraṃ jānanti, balibaddañca § vāhiye;
dohena dhenuṃ jānanti, bhāsamānañca paṇḍitaṃ.
169. Evampi daharūpeto, paññāyogena sambhavo;
mā naṃ daharoti uññāsi, apucchitvāna sambhavaṃ;
pucchitvā sambhavaṃ jaññā, atthaṃ dhammañca brāhmaṇa.
170. Svādhippāgā bhāradvājo, sambhavassa upantikaṃ;
tamaddasa mahābrahmā, kiḷamānaṃ bahīpure.
171. Raññoḥaṃ pahito dūto, korabyassa yasassino;
“atthaṃ dhammañca pucchesi”, iccabravi yudhiṭṭhilo;
taṃ tvaṃ atthañca dhammañca, sambhavakkhāhi pucchito.
172. Taggha (1.0380) te ahamakkhissaṃ, yathāpi kusalo tathā;
rājā ca kho taṃ jānāti, yadi kāhati vā na vā.
173. “Ajja suve”ti saṃseyya, raññā puṭṭho sucīrata;
mā katvā avasī rājā, atthe jāte yudhiṭṭhilo.
174. Ajjhattaññeva saṃseyya, raññā puṭṭho sucīrata;
kummaggaṃ na niveseyya, yathā mūḷho acetaso §.
175. Attānaṃ nātivatteyya, adhammaṃ na samācare;
atitthe nappatāreyya, anatthe na yuto siyā.
176. Yo ca etāni ṭhānāni, kattuṃ jānāti khattiyo;
sadā so vaḍḍhate rājā, sukkapakkheva candimā.
177. Ñātinañca piyo hoti, mittesu ca virocāti;
kāyassa bheda sappañño, saggaṃ so upapajjati.

Sambhavajātakaṃ pañcamaṃ.

516. Mahākapijātakaṃ (6)

178. Bārāṇasyaṃ § ahū rājā, kāsināṃ raṭṭhavaḍḍhano;
mittāmaccaparibyūḷho, agamāsi migājinaṃ §.
179. Tattha brāhmaṇamaddakkhi, setaṃ citraṃ kilāsināṃ;
viddhastaṃ koviḷāraṃva, kisaṃ dhamanisanthataṃ.
180. Paramakāruññataṃ pattaṃ, disvā kicchagataṃ naraṃ;
avaca byamhito rājā, “yakkhānaṃ katamo nusi.
181. “Hatthapādā ca te setā, tato setataraṃ § siro;
gattaṃ kammāsavaṇṇaṃ te, kilāsabahulo casi.
182. “Vaṭṭanāvaḷi § saṅkāsā, piṭṭhi te ninnatunnatā;
kāḷapabbāva § te aṅgā, nāññaṃ passāmi edisaṃ.
183. “Ugghaṭṭapādo (1.0381) tasito, kiso dhamanisanthato;
chāto ātattarūposi §, kutosi kattha gacchasi.
184. “Duddasī appakārosi, dubbaṇṇo bhīmadassano;
janetti yāpi te mātā, na taṃ iccheyya passituṃ.
185. “Kiṃ kammamakaraṃ § pubbe, kaṃ avajjhaṃ aghātayi;
kibbisaṃ yaṃ karitvāna, idaṃ dukkhaṃ upāgami”.
186. Taggha te ahamakkhissaṃ, yathāpi kusalo tathā;
saccavādiñhi lokasmiṃ, pasamsantīdha paṇḍitā.
187. Eko caraṃ gogaveso, mūḷho accasariṃ vane;
araññe iriṇe § vivane, nānākuñjarasevite.
188. Vāḷamigānucarite, vippanaṭṭhosmi kānane;
acarīṃ tattha sattāhaṃ, khuppipāsa § samappito.
189. Tattha tindukamaddakkhiṃ, visamaṭṭhaṃ bubhukkhito;
papātamabhilambantaṃ, sampannaphaladhāriṇaṃ.
190. Vātassitāni bhakkhesiṃ, tāni rucchiṃsu me bhusaṃ;
atitto rukkhamaṛūhiṃ §, tattha hessāmi āsito.
191. Ekaṃ me bhakkhitaṃ āsi, dutiyaṃ abhipatthitaṃ;
tato sā bhañjatha sākā, chinnā pharasunā viya.
192. Sohaṃ sahāva sākāhi, uddhampādo avamsiro;
appatiṭṭhe anālambe, giriduggasmi pāpataṃ.
193. Yasmā ca vāri gambhīraṃ, tasmā na samapajjisaṃ §.
tattha sesiṃ nirānando, anūnā § dasa rattiyo.
194. Athettha kapi māgañchi §, gonaṅgulo darīcaro.
sākāhi sākhaṃ vicaranto, khādamāno dumapphalaṃ.
195. So (1.0382) maṃ disvā kisaṃ paṇḍuṃ, kāruññamakaraṃ mayi;
ambho ko nāma so ettha, evaṃ dukkhena aṭṭito.
196. Manusso amanusso vā, attānaṃ me pavedaya;
tassañjaliṃ paṇāmetvā, idaṃ vacanamabraviṃ.
197. Manussohaṃ byasampatto §, sā me natthi ito gati;

- taṃ vo vadāmi bhaddaṃ vo, tvañca me saraṇaṃ bhava.
- 198.** Garuṃ § silaṃ gahevāna, vicarī § pabbate kapi;
silāya yoggaṃ katvāna, nisabho etadabravi.
- 199.** Ehi me piṭṭhimāruyha, gīvaṃ gaṇhāhi bāhubhi;
ahaṃ taṃ uddharissāmi, giriduggata vegasā.
- 200.** Tassa taṃ vacanaṃ sutvā, vānarindassa sirīmato;
piṭṭhimāruyha dhīrassa, gīvaṃ bāhāhi aggahiṃ.
- 201.** So maṃ tato samuṭṭhāsi, tejassī § balavā kapi;
vihaññamāno kicchena, giriduggata vegasā.
- 202.** Uddharitvāna maṃ santo, nisabho etadabravi;
iṅha maṃ samma rakkhassu, passupissaṃ muhuttakaṃ.
- 203.** Sīhā byagghā ca dīpī ca, acchakokataracchayo;
te maṃ pamattaṃ hiṃseyyuṃ, te tvaṃ disvā nivāraya §.
- 204.** Evaṃ me parittātūna §, passupi so muhuttakaṃ;
tadāhaṃ pāpikaṃ diṭṭhiṃ, paṭilacchiṃ ayoniso.

205. Bhakkho ayaṃ manussānaṃ, yathā caññe vane migā;
yaṃ nūnimaṃ vadhitvāna, chāto khādeyya vānaraṃ.
206. Asito § ca gamissāmi, maṃsamādāya sambalaṃ;
kantāraṃ nittharissāmi, pātheyyaṃ me bhavissati.
207. Tato silaṃ gahetvāna, matthakaṃ sannitālayiṃ;
mama gatta § kilantassa, pahāro dubbalo ahu.
208. So (1.0383) ca vegenudappatto, kapi ruhira § makkhito.
assuṇṇehi nettehi, rodanto maṃ udikkhati.
209. Māyyomaṃ kari bhaddante, tvañca nāmedisaṃ kari;
tvañca kho nāma dīghāvu §, aññe § vāretumarahasi.
210. Aho vata re purisa, tāva dukkarakāraka;
edisā visamā duggā, papātā uddhato § mayā.
211. Ānīto paralokāva, dubbheyyaṃ maṃ amaññatha;
taṃ tena pāpadhammena, pāpaṃ pāpena cintitaṃ.
212. Mā heva tvaṃ adhammaṭṭha, vedanaṃ kaṭukaṃ phusi;
mā heva pāpakammaṃ taṃ, phalaṃ veḷuṃva taṃ vadhi.
213. Tayime natthi vissāso, pāpadhamma asaññata §;
ehi me piṭṭhito gaccha, dissamānova santike.
214. Muttosi hatthā vāḷānaṃ, pattosi mānusiṃ padaṃ;
esa maggo adhammaṭṭha, tena gaccha yathāsukhaṃ.
215. Idaṃ vatvā giricaro, rahade § pakkhalya matthakaṃ;
assūni sampamajjitvā, tato pabbatamāruhi.
216. Sohaṃ tenābhisattosmi, pariḷāhena aṭṭito;
ḍayhamānena gattena, vāriṃ pātuṃ upāgamiṃ.
217. Agginā viya santatto, rahado ruhiraṃ makkhito;
pubbalohitasañkāso, sabbo me samapajjatha.
218. Yāvanto udabindūni, kāyasmīṃ nipatiṃsu me;
tāvanto gaṇḍa § jāyetha, addhabeluvasādisā.
219. Pabhinnā pagghariṃsu me, kuṇapā pubbalohitā;
yena yeneva gacchāmi, gāmesu nigamesu ca.
220. Daṇḍahatthā (1.0384) nivārenti, itthiyo purisā ca maṃ;
okkitā § pūtigandhena, māssu orena āgamā §.
221. Etādisaṃ idaṃ dukkhaṃ, satta vassāni dāni me;
anubhomi sakaṃ kammaṃ, pubbe dukkaṭamattano.
222. Taṃ vo vadāmi bhaddante §, yāvantettha samāgatā.
māssu mittāna § dubbhittho, mittadubbho hi pāpako.
223. Kuṭṭhī kilāsī bhavati, yo mittānidha dubbhati §.
kāyassa bhedaṃ mittaddu §, nirayaṃ sopapajjatīti §.

Mahākapijātakaṃ chaṭṭhaṃ.

517. Dakarakkhasajātakaṃ (7)

224. Sace vo vuyhamānānaṃ, sattannaṃ udakaṇṇave;
manussabalimesāno, nāvaṃ gaṇheyya rakkhaso;
anupubbaṃ kathaṃ datvā, muñcesi dakarakkhasā §.
225. Mātaraṃ paṭhamaṃ dajjaṃ, bhariyaṃ datvāna bhātaraṃ;
tato sahāyaṃ datvāna, pañcamaṃ dajjaṃ § brāhmaṇaṃ.
chaṭṭhāhaṃ dajjamattānaṃ, neva dajjaṃ mahosadhaṃ.
226. Posetā te janetti ca, dīgharattānukampikā;
chabbhī tayi padussati §, paṇḍitā atthadassinī.
aññaṃ upanisaṃ katvā, vadhā taṃ parimocayi.
227. Taṃ tādisiṃ § pāṇadadiṃ, orasaṃ gabbhadhārinim §.
mātaraṃ kena dosena, dajjāsi dakarakkhino §.
228. Daharā viyalaṅkāraṃ, dhāreti apiḷandhanaṃ;
dovārike anīkaṭṭhe, ativelaṃ pajagghati §.
229. Athopi (1.0385) paṭirājūnaṃ, sayamaṃ dūtāni sāsati;
mātaraṃ tena dosena, dajjāhaṃ dakarakkhino.
230. Itthigumbassa pavarā, accantaṃ piyabhāṇinī §.
anuggatā § silavatī, chāyāva anapāyinī.
231. Akkodhanā puñṇavatī §, paṇḍitā atthadassinī;
ubbariṃ § kena dosena, dajjāsi dakarakkhino.
232. Khiḍḍāratisamāpannaṃ, anattavasamāgataṃ;
sā maṃ sakāna puttānaṃ, ayācaṃ yācate dhanaṃ.
233. Sohaṃ dadāmi sāratto §, bahumaṃ uccāvacaṃ dhanaṃ;
suduccajaṃ cajitvāna, pacchā socāmi dummano;
ubbariṃ tena dosena, dajjāhaṃ dakarakkhino.
234. Yenocitā janapadā §, ānītā ca paṭiggahaṃ;
ābhataṃ pararajjebhi, abhiṭṭhāya bahumaṃ dhanaṃ.
235. Dhanuggahānaṃ pavaraṃ, sūraṃ tikhiṇamantinaṃ;
bhātaraṃ kena dosena, dajjāsi dakarakkhino.
236. Yenocitā § janapadā, ānītā ca paṭiggahaṃ;
ābhataṃ pararajjebhi, abhiṭṭhāya bahumaṃ dhanaṃ.
237. Dhanuggahānaṃ pavaro, sūro tikhiṇamanti ca §;
mayāyaṃ § sukhito rājā, atimaññati dārako.
238. Upaṭṭhānampi me ayye, na so eti yathā pure;
bhātaraṃ tena dosena, dajjāhaṃ dakarakkhino.
239. Ekarattena ubhayo, tvañceva dhanusekha ca §;
ubho jātettha pañcālā, sahāyā susamāvayā.
240. Cariyā (1.0386) taṃ anubandhittho §, ekadukkhasukho tava.
ussukko te divārattiṃ, sabbakiccesu byāvaṭo;
sahāyaṃ kena dosena, dajjāsi dakarakkhino.
241. Cariyā maṃ ayaṃ § ayye, pajagghittho § mayā saha.
ajjāpi tena vaṇṇena, ativelaṃ pajagghati.

242. Ubbariyāpihaṃ ayye, mantayāmi rahogato;
anāmanto § pavisati, pubbe appaṭivedito.
243. Laddhadvāro § katokāso, ahirikaṃ anādaraṃ;
sahāyaṃ tena dosena, dajjāhaṃ dakarakkhino.
244. Kusalo sabbanimittānaṃ, rutaññū § āgatāgamo;
uppāte supine yutto, niyyāne ca pavesane.
245. Paṭṭho § bhūmantalikkhasmiṃ, nakkhattapadakovido;
brāhmaṇaṃ kena dosena, dajjāsi dakarakkhino.
246. Parisāyampi me ayye, ummīlitvā udikkhati;
tasmā accabhamuṃ luddaṃ, dajjāhaṃ dakarakkhino.
247. Sasamuddapariyāyaṃ, mahiṃ sāgarakuṇḍalaṃ;
vasundharaṃ āvasasi, amaccaparivārito.
248. Cāturanto mahāraṭṭho, vijitāvī mahabbalo;
pathabyā ekarājāsi, yaso te vipulaṃ gato.

249. Soḷasitthisahassāni, āmuttamaṇikuṇḍalā;
nānājanapadā nārī, devakaññūpamā subhā.
250. Evaṃ sabbaṅgasampannaṃ, sabbakāmasamiddhinaṃ;
sukhitānaṃ piyaṃ dīghaṃ, jīvitaṃ āhu khattiya.
251. Atha tvaṃ kena vaṇṇena, kena vā pana hetunā;
paṇḍitaṃ anurakkhanto, pāṇaṃ cajasi duccajaṃ.
252. Yatopi (1.0387) āgato ayye, mama hatthaṃ mahosadho;
nābhijānāmi dhīrassa, anumattampi dukkaṭaṃ.
253. Sace ca kismici kāle, maraṇaṃ me pure siyā;
so me putte § paputte ca, sukhāpeyya mahosadho.
254. Anāgataṃ paccuppannaṃ, sabbamatthampi passati §.
anāparādhakammantaṃ, na dajjaṃ dakarakhino.
255. Idaṃ suṇātha pañcālā, cūḷaneyyassa § bhāsitaṃ;
paṇḍitaṃ anurakkhanto, pāṇaṃ cajati duccajaṃ.
256. Mātu bhariyāya bhātucca, sakhino brāhmaṇassa ca;
attano cāpi pañcālo, channaṃ cajati jīvitaṃ.
257. Evaṃ mahatthikā § paññā, nipuṇā sādhu cintinī;
diṭṭhadhammahitatthāya, samparāyasukhāya cāti.

Dakarakkhasajātakaṃ sattamaṃ.

518. Paṇḍaranāgarājajātakaṃ (8)

258. Vikiṇṇavācaṃ aniguyha § mantāṃ, asaññataṃ aparicakkhitāraṃ §.
bhayaṃ tamanveti sayāṃ abodhaṃ, nāgaṃ yathā paṇḍarakaṃ supaṇṇo §.
259. Yo guyhamantaṃ parirakkhaneyyaṃ, mohā naro saṃsati hāsamaṇo §.
taṃ bhinnamantaṃ bhayamanveti khippaṃ, nāgaṃ yathā paṇḍarakaṃ
supaṇṇo.
260. Nānumitto garuṃ atthaṃ, guyhaṃ veditumarahati;
sumitto ca asambuddhaṃ, sambuddhaṃ vā anatta vā.
261. Vissāsamaṇapajjimahaṃ (1.0388) acelaṃ §, samaṇo ayaṃ sammato bhāvi-
tatto.
tassāhamakkiṃ vivariṃ § guyhamatthaṃ, atītamatto kapaṇaṃ § rudāmi.
262. Tassāhaṃ paramaṃ § brahme guyhaṃ, vācañhi maṃ nāsakkiṃ §
saṃyametuṃ.
tappakkhato hi bhayamāgataṃ mamaṃ, atītamatto kapaṇaṃ § rudāmi.
263. Yo ve naro suhadaṃ maññamaṇo, guyhamatthaṃ saṃsati dukkulīne;
dosā bhayā athavā rāgarattā §, pallatthito § bālo asaṃsayaṃ so.
264. Tirokkhavāco asataṃ pavitṭho, yo saṅgatīsu mudīreti vākyaṃ;
āsīviso dummukhotyāhu taṃ naraṃ, ārā ārā § saṃyame tādisamhā.
265. Annaṃ pānaṃ kāsika § candanañca, manāpitthiyo mālamucchādanañca.
ohāya gacchāmase sabbakāme, supaṇṇa pāṇūpagatāva tyamhā.

266. Ko nīdha tiṇṇaṃ garaḥaṃ upeti, asmiṃdha loke pāṇabhū nāgarāja;
samaṇo supaṇṇo atha vā tvameva, kiṃ kāraṇā paṇḍarakaggahito.
267. Samaṇoti (1.0389) me sammatatto ahosi, piyo ca me manasā bhāvitatto;
tassāhamakkhiṃ vivariṃ guyhamatthaṃ, atītamattho kapaṇaṃ rudāmi.
268. Na catthi satto amaro pathabyā, paññāvidhā natthi na ninditabbā;
Saccena dhammena dhitiyā § damena, alabhamabyāharatī naro idha.
269. Mātāpitā paramā bandhavānaṃ, nāssa tatiyo anukampakatthi;
tesampi guyhaṃ paramaṃ na saṃse, mantassa bhedaṃ parisaṅkamāno.
270. Mātāpitā bhagini bhātaro ca, sahāyā vā yassa honti sapakkhā;
tesampi guyhaṃ paramaṃ na saṃse, mantassa bhedaṃ parisaṅkamāno.
271. Bhariyā ce purisaṃ vajjā, komārī piyabhāṇinī;
puttarūpayasūpetā, ñātisaṅghapurakkhatā, tassāpi guyhaṃ paramaṃ na
saṃse;
mantassa bhedaṃ parisaṅkamāno.
272. Na guyhamatthaṃ § vivareyya, rakkheyya naṃ yathā nidhiṃ;
na hi pātukato sādhu, guyho attho pajānatā.
273. Thiyā guyhaṃ na saṃseyya, amittassa ca paṇḍito;
yo cāmisena saṃhīro, hadayattheno ca yo naro.
274. Guyhamatthaṃ asambuddhaṃ, sambodhayati yo naro;
mantabhedabhayā tassa, dāsabhūto titikkhati.
275. Yāvanto (1.0390) purisassatthaṃ, guyhaṃ jānanti mantinaṃ;
tāvanto tassa ubbegā, tasmā guyhaṃ na vissaje.
276. Vivicca bhāseyya divā rahassaṃ, rattim giram nāvelam pamuñce;
upassutikā hi suṇanti mantam, tasmā manto khippamupeti bhedaṃ.
277. Yathāpi assa § nagaram mahantaṃ, advāraḥ § āyasaṃ bhaddasālam.
samantakhātāparikhā-upetaṃ, evampi me te idha guyhamantā.
278. Ye guyhamantā avikiṇṇavācā, daḥhā sadatthesu narā dujivha §.
ārā amittā byavajanti tehi, āsivisā vā riva sattusaṅghā §.
279. Hitvā gharaṃ pabbajito acelo, naggo muṇḍo carati ghāsahetu;
tamhi § nu kho vivariṃ guyhamatthaṃ, atthā ca dhammā ca apaggatamhā §.
280. Kathaṃkaro hoti supaṇṇarāja, kiṃsīlo kena vatena vattaṃ;
samaṇo caraṃ hitvā mamāyitāni, kathaṃkaro saggamupeti ṭhānaṃ.
281. Hiriya titikkhāya damenupeto §, akkodhano pesuṇiyaṃ pahāya.
samaṇo caraṃ hitvā mamāyitāni, evaṃkaro saggamupeti ṭhānaṃ.
282. Mātāva (1.0391) puttaṃ taruṇaṃ tanujjaṃ §, samphassatā § sabbagattaṃ
phareti.
evampi me tvam pāturahu dijinda, mātāva puttaṃ anukampamāno.
283. Handajja tvam muñca § vadhā dujivha, tayo hi puttā na hi añño atthi.
antevāsī dinnako atrajo ca, rajjassu § puttaññataro me ahosi.
284. Icceva vākyam visajjī supaṇṇo, bhumyaṃ patiṭṭhāya dijo dujivhaṃ;
muttajja tvam sabbabhayātivatto, thalūdake hohi mayābhigutto.
285. Ātaṅkinaṃ yathā kusalo bhisakko, pipāsītānaṃ rahadova sīto;

vesmaṃ yathā himasītaṭṭitānaṃ §, evampi te saraṇamahaṃ bhavāmi.

286. Sandhiṃ katvā amittena, aṇḍajena jalābuja;
vivariya dāṭhaṃ sesi, kuto taṃ bhayamāgataṃ.
287. Saṅketheva amittasmim, mittasmimpi na vissase;
abhayā bhayamuppannaṃ, api mūlāni kantati.
288. Kathaṃ nu vissase tyamhi, yenāsi kalaho kato;
niccayattena ṭhātabbaṃ, so disabbhi § na rajjati.
289. Vissāsaye na ca taṃ § vissayeyya, asaṅkito saṅkito ca § bhaveyya.
tathā tathā viññū parakkameyya, yathā yathā bhāvaṃ paro na jaññā.
290. Te (1.0392) devavaṇṇā § sukhumālarūpā, ubho samā sujayā § puñña-
khandhā §.
upāgamuṃ karampiyaṃ § acelaṃ, missībhūtā assavāhāva nāgā.
291. Tato have paṇḍarako acelaṃ, sayamevupāgamma idaṃ avoca;
muttajahaṃ sabbabhayātivatto, na hi § nūna tuyhaṃ manaso piyamhā.
292. Piyo hi me āsi supaṇṇarājā, asaṃsayam paṇḍarakena saccaṃ;
so rāgarattova akāsimetaṃ, pāpakammaṃ § sampajāno na mohā.
293. Na me piyaṃ appiyaṃ vāpi hoti, sampassato lokamimaṃ parañca;
susaññatānañhi viyañjanena, asaññato lokamimaṃ carāsi.
294. Ariyāvākāsosi anariyovāsi §, asaññato saññatasannikāso.
kaṇhābhijātikosi anariyarūpo, pāpaṃ bahuṃ duccharitaṃ acāri.
295. Aduṭṭhassa tuvaṃ dubbhi, dubbhī § ca pisuṇo casi;
etena saccavajjena, muddhā te phalatu sattadhā.
296. Tasmā hi mittānaṃ na dubbhitabbaṃ, mittadubbhā § pāpiyo natthi añño.
āsittasatto nihato pathabyā, indassa vākyena hi saṃvaro hatoti.

Paṇḍaranāgarājajātakaṃ § aṭṭhamaṃ.

519. Sambulājātakaṃ (9)

297. Kā (1.0393) vedhamānā girikandarāyaṃ, ekā tuvaṃ tiṭṭhasi saṃhitūru §.
puṭṭhāsi me pāṇipameyyamajjhe, akkhāhi me nāmañca bandhave ca.
298. Obhāsayaṃ vanaṃ rammaṃ, sīhabyagghanisevitaṃ;
kā vā tvamasi kalyāṇi, kassa vā tvam sumajjhime;
abhivādemī taṃ bhadda, dānavāhaṃ namatthu te.
299. Yo putto kāsirājassa, sotthisenoti taṃ vidū;
tassāhaṃ sambulā bhariyā, evaṃ jānāhi dānava;
abhivādemī taṃ bhante §, sambulāhaṃ namatthu te.
300. Vedhaputto bhaddante, vane vasati āturo;
tamahaṃ rogasammattaṃ, ekā ekaṃ upaṭṭhahaṃ §.
301. Ahañca vanamuñchāya, madhumaṃsaṃ migābilaṃ §;
yadā harāmi taṃ bhakkho, tassa nūnajja nādhati §.
302. Kiṃ vane rājaputtana, āturena karissasi;
sambule pariciṇṇena, ahaṃ bhaddā bhavāmi te.
303. Sokaṭṭāya durattāya, kiṃ rūpaṃ vijjate mama;

- aññaṃ pariyesa bhaddante, abhirūpataraṃ mayā.
- 304.** Ehimāṃ girimāruyha, bhariyā me § catussatā;
tāsaṃ tvaṃ pavarā hohi, sabbakāmasamiddhinī.
- 305.** Nūna § tārakavaṇṇābhe §, yaṃ kiñci manasicchasi.
sabbāṃ taṃ pacuraṃ mayhaṃ, ramassvajja § mayā saha.
- 306.** No ce tvaṃ maheseyyaṃ, sambule kārayissasi;
alaṃ tvaṃ pātarāsāya, paṇhe § bhakkhā bhavissasi.
- 307.** Tañca (1.0394) sattajaṭo luddo, kaḷāro purisādako;
vane nāthaṃ apassantiṃ, sambulaṃ aggahī bhujē.
- 308.** Adhipannā pisācena, luddenāmisacakkhunā;
sā ca sattuvassampattā, patimevānusocati.
- 309.** Na me idaṃ tathā dukkhaṃ, yaṃ maṃ khādeyya rakkhaso;
yañca me ayyaputtassa, mano hessati aññathā.
- 310.** Na santi devā pavasanti nūna, na hi nūna santi idha lokapālā;
sahasā karontānamasaññatānaṃ, na hi nūna santi paṭisedhitāro.
- 311.** Itthīnamesā pavarā yasassinī, santā samā aggirivuggatejā;
tañce tvaṃ rakkhasādesi kaññaṃ, muddhā ca hi sattadhā te phaleyya;
mā tvaṃ dahī § muñca patibbatāya §.
- 312.** Sā ca assamamāgacchi, pamuttā purisādakā;
niḷaṃ § paḷinaṃ sakuṇīva §, gatasīṅgaṃva ālayaṃ.
- 313.** Sā tatha paridevesi, rājaputtī yasassinī;
sambulā utumattakkhā, vane nāthaṃ apassanti §.
- 314.** Samaṇe brāhmaṇe vande, sampannacaraṇe ise;
rājaputtaṃ apassanti, tumhaṃmhi § saraṇaṃ gatā.
- 315.** Vande sihe ca byagghe ca, ye ca aññe vane migā;
rājaputtaṃ apassanti, tumhaṃmhi saraṇaṃ gatā.
- 316.** Tiṇā § latāni osadhyo, pabbatāni vanāni ca;
rājaputtaṃ apassanti, tumhaṃmhi saraṇaṃ gatā.
- 317.** Vande (1.0395) indīvarīsāmaṃ, rattiṃ nakkhattamāliniṃ;
rājaputtaṃ apassanti, tumhaṃmhi saraṇaṃ gatā.
- 318.** Vande bhāgīrathiṃ gaṅgaṃ, savantīnaṃ paṭiggahaṃ;
rājaputtaṃ apassanti, tumhaṃmhi saraṇaṃ gatā.
- 319.** Vande ahaṃ pabbatarājasetṭhaṃ, himavantaṃ siluccayaṃ;
rājaputtaṃ apassanti, tumhaṃmhi saraṇaṃ gatā.
- 320.** Atisāyaṃ vatāgacchi, rājaputti yasassini;
kena nujja samāgacchi §, ko te piyataro mayā.
- 321.** Idaṃ khoḥaṃ tadāvocaṃ §, gahitā tena sattunā;
na me idaṃ tathā dukkhaṃ, yaṃ maṃ khādeyya rakkhaso;
yañca me ayyaputtassa, mano hessati aññathā.
- 322.** Corīnaṃ bahubuddhīnaṃ, yāsu saccaṃ sudullabhaṃ;
thīnaṃ bhāvo durājāno, macchassevodake gataṃ.
- 323.** Tathā maṃ saccaṃ pāletu, pālayissati ce mamaṃ;

yathāhaṃ nābhijānāmi, aññaṃ piyataraṃ tayā;
etena saccavajjena, byādhi te vūpasammatu.

324. Ye kuñjarā sattasatā uḷārā, rakkhanti rattindivamuyyutāvudhā;
dhanuggahānañca satāni soḷasa, kathaṃvidhe passasi bhadde sattavo.

325. Alaṅkatāyo padumuttarattacā, virāgitā passati haṃsagaggarā;
tāsaṃ suṇitvā mitagītavāditaṃ §, na dāni me tāta tathā

yathā pure.

326. Suvaṇṇasaṃkaccadharā (1.0396) suviggaḥā, alaṅkatā mānusiyaḥharū-pamā;

senopiyā § tāta aninditaṅgiyo, khattiyakaññā paṭilobhayanti § naṃ.

327. Sace ahaṃ tāta tathā yathā pure, paṭiṃ tamuñchāya punā vane bhare;
sammānaye maṃ na ca maṃ vimānaye, itopi me tāta tato varaṃ siyā.

328. Yamannapāne vipulasmī ohite, nārī vimaṭṭhābharaṇā alaṅkatā;
sabbaṅgupetā § patino ca appiyā, abajjha § tassā maraṇaṃ tato varaṃ.

329. Api ce daliddā kapaṇā anāḥhiyā, kaṭāduṭṭiyā patino ca sā piyā;
sabbaṅgupetāyapi appiyāya, ayameva seyyā § kapaṇāpi yā piyā §.

330. Sudullabhitthī purisassa yā hitā, bhattitthiyā dullabho yo hito ca;
hitā ca te sīlavatī ca bhariyā, janinda dhammaṃ cara sambulāya.

331. Sace tuvaṃ vipule laddhabhoge, issāvatiṇṇā maraṇaṃ upesi;
ahañca te bhadde imā rājakaññā §, sabbe § te vacanakarā bhavāmāti.

Sambulājātakaṃ navamaṃ.

520. Gandhatindukajātakaṃ (10)

332. Appamādo (1.0397) amataṃ padaṃ §, pamādo maccuno padaṃ.
appamattā na mīyanti, ye pamattā yathā matā.

333. Madā pamādo jāyetha, pamādā jāyate khayō;
khayā padosā § jāyanti, mā pamādo § bharaṭūsabha §.

334. Bahū hi khattiyā jīnā, atthaṃ raṭṭhaṃ pamādinō;
athopi gāmino gāmā, anagārā agārino.

335. Khattiyassa pamattassa, raṭṭhasmiṃ raṭṭhavaḍḍhana;
sabbe bhogā vinassanti, rañño taṃ vuccate aghaṃ.

336. Nesa dhammo mahārāja, ativelaṃ pamajjasi;
iddhaṃ phītaṃ janapadaṃ, corā viddhaṃsayanti naṃ.

337. Na te puttā bhavissanti, na hiraññaṃ na dhāniyaṃ §.
raṭṭhe viluppamānamhi, sabbabhogehi jiyyasi.

338. Sabbabhogā pariṇṇaṃ, rājānaṃ vāpi khattiyaṃ §;
ñātimittā suhajā ca, na taṃ maññanti māniyaṃ §.

339. Hatthārohā anīkaṭṭhā, rathikā pattikārakā;
tamevamupajīvantā, na taṃ maññanti māniyaṃ.

340. Asaṃvihitakammantaṃ, bālaṃ dummantimantinaṃ;
sirī jahati dummedhaṃ, jīṇaṃva urago tacamaṃ.

341. Susaṃvihitakammantaṃ, kāluṭṭhāyiṃ atanditaṃ;
sabbe bhogābhivaḍḍhanti, gāvo sa-usabhāmiva.

342. Upassutiṃ mahārāja, raṭṭhe janapade cara;
tatha disvā ca sutvā ca, tato taṃ § paṭipajjasi.

343. Evaṃ vedetu pañcālo, saṅgāme saramappito §;

yathāhamajja vedemi, kaṇṭakena samappito.

- 344.** Jiṇṇo (1.0398) dubbalacakkhūsi, na rūpaṃ sādhu passasi;
kiṃ tattha brahmadattassa, yaṃ taṃ maggeyya § kaṇṭako §.
- 345.** Bahvettha brahmadattassa, sohaṃ § maggasmī § brāhmaṇa.
arakkhitā jānapadā, adhammabalinā hatā.
- 346.** Rattiñhi § corā khādanti, divā khādanti tuṇḍiyā;
raṭṭhasmiṃ kūṭarājassa, bahu adhammiko jano.
- 347.** Etādise bhaye jāte §, bhayaṭṭā tāta § māṇavā.
nillanakāni kubbanti, vane āhatva kaṇṭakaṃ.
- 348.** Kadāssu nāmayaṃ rājā, brahmadatto marissati;
yassa raṭṭhamhi jiiyanti, appatikā kumārikā.
- 349.** Dubbhāsitañhi te jammi, anattapadakovide;
kuhiṃ rājā kumārīnaṃ, bhattāraṃ pariyesati.
- 350.** Na me dubbhāsitaṃ brahme, kovidatthapadā ahaṃ;
arakkhitā jānapadā, adhammabalinā hatā.
- 351.** Rattiñhi corā khādanti, divā khādanti tuṇḍiyā;
raṭṭhasmiṃ kūṭarājassa, bahu adhammiko jano;
dujjīve dubbhare dāre, kuto bhattā kumāriyo.
- 352.** Evaṃ sayatu pañcālo, saṅgāme sattiyā hato;
yathāyaṃ kapaṇo seti, hato phālena sāliyo.
- 353.** Adhammena tuvaṃ jamma, brahmadattassa kujjhasi;
yo tvaṃ sapasi rājānaṃ, aparajjhivāna attano §.
- 354.** Dhammena brahmadattassa, ahaṃ kujjhāmi brāhmaṇa;
arakkhitā jānapadā, adhammabalinā hatā.
- 355.** Rattiñhi corā khādanti, divā khādanti tuṇḍiyā;
raṭṭhasmiṃ kūṭarājassa, bahu adhammiko jano.
- 356.** Sā (1.0399) nūna puna re pakkā, vikāle bhattamāhari;
bhatahāriṃ apekkhanto, hato phālena sāliyo.
- 357.** Evaṃ haññatu pañcālo, saṅgāme asinā hato §;
yathāhamajja pahato, khīrañca me pavaṭṭitaṃ.
- 358.** Yaṃ pasu khīraṃ chaḍḍeti, pasupālaṃ vihiṃsati §.
kiṃ tattha brahmadattassa, yaṃ no garahate § bhavaṃ.
- 359.** Gārayho brahme pañcālo, brahmadattassa rājino;
arakkhitā jānapadā, adhammabalinā hatā.
- 360.** Rattiñhi corā khādanti, divā khādanti tuṇḍiyā;
raṭṭhasmiṃ kūṭarājassa, bahu adhammiko jano.
- 361.** Caṇḍā aṭanakā § gāvī, yaṃ pure na duhāmase;
taṃ dāni ajja dohāma, khīrakāmehupaddutā.
- 362.** Evaṃ kandatu pañcālo, viputto vippasukkhatu;
yathāyaṃ kapaṇā gāvī, viputtā paridhāvati.
- 363.** Yaṃ pasu pasupālassa, sambhameyya § raveyya vā;
ko nīdha aparādhatthi, brahmadattassa rājino.

364. Aparādho mahābrahme, brahmadattassa rājino;
arakkhitā jānapadā, adhammabalinā hatā.

365. Rattiñhi corā khādanti, divā khādanti tuṇḍiyā;
raṭṭhasmiṃ kūṭarājassa, bahu adhammiko jano;
kathaṃ no asikosatthā, khīrapā haññate pajā.

366. Evaṃ khajjatu pañcālo, hato yuddhe saputtako;
yathāhamajja khajjāmi, gāmikehi § araññajo.

367. Na (1.0400) sabbabhūtesu vidhenti § rakkhaṃ, rājāno maṇḍūka manussa-
loke.

nettāvatā rājā adhammacārī, yaṃ tādisaṃ jīvamadeyyu

dhāṅkā.

368. Adhammarūpo vata brahmacārī, anuppiyaṃ bhāsasi khattiyassa;
viluppamānāya puthuppajāya, pūjesi rājaṃ paramappamādaṃ §.

369. Sace imaṃ brahme surajjakaṃ siyā, phītaṃ raṭṭhaṃ muditaṃ § vip-
pasaṇṇaṃ.

bhutvā baliṃ aggapiṇḍaṅca kākā, na mādisaṃ jīvamadeyyu dhāṅkāti.

Gandhatindukajātaṃ dasamaṃ.

Tassuddānaṃ-

Kimchanda kumbha jayaddisa chaddanta, atha paṇḍitasambhava sirakapi;
dakarakkhasa paṇḍaranāgavaro, atha sambula tindukadevasutoti.

Tiṃsanipātaṃ niṭṭhitaṃ.

Jātakapāliya paṭhamo bhāgo niṭṭhito.